



Early European Books, Copyright © 2012 ProQuest LLC
Images reproduced by courtesy of the Biblioteca Nazionale Centrale di Firenze.
CFMAGL 1.7.324






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.324



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.324





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.324

1.7.324

XV.
SINIBALDI
1640

N.7





HIPPOCRATIS
ANTIPHONA

I O. BENEDICTO
SINIBALDO
AVCTORE.

HIPPOCRATIS
ANTIPHONA

IO BENEDICTO
SINIBALDO
AUCTORE

HIPPOCRATIS COI
MEDICORVM PRINCIPIS
ANTIPHONON.
LIBRI QVINQVE.

In quibus celebriores, & à nemine consultò adhuc enarratæ,
eiusdem contradictiones hinc, illinc exantlatæ
referuntur, expendantur, conciliantur.

OPVS NIMIRVM

Hippocraticæ doctrinæ studiosis apprime necessarium.

AUCTORE

IO. BENEDICTO SINIBALDO

In Urbis Archilyceo Medicinæ Practicæ Professore ordinario,
ac totius Ecclesiasticæ Ditionis anno Iubilei

PROTOMEDICO GENERALI.

AD EMINENTISS. AC REVERENDISS. PRINCIPEM

FEDERICVM

S. R. E. CARD. SFORTIAM.



ROMÆ, Typis Ludouici Grignani. M. DC. L.

SVPERIORVM PERMISSV.

HILBERT ATLAS CO
NEW YORK
1880

JOHN BENEDICTO SIMBALDO
FEDERAL
A. R. CARL



EMINENTISS. AC REVERENDISS. PRINCIPI

F E D E R I C O
S. R. E. CARD. SFORTIAE
EPISCOPO ARIMINENSI.

Ioannes Benedictus Sinibaldus perpetuae felicitatis omen.



Quarantalij, Eminentissime Princeps, cui
possint, ac debeant suas lucubratio-
nes auspiciò dicare: mihi enim quæ-
rendum potius, quid operis elaborati
clarissimo tuo nomine non indignū
cedere, & offerre valeam. Eloquar
clarius. Desunt nōnullis Mæcenates,
quibus ingenij sui fœturas meritiò nuncupent; mihi tutela-
ris instar Numinis, nedum Mæcenatis cū tu sis, FE-
DERICE amplissime, dolendum, potius, meorum stu-
rum valde exilem existere messem, frugesque non
bene saturatas; fortè etiam haud examissim tritura-
tas, cribratasque, ideòque ad oreum fieri minùs di-
gnum, minùsue iucundum: *Sed farre litant, qui mola ne-
queunt;* nec datur cunctis hecatombe sacrificare Dijs. Ac
verò non minùs est heroicæ magnanimitatis argumen-
tum; alios amplissimis ditare muneribus, quàm a paupe-
re manulevia munuscula hilari fronte excipere; tametsi
nec inops censenda vnquam erit manus, si comes fiat in-
gens, ac locuples animus, quem hercè nullis sinibus in-
me coarctatum, sed in obsequio, & amore erga te inter-
minum existimes, velim. Porro cur mea, quæcunque
sint, opuscula, Princeps generosissime, tibi debeantur vni,
Vrbi, & Orbi sit notum, perspectumque esse, reor. Nam
quot, quantisque in primis beneficijs me deuinxeris, at-

-II

a 3

que

que in posterum maioribus deuincturum pollicearis, vix
 lingua exprimere, vix calamus exarare valeat: quanti me
 feceris, vix alius credat: quibus honoribus me cumulaue-
 ris, ignorat nemo. Nempe non modò me in tuæ salutis
 custodem elegisti, & cùm Procatinerarij officio fungeba-
 ris, in Archiattrorum Collegio Vicesgerentem præposui-
 sti; sed filium insuper natu maiorem immaturæ adhuc
 ætatis à secretis aduocasti. Ceterùm cùm iamdiu cogita-
 rem nomini meo haud prorsus in Vrbe obscuro splendo-
 rem adijcere, id vix aliunde, quàm à fulgentissimo gloriæ
 tuæ iubarē consequi posse, arbitratus sum: quem enim
 latent, *præstantissime Princeps* (vt omittam stemmata
 gentilitia, atque Auorum præclara facinora toto Orbis
 conspicua) quæ tua sunt, ingenium, prudentia, animi forti-
 tudo, in læta fortuna modestia, in tristi constantia, fides,
 ingenuitas, ac munificentia, quibus ceteræ omnes heroi-
 cæ virtutes stabili iunguntur fœdere, ac perpetuo nupse-
 runt vinculo, vt pleno testantur ore, totisque venerantur
 animis Auenionenses Populi, apud quos ante purpuram
 tot annos Vicelegatum egisti? Quæ rursus pietas, qualis
 integritas, morumque suauitas in te vigeant, experiuntur
 in dies non sine beneficiorum cumulo Ciues Ariminenses,
 quibus Episcopus diuina prouidentia datus fuisti. Quan-
 ta denique vel apud Reges æstimatio tui sit, Hispaniarum
 Monarcha nuper aperuit, dum te vnum in Sicilia Archi-
 mandritam elegit, coronæ, ac Regno nouum sidus adij-
 ciens. Patiaris itaque, vt Hippocratis Antiphona meis la-
 boribus expensa, & conciliata nomini inscribantur tuo,
 vt inde plus auctoritatis liber obtineat, minus audaciæ cri-
 tici asciscat, imò deterreatur SPORTIÆ nomine omnes,
 qui superciliosè aliena opera intuentur. Interim perenni,
 ac supplici voto Cælites rogo, vt te diu sospitent mihi,
 Romæ, Amicis omnibus. Vale.

LE-

LECTORI CANDIDO.

PHILOMVSO POTIVS, QVAM PHILOMISO.



N iterum, Philiaater, in Apollinis, & Aesculapij theatrum prodeo, longè tamen aliam acturus personam, seriùs interlocuturus, frontemque grauiorem explicaturus; nec mirari contingat; quippe ut Seneca in Thebaide:

propria describit Deus
Officia, & æuum suos ducit gradus:

Læticia iuuenem, frons decet tristis senem.

Olim Geneanthropologum agens omnium aures blando poppysmate delinivi: genios aphrodisia mulcedine satis oblectavi: doctrina promiscua eruditorum animos affatim paui: ideòque plauserunt cuncti. At hodie quam scenam agerem, quodue argumentum reuoluerem, diu cespitavit animus, qui tamen gliscebatur aliquatenus eundem soccum induere, primænamque referre personam, atque adeò Geneanthropice alteram partem, quæ impatienter expectari sciebam, in publicam lucem retexere, ac promulgare. Atqui tamen alia ex parte rationi valde consonum videbatur, ut qui semper Hippocratem in Urbis Athenæo, & Academijs professor eram, aliquid Hippocraticæ maiestatis dignum in Aesculapidi Choro proluderem. Verum enim verò dum incerto hæc animo reuoluebam, fortè in Hippocratis illam sententiam ex libro de alimento incidi: Consonans dissonans est: Dissonans consonans est. Inde Musici personam asciscere,

2 4 imò

imò & cantus Magistri partes agere, qui dissonas voces ad con-
 centum reducit, necum ipso decreui. Hem quid metaphoris utor,
 & enigmaticè loquor? Hippocratis antilogias, siue discordes
 quæ videntur, sententias intonare, & ad synauliam reducere
 curæ pretium existimaui. Animum tamén, fatear, deterruit
 non parum provincia laboriosa: quandoquidem necessarium fu-
 turum fore, illico mente concepì, ipsius Hippocratis vniuersos li-
 bros consultò, & $\phi\iota\lambda\alpha\lambda\acute{o}\gamma\omega\varsigma$ perlustrare: singula dogmata foecundo
 memoriæ penitus committere: sententias examussim expendere: tex-
 tus dissonos inter se conferre: Varias translationes, aut $\omega\delta\eta\gamma\gamma\alpha\tau\acute{\alpha}$
 eis obseruare; & ex tenebris tandem veritatis lucem exanulare,
 ipsam Præceptoris mentem assequi, eundemque mox ab omni con-
 tradictionis crimine vindicare. Laborem nihilominus lubens ini-
 ui, arduamque provinciam suscepi alacer, ratus, fore ut ubi-
 que gentium resonatura esset Hippocratis Antiphona, omnium.
 que auribus, & animis vocum dissonantium symphonia incun-
 da, & plausibilis futura foret. Sed me hercle vereor, ne scopum,
 ut spes erat, attigerim; siquidem publicis lectionibus, agro-
 tantium iugibus curis, animique diuturnis quibusdam, acerbis-
 que perturbationibus distractus, & præsentis muneris in primis
 arduis, innumerisque implexus negocijs, ijs maxime, quæ ex tota
 S.R.E. ditione Generali Proto-medico hoc præsertim anno incum-
 bant, vix unquam horulæ spatium nancisci licuit; quo non di-
 cam expolire, aut exornare primam, rudemque calami foeturam
 potuerim; sed vix erudere, inque ordinem aliquem redigere,
 atque ex oreo ad lucem eruere fas fuerit. Quamobrem sublimia
 numina testor, quòd liber hic prodit mea non parum reclamante
 minerva, ut quæ subtiliorem limam adhibere, atque rubiginem
 omnem exterere nequirit. Id Verò animum solatur meum,
 quòd nimirum si beneuolus, aut saltem non $\phi\iota\lambda\acute{o}\phi\omega\varsigma$, & $\phi\iota\lambda\acute{o}\mu\omega\varsigma$
 lector erit, Hippocratis hæc antiphona, ut simpliciter inuenta,
 nedum ut pura, solidaque doctrina referta æqui, bonique consue-
 let: Sin minùs, ringet, obtreclabit, obstringillabit, licet un-
 dique

dique leuigata, atque numeris omnibus absoluta, & exornata
prodirent. Caterum id mihi ad calcem summè dolendum est, quòd
ubi typographi errores in toto opere nec multi, nec intolerabiles
erant, iniqui, scelestique chalcographi plures, & enormes exi-
stunt, dum dictiones plurimæ litteris suis defraudantur, quas
tamen oculus, & iudicium supplere debet. Vale.

Imprimatur, Si videbitur Reuerendiss. P. Mag. Sacr. Pal. Apost.

A. Rinaldus Vicesg.

Reuereudissimi Patris Sacr. Apost. Pal. Magistri mandatis
obsecutus, librum hunc, cuius inscriptio est HIPPOCRA-
TIS ANTIPHONA, Auctore D. Ioanne Benedicto Sinibaldo
Protomedico Generali, ac viro vndeque doctissimo perlegi,
& examinaui, multumq; in eo doctrinæ, qua plurimum prodesse,
nihil impietatis, qua vel quoad fidem, vel quoad mores Lectori-
bus obesse possit, reperi. Ita testor.

Paulus Zacchias Medicus.

Imprimatur.

Fr. Raimundus Capizucchus Soc. Sacr. Pal. Apostol. Magist.
Ord. Prædic.

ANA-



ANACEPHALEOSIS ANTIPHONIARVM,

Quæ in singulis Libris continentur.

IN LIBRO PRIMO.

- I. **D**E numero dierum, quibus foetus intra
uterum plasmat. *ur.*
- II. Foetus intra uterum an per os, an verò per
umbilicum nutriatur.
- III. Sit ne Cerebrũ, an Cor mentis humanæ sedes.
- IV. Cor frigidum, an calidum existat.
- V. Sit ne sanguis natura calidus, nec ne.
- VI. Bilis, an sanguis calidior sit.
- VII. Vir, an mulier sit calidior.
- VIII. Venæ Puerorum sint ne tenues, an amplæ.
- IX. Potus an ad pulmonem delabatur.
- X. Naturæ cognitio sit ne Medico necessaria.
- XI. An bilis, an pituita producat. *ur.* à pinguibus.

IN LIBRO II.

- I. **M**Orbi cognitio an sit ad curationem ne-
cessaria.
- II. Siernutamentũ deorsũ trudas, an sursum trahat.
- III. Ictericici an fiant flatuosi.

Re-

- IV. Renum dolor grauis sit, an acutus.
- V. Caluitium fiat ne à pituita, an à bile.
- VI. Epilepsia à quanam causa excitetur.
- VII. Ad lapidis generationem in vesica quæ nam ætas aptior sit.
- VIII. Febres ardentes æstate, an hyeme fiant magis.
- IX. Quartana à quo producatetur humore.
- X. Senes, an iuuenes ægrotent magis.
- XI. Epidemicorum, & Sporadicorum morborum quæ sit causa.
- XII. Capitis vulnera hyeme, an æstate sint deteriora.
- XIII. Conuulsioni febris, an febre conuulsio superueniens salutaris.
- XIV. Pleuritidi superueniens peripneumonia melior, an deterior.
- XV. Pleuritidi superueniens alui fluxio an utilis.
- XVI. Sputum tenue, an crassum in peripneumonia reddatur.
- XVII. Qui acidum eructant, an pectoris morbis fiant obnoxij.
- XVIII. In hypochondriorum dolore an febris superueniens bona.
- XIX. Icterus ante septimam diem an semper perniciosus.
- XX. In hydrope an cõducatur, vètrè aqua impleri.
- XXI. Nigræ deiectiones bonæ, an malæ sint.
- XXII. Lienosis dysenteria an salutaris.
- XXIII. Excrementorum mutationes in dysenterijs
an

an meliores.

XXIV. Aeruginosus vomitus an utilis in Nephritide

XXV. Arenæ in urinis an vesicæ, an renum calculum significant.

XXVI. Hemorrhoides an tuto omnes sanari possint.

XXVII. Menstrua purgatio intercepta an post sex menses sit curabilis.

XXVIII. In febre ardente nū alui turbatio bona sit.

XXIX. Urinæ hypostasis rubra, an alba cristm. in febribus prænunciet.

IN LIBRO III.

I. R Emediorum immutatio in morbis an conveniat.

II. Extrema extremis morbis remedia an conveniant.

III. Debili, aut forti morbo debilia, an fortia medicamenta conveniant.

IV. An purgare liceat usque ad animi deliquium.

V. Purgatio an per loca, ad quæ natura vergit, sit celebranda.

VI. Per proximam, an per remotam partem evacuationo celebrari debeat.

VII. Purgationis opportunum tempus quod sit, in morbis præsertim acutis.

VIII. In hyeme per vomitum, an per secessum purgandum.

IX. Ante vomitum ex elleboro inedia, & motus, an potius cibus, & quies conveniant.

In

- X In dolore capitis purgatione, an sanguinis
missione agendum.
- XI. Vertiginosos an conueniat purgare.
- XII. Convulsioni conferat, an officiat frigida:
- XIII. In aurium dolore emetica, an deiectiona con-
ferant.
- XIV. In ophthalmia pharmacum an conueniat.
- XV. Tabidi per superiora, an per inferiora pur-
gari debeant.
- XVI. Melancholici per vomitum, an per secessum
sint purgandi.
- XVII. Splenicis an conducat lac, & serum.
- XVIII. Lienosis vomitus an utilis:
- XIX. Purgatio ictericis an conueniat.
- XX. Vomitus in dysenteria an bonus.
- XXI. Lachryiosis excretionibus, & flatulentis vi-
sceribus an conueniat.
- XXII. Lac febricitantibus an conferat.
- XXIII. Interitiana qua die sit exhibendum phar-
macum.
- XXIV. In quartana qua die purgandum.
- XXV. In articulorum doloribus quando purgans
medicamentum propinari debeat.
- XXVI. Frigida quibus paribus inimica.
- XXVII. Gurgulionem tumentem, seu inflamma-
tum an secare liceat.
- XXVIII. In Pleuritide an sit minuendus sanguis.

IN

IN LIBRO IV.

- I. **A** Er, seu ventus, & aqua num nutrire valeant.
- II. In hyeme, an verò in æstate plenior cibus assumi debeat.
- III. Semel, an bis in die cibum sumere magis expediat.
- IV. Cibum in principio morbi num offerre liceat.
- V. An liceat in morborum augmento cibum exhibere.
- VI. An liceat in febrium accessione ægrum nutrire.
- VII. Salsa, & pinguis in morbis pectoris an adhibenda.
- VIII. Cucurbita refrigeret, an calefaciat.
- IX. Sit ocymum, & coriandrum calidum, an frigidum.
- X. Potus calidus, an frigidus in febribus conveniat.
- XI. Vinum, an aqua in febribus conveniat.
- XII. Vinum in capitis dolore an liceat exhibere.
- XIII. In lethargo an sit exhibendum vinum.
- XIV. Dulce, an austerum vinum in morbis pectoris conferat.
- XV. Vinum album, an nigrum hydropicis conferat.
- XVI. Vinum dulce an in diarrhœa curanda conveniat.


- XVII. Vinum dulce num urinam ciat.
 XVIII. Calculosæ vesicæ quale vinum utile, vinosum, an aquosum.
 XIX. Vinum vinosum, & meracum reficiat, an debilitet eos, qui à morbo conualescunt.
 XX. Vinum, & lac simul assumere num expediat.
 XXI. Somnus calefaciat, an refrigeret.
 XXII. Somnus visceribus, an carnibus calorem au-geat.
 XXIII. Salita an aluum moueant.
 XIV. Frigefacientia num subducant aluum.
 XXV. Lens moueat, an sistat aluum.
 XXVI. Vomitus an sistat, an moueat aluum.
 XXVII. An in febribus liceat cibus, ac sorbitionibus aluum ducentibus vii.

IN LIBRO V.

- I. **A** Nni tempora quot sint.
 II. **A** Sicca anni constitutio an sit salubrior.
 III. Peripneumonia à quanam causa excite-tur.
 IV. An ad calculum educendum liceat Medico sectionem moliri.
 V. An liceat Medico ad efficiendum abortum mulieri medicamentum offerre.
 VI. Vulneratis summa inedia an sit præscri-benda.

Vlce-

- VII. *Vlcera an sint humectanda vino.*
VIII. *Vesicæ discissio, ac vulneratio an sit le-
talis.*
IX. *An liceat suæ artis ostentationem facere.*
X. *Lepra, & impetigines fiant ne à pituita, an
ab atra bile.*
XI. *An Medicus cum ægotantibus de mercede
conuenire debeat.*
XII. *Fœtus intra uterum quem situm habeat.*
XIII. *Hippocratis quedam symbola potius, quàm
Antiphona recensentur.*



HIPPOCRATIS COI MEDICORVM PRINCIPIS ΑΝΤΙΦΩΝΩΝ LIBER PRIMVS.

*Qui continet ea, quæ ad res secundum naturam
spectant.*

PROCATASCEVE.



VAE referuntur ex Hippocrate, & expen-
duntur hic serid antilogia, Lector Philiatre,
quamuis nulla serie apud ipsum inuenian-
tur, sed hic illic sparsim lectitentur multige-
na continentes dogmata: opera pretium ta-
men me facturum existimaui, si easdem sub
vexillum aliquod redigerem, atque ordine
quopiam dirigerem. Quamobrem ea pror-
sus uti libuit methodo, quæ apud rei medicæ
Neotericos auctores vsurpari consuevit; ut nimirum primò res quæ
κατὰ φύσιν, mox verò, quæ παρὰ φύσιν sunt, recenseantur, enar-
rentur; siquidem ut est omnis habitus prior priuatione, ita salubris
constitutio insalubri natura præit. In hoc itaque primo libro Anti-
phona, quæ ad Physiologiam, in secundo, quæ ad Pathologiam, eiusq.
sodales inseparabiles Aethiologicin, atque Symeoticin; in tertio,
quæ ad Therapeuticin; in quarto, quæ ad res non naturales perti-
nent, enucleabo; in quinto demum miscellanea quædam com-
ple-

A

ple-

HIPPOCRATIS COI

plectar, eritque omnibus numeris absolutum Hippocratearum, contradictionum pentateuchon. Enimvero ut in cultis, & elaboratis hortulis iucundius offerunt spectaculum topiaria, ac frutices in certum, atque elegantem ordinem digesti, quam agrestes in montanis arbores nulla serie, ac venustate distinctæ; ita hasce meas, aut Hippocratis potius, dissonas, & non gregales sententias gratus lectum iri arbitratus sum, si certa quapiam disponderentur serie, & ad *ἰταλιν*, siue dicas cohortem redigerentur aliquam. Hæc interim summi Vatis antiphona, imò vnius oracula Pythiæ, utcumque meo de tripode reddantur, boni consulis Lector candide; optarem tamen, ut qui lecturus es, Asclepiadis mysta, & Hippocratis doctrinæ bene consultus fores; nam sentio cum Diuo Hieronymo in Epistolis, felices fore artes, si de illis soli artifices iudicarent. Sed in arenam iam.

ANTIPHONIA PRIMA

*De numero dierum, quibus foetus intra uterum
plasmatur.*

T H E S I S.

Concepto in utero parentum semine, quot dierum spatio embryo distinguatur, atque membris conformetur, libro de alimento magnus Hippocrates tanquam sub enigmatibus his verbis explicat. *Ad figurationem Soles triginta quinque, ad motum septuaginta, ad perfectionem ducenti, & decem: alij tradunt. Ad formam quadraginta quinque, ad motum septuaginta sex, ad exitum ducenti, & decem: alij sic. Ad formam quinquaginta, ad primum saltum centum, ad perfectionem tercenti. Alij sic. Ad discriminationem quadraginta, ad transitum octuaginta, ad elapsam ducenti, & quadraginta: Et est id prorsus, quod secundo Epidemiorum sect. i. i. dixerat: Labores in circuitibus, quicquid in septuaginta morietur, triplicato perficitur. Quam eandem sententiam vi. Epidemiorum sect. vi. i. repetitis verbis confirmat. Quin etiâ primo de dicta numero xxi. rem luculentius definit, ubi sic: Non autem in æquali temporis spatio omnes fetus exornantur, sed alij citius, alij tardius,*

dius, prout singuli & ignem, & alimentum fuerint nati; aliqui itaque in quadraginta, & tribus diebus scaturiunt, ac formantur, aliqui in quatuor mensibus. Adhuc libro de natura pueri numero XIV. legitur: Nam, & secundum rationem, & necessitatem articulatio contingit, in femella in diebus quadraginta duobus, in masculo in triginta. Aristoteles tamen VII. de historia animalium quadraginta tantum dies in femellis determinat. Rursus Asclepias noster eodem ipso de natura pueri num. XII. naturæ id opificium cōprobat coniecturam ducens à dierum paritate articulationis, atque purgationis à partu: ipsum audiamus. *Hæc propterea produxi, ut ostenderem, quod in pueris membrorum discretio longissima contingit, in femella in quadraginta duobus diebus, in masculo in triginta; argumento est purgatio à partu, quæ in femella fit in quadraginta duobus diebus, in masculo in triginta ut tardissime contingit.* Et hæc eadem numero X. eiusdem libri ipsdem penè verbis scripserat; nec mirum si eundem sermonem repetat, quoniam, ut ipse ait, id facit maioris lucis, & declarationis gratia. Quid moror? libro quoque de septimestri partu numero VI. cum dixisset, quod quadragenarij primum in foetibus iudicant, hæc subdit. *Hoc autem tempore præterito foetus fortiores sunt, & ipsorum corporis per singula membra discretio fit.*

Ex his modo Hippocraticis oraculis nonnulli quadraginta dierum terminum conformationi definiunt, videlicet sex dies spumificationi, ut loquuntur, quatuor lineationi, octo lineationis repletioni, quatuor, & decem carnificationi, decem, ac tres denique efformationi. At alij sex dies spumificationi concedunt, duos lineationi, quatuor lineationis repletioni, nouem carnificationi, totidemque efformationi: vnde carmen.

Sex in lacte dies, tot sunt in sanguine terni,

Bis seni carnem, ter seni membra figurant.

Ceterum Hippocratis hæc doctrina à priori probari nequit; sed à posteriori satis; quandoquidem abortus, qui ante hos dies accidunt, nullam penè configurationem præferunt, sed veluti rudes, & informes materiæ effunduntur; vnde Hippocrates libro de septimestri partu, & post eum Aristoteles libro de historia animalium alibi relato hos non abortus, sed effluxus appellari debere, monent; quod libro de natura pueri experimento confirmat Magister inquit. *Multe autem mulieres puerum masculum iam perdidit paulò ante trigesimum diem, & inarticulatus apparuit; qui verò posterius perdit sunt, aut simul cum trigesimo die omnes articulati apparuerunt.* Quamobrem embryones huiusmodi ante quadage-

A 2

simam,

simam, vel saltem trigesimam quintam diem cum aptis careant li-
neamentis, & organis, omnique destituantur figura, animam,
quæ est corporis organici actus, neutiquam recipiunt, atque adeo
nec dum vitam habere propriam dici possunt. Et sanè huc perti-
nere videtur illud Moysis in Exodo cap. xxi. *Si autem pugnaverint
duo viri, & percusserint mulierem in ventre habentem, & egressus fue-
rit infans eius non figuratus, damno damnatus erit secundum quod im-
posuerit Vir mulieris, & dabit cum postulatione, si autem figuratus
fuerit, dabit animam pro anima.* Quod autem isthæc figuratio sta-
tuto superius tempore contingat, colligitur ex eiusdem veteris re-
stanti lege, qua mulieres, quæ masculum edidissent quadra-
ginta diebus, quæ feminam octuaginta arcebantur à templo, qua-
si ad imitationem dierum, quibus intra uterum mas, aut femella
effingitur, atque anima informatur.

AN T I T H E S I S.

AT verò libro de carnibus, siue de principijs (aptiori apogra-
pho) numero xx. e diametro opposita sententia registra-
tur; dicitur enim sic. *Porrò vita hominis septem dierum est,
primum etenim, postquam genitura in uteros peruenit, in septem diebus
habent, quacunque corpus habere debet.* Subscripsit Aristoteles vi i. de
historia animalium cap. i i i. vbi hæc: *Si semen in septimum diem intus
permanserit, conceptum esse iam certum est.* Marcus etiam Varro, ut
Gellius i i i. noctium Atticarum cap. x. refert, aiebat. *Cum in ute-
rum mulieris genitale semen datum à primis septem diebus conglobatur,
coagulaturque, fitque ad capiendam formam idoneum.* Ita etiam Pli-
nius x. natural. hist. cap. lxxii. *Et mulier septima die concipere fa-
cillimè creditur.*

Hanc thesim probare studet Hippocrates certissimo experimen-
to, quo palàm fit, carunculas, quæ factæ intra hoc spatium abortu,
reieciuntur, si in aqua dissoluantur, omnium membrorum deli-
neationem referre. Ipsum loquentem Pythiam auscultemus.
*Mirari autem quis possit, quomodo id sciam, verum multa ego vidi hoc
modo. Meretrices publicæ, quæ sæpius de se ipsis periculum fecerunt,
ubi cum Viris rem habuerint, sciunt, quando in ventre concipiant, &
postea conceptum intra se perdunt: Postquam autem iam perditus est,
elabitur veluti caruncula. Hanc carunculam in aquam coniectam si
conspicatus consideraeris, omnia membra habere reperies, & oculorum
regiones, & aures, & manus, & manuum digitos, & crura, & pedes,
& pe-*

ANTIPHONON LIB. I.

& pedum digitos, & pudendum, & reliquum totum corpus manifestum.

Sententiæ veritatem plurimis indicijs firmare contendit Hippocrates, quem propterea mirari subit, quando is natura potius *βραχύλογος* aphorismos, ac dictamina sua multis astruere, ac suadere non solet, verum tanquam firmissima dogmata breuiloquio proponit: ut idè arbitrari fas sit, eum consultò ita hic agere, ut nimirum sicuique fortè apologos, credituue difficilis isthæc assertio videretur, ut plerisque futuram fore prælagiebat animo, coniecturis, & propositis experimentis insinuetur.

Eodem igitur libro de principijs paulò infra duo alia iacit conclusionis fundamenta, quorum primum est. *Quod verò vita hominis septem dierum sit, etiam hoc manifestum redditur. Si quis in septē diebus nihil edere, aut bibere velit, plerique quidem in ipsis moriuntur; sunt autem, qui ipsos transmittunt, & tamen moriuntur.* Et hanc ob causam existimare fas est, Deum Optimū Maximum Danieli intra leonum lacum diuersanti sexta die cibum misisse, ne si septimam attigisset, fame contabuisset; nam, ut Vallesius sapientissimè animaduertit, Deus quoque vel in ijs, quæ miraculosè agit, naturæ quamdam seruat rationem, ne multiplicentur sine necessitate miracula. Cæterum Publius Sextius Baculus, teste Cæsare lib. vi. de bello Gallico, æger in præsidio relictus ad sextum vsque diem sine cibo vixit: quin etiam Philo Iudæus libro de vita contemplatiua scribit, Patres illos primæuos in Eremis, qui extremis ieiunijs se ipsos macerabāt, ad sextum tantum diem ieiunium produxisse, ultra quem terminum nunquam processisse, gnaros non potuisse ultra vitam seruari. Altera sententiæ hypothesis ita apud eundem Hippocratem edicitur. *Sed & ex hoc coniectare licet, hominis vitam septem dierum esse: Puer septimestri partu natus pro ratione natus est, & viuit, & rationem talis habet, & numerum ad hebdomadas, ac septenarium exactum: Octimestris autem natus nullus unquam vixit: nouem ærò mensium, & decem dierum partus fit, & viuit, & habet ad hebdomadas numerum exactum; quatuor enim denarij hebdomadam dies sunt ducenti, & octoginta. In denarium autem hebdomadam septuaginta dies incurrunt. Habet autem, & septimestris partus tres denarios, sue decadas hebdomadam, & in vnaquaque decade septuaginta dies: tres verò hebdomadam decades ex toto sunt dies ducenti, ac decem.*

Sed postpositis his, quæ Pythagoricis numeris consonare videntur, adducatur in medium ex eodem Hippocrate historia psaltriæ illius mulieris, quæ cū vtero concepisset nequam, & eiusdem

consilio septies exiliisset, effluxit genitura sex dierum; cuiusmodi autem esset, & quam formam sub id temporis recepisset; ita libro illo de natura pueri litteris exaratur. Qualis autem erat, ego referam: veluti si quis ova crudo externam testam circumcirca adimat, in interna verò pellicula inclusus liquor pellucescat: modus quidem talis erat, & ut abundè dicam, ruber erat liquor, & rotundus; in pellicula verò fibra quædam alba, & crassæ inesse videbantur cum cruore crasso, & rubro obuolutæ: circum autem pelliculam foris cruenta vestigia infar sugillatorum: iuxta medium verò tenue quid eminebat, quod mihi umbilicus esse videbatur, & per illum sanè spirationem extrâ, ac intrâ primum facere apparebat: quin & pellicula genituram ambiens, & complectens tota ex illo tendebatur. Iam si sex dierum genitura tam euidentis formationis insignis, seu rudimentum susceperat, existimare licet, quòd in septima die, cui magna vis in rebus, omnibus inest, cuncta in embryone membra delineentur, atque partes omnes certo ordine, situ, ac magnitudine conspicuè definiantur, ideoque bene decernatur à magno sene, vitam nostram septem dierum esse. Quòd autem septima dies ad exprimendum, delineandumque foetum plus valeat, quàm sex præcedentes dies, id mirum videri nemini debet, cùm in iudicandis morbis præcipuos illos dies, quos criticos vocant, valere, & minimè alios, certo experimento didicerimus: quòd fortè collimauit Præceptor, cùm libello de septimestri partu dicebat: *Venùm enimuero Embryonum conceptio, & abortus, & partus mulieribus in eo tempore iudicantur, in quo & cunctis hominibus morbus, sanitas, & mors.*

SYNCATATHESIS.

TAm patens antitheton sic reddetur symphonon. Libro illo de alimèro de Embryonis integra articulatione, ac perfectâ discriminatione Præceptor loquitur. At in opusculo de principiis non de foetus formatione, sed de seminis conceptione, quæ septem dierum spatio ad summum fieri solet, verba facit: Quippe, ut septimo de hist. animal. cap. 111. Philosophus habet: *Si semen in septimum diem intus permanserit, conceptum iam esse certum est.* Quæ ratione Hippocrates libello de septimestri partu asserbat, abortus plurimos intra dies septem fieri: quare si intra hoc spatium semen, haud effluat, vita incipit illius foetus, atque adèd bene astringitur, vitam hominis septem dierum esse. Enimuero non statim, atque effusum est intra uterum semen, sit conceptio: aliud est enim semen

men comprehensum; aliud conceptum esse; ad conceptionem requiritur vtriusque genitura perfecta mixtio, & in vnum locum vnio, atque virtutum excitatio ab vteri facultate; quod sanè non potest momento contingere, sed ad septimum vsque diem, quoad summum extendi potest huiusmodi operatio, alioquin seminis effluxio contingere debeat. Porro seminis à viri coitu temporaneam conceptionem probant nonnulli efficaci sacrae Paginae auctoritate; primo namque Regum cap. primo refertur, Annam ab Elcana Viro suo cognitam post aliquot dies concepisse. Verba sunt: *Cognouit autem Elcana uxorem suam, & recordatus est eius Dominus, & factum est, post circulum dierum concepit Anna, & peperit filium.* Et in hanc sententiam conueniunt Vatablus, Abulensis, & Pagninus; & ex his egregie Federicus Bonauentura libro ix. de octimestri partu cap. xi. censuit (paradoxon alicui videri poterit) conceptionem vel etiam post Viri mortem fieri posse, si nimirum ille paulò post moriatur, aut interimatur. Vide Alphonsum à Caranza lib. de partu cap. primo de conceptione, vbi ad hæc plura.

Quantū verò differat prima *καταγερσις*, siue delineatio à completa formatione, pictorum exemplo appositè ostendam. Etenim cum venustam imaginem pictor eximius efformare cupit, ante omnia in tela, creta, oleoque congruè obducta rudi penicillo, absque vllò tamen colore, membra omnia susque, deque designat, eorumque magnitudinem, proportionem, atque debitam distantiam solis lineis; iisque subscuris effingit; mox unicuique parti formam suam, decus, atque figuram exhibet, vt iam apparere incipiat Idolum numeris omnibus distinctum, & elaboratum: Indè aptiori peniculo viuis coloribus idem imbuat, luminibus ornat, aut umbris opacat, ac demum, quam potest maximam venustatem, ac decorem appingit. Ita prorsus sedula pictrix Natura septem primis diebus in concepto semine corporis vniuersa delineat stamina; disponitque ex ordine situm, distantiam, numerum, ac proportionem, sed obscure valdè, ac rudi opera, vt non nisi lynceo oculo, & accurata speculatione percipi queant. A septima verò die vsque ad trigessimam, vel quadragessimam delineatas antea partes elaborat, conformat, mangonizat, atque omnibus oculis distinctas offert: toto demum reliquo tempore vsque ad decimum mensem perficit, implet, ornat, vt in lucis theatrum honestè prodire valeat. Quòd si dicas in septem dierum abortu, tametsi accuratè intrà aquam, vt facit Hippocrates, conspicemur, nullum tamen articulationis apparere vestigium; respondeam, Hippocratem obseruasse

abortus illos à meretricibus arte paratos, ut primum expleti fuerant, quomodo seruantur adhuc primæua articulationis rudimenta; at quos nos videmus abortus, cum prius intra vterum remorentur diu, ibidem præ vligine nimio affluente sanguine, corrumpuntur, vnde perit membrorum delineatio, obruiturque naturæ inchoatum plasma. Bene quidem, inquires, at qua ratione dicitur Hippocrati: *Vita hominis septem dierum est*? Intra breue hoc spatium hominis vitam non viuunt embryo, neque tam informes particule, tamque ruditer delineata organa animam intellectuam sunt excipere apta; illa enim est verè organici corporis actus; at nequit adhuc informe illud corpusculum organicum dici. Tantæ difficultati satisfaciam, si dixerim, animam esse quidem organici corporis actum, at necessarium non esse, ut isthæ organa sint perfectè elaborata, atque vndequaque absoluta; quandoquidem ipsa superueniens anima deinde perficit, & adamussim absoluit: quinimò ad vegetatiuam præsertim animam excipiendam pauciora, ac penè informia organa sufficiunt, cuiusmodi sunt in plantis breues, ac simplices radicum pediculi, & in plerisque etiam insectis, maximèq. in vermiculis nullus, aut saltem exiguus organorum apparatus exigitur ad animæ hospitium. Cæterum vita eo loci apud Hippocratem non est sumenda in actu secundo, sed in actu primo; vita in actu secundo est ipsa animæ operatio; in actu primo est sola præsentia animæ in corpore, & hæc vita, non autem prima septem dierum termino in foetu recipitur. Porro licet semen ex meliorum sententia verè animatum non sit, animam tamen saltem vegetatiuam recipere aut statim, aut non multò post, quam in vtero concipiatur, utique rationi consonat; quippe prima illa membranæ productio, atque etiam nutritio, & magis illa rudis membrorum delineatio, opus est formatricis Virtutis, quæ, nisi Chalcodæ Auicennæ astipulemur, ab anima, aut ab eius virtute non separatur. Et hinc fortè censendi ansa nonnullis allata fuit, conceptionem statim ab excepto semine fieri, quia statim naturæ opera circa id explendescere incipiunt. Huius sententiæ fuit Ferdinandus in Comment. septimi libri de septimestri partu: sed Macrobius conceptionis spatium post effusum in vterum semen, ad septem horas extendit lib. primo in somn. Scipion. cap. VI. vbi hæc: *Hoc tamen prætereundum non est, quia semen, quod post iactum sui intra horas septem non fuerit in effusionem relapsum, fuisse in vitam pronuntiatur. Verùm semine semel intra formandi hominis me- tam locato, hæc primum Artifex natura molitur, ut die septimo folliculi*
geni-

genituum circumdet humori ex membrana tam tenui, &c. Vide reliqua in ipso, & apud Alphonsum à Caranza cap. 1. de conceptione.

Sciscitaberis, quæ nam vita in conceptu septē dierum spatio recipiatur, vegetatiua, an sensitiua, an rationalis? namque ex Diui Thomæ opinione prima parte quæstione 118. art. 2. ad secundum, atque etiam solidiori Philosophia certum est, foetus materiam informari prius anima plantæ, cui pereunti bruta succedit, & huic similiter intellectiua sufficitur. Arbitror ex Hippocratis dictato concepto semini septem ipso dierum spatio triplicem hanc animā superuenire, si enim vita hominis non vegetatrix, ac sensitiua est, verum logistica, sequitur, quod si vita hominis est septem dierū, in septem his diebus anima intellectiua recipi debeat, siquidem ante huius accessum vita foetus non est hominis, sed bruti, vel stirpis, quod secundo de generatione animalium cap. 111. affirmavit his verbis Aristoteles. *Conceptum inanimatum esse nemo statuerit, & vita omnibus modis priuatum; quippe cum nibil minus semina, & conceptus animalium uiuant, quam stirpes, & aliquando prolifica sint; ergo animam vegetantem habere planum est: sed quam ob causam eam primum habere necesse sit, ex ijs, quæ alibi de anima disseruimus, apertum est: sentientem etiam, qua est animal tempore procedente recipi, & rationalem, qua homo certum est; non enim simul & animal sit, & homo; quare in septem diebus embryo erit planta, animal, & homo.* Mecum sentit doctissimus Martianus Hippocratis æquus interpres; in huius enim sententiæ, quam examinamus, commentario statuit, humanum foetum intrā vterum septima die rationali anima informari, atque adeo hominem esse. Er quamuis legum Interpretes rationalis vitæ infusionis terminum producant, dum sexaginta in femellis dies, in masculis verò quadraginta determinant, id factum esse iccirco Martianus ait, quoniam illi vnum consuluerunt Aristotelem vii. de hist. animal. cum nondum ex Græco idiomate in Latinum Hippocrates conuersus extitisset, qui mox tempore Clementis VII. opéra Fabij Calui Raenatis primum in Latio lumen habuit, quare si esset iterum à Nomophilacibus idcirca decernendum, Hippocrate consulto secus sanciretur.

Neque fortè arguat aliquis, fieri nequaquam posse, vt foetus septem dierum intervallo euadat homo eo, quia rationalis anima præcipuè, vt reliquarum perfectissima, omnia exigat in corpusculum efformata organa; hac autem in septem diebus vniuersim haud producantur, sed communi serè Philosophorum, ac Medicorum

arbi-

arbitrio vna pars prius altera, hoc parenchima altero prius pro dignitatis ratione, & vsus necessitate efformentur. Namque id longè à vero distat; quandoquidem partes, & viscera omnia simul, & semel delineantur, efformanturque in foetu; quod Hippocratis oraculum primo de Dieta his verbis decantauit. *Delineantur partes simul omnes, & augentur, nec prius alia alijs, nec posterius, sed maiores natura priores apparent minoribus;* quod libro etià de locis in homine reuelauit his dictis. *Mihi quidem videtur principium corporis nullum esse, sed omnia similiter principium, & omnia finis.* Et est nimirum opinio veritati contermina; quandoquidem cum in foetura sit eadem materia alterata, atque disposita, idemque artifex, nempe spiritus plasticus per vniuersam seminis molem diffusus, idemque finis; utique non est, cur hæc prius quam illa pars delineetur, & conformetur, sed simul omnes plasmarı decentius erit.

ANTIPHONIA SECVNDA

Fœtus intra vterum an per os, an verò per umbilicum nutriatur.

T H E S I S.

Libro de carnibus, siue περὶ ἀκρω numero VII. scripsit Hippocrates, foetum intra vterum per os alimentum suscipere, indeque nutriri. Verba sunt illa: *Ceterum puer in utero comprimens labra ex utero matris fugit, & tum alimentum, tum spiritum cordi intrò trahit, ubi sanè mater respirauit; est enim hoc calidissimum in puero, & hoc calidum etiam reliquo corpori, & alijs omnibus partibus motum prabet.* Sententiam non proponit solum Præceptor, verum & probat, non obscuris coniecturis, & argumentis; inquit enim: *Si verò quis interroget, quomodo hoc quis sciat, quod puer in utero trahit, & fugit, illi sic respondendum est: Pueri nascuntur stercus in intestinis habentes, & ubi nati fuerint, celerrimè ventres tum homines, tum pecora exonerant; atqui non haberent stercus, nisi in utero suxissent: imò neque mammam statim, ut natum est, sugere nosset, si non in utero suxisset.* Opinionem, conceptis verbis confirmat libro de natura pueri num. XXI. ubi lactis

gene-

generationem in foeta muliere descripserat; ait namque: *Et ubi peruenierit in uteros de lacte puer ipse paululum fruitur; mamma uero suscepto lacte attolluntur.* Præterea iv. de morbis de materia loquens lumbricorum, qui in pueris aggenerantur, dum adhuc in utero degunt, sanguinem, & lac recenset: *Auscultetur ipse: Vbi ex lacte, & sanguine putrescente, & redundante, utpote quod dulce est, pus factum fuerit feruidum, animal isthic generatur; nascuntur autem & rotundi lumbrici isthic eodem modo.* Hippocratis contemporanei summi Philosophi Democritus, & Epicurus subscribere, ut Plutarchus v. de placitis Philosophorum cap. xvi. testatur; censuerunt enim, & intra utrum uera quædam, & oscula reperiri, quibus alatur embryo. Neque longius ire ab his Galenus videtur libro, qui inscribitur: *an quod in utero est animal sit.*

Cæterum nostro æuo vnus Prosper Martianus de Hippocratis peni optime meritis sententiam hanc & amplectitur, & probare conatur in eius libri de principijs commentario, ubi, postquam asseruit, cæcos posse ductus reperiri, per quos ab ueribus ad utrum lac feratur, ut ignoti sunt illi, per quos ab utero ad mammas sit sanguinis anadrome, hoc vnum adducit rei argumentum, quod cum lac in prægnantibus ab eo tempore elaborari incipiat, quo foetus intra maternum ergastulum mouetur, signum est euidens, quod lac illo foetus inibi alitur. Verum infra in syncatathesi docebimus patentes, non obscuros ductus, ac riuulos aperiri à mamma ad utrum, & hinc ad illas.

ANTITHESIS.

Longè diuersam apud ipsum Diagnostem, nec vno in loco sententiam legimus; nam in primis libro de octimestri partu hæc traduntur. *Vmbilicus, per quem & alimenti, & aeris foetui alendo via est, & ingressus solus è reliquo corpore matri coheret.* Adhuc libro de natura pueri num. iv. *Iuxta medium uero tenue quid eminebat, quod mihi Vmbilicus esse videbatur, & per illum sanè spirationem extrahens, & intrò primum facere apparebat.* Rursus libro de alimento idem quasi enigmaticè protulit his verbis. *Antiquius alimentum per abdomen vmbilicus.* Denique tum in eodem libro de natura pueri pluribus in locis, tum alibi Hippocrates iterum sic. *Obstetrices statim, cum exijt Infans, vmbilicum ligant, tanquam non amplius nutriendo foetui necessarium, simulque os ipsius deducunt, ut alius alimenti sumendi usus monstretur.*

Por-

Porro non est, cur thesin hanc suadere contendam, quandoquidem ita omnes communiter Auctores, & absque velitatione conveniunt Neoterici non minus, quam vetustiores, præter unum Alcmeonem, qui Embryonem in utero degentem per poros universi corporis alimentum trahere opinabatur, quod ideo rarum, ac peritum valde existere ea prorsus ratione, qua Zoophyta, seu spongiæ alimentitium succum corporis omni ex parte attrahunt, & exugunt. Verum instar omnium rationum erit experimentum ex anatome evidentissimum: Nam in quem finem umbilicus statim ab initio à natura producit, nisi, ut per eum natura maternum sanguinem, spiritumque ad foetus viscera, ac membra transmittat, ut nutrir, augeri, ac vivere valeat? Nec modo in homine, alijsque perfectis viviparis hanc umbilici necessitatem, & usum agnovit Hippocrates, verum & in volucrum ovis, quibus umbilicus inesse docuit ipse libro de natura pueri num. xxxvi. ubi hæc tradit: *Atqui si quis nondum vidit, mirabitur in volucris ovo umbilicum inesse.*

Atqui huius veritatis lux ex alterius sententiæ convulsione refulgebit amplius. Nempe qua ratione à matris ubere ad embryonis oscillum, & labia lac descendere valet? per quos meandros? cum ille non modò intra matricis conclave, ad quod è supernis pectoris regionibus nulla est semita, verum tunica multiplici etiam obducatur, & quasi tenijs undique vinciat? At superuacaneus labor est, velle apertum mendacium pluribus confutare. Enodentur potius allatæ in thesi instantiæ, & solvantur obiectiones Hippocrate elucidato.

Ad id profectò, quod primò asserbatur, non posse videlicet infantem ita citò ex utero eductum os aperire, atque uber exugere, nisi intra ipsum id agere prius assuevisset, falsum hoc esse, respondemus; quandoquidem posset id ipsum quari de eo tempore, quo intra uteri claustrum detinetur, quomodo scilicet cum antea non didicerit, ibi os ab initio aperiat, exugat, atque deglutiat; nimirum docet hæc natura sine doctore magistra: unde illud ut. epidem. *Natura non docta, quod non didicit, tamen id rectum facit;* & libro de alimento: *Natura omnium nullo doctore usa sunt.* Enimvero quis docuit equinos pullos statim ab utero exeuntes ambulare? quis volucres recentes è nido volitare? quis pubescentes aphrodisia celebrare? quis amabo docuit rudere asinos, mugire boues, latrare canes, beare pecudes, rugire leones? aut quis erudit bombyces, ut sericos conficerent globos; arachnas, ut tela

conte-

contexerent, apes, vt cereis in cellulis mella componerent? Enim-
nerò, vt plantarum furculi, herbarumque prima germina conge-
neos sibi à terra prolestant nutricos succos, apparant, atque alli-
milant vi quadam vernacula, & instinctu duntaxat naturæ, quæ
omnibus subuenit, vt in eodem libello de alimento senex aiebat, ita
foetus cum primùm in lucem prosilit, quæ sibi ad vitam, nutritio-
nem, atque augmentum sunt necessaria à natura edoctus admit-
tit, & sine disciplina intelligit.

Ad instantiam verò, quòd statim editus infans feces deponat,
quas meconium ob nigredinem obstetrices vocant, dicendum est
cum Francatiano, Cardano, & alijs, haud esse illas hypochorema-
ta à ventriculi coctione segregata, verùm impurioris, crassioris, at-
que melancholici sanguinis recrementa, quæ à liene per spleni-
cum, atque mesentericum ramum ad intestinum amandantur, ibi-
que vsque ad foetus exitum stabulatur; quòd si illa primæ coctio-
nis, siue chyloscos excrementa forent, cumlarentur in dies, quare
non possent nouem, ac plurium mensum spatio in intestinis asser-
uari, & absque magno ipsius embryonis detrimento tandiù detineri.

SYNCATATHESIS.

Vix potest medijs fidijs in notis adeò dissonantibus inueniri
symphonia, cum re ipsa prior sententia sit prorsus absurda,
& vel sensui repugnans, quoad particulam illam præcipuè:
Puer in utero comprimens labia ex utero matris fugit. Quare non-
nulli asseuerant, textum illum in libro de alimento adulterinum
esse, & nullo modo Hippocrate dignum, quod palàm conspicuum
sit à rationibus illis annexis nimium insulsis, in quibus Hippocra-
ticæ maiestatis doctrinæ, ac sermonis nulla prorsus relucet vesti-
gia. Ideoque Andreas Laurentius libro vii. histor. Anatom.
cap. xxiii: de hoc ipso contextu iudicium ferens aiebat. *Diui-
nus sanè fuit Hippocrates, & ita in omnibus serè suspiciendus, & à no-
bis reuerendus: hic ergo aut excusandus, quia rudis erat, & non dum
satis explorata suis temporibus anatomica cognitio, aut additiua hæc, vt
alia pleraque existimandum.* Sed parcant Laurentij manes eme-
riti, nulla indiget excusatione Hippocrates, quem calluisse Ana-
tomen, & vel nostros superasse Anthropographos, est vero verius;
neque in tam futilem sententiam abiisse, verisimile est illum, qui
alibi ex professo contrariam tuetur, ac docet; quare vel apogry-
pha prorsus verba illa censenda erunt, vel putandum ab Hippo-
crate

crate iuniore conscripta secundum vulgarem Philosophorum sui temporis opinionem, non autem ex proprio arbitrio, ideòque ætate, ac doctrina magis adultus abiurauit futile dogma.

Si cui verò Martiani arrideret opinio, ita posset antiphrasias conciliare, quòd scilicet vberior, præcipuaque nutritio in pueris fiat à sanguine per vmbilicum; minor verò, & quæ ad fætus quandam potius oblectationem faciat, oriatur à lacte ad vterum per obscuros meandros refluò. Nec perperam sentiret, qui diceret, per easdem vias, per quas ab vtero ad maminas demandatur sanguis, lac ad matricem refluere eodem modo, quo per easdem meseraicas venulas & chylus fertur ad hepar, & ab hepate sanguis refunditur; quicquid contrasentiat Asellius, qui lacteas illas venas comminiscitur, per quas chylus duntaxat ad hepar deferatur. Non est meum hanc sententiam expendere. Id sane annuisse videtur Dictator Cous libro de natura pueri num. xx i. vbi cum dixisset, lac in mulieribus produci ob ventris compressionem ab vtero turgente factam; hæc addit. *Et à pinguitudine calfacta, ac alba existente, quòd edulcatum est à caliditate, quæ ab vteris accessit, expressum venit in mammas, & in vteros quoque parum venit per easdem venas; tendunt enim & in mammas, & in vteros venula hæc, & consemiles aliæ. Neque sanè aliud significare voluit Hippocrates & libro de natura pueri num. illo xxi. & quarto de morbis, in quibus lactis ad vterum excursus aliquem admittere videtur; siquidem ex vberum, ac matricis venarum communione & sanguis ad mamillas, & hac ad vterum confluere potest, quòd euentu probatum est; nam menstruus sanguis interceptus aliquando è mammis effluxit; neque hæc ignorauit Hippocrates, qui libro septimo aphorism. iv. scripserat. *Quibus mulieribus ad mammas sanguis colligitur, furorem significat*; in cuius aphorismi elucidatione Brasauolus, se mulierem novisse scribit, à cuius maminis lactis vice sanguis fluebat; quin Adrianus Lusitanus cent. septima curat. 48. hæc refert. *Mulier in circulo Basi ter iam peperit, & nunc vtero gerit, & propè partum agit, cuius ex mamma dextra sanguis multus fluit, reliqua leua lacte nouo colostro dicto plena.* Cæterum frequentem humorum metastasin ex vtero in mammas, & ex mammis in vterum expressit luculenter Hippocrates libro de glandibus numero. xii. i. vbi hæc exarantur. *Porro contrahunt & mammas, & tubercula, & inflammationes lac ipsum corrumpentes; commoda autem habent superioribus similia, & reliqui corporis redundantiam auferunt; argumento sunt mulieres, quas morbus, aut alia quadam calamitas maminis priuauit, nam ex ijs vox aspera reddi-**

redditur, & humores in gulam feruntur, & sputis abundant, & dolore capitis vexantur, & ab his agrotant; lac enim veniens, fluenſque ab utero, ceterum antea superiora ad vasa ferebatur; propria iam vasa tunc non habeat, in principes, nobilesque corporis partes incurrit, cor quippe, & pulmonem, ſequē ſuffocantur. Ex his liquet, non modo uterum, ac mammas officij quadam ſocietate inter ſe ſe communicare, verum & lac ipſum ab utero ad vbera demandari; quod ſenex idem eodem libro de glandibus his verbis declaravit. Et faciunt quidem lac mulieres, viri vero non faciunt; mulieribus enim rara eſt glandularum natura, quemadmodum etiam reliquum corpus rarum habent, & alimentum, quod in ſe trahunt, in lac permutant, & ab utero accedit ad mammas, quod poſt partum puero ceſſurum eſt in alimentum, quod ipſum ſane exprimit, ac ſurſum mittit omentum ad ſuperiores partes ab ipſo ſatu coarctatum. Hanc eandem lactis ad mammas ab utero in Hippocratis libro de natura pueri num. xxx. his verbis confirmat. Lac autem ob eiſmodi neceſſitatem fit: Quum uteri tumidi præ puero ſunt, ventrem mulieris comprimunt, eius autem pleni ubi compreſſio contigerit, pinguiſſimum de cibis, ac potibus foras proſilit in omentum, ac carnem, quemadmodum ſi quis corium illinat multo oleo, & imbibe permittat, & ubi imbibit, corium ipſum premat, oleum utique exilierit foras ex corio compreſſo; ſic etiam ſi venter pinguitudinem in ſe habeat à cibis, ac potibus, comprimaturque ab uteris pinguitudo, proſilit in omentum, ac carnem, eſt ſi rara carnis mulier fuerit, citius percipit eius perſultationem, ſi non, poſterius. Inde poſt pauca concludit. Ut à pinguitudine caſaſca, ac alba exiſtente, quod edulcatum eſt à caliditate, que ab uteris acceſſit, expreſſum venit in mammas, & in uteros quoque parum venit per eaſdem venas: verum hæc ſupra etiam referebamus. Interim, ne putes, cum ab utero ad vbera lac refluere Hippocrates ait, quod is intelligat, verum lac albificatum, inde amandari, ſed lactis nomine intelligit proximam ipſius materiam, nempe ſanguinem dulciorem eo modo, quo dictum eſt, à comprimente utero expreſſum in omentum.

Oſtendimus iam ab utero ad mammillas reſſum fieri ſanguinem lactis alumnum, ſuper eſt, ut eodem modo demonſtrems, lac ab vbera ad uterum certa palindromē remeare, quod mulierum ſuccellu percrebeſcit; nam Caſpar Bahuinus libro de obſervationibus proprijs, ex clariffimi cuiuſdam Medici obſervatione mulierem recenset, quæ lactis dimidium cyathum eminxit, & Andreas Laurentius libro primo hiſt. Anatom. Vidi, inquit. Puerperas quamplurimas per uterum, & veſſicam maximam lactis copiam excreviſſe. Ipſe quo-

quoque non rarò obseruau in enixis mulieribus, quæ, aut lac præbere infantibus nimis delicatulæ, renuere, aut lactare desistere, filioli morte adeptis, serofas per plures dies, & lacticinosas vrinas, & fluorem album nuncupatum, non quidem à pituitosa, aliaue serosa colluie, verum à lactis alluie.

Nec profectò viæ manifestæ desunt, per quas huiusmodi sanguinis, ac lactis fieri valeant metastases, neque, vt Martianus, debemus ad occultorum ductuum asylum confugere, quippe Andreas Laurentius Anatomicæ historiæ cōsultissimus lib. vi. i. quæst. xi. semitas hasce basilicè, vt semper solet, ita describit. *Verum, cū Sympathia simplex ferè omnis per vasorum communionem fiat, quomodo mammarum, & uteri vasa inter se communicent, paucis aperiamus. Volunt fere omnes Anatomici, Epigastricæ ascendens ramulos cum mammarie descendens riuulis coire, fierique harum venarum anastomoses. Ego, vt iam libro vi. indicauit, harum venarum coitum non nego, sed patientiores, & breuiore communionis huius vias inuenio. Epigastrica enim vena per uterum non spargitur, sæpiusque à ramo crurali oritur. Mammaria item, quam vocant per interiorem sterni partem excurrit triangularem musciculum alitura, neque ad mammas ramulos, nisi fortè capillares diffundit. Existimo itaque per hypogastricam, & spermaticam, quæ peculiare sunt uteri vena, resuere ad truncum caue sanguinem, lac, ceterosque humores: à trunco mox in axillarem, à qua thoracicae duæ insignes exortæ pectorales musculos, & glandesum mammarum corpus irrigant. Contra à thoracis resuere lac ad Axillarem, ab hac in caue truncum, a quo per spermaticum ramum in uterum, nunc in vesicam feratur: unde plerumque lactea funduntur vrina post partum. Est etiam lactis per vrinas expurgationi locus, breuiorque ductus per emulgentes ramos.*

Ex his intelligentiam adipiscimur sententiæ illius difficilis de natura pueri, & quarto de morbis, vbi lac ad uterum peruenire, & eo puellum modo quodam frui, ab Hippocrate dicitur, & vermes interdum aggenerari. Nam, cū dicitur, quod vermes in embryone à sanguine, & lacte putrescente fiant, lactis nomine intelligi quidem potest lac verum in mammis excoctum, ac dealbatum, & ad uteri venas refusum, ac simul cum sanguine per umbilicum nutriendo fœtui delegatum. At verò, quòd puer in utero lacte huiusmodi fruatur, maiorem difficultatem obtinet, neque facile persuaderi posse videtur. Andreas Laurentius Anatomicæ libro ix. quæst. iii. hanc expositionem adducit. *Quod Hippocratis dictum ego ita interpretor; lacte ali puellum, id est sanguine*
in

in venis mammarum contento, qui proxima est lactis materia, vel si ante diem partus valde sit famelicus, posse lac album à mammis ad vasa resuere, rursumque facultatem venarum à ματορινηλώ, que otiosa nunquam est, excoqui, & in sanguinem verti.

Hæc nimirum non omnino ἀλογός dicuntur, verum cum Hippocrates absolutè asserat, lac à mammis ad matricem delabi, & eo puellum frui, Laurentij hypomnema nimium abducitur. Censendum ergo est, post embryonis motum, quando iam lac in mammis cumulat, huius portionem aliquam ad uterum per enarratos ductus diffuere, & ab eodem per umbilicum, non autem per os foetui subministrari maioris cuiusdā naturæ voluptatis gratia, & quasi ad iucundū refrigeriū. Quinimò cum post exitum ab utero lacte nutriti debuisset foetus, si intra uterum solo sanguine aleretur, magna fieret repente alimenti mutatio non sine pueri detrimento; assueta enim licet insuetis deteriora minus lædunt, ut in aphorismis dictavit ipse: Quare probabile est, embryonem post quatuor, & quinque menses, quando vberiori eget nutritu, ali non modo sanguine, verum & lacte à mammis delegato, absque eo tamen, quod prius à venis in sanguinem reuoluatur, ut Laurentius opinatur; sanguis enim lacte remixtus suavius, atque magis symmetron præstat pabulum. Parergon. Gemina lactis est differentia, duplex generatio ex eodem Hippocrate lib. de natura pueri, atque *μετὰ δίστασις*. Prima his verbis describitur. *Mulieribus rara est mammarum natura, & alimentum, quod in se trahunt, in lac immutant.* Huiusmodi verò nonnisi homonimè lac dicitur, & reperiri potest & in viris, & in virginibus anaphroditis, sitque ex reliquiis proprii alimenti mammarum, quæ ob raritatem id largius attrahunt. Altera lactis productio in præcitato libro de natura pueri ita delineatur. *Ab utero accedit ad mammas lac, quod post partum infanti cessurum est in alimentum, hoc autem exprimit, ac sursum mittit omentum ab ipso foetu iam grandiore coarctatum.* Et hoc genuinum est, & propriè lac nuncupatur, siquidem perfecta alteratione, & mammarum officiali, non autem priuata actione, coctioneque perficitur: unde exquisitè album, dulce, ac moderatè crassum existit, & quod præcipuum est, per expressionem fit, & sanguinis ab utero ad mamillas refluxum, de quo intelligit Hippocrates in præfatis.

Sume denique corollidem, ne quid illibatum relinquamus. Propositæ sententiæ alteram de respiratione fetus intra uterum antilogiam præferunt; nam in vna, spiritum per os trahere, per

B

vmbilicum

umbilicum in alia statuit. Secunda communi voto excipitur, nam cor in foetu, quamdiu vteri continetur ergastulo, otiosi existimant, ideoque nec pulmones ad eius ventilationem tunc moueri, sed per matris arterias vitalem deducere spiritum dicunt. Rursus ad primam thesim impugnandam his potissimum vtuntur argumentis, iisque pene herculeis; Primò quidem, quòd cum nullus intra matris vterum detur aer pro respiratione, cordisque ventilatione, & motu, atque spirituum generatione, nulla pariter vitalis actio exercetur intra eundem à foetu. Secundò, quòd si per os aerem deduceret foetus, frustra umbilicales arteriae vitales spiritus è matre in ipsum deuehentes constructae forent. Tertiò, quòd si intra vterum spiritum per os traheret, ac vitales ederet actiones foetus, posset quouis mense, ac tempore exclusus viuere, ac vitalis seruari, quod tamen longè ab experimento est alienum.

His omnibus tamen satisfacere nititur Gregorius Nymmanus libro de vita fetus in vtero, in quo multis suadet, foetum propria vita in vtero frui, atque etiam spiritum per os trahere, ideoque falsum esse opinari, sola matris anima illum viuere. Instantias, & rationes, quas adducit, non est nostri instituti referre. Adeat lector opusculum eruditum, & praedicti viri fruatur ingenio. Nos interim prolixitatis alicuius veniam hic ab Hippocrate rogantes, aliò concedamus.

ANTIPHONIA TERTIA.

*Sit ne cerebrum, an cor mentis humanae
sedes.*

T H E S I S.

IN cerebro mentem humanam residere, edixit Hippocrates in breui illa Epitome de insania his pene verbis. *Quemadmodum in libello de morbo s. cro dixi, insanienti necesse est pra humiditate cerebrum, in quo anima sunt opera, moueri, ubi videlicet humidus, quam pro natura fuerit. Eo verò commoto neque visum, neque auditum quiescere, sed alias alia videre, & audire, & linguam talia loqui,*

qui, qualia singulis vicibus viderit, aut audierit; quandiu verò cerebrum quieuerit, tandiu etiam homo sapit. Sed quæ in libro ipso de morbo sacro ad rem nostram Præceptor docuerat, registremus ad vnguem, nam thesin luculentiùs explicant. Sic ergo numero xvi. Porro expedit, homines nosse, quòd ex nulla alia nobis parte voluptates contingunt, & lætitia, & risus, & lusus, quàm ex cerebro; itemque marores, & anxietates, tristitiaque, ac eiulatus, & quarela. Et hoc sapimus maximè, ac intelligimus, & audimus, & cognoscimus turpia, & honesta, mala, & bona, iucunda, & iniucunda. Et paulò infra. Eadem & insanimus, & deliramus, & terrores, & timores nobis accedunt. Et rursus. Quanto verò tempore cerebrum quieuerit, tanto etiam homo sapit. At numero xvi i. sequente dicta roborat hoc sermone. Ad intelligentiam verò internuncius est cerebrum. Et paulò post. Quapropter dico cerebrum intelligentiæ, ac prudentiæ internuncium, ac interpretem esse. Tandem eiusdem libri numero xvi i i. rem totam definiens, inquit; Porro dicunt quidam, quòd corde sapimus, & quòd hoc est, quod angitur, & quod curam gerit. Verùm hoc non ita se habet, sed conuellitur quidem, velut præcordia, & magis etiam propter easdem causas. Inde addit. Quapropter cor quidem, & præcordia maximè sentiunt, sapientiam tamen minimè participant, sed horum omnium cerebrum causa est. Quid plura? repetit & libro de glandibus numero ix. quæ alibi docuerat his vocibus. Cerebrum autem cladem perfert etiam ipsum non sanum existens, sed si quidem rodatur, turbationem multam sustinet, & mens desipit, & cerebrum conuellit, ac distrahit totum hominem. Suadetur autem non obscuris rationibus, atque instantijs; & quidem primò, quoniam ibi mens constitui debere videtur, vbi ratiocinatio, aliæque eiusdem operationes efficiuntur. Atqui hæc omnes in cerebro celebrantur: in cerebro igitur mens collocari debet. Minor, quam forte antagonistæ inficiari possent, ita probatur: Ibi fit ratiocinium, & mentis quælibet operatio, vbi organa ad id commoda proximè reperiuntur; hæc in capite resident, ergo & in capite operationes huiusmodi efficiuntur. Argumenti subsumptum demonstratur pariter euentia; siquidem cum deberet intellectus phantasmata speculari, omnisque intellectus operatio à sensibus pendeat, in capite propterea sensus domicilium obtinere; alioquin, si in corde discursus fieret, circa cordis regionem debuisset natura sensitiuas hæc machinas ædificare. Cæterùm, ne scholasticus videar, longe enim ab hoc scribendi genere meus excurrit calamus, instantias aliquas adducam, quæ plurimæ apud Medicos extant.

Porro si percutiatur, ac vulneretur insigniter cerebrum, confusim phantasia, discursus, vel memoria laeduntur; si cerebrum inflammetur, delirium est in promptu; si nimium refrigeretur, vel humescat, veternus, fatuitas, aut obliuio oriuntur, si plus quam par est exiccet, imaginatio, omnisque anima functio aboletur. Et interim, dum hæc accidunt, cerebro, non cordi consulimus, capiti adaptantes remedia. Vniuersam hanc doctrinam libro de morbo sacro roborat Hippocrates, dum antiquos redarguens, quod præcordia mentem vocent, ait. *Præcordijs fortuitum nomen, & per consuetudinem impostum est, non ex rei natura; neque enim quam vim habeant præcordia, ut sapiant, & intelligant, ego nunquam noui.*

An petis, auide lector, ex auctario eruditionem aliquam, ac mysterium? Appingam non inuidus. In capite Diuinitatem adorabant Aegyptij; adeo ut vel infano cultu ob id à capitibus animalium abstinerent, Diuinitati iniuriam facere arbitrati, ut Pierius Valerianus tradit. In capite ergo & mens diuinitatis particeps merito reponi debet, dicente Hesychio Hierosolymitano: *Caput vniuscuiusque animalis ratione pollentis mens dicitur, cuius sedes cerebrum.* Hinc scomma in amentes; *Caput absque cerebro, vel Caput Asini*, quod magnum licet, cerebro tamen destituitur.

ANTITHESIS.

AT si gnare hic sentijt Auctor, ac tamquam è veritatis tripode mentis humanæ reuelauit hospitium, cur in libello de corde antilogos factus eandem in corde reponit? Verba sunt planè conspicua numero VII. ex prompta: *Mens enim hominis in sinistro ventriculo insita est, & reliqua anima imperat.* Quid clarius? quidue superiori sententiæ magis recalcitrans? Sancitum confirmat ipsemet in fragmento de Virginum morbis, vbi de mensium illarum suppressione verba faciens aiebat. *Quum igitur osculum exitus non fuerit apertum, sanguis autem amplius influxerit propter cibos, & corporis augmentum, tunc sanguis non habens effluxum præ multitudine resilit ad cor, & ad septum transfusus; quum igitur hæc repleta fuerint, cor satuum fit, deinde ex satuitate torpedo &c.* Si ergo cor satuum euadit, mentem, cuius est passio fatuitas, in corde residere statuit. Fuit & eiusdè sententiæ, Aristot. I. I. de partib. animal. cap. x., vbi cur præcordia optime dicantur declarans, expressè in corde mentem locari scribit: Verba sunt illa: *Quamobrem phrenes appellat, quasi participes prudentiæ sint, atqui nullatenus participes sunt,*
jed

*sed quia propinqua sunt ijs, quæ vim obtinent illam (cordi enim præ-
tenduntur) hinc mentis mutationem aperiunt.*

Neque id à ratione alienum videri debet, quippe in corde anima radicaliter inest, & cum ea inseparabiles affectus eiusdem omnes potentia. Porro læso corde non vivimus, ergo neque intelligimus. Cordis fatiscente virtute rationis etiam obumbratur lumen, quod in syncope fit palam. Quid immoror? si diaphragmate læso, quod *σπέρως*, idest mentis compos dicebatur antiquis, mentis quoque celsitat, ac titubat operatio; quanto labascet magis præ occupato cordis imperio, ac dissoluto temperamento? Inde vel adagio distitatur: *redire ad cor*, idest ad mentem, ac rationem, ipsamque exuere aphronisim; quemadmodum excors imprudentem, ac stultum sonat, ut contrà cordatus sapientem. Et quidem in Sacris Biblijs cor plerumque pro mente sumitur, ita apud Hieremiam quinto xx i. *Popule stulte, qui non habes cor*; & apud Salomonem in proverb. cap. sexto xxx i i. *Qui autem adulter est propter cordis inopiam, perdet animam suam*: & cap. x. *In labijs sapientis inuenitur sapientia, & virga in dorso eius, qui indiget corde*. Sed hæc sacra suppellectili satis, ne fines prætereamus nostros. Ceterum extat Plinij celebre de re subiecta monumentum xi. natural. hist. cap. xxxv i i. vbi de corde sermonem habens, hæc post multa scripsit. *Prima domicilia intra se animo, & sanguini præbet sinuoso specu, & in magnis animalibus triplici, in nullo non gemino. Ibi mens habitat. Eodem & illud Plauti de muliere collimat:*

*cui pectus sapiat,
Nam cor non potest, quia nulla habet.*

SYNCATATHESIS.

Prolixam, strepitosamque diacrisin Scholasticis relinquam, veritatem laconicè decernere, ipsumque Hippocratem ab inconstantia vendicare, mihi est consilium: quod, ut assequi valeam, præludendum primò erit; melioris notæ auctores tam sacros, quàm profanos, censuisse, animam in corde supremum solium obtinere, tanquam Regem in sua Metropoli. Magnus Albertus adesto in primis, & post eum Simon Portius libro de mente humana cap. vi i. quin Diuus Hieronymus libro i i. super Mattheum cap. xiv. Platonem redarguit, qui animam in cerebro collocavit, assertque in medium verba illa Apostoli. *A corde exeunt cogitationes pravae*. Nec discrepant Philo Iudæus, & Tertullianus,

B 3 qui

qui libro de resurrectione carnis illud præcipue adducit: *Vt quid cogitatis mala in cordibus vestris?* Quid multa? Aristoteles ipse, Chrysippus, & alij Philosophi principes in hanc iuere sententiam.

Secundò & illud est ratum habendum, velut ex hypothesi, spiritus nimirum animales, qui mentis operationibus ancillantur, in cordis læuo sinu primam originem adipisci; siquidem ex vitalibus spiritibus, tanquam ex vnica, proximaque materia illi exantlantur, adeò vt, si vitales, vel modici, vel imbecilles, vel impuri fuerint, agrestes quoque, & segnes, atque ad agendum impares reddantur animales; inò si prorsus deficient, vijs ad cerebrum præclusis, vitales ipsi spiritus, tanquam syderati concidunt homines, animalibus quoque velut eclipsi præoccupatis.

Modò Hippocrates & in libello de insania, & libro de Sacro morbo mentem considerauit non quidem in fundamento, ac radice, quæ cor existit, sed in cerebro tanquam in speculo, vbi representatur, eo modo prorsus, quo visua virtus re ipsa in cerebro est, atqui in oculo manifestatur. At quia facultas nonnisi in organo ritè formato, ac bellè temperato operatur, inde est, quòd ex cerebri ametria, vulnere, inflammatione, & alio quocumque vitio, mentis primaria operatio, quæ est *διάνοια*, seu *γνώμην* præstringitur, atque deprauatur.

Ceterùm in libro de corde, & opusculo de Virginum morbis mentem respexit vt in sua radice, siue origine, nempe in corde, quod re ipsa est omnium functionum principium, auctor, & arbiter, imò & animæ primarium diuersorium. Et quoniam cordi perperam affecto, quæ in cerebro est facultas animalis compatitur, inde mentis vel diminutam, vel deprauatam operationem, huic acceptam refert mediare, vt cerebro immediate, ea prorsus ratione, qua Auicennas, vt Aristotelem tueretur, qui sensum communem in corde collocauerat, dicebat, hunc radicaliter in corde, manifestatiue in cerebro residere. Enimverò, vt Regis auctoritas, leges, ac diagrammata toto in Regno vim habent, licet ille in vna tantum Vrbe thronum efferat, ita vni cordi accepta referri potest vitæ quæcunque functio, tametsi in alijs membris eius virtutes explendescant. Ita vitium propagines, licet pampinos, racemosque diffundant vndiq, è pergulis à cespite valdè remotis, omne tamen germen, ac botrys ab vna manat radice. Sic flumina, quæ tot reuoluuntur ambagibus, longosque reflectuntur per alucos, ab vno scaturiunt fonte, quamuis multas madeficiant oras. Ita Deus licet in Cælis Diuinitatis, & suæ gloriæ sedem

sedem extollat, ubique tamen, vel etiam in inferis, quia

Iouis omnia plena

nis effunditur decus, bonitas, & æquitas. Colligitur sanè hæc doctrina ex verbis illis in libello de corde, si intus perpendantur, nam in sinistro ventriculo mentem residere docent, quod scilicet in eo spiritus vitales elaborantur, plusque calor inest: addit insuper. *Et relique anima imperat*, ut significaret id, quod explicauimus, nempe in corde, tamquam in sede maiestatis mentem residere, & inde virtutes dispensari, ac munera delegari, quæ mox hic, aut illuc illucescant, adeò ut cerebrum ad sapientiam, eiusque opera exprimenda sit veluti cordis internuncius, siue dicas interpres, ut loquitur Hippocrates libro de morbo sacro, ubi cum cerebri encomia, virtutesque eximias decantasset, statim decernit hæc: *Ad intelligentiam verò internuncius est cerebrum*, & paulò post: *Quapropter dico, cerebrum intelligentia, ac prudentiæ internuncium, ac interpretem esse*: quod nihil aliud significat, quam quod cerebrum dum intellectus, aut principes alias edit operationes, non proprio, sed delegato fungatur munere, auctoritate à corde impetrata. Hæ duæ voces internuncius, & interpres, quid velint, & quantum valeant, quò plenius innotescat, liceat mihi uti exemplo, sine quo, Platone dicente, res arduæ nequeunt intelligi: Romanorum Imperator, siue alius Dynasta magnus cum longius ab Vrbe distet, cogitationes suas, & consilia Summo Pontifici communicare nequit: mittit propterea Oratorem, quem benè dixeris cum Hippocrate, internuncium, qui suam aperiat mentem, ei; regia vota propalet, quod scitè, ac prudenter Orator exequitur, adeò ut Pontifex optatis indulgeat votis, ac petitionibus faueat. Porro in hac prouincia Orator verè est, qui ipsius Imperatoris, vel Regis voluntatis interpres effatur, sermonis lepore beneuolum Principem reddit, precibus instat, rationibus quoque suadet, donec vniuersa, quæ postulat, obtineat. At quidem non sua, sed regia auctoritate totum id consequitur, & facultate à Maiestate impetrata Pontificem ipsum interpellat, hortatur, estque duntaxat Regis interpres. Ita pariter cor tamquam Regulus facultatem cerebro delegat, eoque utitur tamquam internuncio, & interpretè ad mentis, quam in se continet, operationes edendas. Quid multa? Ut Luna mutuata à Sole luce noctem illustrat, & eclipsim patitur, quandocumque eius radios recipere, terra interposita, nequit; ita cerebrum sensus, motusque elicit functiones, recepto à corde vitali iubare. Vnde epilogum tandem hunc ducemus; mentem in corde tamquam in sede, in cerebro tamquam in theatro reperiri.

B 4

AN-

ANTIPHONIA QVARTA.

Cor frigidum, an calidum existat.

T H E S I S.

Libro *μετὰ ἀρχῶν* numero v 1. Medicinæ musageta de cordis temperie hæc protulit. *Cor multum glutinosum, ac frigidum habet.* Propositionis veritas ex genuina cordis structura, facile suaderi potest; Siquidem eius textura densa, dura, & apprime compacta existit; qualitates autem huiusmodi, non nisi ab eius frigidityte, quam in prima miscibilium vnione contraxit, manare debent.

Præterea, vt animalium corda sunt reliquis carnibus, & visceribus insuauiora, ita etiam coquuntur ægrius, & melancholicum præstant alimentum: Vnde factum esse, mihi persuadeo, vt voracibus quibusdam ex accipitrum genere volucris corda in escam offerantur, quatenus videlicet eorum auiditati, & læmargiæ plenius consulatur, famemque diutius expleant. Hinc apud Isaach in particularibus Diætis legimus, cor duræ substantiæ existere, ac tardè de stomacho eijci, cui Haliabas quinto Theoriæ cap. 11. astipulatus aiebat: *Cor solidum est, & digestionem inobediens valdè, quod qui comedere voluerit, oportet post illud zingibere vti condito, & comedat ipsum cum pipere, cymino, & satureia.* Id quoque libro de alimentorum facultate confirmat Galenus, cui Michael subscribens ait. *Cor, vt cibis debet graduari frigide & sicca complexionis, cum sit arteriosum, ac nervosum* (fibrosum diceretur aptius.)

Adhuc thesis inde satis demonstrari posse videtur, quòd, cum sit cor tamquam humani ædificij arx; arces verò ex duriori, & alpestriori cemento construi soleant, erat operæ pretium, vt cordis parenchima ex solidissimis fibris coagmentaretur; fibræ autem ex Hippocrate libro de principijs, Aristotele quarto Meteororum, & Galeno secundo de elementis glutinosæ, ac frigidæ adeò sunt, vt si vel à sanguine eximantur, is non amplius concresecat.

Rem denique roborat experimentum, quoniam in cadauerum combustionem cor præ cæteris alijs partibus igni resistit, atque omnium postremum comburitur; quod eius maiori frigidityti, obnitentique structuræ acceptum referri debet, nec non in humidum quoddam

quoddam in id ipsum conculcatum reijci potest; debebat enim & summo feruori, atq; perenni motui contraniti, & valdè resistere.

ANTITHESIS.

AT nimis citò palinodiam recinit idem Apollo, quippe in eodem libello numero VII. manifestum reliquit antitheton his verbis. *Calidum plurimum in venis, & corde inest, ac propterea spiritum cor habet, utpote quod omnium intra hominem membrorum calidissimum existat.* Ratum facit lib. de corde numero V. his verbis: *Cor sanguinis fons est, atque caloris insiti.* Ex quibus verbis forsàn Aristoteles mutuauit opinionem, quod sanguinis non hep̃ar, sed cor existat auctor. Dictato astipulatur cum primis vniuersa Philosophorum, ac Medicorum Schola, quandoquidem vniuersi voto vitalis igniculi promptuarium, & minera spirituum, vnum cor existimatur.

Probatùr verò, & suadetur vnico, sed efficaci argumento, illo scilicet Peripatetico axiomate. *Propter quod vnumquodque tale, & illud magis.* Quare si spirituum officina, & caloris elementum, vnde coetere corporis partes refouentur, cor existit; in supremo caliditatis folio reponendum id erit. Hinc non immeritò Aristoteles existimauit, cor iccirco ad læuam inclinare, quia cùm frigida sit, eius calore indigebat. Verba tertio de partibus animalium cap. IV. leguntur sic. *Ad læuam etiam paulum vergit, ut eius partis refrigerationem moderetur, & compenset; omnium enim animalium maximè homo refrigeratam habet partem sinistram.* Nec discrepat Plinius, qui libro XI. cap. XXXVI. vbi de corde, inquit, *Hinc præcipuus calor.*

Rem totam confirmat certum, euidentisq; experimentum, quandoquidem, Galeno auctore, si in læuum cordis ventriculum cuiuspiam recenter mactati animalis digitus immittatur, exuretur ab æstuante sanguine. Adde his, quòd nulli alteri visceri pulmones à natura instituti sunt, quàm cordi, vt nimirum eius eximio feruori media respiratione refrigerium parareretur.

Nec silentio omittendum, quòd amor, & ira sunt cordis germana pathemata, quæ exuberantis caliditatis sunt alumna. Hinc Niphus lib. de amore cap. XXXXX. *Sicut ira est ebullitio sanguinis circa cor, sic amor est commotio sanguinis; vterque enim affectus est desiderium, vindictæ vnus, voluptatis alter, ideoque vniuersus id est facultas irascibilis in corde non minus, quàm iocunda, residet, inde amor vbique ardoris nomine indigitatur, vt passim ira feruor sanguinis*

guinis circa cordis fitatur. De amore, quod sit ardor quidam ex-
tant apud Maronem præcipue illa.

Vritur infelix Dido.

Est mollis flamma medullas:

Et illud nostrum in Geneanthropeia, vbi de amore;

Febris cordibus æstuans.

De ira, quæ & ipsa infania est, in qua, Seneca loquente primo de
ira *flagrant, & micant oculi, mæus ore toto rubor, & æstuante ab imis
præcordijs sanguine, labia quætiuntur, dentes comprimuntur &c.* illud
Hippocratis imprimis vi. Epidem. sect. v. i. celebre est: *Ira con-
trahit & cor, & pulmonem in se ipsa, & in caput, & calida, & humi-
dum;* quo consilio iubebat idem i. Epidem. sect. iv. iram excitari
in frigidis affectionibus. *Curandum iram inferre, & reuocandi caloris
causa, & effusionis succorum.* Nunquid ergo non impensè calidum
cor erit, æstuantis utriusque furoris, iracundiæ scilicet, & concupiscen-
tiæ promus, & condus? Promus, & condus inquam vno, eodemque
tempore amoris, & iracundiæ; nam qui amant ad iram promi sunt,
& qui facillè irascuntur, sunt ad amores proclives. Hinc meritò in
hymno ad Virginem eadem prece rogamus, vt nos ab impuris
amoribus simul, & ab iracundijs vindicet.

Virgo singularis

Inter omnes mitis

Nos culpi solutos

Mites fac, & castos.

SYNCATATHESIS.

Sententiarum *ἀναγωγὰς* percepiisti lector, audi modò *συμφοράς*.
Cor, vt pars similis frigida est complexionis, calidissimæ
vt organica. Vt similis texturam obtinet densam, soli-
dam, & glutinosam; vt verò organica, quoniam influentis caloris est
opifex, ac spirituum officina, summa caliditate donatur. Et quo-
niam vitales ipsi spiritus, qui micant, qui feruent, ac feriunt è rara
nimum structura euaniissent, fuit iccirco necessarium, vt paren-
chima eo modo compactum, ac fibrosum elaboraretur. Libro itaq;
de principijs structuræ cordis, primamque compositionem respexit
Hippocrates; at libello de corde munus, & facultatem.

Præterea cor ipsum considerare fas est, vt viuens, & vt vita cas-
sum. Vt viuens iam, quoniam animæ domicilium, & vitalis calo-
ris est elementum, calidum iure audit, vt autem vita functum, &
sub

sub alimentiratione inter frigidas, ac terrestres corporis partes recenseretur, vt Conciliator habet diff. xxxv. Quod verò hæc fuerit Hippocratis mens, constabit liquidò, si eius verba intimè perpendantur; siquidem in libro illo de carnibus nequaquam cor calidum esse scribit, sed in eo plurimum calidi inesse tradit, quod multum differt; ita in phiala crystallina, licet merum contineatur, aut humoralius feruidus, non tamen illam calidam nuncupare fas est; & etiam venæ sanguinis riuli, quibus pariter caloris plurimum, inesse scribit Hippocrates, calidæ Marte suo dici nequeunt.

ANTIPHONIA QVINTA.

Sit ne sanguis natura calidus, necne.

T H E S I S.

Primo de morbis numero xxxii. Medicinæ καλὸς αἷμα hęc dictauit. *Est pituita frigidissima ex natura, calidissimus autem sanguis*, quam eandem sententiam libro eodem numero xxxii. his reperit verbis; *utpote cum etiam natura calidissimus sanguis in corpore existat.* Astipulatur Galenus. 11. de Simil. medicament. facult. cap. primo vbi ait; *natura frigidus sanguis nullus est.* Nec Aristoteles omitendus 11. de partib. animal. cap. 11. vbi mendaces aliquorum confutans opiniones ait. *Sanguinem etiam & bilem alij inter calida enumerant, alij inter frigida.*

Dogma haud minus experimento, quàm ratione probari potest. Ratio in primis illa erit, quoniam ætherius animæ spiritus suum hypoxin in sanguine habet, quod liquidò innotescit ex hoc, quoniam nihil magis corpus refrigerat, quàm crebra, & copiosa phlebotomia, aut sanguinis spontanea effluxio, vt merito iccirco Arabes vitæ thesaurum sanguinem dixerint, eumq; propterea partè, & religiose hauriendum, ne simul vitæ caloris exhauriatur, arriam vitam enim in sanguine residere antiquata fuit opinio, quò illud Poetæ alludebat.

Vitam cum sanguine fudit;

Purpuream vomit animam.

Insuper nutriuntur sanguine carnosæ partes, imò etiam spermatica

ticæ ex aliquorum opinione. Iam, si verum est, ut plane indubitatum, quod ex iisdem nutrimur, ex quibus componimur, cumque viventium corpora coalescant ex calidis dicente, lib. de diæta, Hippocrate: *Ignis, & aqua omnia componunt*, sequitur, quod sanguis nutritivus intimè calecat.

Sed quid est opus rationes comminisci, ubi sensus, & autopsia rei fidem faciunt? Nimirum dum sanguis mittitur, actu præcalidus persentitur, adeo ut apud feruidiores quasdam temperaturas ipsum, unde hauritur, brachium vrere videatur: quin etiam, ut aliàs ex Galeno significauimus, arterialis cruor usque adeo feruet, ut si recens mactato animali digitus in læuum cordis immittatur sinum; vratur tanquam ab igne.

Neque illud postremò prætereundum, quod nisi sanguis calidus esset, & humidus, tres tantummodò essent humores, quod est æquè absurdum in microcosmo, quàm sit in megalocosmo tria tantum decernere elementa. Patet illatio, quandoquidem nisi esset sanguis calidus, & humidus, esset frigidus, & humidus, qualis est pituita, quare vel hæc, vel ille redundaret, vnaque deficeret qualitatum combinatio.

AN T I T H E S I S.

INterim libello de corde numero x. sententia toto opposita Cælo his verbis describitur. *Sanguis enim non est natura calidus, neque alia aliqua aqua, sed calefit, multis autem videtur natura calidus esse.* Nec ab Hippocrate discrepat Aristoteles in lib. de partibus animalium.

Suadere autem id quoque licet ex eo, quod calor omnis à corde, quod est spirituum promus, & condus in partes, & humores emanare soleat, atque adeo sanguis ante, quàm influente huiusmodi calore imbuatur, sit veluti humor quidam aqueus caloris expers, qualis testudinis sanguis esse dicitur.

Præterea sanguinem observamus, ubi primum à venis manavit, statim algefcere, ac densari, forma, & colore ipsius haud pereuntibus; igitur constat, illi caliditatem non inesse intrinsecè, & ex origine, verum extrinsecus, & ab influente spiritu duntaxat, cordisque thermopolio repescere. Quod, ut sibi quisque suadeat promptius, ignorare non debet, sanguinem eò esse perfectiorem, quò pluribus abundat fibris, quæ villi alio nomine dicuntur. Modò fibræ huiusmodi frigida sunt, ac terrestres, suntque in causa, ut sanguis cum

primum

primum effluxit, refrigescat, & coaguletur; quòd si forte fibræ istæ alicui sanguini haud quaquam insint, ille concreescere nequit, quod palam fit in leporino, ceruino, & bubulino sanguine. Doctrinam hanc edidit Hippocrates lib. de principijs, ubi de sanguine hæc: *Si vero quis ipsum conquasset, & fibras eximat, non congelatur; fibræ enim frigide sunt, & glutinosæ.* Hippocrati tanquam præceptori subscribens Aristoteles iv. Meteorologicorum cap. primo aiebat. *Quicumque autem non concrescunt, veluti cerui, tales aquæ magis, & frigidissimi, quapropter non habent villas, villi autem terræ, & solidi;* & luculentius adhuc tertio de hist. animal. cap. iiii. ubi hæc. *Secundum etiam genus fibrarum est, quod consistere in sanguine solet, quamquam non cuiusque animalis, spissari autem sanguis non potest, si id genus fibrarum detrahatur, genus id ergo fibrarum tamen si maiori ex parte in sanguine animalium inest, tamen cerui, damæ, bubuli, & aliorum quorundam sanguini deest, quocirca eorum sanguis non similiter, atque cæterorum concrescit.*

Cœterum eadem est sanguinis, atque seminis ratio; semen enim, quod est humor adeò perfectus, ac naturæ solerti ministerio elaboratus, nequaquam est ex origine, atque intrinsecè calidum, verum calefcit à spiritibus, qui ad illud generationis ergò vndique confluunt; quibus si destituatur, plastica etiam virtute nudatur, licet in reliquis suam seruet formam, ac naturam.

Denique in eum finem ex Heruæi sententia sanguinis circulatio instituta à natura fuit, ut nimirum calorem, & spiritus, quos per corpus excurrere amittit, in corde, cum remeat, repararet. His pro corollide adde, quòd cum sanguis omnis difficilis sit coctionis, crassosque progignat succos, vnde vel à pauperum mensis exulat, & in lanienis tanquam ægeris effunditur; frigidus meritò audit.

Sed instar omnium illa est fortissima ratio, qua probatur, sanguinem suapte natura calidum non esse, quòd scilicet illius est genuinus calor, cuius est vita; at sanguis non viuit: igitur sanguis ex natura, hoc est primæua constitutione nequaquam calidus erit, alioquin vrina, & excrementa, quæ in viuente corpore calida seruantur, dici possent etiam ex natura calida, quod tamen absurdum est.

SYNCATATHESIS.

Variæ sunt hinc, inde rationum phalanges; qui poterant ergo pugnantes in Hippocrate opiniones ad ἀποδείξιν reuocari? Dicamus nos, vtramque thesin posse à mendacio vendicari;
nam

nam hæ duæ propositiones: *Sanguis est natura calidus*, et: *sanguis non est natura calidus*, ex diuersa illius particulæ, *Natura*, acceptione non fiunt necessariò contradictoriæ; quare non necessariò ex vnius negatione, alterius affirmatio infertur. Valet nimirum hæc, quod secundo de partibus animal. cap. secundo dicebat Philosophus: *Quisque enim quamuis contraria dicat, tamen aliquid dicere videtur*. Porro in re nostra vtrique sententia est vera; quod ita explico. *Natura* in ore Hippocratis, imò & Philosophorum omnium duo significat, primum quidem rei essentiam, atque eiusdem principium intrinsecè constitutum; secundum verò accidens proprium, aut virtutem ad complementum, & munus requisitam. Iam assertio hæc: *sanguis est natura calidus*, si ex intrinseco principio intelligatur, mendacium est; si verò ex proprietate, & perficiente virtute, vera erit propositio; nam si sanguis huiusmodi calore perenni, & spiritu non tepesceret, nutritioni, & vitæ deseruire nequirit; quod est adeò verum, vt ex Hippocratis sententia tunc fiat apoplexia, in qua sensus, ac motus, vitæ perpetui sodales, amittuntur, cum sanguis à pituita congelatur, atque suo defraudatur calore: Audiamus ipsum primo de morbis numero xxx. *Cum sanguis, qui est in venis, perfrigeratus fuerit à pituita, transmutatur, & conuellitur acervatim aliàs, alia parte, & tremit, tandem verò omnia perfrigerantur, & moritur*. Et secundo de morb. numero vi. *Cum atra bilis in capite commota fluxerit maximè in partem, in qua plurimæ sunt venæ, in collum, inquam, ac pectus, syderatus fit homo, ac impotens, sanguine nimirum perfrigerato, deinde congelatur, & moveri non potest, & moritur*.

Cæterum qua ratione sanguis non per se calidus dicatur, explicat præcitato libro, & cap. de partibus animal. Aristoteles, vbi cum dixisset: *sanguinem etiam, & bilem alij inter calida enumerant, alij inter frigida*, incipit explicare, quot modis aliquid dici possit calidum, præclaram in hac re doctrinam aperiens. Tute ipse librum aduanto, ac perlege lector.

ANTI-

ANTIPHONIA SEXTA.

Bilis, an sanguis calidior sit.

T H E S I S.

Libello de structura hominis numero primo Medicorum *ἀπὸς* bilem constituit præferuidam, præsiccamque, ac talis ubique ab eodem recensetur, astipulante veterum omnium, ac recentiorum voto; ut idè superflua censeri possint rationes; quarum tamen aliquas in medium afferre non erit ab re. Et quidem cum inter omnes humores frigidissima sit pituita, ut lib. de natura humana numero *xxi*. palam profitetur Hippocrates, cumque pituitæ bilis è diametro opponatur; hæc omnium calidissima reputari debet: Ita ex Philosophorum placito ignis elementorum calidissimus decernitur, quod aquæ, quæ est primum frigidum, quàm maximè opponatur. Vnde meritò Galenus primo ad Glauconem dixerat cap. de curatione tertianæ. *At flaua bilis humor inter omnes, qui in corpore sunt, aridior, calidiorque existit.* Quod quinto de simpl. medicam. facultatibus cap. primo confirmat amplius.

Rursus erysipelas, febris ardens, omnesque aliæ ingentes inflammationes à bile originantur, ergo hæc succorum omnium adiudicari debet feruentissima; quin imò iccirco hæc eadem omnium acutarum febrium, & affectionum causa ab Hippocrate aliquando pronunciata fuit; quoniam, si debeant alij humores febrem excitare, bile, tanquam sulphure uti, & ad bilis naturam propius accedere eos deceat, ut à me in Isagoge medica explicatur pluribus.

Sed quid contendam probare, bilem reliquis humoribus calore præcellere, si unicuique id vel ex eo constat, quod illa in æstate augetur, ac furit, in iuuentute dominatur, rebus à calidis cumulatur? Vide librum de natura humana numero *xxii*.

A N T I T H E S I S.

Prefata cum vera sint, quomodo Hippocrates verbo *ἀσχυρόν*, & sententia *ἀσχυρόν* alibi factus est? Oppositum primo de morbis numero *xxii*. his verbis registratur. *Est pituita frigidissima*

frigidissima ex natura, calidissimus autem sanguis, frigidior est etiam aliquanto bilis sanguine: confirmat libro de natura humana numero xi. ubi hæc: Et iugulatis primum quidem sanguis calidissimus, & ruberrimus profuit, deinde pituitosior, ac biliosior (quasi biliosior non sit calidissimus) imò & numero xi. cum dixisset, homines vere, & a state dysentericos fieri, & sanguinem iisdem è naribus destillare, subiungit hæc: & calidissimi sunt, & ruberrimi.

Nec discrepat Galenus primo de temperamentis circa finem, ubi sanguinem calidissimum omnium, quæ sunt in corpore describit, ac rursus xi. de simplic. medicam. facultatibus hæc scripsit: *hic succus omnium, quæ in quocumque sunt animalium, calidissimus esse demonstratus est.*

Probari autem posset huiusmodi antitheton ex eo, quòd sanguis vndique spiritibus circumfluat, spiritus autem sint omnium feruidissimi, ut idè ab Hippocrate impetum facientes nuncupentur.

SYNCATATHESIS.

Sed caue lector, ne vnquam Hippocratem leuitatis in simules, nam leue esset ingenium illud, quod id vel cogitare auderet, ut contra dextrum, & sagax, quod in tanti viri diaphonia symphoniam reperire addiscet. Petrus Salius primo de morbis hanc difficultatem enucleaturus, bilem, ait, calidiorem esse sanguine caliditate complexionali; quòd scilicet in eius complexione plus calidi, quàm in sanguine reperiatur; sanguinem verò non complexionali, sed benigna, & viuificante caliditate præpollere.

Marinellus in eiusdem loci commentario sanguinis caliditatem, ait, maiorem esse, quàm bilis, quò ad vitam, & vitæ functiones exercendas, & conseruandas; quoniam scilicet vita hominis per calidum, & humidum existit; calor autem in humido non est in supremo gradu, sed bene in sicco; bilis verò caliditas cum siccitate copulatur.

Dicunt nonnulli, Hippocratem ibi loqui de sanguine congenito, qui proculdubio spirituum est locupletissimus, nec dum aut cruditate hebescit, aut impuritate labefactatur.

Alij censent, bilem calidissimam esse intensiue, sanguinem verò extensiue; hoc est, caloris in sanguine ampliore residere mensuram, eo quia sanguis in corpore maiori copia reliquis humoribus praualeat, in bile verò gradum intensiorem reperiiri.

Profectò

Profecto hi omnes dialogismi ingeniosi, & probabiles valde sunt, satisq; ab antilogia dictatorem vendicare valent. His tamen liceat alias duas enarrationes ex proprio Marte tanquam appendices annexere; prima esto, quod cum nomine sanguinis Hippocrates tam venalem, quam arterialem comprehendat, utique sub hac acceptione bile calidior dici potest, quatenus insiti spiritus omnium humorum, ac partium sunt calidissimi.

Altera sit, quod calidior est sanguis bile caliditate nativa; patet hoc, quoniam hæc non nisi humiditatem, quæ sanguinis est alimenta, pro suo subiecto habere potest. At contra ascititia caliditas maior in bile inuenitur, quoniam siccior humor est; siccitas autem lima caloris dicitur: Suaderi autem opinio hæc ita potest. Cuiusque caloris mensura apud viuentes est calor natiuus: Igitur quicquid nativæ caliditatis est magis consois, magis calidum in ordine ad ipsos viuentes dici poterit; antecedens est manifestum; quoniam natiuus calor ætherius est, non elementaris, proportionem respondens, ut Philosophus ait, elemento stellarum; igitur ille caliditati elementari præcellere debet, perinde ac Cælum ipsum elementis præminet, atque sublunarium omnium virtutum princeps est, & archetypum. In sanguine ergo, ac bile alias natiuum calorem, alias elementarem respexit Hippocrates, atque ita vario modo enuntiavit: ideoque verum est, quod Aristoteles secundo de part. animal. cap. secundo dicebat, calidum videlicet multifariam dici id, quod pluribus ipse declarat, quem ad eundem.

ANTIPHONIA SEPTIMA.

Vir, an Mulier sit calidior.

T H E S I S.

PRimo de Dieta numero xxx. Apollinis Protomyta Cous hæc tradit. *Ex omnibus autem masculi calidiores sunt, & sicciores, feminae vero humidiores, & frigidiores.* Confirmat non vno in loco, ac præcipue in illo septimi libri aphorismo, ubi astruit, mulierem non fieri ambidexteram; quippe dexteræ omnes partes calidiores existunt, vel ipsius Hippocratis arbitrio in Epidemijs,

C

demij,

demijis, vbi legitur: *Oculus dexter, mamma dextra, & alia partes calidiores, & fortiores*: quia ergo mulier insigni calore deficit, iecirco ambidextera non producit, eo praesertim, quod, Philosopho teste tertio de part. animal. habent homines inter omnia animalia maximè sinistram partem refrigeratam: Hippocrati subscribit apertè Galenus decimo quarto de vsu partium cap. v. i. vbi trigemina ratione probat, foeminas vitis frigidiores esse. Prima, quod si calidior foret, sanguine menstruo non diffunderet; secunda, quod non haberet intus genitalia; tertia demum, quod minores testiculos, ipsumque sperma parcius, frigidiusque non obtineret.

Rem insuper suadent aliae rationes, quae non ab vno fonte hauriri possunt, & quidem primò barba, mystaces, corporis totius hirsuties ingentis caloris sunt soboles; vt enim vberes eleuentur fuligines, excellens exardeat ignis, necesse est. Ita quoque lacertus, robur, audacia, dexteritas, ac mores generosi sunt in viris eximie caliditatis argumenta: Præterea sunt viri, macrobij longè magis, quàm mulieres, quæ propterea ad suum incrementum citius perueniunt, ac senescunt celerius: namque pubescit plesumque mulier sub anno duodecimo, vir verò non ante decimum quartum; atqui vita nativo commensuratur calori. His addatur, quod vis generatiua in vitis ultra sexagesimum annum prorogatur, in mulieribus autem quadagesimum quintum raro excedit: Hinc Nomophilaces, vt par ad generationem aptitudo inter coniuges seruetur, iubebant olim, vt viri mulieri in coniugio quindecim annos præiret; quod septimo etiam Politicorum apud Aristotelem sancitur.

Quid multa? Mulier genus imbelles, formidolosum, varium, & mutabile semper, inuidum, loquax, procax, & vt Mantuanus:

Mobilis, inconstans, vaga, garrula, vana, bilinguis.

frigiditati meritò inauthoratur. His corollidem faciat Præceptor magnus lib. de Virginibus, vbi de muliebri sexu hæc: *Est enim muliebris natura animi magis deiecta, ac imminuti.*

AN T I T H E S I S.

AT primo de morbi muliebribus numero: secundo varietinum reddidit longè contrarium, quod est: *Habet enim mulier sanguinem calidorem, & propterea est calidior, quàm vir.* Quid clarius? Huius mentis fuit magnus ille trismegista Aegyptius Horus, Rex, Philosophus, ac Medicus, contra quem, referentè Macrobio, septima Saturnaliuin, Simplicius disputauit.

Pro-

Pronunciatum suadent quoque rationes non infirmæ; nam foemina in primis sanguine diffluit vberiori, id, quod à mensruis purgationibus palàm innotescit. Atqui caloris plurimum in sanguine residet, verumque semper erit, polyæmos locuplete caliditate diffundi.

Putarunt insuper nonnulli, glabrum corpus, & mentum imberbe apud mulieres à nimio calore dissipante fuligines emanare, afferuntque insuper ad id veterum vespillonum consuetudinē ex Plutarcho; illi enim cadauera vrentes, vnum muliebre decem virorum corporibus tanquam tædam submittebant. Atqui hæc fortè non probant, vt in nostra medica Isagoge ostendimus.

Præterea mulier ex ipso Hippocrate primo de morb. muliebr. rariori, & teneriori carne est prædita, ideoque citius impletur, quia nimirum trahit à ventre humiditatem, vt ipse ait; at raritas est caloris soboles.

Denique libidine mulier exarsuat magis, nique verecundia, vel timore compesceretur, vsque ad insaniam oestro fureret. Thebani Tyresæ iudicium sat notum est, sicut & illud Secundi Philosophi, mulierem quamcumque fornicatricem, & adulteram reputantis, facto vel de matre periculo, quæ, si veluisset ipse, adulterum filium admisisset. Verùm plura de his in Geneanthropeia lector habes. Rursus iracundia vsque ad eò exardescit eadem, vt

Scylla, & Carybdis Sicula contorquens

Minus est timenda; nulla non melior fera est.

Seneca loquente in Hercule Oeteo. At concupiscibilis, & irascibilis asylus caliditatis, & quidem exurentis est alumnus, vtque supra dicebam, qui effrenis est in iram, est quoque in venerem putris.

SYNCATATHESIS.

OMnem difficultatem fortè quis posset exoluere, si diceret, libros de morb. muliebr. non Hippocratis, sed Polybi cuiusdam discipuli esse. Verùm responsio hæc minus aridet; siquidem etiam Polybus magnæ vir auctoritatis censei debet, vt qui fidus auditor ex Hippocratis amplissimo poenu doctrinam exantlauit eximiam. Existimat insuper Vega, locum illum de sanguine calidiori mendosum esse: Id si ponatur, nulla foret controuersia, atqui id non omnibus probatur, & videtur mihi mera fuga.

Dicunt interim aliqui, mulieres extensiuè, viros autem intensiuè

fuè calidiores existere. At verò in quo consistat maior ista penes mulieres caliditatis extensio, haudquaquam explicant. Neque enim ad tactum exuberans ista caliditas percipitur, nec maius est virili muliebri corpus, ut ideò dici valeat, calorem magis in mulieribus extendi, quemadmodum asserere solemus, calorem in iuuenibus extensuè maiorem reperiri, quàm in pueris.

Ceterum Rondeletius, ut hanc litteram componeret, mulieres, dixit, κατὰ, viros autem ὑπὲρ, calidiores esse: & hæc sanè responsio non parum arridet; siquidem necessarium, nedum operæpretium erat, ut feminae vegetiores, ac magis calidæ circa generationis prædium, uteri scilicet regionem efficerentur; unde est, quòd ad genitale earundem aruum & sanguis, & spiritus affluentius accurrunt; quo consilio dixerat Iob: *fortitudo mulieris in umbilico eius*; est autem umbilicus in sacris paginis generationis, ac libidinis symbolum. Neque ab his discrepat Protosophos quarto de hist. an. imal. cap. ultimo, ubi à pertè docet, mares obtinere à natura superiores partes calidiores, fortioresque; feminas verò, quæ infra sunt. Ad varias ergo vel viri, vel mulieris partes collimans Hippocrates modò hanc, modò illum calidiorem statuere potuit sine pseudologie crimine.

Sed liceat enarrationes proprias tanquam appendices ascribere. Dixerim primò, quòd calidior est mulier, ut ex verbis præfati contextus palàm comprehenditur, quoad sanguinem, non quoad temperamentum, scribitur enim: *Habet enim mulier sanguinem calidiorem, & propterea calidior est, quàm vir*. Intelligas autem hic, illum calidiorem censei non primigeniæ, sed ascititia caliditate, quam vel ex morâ in utero, vel ex conclusionem, ac putredine quadam nanciscitur, unde etiam qualitates adipiscitur ipsi sanguini nihil genuinas, sed longè nimis ab eo alienas, ut ex monstrificis eius effectibus videre est, quippe vel teste Plinio, *eo hæc sunt*, superuentu mustæ, sterilescunt tactu fruges, moriuntur insitæ, exuruntur hortorum germina. & fructus arborum, quibus insedere, decidunt, speculorum fulgor aspectu ipso hebetatur, acies ferri præstringitur, ebor, & que nitor, alvei apum moriuntur; æs etiam, ac ferrum rubigo protinus corripit, odorque dirus æra: In rabiem aguntur, eo gustato, canes, atque insanabili veneno morsus infligunt; etiam formica animali minimo inesse sensum eius, ferunt, abique gustatas fruges, nec postea repeti. Porro tam effera accidentium syndrome non nisi à calore acerrimo, extraneoque oriri poterit, inde que non immeritò feruidior, quàm sanguis viri existimari debebit muliebris.

Ceterum

Ceterum quoad temperamentum, quod à solidis partibus pendet, frigidior mulier, calidior vir censeatur. Enimvero temperamentum nequaquam ab humoribus determinatur, ideoque iure Fernelius eos redarguit, qui alios dicere consuevere, esse aliquem temperamentum biliosi, sanguinei, vel pituitosi, ac melancholici, cum dici debeat, temperamentum obtinere calidum, vel frigidum, humidum, vel siccum. Hinc non raro contingit, ut gregales Medici non intelligant, temperamentum quoad solidas partes humorum dominio sæpe aduersum esse: etenim haud raro videre est, aliquos frigido, humidoque temperamento præditos, qui bilem frequenter, eamque acerrimam euomant, contra vero calida, siccaque temperie imbutos pituitam fusque, deque rejicere.

Adhuc ab re non esset existimare, quod Hippocrates lib. de Dieta, ubi frigidiores constituit mulieres, de natui caloris penuria loquatur, in lib. vero de morb. muliebr. extraneum intelligat, qui nimirum affectiones muliebres, de quibus acturus erat, aptus est producere. Quantum vero ascititius iste calor circa uterum, partesque obscenas in mulieribus præualeat, docent abundè uterini furores, pruritus intolerabiles, libidinis incitamenta, Veneris prolubia, hæmorrhagiæ perennes, aliæque sexcentum affectiones, ac pathemata ab uteri feruore, ac polyæmia oriunda. Istinch enim resiliens insuper sanguis ad cor, & septum transfusus funesta parit symptomata, quæ lib. de virginum morbis ita exarauit Hippocrates. *His autem sic habentibus præ acuta quidē inflammatione insinit, præ putredine verò clamat, præ caliginositate autem timet, ac formidat, præ compressione verò circa cor strangulationes parit, præ sanguinis autem malitia animus mœrens, ac anxius malum atrahit. Sed & alium horribiliter compellat, & in puteos profluere, ac incidere iubet, & strangulari, tanquam meliora sint hæc, & omnem vitæ utilitatem excedentia. Aliquando verò sine spectris, ac phantasmatis voluptas quedam adest, ex qua mortem velut bonum aliquod amat.*

Ex his modò utrinque allata enodari poterant argumenta. Ad id verò præcipue, quod præ iracundia mulier calidior existimari debeat, respondere iubet, hinc sexus potius imbecillitatem, atque impotentiam prænotari: Siquidem iccirco est mulier tantopere iracunda, quia frigidior, sui que impotens extat, quod ne alicui paradoxon videatur, doctrinas nec extritas, nec passim obuias in medium afferam. Porro, uti irati sunt omnes calidi, ita iracundi ob calidi innati rarefactionem, atque imbecillitatem, frigidiores existimandi: audiamus Vallesium primo Epidem. sect.

tertia textu xxxi r. vbi cum dixisset Hippocrates, quod in constitutione quadam balbi, iracundi, & mulieres ex hoc genere peribant, ita in commentario habet: *O'ε'ξ'δοι autem, id est iracundi dicuntur non qui animosi sunt, sed qui leui de causa, atque sepe irascuntur, quod frigidorum esse, mulieres indicant causa autem est in calidi innati debilitate, quod facile à quauis causa molestiam subit.* Id ipsum in libro artis Medicinalis Vallesius idem confirmat, mutuata fortassis à Galeno opinione, qui in secunda sect. primi Epidem. textu Lxxv. hæc scripserat: *Quocirca ex ijs, quorum ab initio mentionem hæcenus fecimus, reliquum est, ut de iracundis agamus, qui etiam maximè contrarij sunt animosi; quippe animosi viriles sunt, & humilium rerum contemptores; Iracundi verò contra pusillanimes, quod generosa, virilique animi parte sint destituti, quare iracundi temperamento frigidior erunt, dissabuntque ægrè.* Quod licet idem Galenus tum libro de arte Medica, cum etiam in eo alio, qui inscribitur: *Quod mores animi sequantur temperaturam corporis* oppositum sentisse videatur; inquit enim in vno loco sic: *furētes, & iracundos calor abundantia efficit;* in alio verò: *calida namque temperies iracundos facit;* & inde rursum: *iracundia calorem accendit, & ignem reddit,* quod etiam in secundo de causis pulsuum cap. xi i i. confirmat; distinguendum tamen erit, eodem Galeno arbitro v. Epidem. sect. quinta, quod ex duplici, qui in nobis est calore, nativo scilicet, atque ascititio, duplex quoque iracundia genus enascitur ob vtriusque copiam, & feruorem; quæ ex naturali calore est, sanguine, ac spiritibus effervescentibus ob rationalem aliquam causam, ad fortitudinem pertinet, & calidos arguit, quæ verò ex leui quacunque causa ab ascititio excitatur calore, feruescente aliquo præternaturam humore, pusillanimi est, atque frigiditatem redarguit. Quod sanè Hippocratis eximia, & paucis obseruata, paucioribusque probata auctoritate ex lib. de structura hominis ad Perdiccam Macedonum Regem postremò tanquam colophone persuasum volo: Ibi namque numero secundo sic legitur: *Qui verò flaua bilis participes sunt, desiles, pusillanimes, pauidi, imbellesque esse solent.*

Neque Ioannes Stephanus vir alioquin ingenio præstans, ac doctrina diues verba hæc suspecta habuisset in suo commentario, ac prorsus admirari desisisset, si quæ supra declarauimus, intellexisset. Placet ipsius quoque Ioannis Stephani verba subscribere. *Quod verò flaua bilis participes sint desiles, & pauidi, quod velle videtur Hippocrates, haud capionis, ut retrò scripsimus, præpollente celesti temperie, hoc fit; biliosi enim solertes sunt, intrepidi, magni, elatique animi;*

animi, forte atram bilem intellexit, quam. ut superius, flauescentem appellauit, ut propterea de mendo magna mihi iniiciatur suspicio. Et eodem sane collinat sententia illa sexti Epidem. sect. iv. textu XXI I. Calidi ventre, frigidi carne, & graciles bi venosi, & iracundiores. Vide, si placet Septalium in commento secundo ad lib. Hippocratis de aere, aquis, & locis, ubi hæc scitè, & eruditè, ut solet omnia semper, discutit. Interim rem tanquam episodio confirmatam volo vnius Iusti Lipsij auctoritate secundo de constantia cap. vi. ubi sic. *Ira, vindicta, ultio humani affectus nomina sunt, & nata ex imbecillitate cadunt tantum in imbecilles.*

ANTIPHONIA OCTAVA.

*Venæ puerorum sint ne tenues, an
ample.*

T H E S I S.

Libro de genitura numero iv. exiles, & angustas puero-
rum, & puellarum venas Hippocrates indicit: en verba
ipsa: *At verò pueris venule tenues, & repletae existentes ge-
nitura transsum impediunt, & pruritus ipsis non similiter accidit.*
Subiungit inde: *Quin, & virginibus, quousque iuencule fuerint, men-
ses non procedunt propter eandem causam.* Ratam facit sententiam
lib. de nat. pueri numero xvi. in. inquiens. *Nam dum adhuc puer est,
& venæ tenues existunt, non procedit per ipsas genitura, eadem ratio de
mensibus virginum est.* Assertio probatione vix egere videtur,
quoniam satis allato à Magistro experimento comprehenditur,
atque anatome ipsa clariùs percrescit. Hoc vnum dixisse suffi-
ciat, quòd cum breue, & exile sit ob ætatem pueri corpusculum,
venæ proportionem si debeant ei respondere, non nisi angustæ, &
exiles illæ existant.

HIPPOCRATIS COI ANTITHESIS:

Antilogiam exarauit Præceptor lib. iv. de morbis numero xxviii. ubi lapidis in vesica generationem penes infantes ex impuro nutricis lacte describens, amplas, & vndique patentes venas ipsis in pueris videtur supponere; adducam verba: *At ubi suxerit lac non purum, sed terreum, & pituitosum, & habuerit puer venas de ventriculo ad vesicam tendentes, amplas, ac attrahentes, procedit autem & quod bibit nutrix, & lac in ventriculum pueri.* Diætiæ adesse in promptu ratio videtur, quoniam pueri omnium voto calidissimi audiunt; at caloris munus est in primis aperire, & dilatare venarum ductus, cæcosque referare mæandros. His adde, quod cum facultas naturalis in prima ætate sit apprimè vegeta, illius interest, sanguinis ductus peruios facere, & referatos, ac patulos aperire cuniculos. Suffulcitur sententia subobscurò illo Præceptoris oraculo sexto Epidem. sect. tertia textu xiiii. *Post mictum pueris concretio; numquid quia calidiores?* Quibus verbis nil aliud voluit ipse, nisi, quod pueris in vesica semper, in renibus nunquam gignitur lapis. Euentus autem huiusce rationem afferens Vallesius in commentario, acceptam refert tum languidæ expultrici ipsius vesicæ, cuius functio ad animalem facultatem, quæ in pueris imbecillis existit, spectat maiori ex parte, cum etiam validæ renum facultati, & viarum amplitudini, ob quæ liberè migrant, & expelluntur sabulosæ colluies, & crassa excrementa: Placeat audire Vallesium: *fit concretio in vesica post mictum, quia id sordium, quod est ob languidum urinæ motum hæret, neque cum illa exit, sed congeritur; in renibus non ita, bi enim, ut qui naturali expultrici, quæ in pueris est fortissima, expurgantur, faciliè se ab omnibus expediunt; accedit mollicies partium, & amplitudo viarum.* Sunt itaque amplæ, patulæque puerorum venæ.

SYNCATATHESIS.

Adsymphoniam redeunt contrariæ voces, si dicatur, libro de genitura, atque de natura pueri Hippocratem de naturali ac genuina puerilium venarum constitutione verba facere: Est autem hæc probæ cuius ratione corpusculi angusta, & exilis, nec, licet calidissimi sint pueri, maiorem exigunt amplitudinem, imò si obtinerent, præternaturam esset, perinde ac præternaturam est quæcunque amaurosis. Ceterum quarto de morbis de

de eo, quod in pueris præternaturam contingit, sermonem habet, ideoque loquitur ex hypothesi: *Et habuerit puer venas de ventriculo ad vesicam tendentes amplas, & attrahentes*, quasi annuat, esse quidem illas ex naturâ plerumque angustas, sed ad lapidis coagmentationem amplas præternaturam requiri necessariò. Secus enim in omnibus pueris lithiasis reperiri deberet, quia omnibus venarum inesset amplitudo, quod tamen longè distat ab alithia.

Sed age, inquires! Qua ratione Hippocrates ait: *Venas ad vesicam de ventriculo tendentes*? quænam, aut ubi venę istę referuntur? Certè nullę, vt anatome vel superficie tenus initiatis constat liquidò. Porro haud est existimandum, lentissse Magistrum, venas recto tramite de ventriculo ad vesicam excurrere, sed mediata, & per varios flexus, ambagesque; Nec simili modo putandum, huiusmodi venas, ac ductus esse longissimos illos, quos omnes norunt, nempe à ventriculo ad intestina, ab his ad venas meseraicas, à meseraicis ad hepar, ab hoc ad emulgentes, atque ab his tandem per vtreteres ad vesicam. Verùm longè breuiora diuerticula nouit Hippocrates in pueris maximè, & sunt nimirum viç à ventriculo per vas breue ad lienem, ab hoc in arteriam splenicam, hinc in arteriam celiacam, ac mox à trunco aortę arterię per arterias emulgentes ad renes, qui sanè transitus citius absoluitur, vnde tanquam per compendarios mæandros vrina celerimè redditur, vt videre est in illis, qui acidulas, aliasque thermales affatim, & abundè hauriunt aquas, nam breui horulę intervallo mictu totas refundunt; quod profectò accidere

non posset, si per viam hepatis prolixam, ac tot

alias flexiones transmearet. Hę sunt igitur

venę à ventriculo ad vesicam tendentes,

de quibus Hippocrates loquitur.

Sed hæc *παρέρχον*.

ANTIPHONIA NONA.

Potus an ad pulmonem delabatur.

T H E S I S.

QVarro de morbis magnus Aesculapij Diæcetes numero xxx. apertè fatetur, ac probat etiam, potum nulla ratione ad pulmonem destillare. Verba illius hæc: *Quidam dicunt, quòd potus in pulmonem deuenit, ex hoc verò in reliquum corpus: Hi autem, qui hoc dicunt, redarguuntur ex hoc, quòd dicturus sum. Libro verò de ossium natura numero vi luculentius rem attruit his. Potus per fauces, ac gulam, larynx enim, qui caput, arteria est, in pulmonem, ac arteriam tendit, ab his in summam vescam.*

Thesim probat pluribus argumentis, quorum est illud primum: *Si potus procederet in pulmonem, quum pulmo expletus esset, homo non facilè respiraret, neque loqui posset, non enim esset, pulmone pleno exsistente, quòd resonaret.*

Secundum quòd adducit argumentum est: *Si potus in pulmonem procederet, cibi in nobis sicci existentes non similiter concoquerentur.*

Tertium est illud, quoniam si potus ad pulmonem deueniret, *Medicamenta alium subducentia, si in potu sumantur, extra ventrem procederent; Si verò aliquod ex his medicamentis in pulmonem perueniret, videtur mihi magnum aliquod malum inducturum esse, pituita enim de capite descendens, eum in valde breui tempore exulcerat.*

Quartum est hoc: *Vbi à vino nigro homines repleti fuerint, nigra recrementa excernunt, & ubi allia comederimus, aut aliud quoddam edulium olidum, urinam reddimus comesta odore referentem. Addit his, quòd si quis cyceonem biberit, aut farinam coctam sorbuerit, aut aliud quid eiusmodi, & hoc ipsum in pulmonem perueniret, certè arbitramur, ipsum ne minimum quidem tempus viuere posse, ubi enim modicum quoddam pituita in pulmonem perueniret, aut in fistulam ipsius, multa, ac fortis tussis oboritur, ac conuulsio.*

Denique sic arguit: *Quomodo hæc infantes pueros nutrire posset, si in pulmonem descenderet?* Ita multis præter consuetudinem argumentatur Hippocrates, qui secus dogmata sua laconicè proponere, ac probare solet, ideoque exoletæ huius prolixitatis, & battologiæ ne redargueretur, se ipsum purgat his verbis: *Et hæc, ne produxissem*

sem quidem ad sermonis mei confirmationem, nisi multi adeo homines essent, quibus potus in pulmonem procedere videtur, & necesse est ad opiniones fortiter inherentes multa argumenta adducere, si quis velit auditorem à priore sententia abducere, ac conuertere, ut suis verbis fidem habeat.

Ceterum adeo certa experientia iam compertum habemus, per eandem viam & solida, & potulenta permeare, ut ridiculum sit id amplius in velitationem ducere; nam si quis statim à prandio vomat, è ventriculo eadem eccrissi tam cibos, quam potus reijciat, quod in ebrijs quotidie cernitur. Iam, ut primo de Diætâ numero quinto monebat Pythia noster: *Oculis autem magis credere oportet, quam opinionibus.*

ANTITHESIS.

Oblitus hæc omnia Dictator libello de corde numero primo profitetur palam, pocula irrorare pulmones; sunt hæc verba: *Ceterum hunc humorem cor emingit bibendo ipsum assumens, ac consumens pulmonis nimirum potum lambens; etenim homo multum maximam partem in ventrem bibit, gula enim siue stomachus velut infundibulum potus copiam, & quaecunque volumus excipit. Bibit autem, & in guttur, ac arteriam, minus verò, & quantum latere possit per rimam illi ipsum.* Confirmat in eodem libro, ubi aquam illam, quæ in pericardio continetur, ex potu generari tradit, qui per asperam arteriam in pulmones allabitur: quin etiam secundo de morbis numero LC. pulmonis quendam describens morbum, sic ait. *Hunc veratrum bibere oportet, & per se, & lenticule decocto admixtum infundere etiam in pulmonem oportet.* Insuper libro de internis affectionibus numero xxv. cuiusdam hydropis ideam describens, hæc habet: *Aqua inter cutem ex his fit, cum æstatis tempore siti vexatus aquam multam biberis nam ex his maximè fieri solet, & pulmo expletus fuerit, rursus ad pectora dimittit.*

Interim Hippocrates antithesin hanc ita probat à signo; *signum autem huius rei hoc est: Si quis enim aquam caruleo, aut rubrica temperatam sitienti valde bibendam dederit, maximè Sui (hoc enim pecus non est curiosum, neque mundiciei deditum) deinde, dum adhuc bibit, ipsius guttur resacet, hoc colore ipsum tinctum reperiet.* Id ipsum præterea suadet Medicorum communis pragmatia, qua linctus in morbis pectoris adhibentur ad leniendam tracheam, imò etiam ad materiam in thorace, vel pulmonis bronchijs hærentem incidendam, hume-

humectandam, & abstergendam, vbi crassior, seu viscidior, seu etiam aridior per anacatharsim expectorari nequit. Hoc eodem consilio 111. de morb. num. xxiv. Symbulus noster monebat, in pleuritide angusto oris pocillo bibendum esse, & quidem copiosè, quatenus pulmo irrigetur, & sputum reddatur ad exitum madore promptius: ipsum audiamus. *Post balneum etiam vinum dulce, & aqua sum bibendum est, non frigidum, modicum, ex angustiori pocillo, & vbi tussis inuasit, amplius bibendum, & quam maxime excreandum, quod pulmo humidior factus facilius, ac citius sputum reddat & tussis minus effligat.*

Quid multa? In ipsius quoque tracheæ vlcere iubebar in methodo Galenus, vt æger lupinus eclegmata quàm diutissimè in ore contineret, ita namque sensim destillat, permeatque facile medicamentorum bechicorum vis ad pulmones vsque, id, quod asthmatici, orthopnoici, tussiculosi, peripneumonici, atque phthisici quotidie experiuntur, vtilique periculo probant. His adhuc & illud addatur, quod è vulnerato thorace feri copiam non raro effluxisse, Chirurghi obseruarunt, quod sane serum per asperam arteriam defluum eo in loco continetur: Imò & in arterijs, Andrea Laurentio teste in historia anatomica, plus quàm in venis, serosi reperitur humoris, cuius materia à trachea in pulmones, & à pulmonibus ad cor, & à corde in arterias primario derivare, est rationi consonum; ab arterijs tandem per emulgentes in renes transcolatur, & iccirco tam insignes etiam fuerunt à natura emulgentes arteriæ constructæ.

Denique, vlex hoc sibi quisque suadere potest, per asperam arteriam potulenta aliquatenus destillare, quoniam epiglottis semper hiat, vt aerem excipere, atque halitus fuliginolos extrudere perennè valeat; quare per eiusdem rimas, nec non laryngis latera fluidioris substantiæ aliquid delabi poterit. Dixi fluidioris aliquid substantiæ, quoniam solida cum deglutiantur, epiglottidem comprimunt, quare aditum per arteriam haud inveniunt, et si forte quid irruat, molestissimam tussim, atque suffocationis metum infert, quod Anacreon Poeta funesto periculo didicit; nam passularum acino in tracheam illapso, periit strangulatus, quo mortis genere obiit & Ephebus ille apud Alexandrum, Benedictum, cui pillulam nolentem assumere mater digito illam vi in arteriam compulit, vnde suffocatus interijt.

An forte cupis antiquorum in hac opinione auctoritates? Ita sentiunt inter Philosophos Plato, Philisto, Dioxippus Hippocraticus, Locrus,

ANTIPHONON LIB. I.

45

Locrus, & Plutarchus: inter veteres Poetas Homerus, & Erastothenes cum Alcæo, cuius illud extat carmen.

*Irriga pulmones vino, nam canicula asrum exoritur,
Hora difficilis, qua cuncta sitiunt pre ardoris aestu*

Eodem spectat Eupolis illud: Potare Protagoras iubebat, ut ante aduentum canicula pulmonem madidum haberet.

SYNCATATHESIS.

A Bnegat solum rv. illo de morbis Præceptor, vniuersum potum ad pulmones diffuere, vt plerique æuo suo perperam arbitrabantur, quos adductis rationibus abundè conuellit. At lib. de Corde, & alibi nil absolum putat, si quis pro comperto habeat, humoris aliquid etiam per tracheam in thoracem deriuare, sensimque destillare: imò ita contingere ob decliues arteriæ ductus, & fluxilium succorum naturam per pendulos præsertim tubos, veritati apprimè consonum existimat, vel experimèto suadente, quo nouimus ad pituitam, vel pus è pulmonibus, ac thorace repurgandum, eclegmate, aquis, sorbitionibusque vel dulcibus, vel acidis vti omnes consueuisse. Et sanè, vt falsum est, & prius *ἀλγορον*, potum vniuersum per arteriam asperam thoracem irrigare, ita nihil prius ad eundem sensum, & guttarim repere, est à ratione, atque autopsia alienum. Sæpius in pectoris morbis armenam bolum in linctibus vsurpatam sputis commixtam ipse vidi, & anacatharsi post dies aliquos reiectam.

ANTIPHONIA DECIMA.

Naturæ cognitio sit ne Medico necessaria,

T H E S I S.

N Ecessarium ad bene curandum naturæ cognitionem esse præter vniuersale Dogmaticorum sancitum, apertis fidibus edisserit Pythios noster primo de Diæta numero 1. his dictis. Porro eum, qui de victu humo scripturus est, censeo, primùm quidem totius hominis naturam nosse, ac diiudicare oportere:
Nosse

Nosse quidem, ex quibus à principio constitutus est, diiudicare verò, quæ in ipso partes dominium obtineant; si enim constitutionem ab initio non cognoscet, & id, quod in corpore dominatur, non poterit ea, quæ homini conducunt, offerre.

Confirmat primo de morbis num. 1. ubi ad recte curandum, quæ sunt necessaria percurrentes, hæc post multa exarauit: *Et de corpore, quod calidum sit, aut frigidum, aut siccum, aut humidum, & quod forte, aut debile, aut densum, aut rarum.*

Suadet quoque ratio, quoniam cum simile à simili conseruetur ex Asclepiadum axioma, cumque alimentis maiori ex parte conseruetur vniuscuiusque natura; impossibile erit herclè isthæc omnia opportunè præscribere, nisi naturæ illius constitutionem, ac temperiem prænouerimus; quod verò ad Medicinæ partem therapeuticen spectat, cum hæc per contraria dirigatur, cumque morbus non sit, nisi recessus à naturali statu, hunc si ignorauerimus, neque intelligere fas erit, quantum a naturali linea corpus recesserit; siquidem est illud Philosophi vero verius, rectum esse index sui, & obliqui. Id nimirum vsque adeò veritati consonat, vt communi Auctorum dictato sanciat, illum curatum iri melius, quem sæpius curauerimus, quod videlicet illuxerit inde clariùs integra illius complexio. Nempe in hunc finem rei medicæ Scriptores Physiologiam Pathologiæ, ac cæteris partibus præmittunt.

ANTITHESIS.

Interim legislator idem asymphonios apparet lib. de veteri medicina numer. xxxvi. ubi Naturæ cognitionem flocci facere videtur: excipiamus verba. Porro medici quidam, itemque sophistæ dicunt, quod impossibile est, medicinam cognoscere eum, qui non nouit, quid sit homo, & quomodo primum factus, & compactus sit; ego verò ea, quæ alicui sophistæ, aut medico de natura dicta sunt, aut scripta minus censeo, medicæ arti conuenire, quàm pictoriæ; quinimò sentire adhuc videtur, naturæ totam cognitionem ex medicina proficisci, nam subdit hæc: *Iudico autem de natura aliquid manifestum, ac euident cognoscere, ex nulla parte aliunde contingere, quàm ex medicina.* Opinionem hanc multis instantijs probare nititur in subsequentiis Hippocrates, quæ legere vnicuique fas erit.

SYN-

SYNCATATHESIS.

DE humano victu præcepta traditurus primo illo de diæta Magister naturæ cognitionem haud immeritò præsupponit; sine illa enim procul dubio victus ratio, quæ similis esse debet, atque temperamento compar, recte præscribi nequit, eodem Hippocrate teste lib. de salubri diæta, ubi illa præcipuè leguntur: Proinde victum & ad ætatem, & anni tempus, & corporum habitus eum instituere oportet, qui calori, & frigori præsentibus opponatur, eo enim modo optima valetudine fruetur aliquis; quod nimirum libello de veteri medicina iam nuncupato num. xxxvi. claro sermone ita firmaverat. Atqui mihi necessarium esse videtur, ut omnis Medicus de natura sciat, & omni studio annitatur, ut cognoscat, si modò aliquid eorum, quæ fieri debent, recte præstare velit, quid est homo ad ea, quæ comeduntur, & bibuntur, comparatus, & quid cuique ab unoquoque continget, ac accidet, & non simpliciter sic existimare, quòd malum edulium est caseus, dolorem enim affert repletio ex ipso, sed quem dolorem, & propter quid, & cui parti intra hominem existenti incommodum existit; nam & alia multa edulia, ac pocula natura mala sunt, & efficiunt hominem non eodem modo; Et numero xxxviii. eiusdem libri concludit hæc: Quisquis igitur hæc non cognoscet, quomodo singula se habeant ad hominem comparata, is neque cognoscere, quæ ab his sunt potest, neque recte uti. Cæterum ad curationem, de qua loquitur libro de veteri Medicina, naturæ prænotio haud certè necessaria videtur, imò ex ipsamet curatione natura percrebescit: exhibito namque medicamento, qui deducuntur humores huius, vel illius dominium, atque etiam dyscrasiam ostendent. Neque sanè illos plerumque curamus, qui sint nobis noti, sed sæpius ignotis medicinam facimus, indeque eorum naturas consequimur; quare Socratis (gratia exempli) & Platonis diagnosi ad Prophylæticen potius, quàm ad ipsam Therapeuticen pertinere videtur. Vel dicamus cum doctissimo Heurnio in commentario libri de veteri medicina, quòd si natura humana genericè, & in communi sumatur, eius præcognitio haudquaquam est necessaria; ut enim Hippocrates ipse aiebat, spectabit eadem nihil minus ad artem pictoriam. Nam pictor etiam (sunt Heurnij verba) humanam naturam noscere debet, ut membrorum analogiam recte pingat, ita cæcario pedis dimensione opus est, quò recte aptet calceos. Si

verò

verò humani corporis natura propriè sumatur, quantum videlicet ad Medicinæ finem pertinet, vt Heurnius idem ait, *medici peculiaris est, adeoque propria, vt nulla ex alia arte, quàm ex medicina percipi possit.*

ANTIPHONIA VNDECIMA.

An bilis, an Pituita producatur à pinguibus.

T H E S I S.

Sexto illo opulentissimo Epidemiorum libro, quem in Romana Cathedra triennali labore explanauimus, sectione sexta hæc leguntur: *Quibus quidem pingue, bilis flaua.*

Probatur autem, quoniam inter symbola, Philosophia dictante, facilis est conuersio; iam bilis humorum pinguedo est; igitur à pinguibus cumulabitur; quòd verò inter humores, pinguis existat bilis, quarto de morb. numero 23. Præceptor idem testatur his verbis: *calescento sanguine, exalat maximè per hunc humor aquosus, qui feбри est infestissimus; relinquatur autem pinguis, & leuis, qui est biliosus, & feбри maximè nutrimentum.*

Rursus, quæ inflammabilia sunt, facile ignem concipiunt; huiusmodi sanè existunt, experientia magistra, pingua omnia, & oleosa; hæc enim inflammata bilem, quæ est humorum calidissima, opiparè producunt. Secundo de Diætâ numero 12. de caseo loquens Magister dixerat; *æstuosus est, quia pinguis, & num. 15. eiusdem libri de amygdalis loquens: æstuosæ quidem sunt propter pinguitudinem, & rursus num. 16. pingues carnes æstuosæ sunt.* Huc insuper spectat sententia illa Hippocratis in libro de affectionibus text. 37. *Pingua ad inflammata non conducunt, neque ad ea, quæ non sunt purgata, neque ad putrescentia.* Quid vltiò calamum produco? Thesis suadet euentus; nam quotquot ex natura, vel ex accidenti biliosi sunt, ac maximè picrocholi, ab esu pinguium summopere infestantur; cumulata videlicet inde succi biliosi colluie: Hinc libro de affectionibus num. 34. *Pingua, & caseosa, & mellita, & ex sesamo parata rutilum acidum maximè faciunt, & bilis fluxum supernè, ac infernè.*

AN.

ANTITHESIS.

AT libro de affectionibus, quem pariter in Urbis lyceo non infausto labore commentarijs illustrauimus, textu xxxix. sic habet; *pinguia, & dulcia humiditatem, & pituitam exhibent*. Probari autem propositio ex eo posse videtur, quod sapor dulcis humiditatis potius, quam siccitatis est soboles, in arido enim contraria potius gignitur qualitas; hinc aloes, colocynthis, rhabarbarum, absyntium amara, & inter humores bilis: igitur si inter congenea facilis est commutatio, dulcia, & pingua pituitæ addent. Cæterum si pingua frigida sunt ex Aristotelis dogmate, ait enim, omne pingue exangue, omne exangue frigidum, sequitur, quod frigidum humorem cumulare debeant, qualis est pituita, non autem bilis.

Secundò dici potest, quod cum dulcia, ac pingua, ut naturæ apprimè grata, & familiaria rapiantur ab illa; fit ex eo, ut nondum fortè pepsi æquata prolestantur, atque adeò cruda adhuc partibus alendis demandentur, ubi pituitosam cumulent colluuiem.


Tertiò addas, iccirco pingua, atque dulcia pituitæ generationi fauere, quia ventriculum laxant, atque infirmant; quod liquidò percrebescit ex alui lubricitate, imò etiam diarrhæa, quæ ex eorum usu frequenter superuenit.

SYNCATATHESIS.

ESto brevis symphonismus. Dulcia cum partium tenuitate in bilem degenerant, cum earundem crassitie pituitam faciunt. Pingua in præcalido corpore tanquam sulphur inflammantur, atque in bilem vertuntur; in frigido, ac pituitoso habitu pituitam augent; quod etiam de dulcibus sentiendum erit, Galeni arbitrio id assuerantis non vò in loco, sed maximè lib. ii. de naturalibus facultatibus cap. viii. cuius verba: *Atqui non mel modo, sed etiam cætera vniuersa in supradictis corporibus, quæ ex qualibet iam memoratarum causarum sunt calida, facillè in bilem mutantur*. Rursus in spurij cap. de vinis idem hæc habet. *Quoniam omnes succi dulces materie sunt flauæ bilis gignenda*.

D

HIP.



HIPPOCRATIS COI

MEDICORVM PRINCIPIS

ANTIPHONON

LIBER SECVNDVS

In hoc secundo libro descriptas, lector, videbis Antiphonias patho-
logicas, ætiologicas, ac symeoticas, ordine tamen, ac serie distin-
ctas; nam prius, quæ morbos, eorumque symptomata, mox
quæ eorundem causas, demum quæ signa tam diagno-
stica, quam prognostica continent, stilo, ac métho-
do eadem, nec non doctrina multiplici, sub-
tilique stamine retexentur.

ANTIPHONIA PRIMA

Morbi cognitio an sit ad curationem necessaria.

THESIS.



UAM sit ad rectè curandum necessaria,
morbosum cognitio, libello de arte cum
primis testatum reliquit Græcus Hippocra-
tes ijs vulgatissimis verbis: *Medicus, qui sus-
fecerit ad cognoscendum, sufficit etiam ad sa-
nandum.* Quam sententiam imitatus Lati-
nus Hippocrates aiebat. *Cuius rei non est
certa notitia, eius opinio certum reperire reme-
dium non potest.* His quoque assentitur Galenus non vno in loco
sed potissimum in primo de alimentorum facultate, ubi hæc tradit:
Quip-

Quippe affectuum cognitio est materia remediorum, non ipsorum remedium cognitio. Quid multa? etiam in ore Poetarum id ipsum versatum est, unde illud Propertij:

Non intellecti nulla est curatio morbi.

Quin eò insuper res deuenit, ut Præceptor idem non simplicem prærequirat cognitionem, sed plenam per omnes causas adipisci medicum debere testetur, si rite sit curaturus; quare aiebat alibi, eum tantummodo salubres posse medelas afferre, qui morborum causas vnde quaque cognouerit; & quod magis est, alibi cognitionem istam non vna sed omnibus temporum differentiis expleri vult ijs verbis: *Nosse præsentia, scire præterita, præuidere futura*, sub quibus procul dubio omnis morborum vel exactissima diagnosi comprehenditur: siquidem sub rerum præsentium agnitione continentur ægotantis temperamentum, affectus præternaturam idea, symptomata, & causæ continentes; sub rerum præteritarum ordine procataarchicæ causæ reponuntur, nec non vniuersa antea vita: sub futurarum denique congerie comprehenditur, qui morbi futurus, est euentus omnisque Medici operatio. Et sanè id summa cum ratione sæpius, & instanter monitat Hippocrates, ne eius sectatores empirici audiant, qui nimirum solent Andabatarum more, nulla prorsus affectuum, & causarum præhabita cognitione, curationem aggredi.

Probari autem potest non vnico argumento sententia, & primò sic: Si verum est, ut planè verissimum axioma, quod contraria contrarijs curantur, nisi morbum exactè cognoscamus, quid illi contrarium existat, nequaquam intelligemus; Patet hoc, quandoquidem remedia à morbis indicantur, ut hanc, vel illam referunt ideam; igitur eorum natura comperta esse debet, ita exempli gratia si quis ignis nesciret naturam, ignoraret etiam à quo extingui posset; sūt enim ignis, & aqua *ἐκ διαμετρικῶν ἀντικείμενα*; at verò ex Philosopho, qui vnum oppositorum ignorat, ne esse est ignoret & alterum.

Secundò purgans pharmacum in specie à natura morbi indicatur, quare in causo, & biliosis affectionibus cholagogum, in melancholicis melanagogum præsignatur; si ergo morbus medico sit ignotus, cuius naturæ pharmacum præscribet? Enimvero continget facillè, ut in calidis affectionibus calida, in frigidis frigida cum extrema patientis calamitate exhibeantur; nam, ut libro de loc. in homine § 1. sancitur: *Sananturque dolores contrarijs, idque etiam unicuique morbo proprium est.*

Præterea morborum alij sursum, alij deorsum ex Hippocrate purgationem affectant; ita quarto Aphorismorum decernitur, biliosos, gracilesque in ætate per superiora purgandos esse, melancholicos, & obesos per inferiora; atqui ignota ægritudine id planè fieri non potest. Quid multa? Sine mali cognitione irrita fiunt omnia therapeutica dogmata: *Quicumque morbi* (ait Hippocrates secundo Aphorismorum XXI 1. *Ex satietate, fiunt, euacuatione sanantur; & quicumque ex vacuatione oriuntur, satietate eodemque modo alia contrarijs curantur.* Absque notione igitur satietatis, vel inanitionis, qui poterit opportunum remedium exhiberi? Quomodo insuper extremis morbis extrema remedia, ut in aphorismis: debilibus debilia, fortibus fortia, & libro de locis in homine præscribemus? Secus autem, ut Celsus libro secundo cap. x. scripserat: *Non potest vehementi malo nisi aequè vehemens auxilium succurrere;* vel ut Arethæus: *Morbum quò dissolvas, maiora esse remedia, opus est.* Omittam, quòd prognosis ipsa, morbi ignorata idea, frustratur prorsus.

Denique non omnes morbi purgatione curantur, sed plurimi neoterismo, non pauci nutritu; ergo in his, si ignoti fuerint, nullum habebit locum catharticum pharmacum.

ANTITHESIS.

Libro interim de locis in homine textu 28. manifestus exaratur antilogismus his penè verbis: *Morbum si quis non cognoscat, medicamentum bibendum prabeat non forte, si itaque leuior inde fiat, demonstrata via est, quòd gracilitatem inducendo curandus est; si verò non leuior reddatur, sed secus habeat, contraria facienda sunt.*

Porro præclarum, & optimum Hippocratis hoc præceptum reputandum est, quod non minus ægri saluti, quàm ipsius Medici existimationi expedit; Ægri quidem saluti, quando quidem præstat Celsi consilio anceps, quàm nullum experiri præsidium; nimirum ventris, ac stomacho repurgatis non potest nisi morbus leniri: Aluina excrementa ut plurimum, & quæ in ventriculo stabulantur cruditates omnium penè morborum parentes, Auicenna arbitro, existunt; igitur illis subductis maiori saltem ex parte valetudini consulitur. Et sanè in hunc finem Hippocratem dixisse, arbitror in aphorismis. *In principio si quid tibi mouendum videretur, moue;* quod nequaquam de causa continente intelligi debet; nam alias

aliàs inuiolabili sancito præceperat, concocta medicari, cruda moueri haudquaquam debere, verùm de primarum viarum colluie, quæ morborum omnium, si non origo, saltè fomes existere potest.

Medici præterea bonæ existimationi fauet, quoniam si ob morbi ipsius obscuritatem, & ignorantiam nihil medicus operaretur, magnam sui nominis iacturam faceret. Tam facillè quippe medici omnes dedecori inauforantur, uti vel ipse Hippocrates Democryto scribebat, tam promptè cauillis laceffuntur, tamque leui negotio vel nihil omittentes insimulantur, ut si nihil operarentur, tanquam mortis auctores ab omnibus damnarentur; Vnde fit, quòd sæpe vel inuiti ab importunis mulieribus cogimur multa moliri, quæ interdum detrimento potius, quàm ægotantium emolumento cedunt; quando est vero verius illud Liuij, medicos plus interdum quiete, quàm agendo, & mouendo proficere, Seneca in epistolis confirmante ijs verbis: *in morbis nihil est perniciosius immatura medicina*; neque enim præstantiores medici ijs habendi, qui citra intermissionem contra morbos agunt, cum apud Hippocratem secundo Epidemior. sectione secunda aureum illud registretur præceptum: *Ex adhibitione contraria adhibere, & quiescere*; quam sententiam expendens, & enarrans Vallesius in hæc prorupit. *Atqui cum sint hæc due partes medicæ Praxis, contraria adhibere, & quiescere, mihi hæc vltima videtur præstantior. Censeo enim periculosius incidere in medicum, qui nesciat quiescere, quàm qui nesciat contraria adhibere; Nam qui nescit quiescere, nescit occasiones contraria adhibendi; quare neque contraria adhibere. Qui nescit contraria adhibere, tamen si prudens est, scit quiescere, atque si prodesse non potest, tamen non obesse. Digna sane tripode verba.*

SYNCATATHESIS.

AT non difficillè conciliantur, quæ contraria videntur prothemata; quippe libro de Arte necessariè in arbitratum Hippocrates morbi cognitionem ad finandum; perpendenda enim est particula illa: *Sufficiet ad sanandum*. In libro verò de locis in homine ignoto morbo pharmacum propinari iubet, non quidem ut certam in de sanitatē adipiscatur, sed ut potius morbi faciem detegat, cuiusque plenam nanciscatur ideam,

D 3

ideò.

ideòque aiebat: *Si itaque leuiter inde fiat, demonstrata via est, quòd grauius inducendo curandus est.*

Porro non rara, imò frequentissima est apud Hippocratem cura, quæ tentatiua vulgò nuncupatur; Ita sanè ab incunte lateris dolore, ut pleuritidem detegat, si eis utitur fomentis; quæ tamen exquisitæ pleuritidis tantum abest, ut quicquam profint; ut potius impense officiant. I a vi. Epidem. lect. 7. textu primo: *Hos ita presios nihil inquit manifeste eorum, quæ tentauimus, neque alui perturbatio, nec uena sectio.* Loquebatur illic de constitutione quadam, tu simulosa, in qua rheumatismus multifariam cum suis etiam symptomatibus afficiebat. Sic tursus libro de locis in homine in laurium dolore iubet, calida infundere medicamina, & si dolor ab his non sedetur, ad frigiditatem confugit; & inde subdit: *Et semper non frangentem variare oportet modum, & si quidem peius reliderit malum, ad contrarium te conuerte.*

Neque hic amabo medicine calumniatores, & Iatromastiges in faciem, quod solent, obijciant, nempe in occultis, obicuriisque morbis tentatiuas huiusmodi curas cum agrotantium discrimine, magisque dispendio fieri, quandoquidem, ut Hippocrates ipse libell. de arte basilicè respondet: *Quæcunque ob id, quòd non scitis noscuntur, agri mala perpetiuntur, ea non ad medicos curantes ipsis tanquam ad ipsorum auctores referenda sunt, sed ad naturam ipsius agri, itidemque ipsius morbi.*

Et ex his patet responsio ad argumenta in Thesi proposita; & quidem ad primum dicas, purgans pharmacum non solum à peficaci morbi natura indicari, verum etiam genericè à corporis excrementosa colluue etiam citra morbum. Si dicas, in ignoto morbo pharmacum purgans determinari non posse; cum non sit maior ratio, cur cholagogum potius, quam melanthagogum adhibeatur: respondeam, prescribendum fore pharmacum aliquod catholicon, siue panchimagogum, quo omnes purgentur humores, & sic saltem ducetur etiam ille, qui in vitio est; dummodo enim quod vitiosum est educatur, parui refert, si aliquid etiam utilis eruat simul, quod præclarum dogma ab Hippocrate libro eodem de locis in homine aucupari fas est; habet enim hæc à paucis fortè expensa: *Si quis in morbis quid permutaturus est, forti quidem agrotò, debili autem morbo, tum quidem confidenter fortiore, quam morbus est, medicamentum utendum est; nam etiam si quid de sano adducas, non cum debili, ac agrotò, nullum detrimentum est.*

Ad tertium aio, purgans deorsum pharmacum semper intus esse,

esse, & quod facit emeticum, posse etiam largius efficere deiectionem; Quin addam ex Mesue, ventriculum ut officinam, non ut cloacam, hoc est ad coctionem, non autem ad purgationem, fuisse à natura institutum; unde fit, quod non semper, & in omnibus feliciter cadit stomacho purgatio, quippe vomitus cauti, oculis, pectorique infestat; cuius etiam aliquando venas dirumpit; quin etiam à frequenti eius usu chylosis infirmatur, fatiscere ventriculi tono, unde deinceps atrophiam, cachexiam, hydrops, & mille id genus morbi efflorescunt.

Ad illud, quod ex Hippocratis, & aliorum scriptorum auctoritate inculcabatur, morbo videlicet medicamento debere assidue *antipponi*, seu æquivalens, dicam, id verum esse in alterantibus duntaxat, non autem in purgantibus, quæ si debilia fuerint, benigniter humores ducent, si fortia, vehementer; ita consuetudinis per epicrasin purgare exhibito medicamento, quod vniuersæ materiæ peccanti par non existit, neque insuper totius peccantis materiæ tutò purgatio fieret. Hippocrate magistro, qui in aphorismis dicebat: *Vniuersum, & repente euacuare malum, quod autem paulatim fit, tutò fit.*

Tandem quod dicebatur, non omnes morbos purgatione curari, sed alios neoterismo, nutritualios, volens libens facere, ita tamen, ut asseuerare etiam liceat, in omnibus cuiusvis conditionis affectibus perpetuò conducere primas vias ab excrementorum sarcina vindicare.

ANTIPHONIA SECVNDA.

Sternutamentum deorsum trudet, an sursum trahat.

T H E S I S.

Quod sternutamentum deorsum pellat, Hippocratis plurimæ testantur auctoritates: nam v. aphorismorum 35. ad vte præfocatonem, atque fetus exclusionem sternutamentum commendatur his verbis: *Mulieri, quæ ab uteri strangulationibus infestatur, aut quæ difficulter partum edis,*

Sternutamentum superueniens bonum! Rursus xxxix. eiusdem libri longè clariùs idem sanxit. Vt secunda procidat, Sternutatorium naribus apponens nares, & os apprehendito: eandem sententiam inculcat iterum II. Epidem sectione v. in fine, ubi hæc. Secundarum purgatio si quid supersit, ad nares apponere, ut sternutet, & apprehendere nares sternutantis. & os.

Porro id verum censerì potest ex eo, quòd motu illo, siue concussione, quæ in sternutatione contingit, humores, imò & viscera deorsum quodammodo trudentur, quare succi, qui erant ante anarhopi, sunt impulsu illo catarrhopi, vterus deorsum pellitur, & eo conatu foetus etiam, eiusque inuolucrum exploditur. Et hinc parite est, quòd singultui sternutamentum opitulatur iuxta Hippocratis dictatum vi. aphorismorum xii. Singultienti, si sternutamenta superueniant, tollunt singultum. Etenim non modo cerebrum sternutamento concutitur, sed & ventriculus quassatur tum ob violentiam, cum etiam ob generis communionem, ac nervos ad eum attinentes: unde humores, qui singultum ciebant, non dispelluntur. Nempe sternutamenti, ut etiam tossis ea est energia, ut non modò, quæ in stomacho, vtero, vesica, & intestinis continentur, eius impulsu deducantur, ac deturbentur, verum etiam ramices interdum consequantur insignes.

Si quæras ex auctario, quod nam sternutamentum & melius, & ad hæc efficacius, quod sponte excitatur, an quod ptarmicis promouetur industriose; viriisque enim in præfatis textibus Preceptor meminit? respondeam, semper quod à natura sit, si loco, & tempore fiat, præstantius esse, quàm quod ab arte: unde medicus imitator naturæ dicitur. Quando sternutamentum cit natura, capitis virtutum robur significatur, ac potissimum expultricis, quæ contra morbificas causas insurgit, ac præualet: excipiendæ tamen erunt sternutationes, quæ ab erethismo in morbis pectoris, tracto cerebro in sympathiam, contingere solent, quæ ut plurimum Senis arbitrio ut signum, & ut causa læthales adueniunt, tametsi in alijs morbis salutem plerunque præfagiunt, ut in Coacis ijs verbis pronuntiatur: Coriza, & Sternutamenta in morbis pulmonum præcessisse, aut consequi calamitosum, in alijs verò morbis maximè exitiabilibus adiumentum afferunt sternutamenta: & at ibi in eodem libro: Quibus febrile incipientibus sanguis de naribus sternutatione contingente, destillat, & urina subsidentiam albam in quarta die habet, septima die solutionem significat. Hinc olim forè sternutamentum inter omina locum habuit, vel teste Aescle-

scle-

storele, qui illud vel *ficrum* appellat.

Sed maius acroama dabo, nouum videlicet *crisis* genus à nemine hucusque exaratum per sternutamentum habitæ. Iam octauus agitur annus quo in patriam Leonissam valetudinis gratia æstiuis diebus concesseram. Hic monialem Diuæ Claræ ordinis Cappuccinorum præ manibus habui, effera quidem, & intempestua pleuritide laborantem, à qua summi Dei auxilio euasit. Vix decem, aut quindecim transactis diebus, iterum febre corripitur cum sæuo capitis dolore, vigilijs, rauedine magna, & aliquo expectorato sanguineo, quod quidem & ante morbum ex mensium forsan diminutione reddere consueuerat, ut ideò procliuis ad tabem à sodalibus censebatur. Hinc per me noua ministrantur remedia, sanguis denud elicitur, humorum coctioni studetur, symptomatibus omnibus consulitur, nihilque relinquitur, quod expedire existimetur. At morbus interim pertinax viget, neque vllis propugnaculis infirmitur. Cæterum in nona die, nisi fallor, post vesperras, festinanter ad cænobium aduocor, accedo præpes, virginem inuenio iugi, ac perpetuo sternutamento quassatam, deiectam, cui nec mora, nec requies vlla ab illo, imò nec verbum efferre poterat, sed solum lacerari se, ac frangi in capite, manibus annuebat; iam enim tres præterierant horæ ab interrupta sternutatione. Hæc cum vidissem, plurima, eaque valida properavi remedia. Iussi ad crura ligaturas arctas, fortæ sue frictiones fieri, ad brachia dolorifica adhiberi, dorso, & spatulis magna flamma cucurbitulas inuri, fortiores clysteres immitti, tametsi ægrè, vel nullo modo, quod incessabile sternutamentum admitti non pateretur: coronali futuræ insuper profundè inustio affigitur: mithridatum cum castoreo exhibeo, oculorum angulos fricari iubeo, quod sternutamentum intercipere solet, faciei frigidam aquam affundi eximproviso: frustra tamen omnia: quare imminentem conuulsionem eximebam, iamque viribus effeta, & prorsus aphonæ, reddebatur, ut de coactus sui etiam ad narcotica confugere, ut cerebri expultrix irritata compesceretur; & his omnibus præscriptis domum reuertor, & per aliquod spatium videtur non ita perenne sternutamentum reddi. Perseuerauit affectio vsque ad nonam noctis horam, postquam cessauit omnino calamitas: ita, ut sequenti die & febre, & omni alio defuncta fuerit symptomata. Iatrologisimum hunc describebat in suis observationibus per me traditum eruditissimus Petrus Seruius Romanus olim sapientiæ decus, sed morte præuentus publicæ utilitat, & luci reddere nequijt.

AN-

ANTITHESIS.

HÆ vera cū sint, qui potest idem sternutamentum conuenire, quādo cūque rectum intestinum excidit? Similium ut est eadem ratio, ita dissimilium dispar. Sicut concussio illa à sternutamento facta chorion, & fœtum propullat, & explodit, ita minori cum labore sedem iam delapsam, ulterius propellet, tantum abest, ut sursum versus retrahere debeat. Sed ipsum audiamus lib. de fistulis num. 5. *Cū sedes siue rectum intestinum exciderit, & in loco suo manere noluerit, silphium optimum, ac densissimum derafum tenue inspergito, & sternutatorium medicamentum ad nares apponito, & hominem ad iram exarcebato.*

Dicitur tamen illa potest esse ratio, quod cerebrum dum in sternutatione contrahitur, vniuersum penè corpus quatitur, & viscera maximè accurrunt, sursumque attolluntur, unde, & ipsum procidens intestinum sublimè reuocari poterit: tenim quemadmodum in singultu sursum præcordia cum ipso ventriculo contrahuntur, ita & in sternutamento, quod est veluti singultus quidam cerebri, inferna etiam intestina sursum euocantur, ac penè fugaciter conuelluntur.

SYNCATATHESIS.

VIndicabitur ab omni antilogia Hippocrates, & hic, illic reddetur symphonos, si hoc utamur diorismo. Nempe sternutamenta vel ore, & naribus patulis cieri, vel clausis vtrisque; apertis naribus si fiant, vniuersa commotio, & quasi ratio in toto recipitur capite; & quoniam sternutamentum est parua quædā epilepsia, hæc verò non nisi conuulsio, inde accidit, quod adhuc simodi sternutationes omnia ferè neruacea membra sublimè feruntur, atque adeò & ipsa quoque intestina sursum retrahuntur. At verò si obstrictis naribus *ῥιαιπός* efficiatur, totus ille spiritus, qui è cerebro excluditur, dum per nares exilire prohibetur, in petum facit, & in infernas partes irruit, è quibus, quæ continentur excludit, imò & continentia ipsa deorsum rapit. Iam ad vterialcensum, qui strangulationem facit, ad fœtum excludendum, ipsumque puerperium effundendum sternutamentum commendat Hippocrates ore, ac naribus compressis, & obseratis; id quod palam, liquidòque innotescit ijs verbis: *ut secunda procidat,*

cidat, sternutatorium naribus apponens, nares, & os apprehendito, ut scilicet totus impulsus ad interna reflectat, & spiritus per interiora erumpens infima excutiat. Ita nimirum ob eandem rationem primo de morbis mulieribus num. xvi. ad secundam expellendam spiritum continere puerperam iubebat; *Et spiritum continere iubere*, qui quidem dum per os, naresque exitum non habet, alias vias vi parat sibi per infernam regionem. Secundo etiam de morbis mulierum num. xxxiii. rem eandem ita definiuit; ibi enim causas recensens, quibus uteri excidunt, ait sic: *Uteri excidunt ob hæc maximè aliquando verò ad sternutationem; non enim violatur, si per vim sternutans non apprehenderit nares.*

Vbi verò procidentem anum reducere consiliu non est, sternutamentum quidem adhibet, sed supernis meatibus referatis, ac prorsus dilatatis, quomodo viscera cuncta, ipsaque simul intestina attolluntur, ac breui tempore quasi conuelluntur.

Sed Parergon. Cur potest ad iram exacerbatio intestinum, sursum reuocare, ut lib. de fistulis legitur? Et nim dum sanguis ira feruet, & cor contrahitur, quasi & reliqua viscera sursum versus contrahuntur, ac tota natura sublimè fertur, unde videre est, infernas partes apud iracundos tremore concuti, supernas verò turgete, percelli, inflari, & inflammari, quod ex arteriarum pulsatione in temporibus, prominentibus oculis, inflatis buccis, & capitis dolore innatescit. Et quot insuper ex ira obiere, statim strangulato calore, & facultate animali oppressa? Vinctus laus Caroli Quarti filius ex ira concitata periit apoplecticus. Sylla Puteolis iræ impetu, dum vocem immoderatam attollit, conuulso pectore spiritum cruore mixtum exhalauit. Alios omittam, qui ex ingentibus animique concitatione paralytici correpti fuere. Ceterum, quod cor quasi conuellatur in ira, & in cerebrum contrahatur, docuit vi. Epidemiorum dictator his verbis. *Ira contrahit & cor, & pulmonem in se ipsa, & in caput, & calida & humidum.* Vide, si lubet, apud Vallesium sententiæ huius hypomnema.

ANTIPHONIA TERTIA.

Icterici an fiant flatuosi.

T H E S I S :

Quinto aphorismorum ultimo medicorum regulus habet. *Icterici non admodum flatuosi.* Probari hoc thema inde potest primò, quòd bilis, cuius est comes icteritia, calidissimus est humor, quare ubi is per corporis vagatur ambitum, nequeunt flatus produci, imò si adsint, eiusdem ab acrimonia, & seruiore attenuati discutiuntur ocyùs. Ut fidem rationi adiungas, hoc utere experimento. Vrinarum ampullas, quæ à flatibus, ijsque plurimis, ac validis excitantur, si modica bile attingas, evanescent ictu oculi: hinc fit, quòd si quando vrinarum ampullosarum hypostasim præ fastu conspiceremus, educta paruo stilo aurium sorde, quæ valde amara, & biliola existit, (nam dulcis læthalis ab Hippocrate indigitatur sexto Epidemion sect.v. ubi hæc: *Hominibus aurium sordes dulces quidem læthales, amara verò non*) lotij superficiem tangimus, & continuo fugantur ampullæ, seseque vrinae substantia vndique prodit.

Adhuc icterici plerunque feruidiori hepate præditi esse consueverunt; at ubi calidiora sunt viscera, flatus, qui à debili calore deducunt ortum, dominari nequeunt.

A N T I T H E S I S.

At qui tertio Epidem. sect. tertia, ubi Apollonius describitur, oppositam sententiam his legimus verbis: *Erat autem magnis visceribus, & circa hepar dolor continuus, omni tempore comitabatur, & sanè tunc ictericus fiebat, & flatuosus, colore subalbido, comedens autem, & bibens bouinam carnem; & quæ sequuntur.* Porro à citheton eò maius censerì potest, quòd argumentum ab exemplo, & experimento longè efficacius in rebus medicis censerì debet; quippe, ut aiebat Celsus: *ubi rei medicæ experimentum fidem facit, abiicienda sunt rationes.*

Confirmatur insuper euentu; quandoquidem icterici omnes si

d'u-

diutius bilis effusio perduret; in eam hydropis speciem abire solent, quæ tympanitis nuncupatur; hæc autem à prædominante flatu originem ducit, quod ipsa tympanitidos onomatopeia declarat.

Neque interim rationibus sententia destituitur, quarum una esse potest, quod icterici plerumque hypochondriaci existant; hypochondriacæ verò passionis inseparabiles comites sunt flatus. Adde his, quod icterici sunt, & melancholici; hi verò, vel Philosopho arbitro in problematibus, flatuosi audiunt semper.

Præterea morbus regius naturalium partium emphraxon arguit; quandocunque verò obstructio isthæc reperitur, flatus perpetuò consequuntur. Adhuc icteriodes stiptica aluo premuntur, quod bilis per cholidocum illum ductum è cysti fellea ad ieiunum intestinum peruium, nequaquam excurrat, unde ad corporis peripheriam resilit, regurgitatque. Iam duram, constrictamque aluum flatuosi comitantur spiritus, qui mox morborum ilias producere queunt; adeo ut Præceptor lib. de flatibus illos omnium affectionum parentes esse, enunciare non fuerit veritus.

Rursus flatus non minus à debili calore secundum naturam, quam à forti præter naturam, qualis in icterico reperitur, excitantur; attenuantur enim ab immoderata caliditate humores crassi, atque in halitum attolluntur. Adeas lector Casalpinum in questionibus Peripateticis, ubi bellè probat, rerum calidarum usum flatum affatim producere, & calida omnia posse pneumata discutere, verum eorundem generationi non parum adminiculari; ideòque monet, frigidiora semper esculenta adhibenda esse, ubi flatuum generationem consilium est inhibere. Nec finit nos mentiri experimentum; quippe allium crudum, si comedatur, vberem parit flatuum prouentum, eo quia acerrima, qua præditum est caliditate, fundit, attenuatque in halitus crassos, tenacesque humores: quare, ut arbitror, flatus, qui ab esu allij erumpunt, non solum sunt, qui antea geniti erant; verum etiam post geniti à nimio ipsius allij calore. Non mentiar, si auctorem adducam vnum Hippocratem; is namque secundo de dieta num. 14. allium examinans hæc habuit inter alia; *flatum autem inducit propter spiritus intensionem*: & lib. de victus ratione in acutis luculentius adhuc sic: *Allium flatum, & calorem circa thoracem facit*. Bilis itaque prouentus, eiusque per corpus effusio flatuum generationem mirificè facere potest; ideòque ictericos flatibus obsedi, non est à ratione alienum.

SYNCATATHESIS,

Difficultatem hanc, & sententiarum apertam antiphrasim nonnulli odorati censuerunt, Hippocratis ipsum aphorismum legendum esse sine particula, *non*, ita ut dicatur: *Ictერი valde sunt flatuosi*; facile enim aiunt, addi potuisse græcam illi in litterulam σ , quæ, *non*, significat. Enimvero si in aliquibus exemplaribus antiquis id haberetur, utique lis omnis dirempta esset; tqui cum codices omnes particulam illam negatiuam contineant, isthæc responsio gratis affertur.

Elegantissimus Mercurialis in præfationibus Patauinis cap. de ictero sentit, flatuosos eo loci apud Hippocratem illos duntaxat intelligi, qui flatus eructando emittunt; idque ex eo, quod cum ructus huiusmodi à pituita in ventriculo congesta oriuntur, ubi prædominatur bilis, pituitosa ista colluies reperiri non potest. Verum non video, cur vir doctissimus verbum *συνκατάθεσις*, coarctet, referatque duntaxat ad eructantes; Neque raro contingit, ut ob viscerum antipraxiam bilis in toto corpore diffuset, pituita verò in ventriculo fluctuet; imò ita passim accidere videmus: quisquis enim in torrida iocinoris intemperie afficitur, simul est caco stomachos ob frigidam discrasiam. Adde insuper, quod ructus non à cruditate solum ventriculi, verum etiam ab ipsius tum esculentis, tum potulentis, quæ assumuntur, trahunt originem, ut libro de flatibus num. 1x. Hippocrates basilicè docet his verbis. *Cum multorum autem ciborum ingestione necesse est, & multum spiritum ingredi, omnia enim, quæ eduntur, & bibuntur, spiritus in corpus ingerunt, aliquando etiam pauciores. Inde autem id manifestum fit, quod plurimis eructationes post cibos, & potus euenire solent, discurrente nimirum aere incluso, ubi peruerit bullas, quibus fuerat inclusus.*

Fukius, & cum eo Ioannes Heurnius, ambo quidem emunctæ naris viri in eiusdem aphorismi commentario putarunt, Hippocratem ibi *συνκατάθεσις* non à morbo, sed à natura describere; hoc est, eos, qui bile naturaliter diffiunt, quales sunt in primis, qui oculos flauos perpetuò referunt, ore perennè amarescunt, totaque pallescunt cute, atque membris gracilescent complexionis merito; hi namque calidissimi cum sint, flatus haudquaquam progignunt. Profectò arrideret huiusmodi paragoge, nisi Galenus hic testaretur, Hippocratem eo loci de verò morbo regio verba facere, non autem de naturali icteriodi; neque insuper, ut supra pro-

probauimus, verum absolutè est, non gigni flatus, vbicunque calor, est exuberantia.

Hollerius Galeno astipulatus, vbi fluxum damnauit, in eam iuit sententiam, nempe Hippocratis tempore, quo *σφερόν*, siue frugalitas imperabat, icteritiam nunquam à cruditate, atque obstructione, sed à bilis duntaxat effusione ortum habuisse; seculis verò nostris, in quibus ebrietas, ac lemargia vigent, affectionem ab ingluuie potius, & intemperantia exoriri, ideoque subiungit, prisco illo xuo veritatem obtinuisse aphorismum, nostro verò fallere. Quid multa? opinatur vir egregius, quòd quotiescunque à simplici bilis effusione, vel copia, hepatisque calidiori intemperie icterici fiunt, flatibus nunquam infestantur; vbi verò ab infarctu cum ventriculi imbecillitate enascitur icterus, perennes associantur flatus. At parcant celeberrimi Auctoris manes, neque hæc sententia vndique plausibilis accedit; siquidem aphorismi sunt quasi perpetuæ veritatis dogmata: & rursus cur apud aliquos eius ætatis *παμπάγυς* aut minus frugi viros icteritiam ab emphraxi obseruare aliquando non debuerat Hippocrates? imò re ipsa in Apollonio supra relato ex 3. Epidemiorum vidit palam; ille enim erat magnis visceribus, dolore circa hepar affligebatur, colore erat subalbido, quæ omnia obstructiones indignant liquidò, in quas nimirum inciderat ob carnem bouinam, & crudi lactis plurimum, quibus vsus fuerat.

Tantum virorum responsionibus, & conciliationibus explosis, liceat proprias exarare. Primò ergo respondere fas erit, Hippocratem nequaquam absolutè detrectare, quòd icterici non fiant flatuosi, sed quòd non admodum fiant; addit enim verbum *παύς*; bilis namque per vniuersum vagans corpus flatuum generationi obstitit.

Dicas secundò, Præceptorem in aphorismo illo de pura, & exquisita icteritia locutum esse, hæc autem citra viscerum obstructionem, humorumque crassitiem contingit, ideoque flatibus caret. At verò tertio Epidemiorum, vt verbis ipsis innotescit, regius morbus illegitimus, ac nothus describitur, qui à viscerum infarctu, & succorum crassitie ob esum bouinæ carnis, crudique lactis plurimi oriebatur: vnde flatus fiebant perpetuò comites.

At longè magis ingeniosa tertia hæc responsio erit. Porrò vox *πνευματώδεις* non significat solum flatuosos, verum etiam impetuosos, furiolosque; *πνεύμα* enim animi quoque impetum significare potest. Et quoniam icterici segnes, pigri, torpidi, ac tristes euadunt, iccirco admonere voluit, vt arbitror, Hippocrates, ictericos non fieri

fieri impetuosos; cum enim tota fere bilis ad corporis peripheriam effundatur, nec viscera ab ea excandescunt, nec cerebrum irritatur, nec turgent, furiantque humores alij, ideoque membra omnia torpescunt, & usque adeo icterici ignavi redduntur, ut impetum nullum agere queant, omnique spiritu, thimosi, & omnino destituti hebescant. Hinc obseruare est, non multo post, refrigeratis visceribus, ac sanguine pituitescere, hydropem, aut colicam superuenire.

ANTIPHONIA QVARTA.

Renum dolor grauis sit, an acutus.

T H E S I S.

Sexto Epidemion in principio renum dolorem non acutum, sed grauem Hippocrates his verbis decernit: *In renem dolor grauis cum implentur cibo.*

Ratio videtur tuadere, quod cum renes exquisito sensu praediti haudquaquam sint, doloris acutiae percelli nequeant; quod autem valido sensu destituantur, cum eorum densiori texturae, tum etiam exilium neruorum insitioni acceptum referri potest. Id probant experimento, qui nephriticis adiudicantur doloribus; quamuis enim ab illis vacent, de iugi tamen renum grauitate potius, quam acutiae queruntur semper.

A N T I T H E S I S.

Sed libro de internis affectionibus numero xv. acutum renum dolorem constituit his verbis: *Quatuor ex renibus oriuntur morbi. In primo sic ager affigitur: dolor acutus in renem, lumbos, & testem ad renis regionem ingruit, frequenter urinam reddit, & paulatim urina supprimitur.*

Neque absque ratione id assertum censeas, quippe, ut autopsia quotidie comprobatur, nephritici dolores vehementissimi, & acutissimi lancinant, ac torquent.

SYN.

SYNCATATHESIS.

Dolor, qui in substantia renum percipitur, ibiistente calculo, vel alia stabulante materia, grauis reuera existit, eo quia renes sensu nequaquam excellent, vt in *Thesi* dicebatur; & hunc dolorem sexto *Epidemiorum* enarrat Magister. At, qui dolor, qui ad vteres pertingit, eo deductis asperiori arena, vel calculo, vtrique peracutus est, ac pungens, quod vasorum illorum natura neruea est, & exquisito imbuta sensu, atque de hoc libro de internis affectionibus effatur; quod profecto ex verbis ipsis colligitur, nam eius naturæ dolorem esse, enunciat, vt ad lumbos, ac testes pertingat, quod neuiquam contingit, nisi cum dolorifica materia vteres primario premit, afficitque, & simul adiacentes, annexasque particulas lancinat. Et est hoc adeo verum, vt interdum & medici, & nephritici ipsi bona spe decipiantur, videntes enim dolorem, qui prius atrociam vexabat, sedatum penè esse, existimant, calculum in vesicam iam descendisse, aut alio modo detritum cessisse, quod tamen nequaquam contingit, sed quia ab vterere in renem refluus factus est ille, ideo, qui sauius antea dolor vrgebat, mitescit, ac remittitur; at calculo iterum in vterem relapso, truculentior denuo excitatur. Adde, quod sexto illo *Epidemion* tunc tantummodo grauem dolorem statuere videtur, cum ægri implentur cibo; quod scilicet esearum vbertas intestina repleat, hæc repleta comprimant, grauentque renes, qui crasso intestino per peritonæum nectuntur, & alligantur; vnde pariter contingit, vt intestinorum cum renibus, renumque cum intestinis, & vtrorumque cum ventriculo tanta intercedat communio, & sympathia; nam colicus dolor, & nephriticus ab initio vix discriminari possunt, & sapientissimos etiam viros ob symptomatum similitudinem ambo deludunt, vt ipsum quoque Galenum aliquando de!usere.

ANTIPHONIA QUINTA.

Caluitium fiat ne à pituita, an à bile.

T H E S I S.

Libro de natura pueri num. 18. ac 19. ita Magister tradit: *quicumque autem calui sunt, hi sanè pituosi sunt, & pituita in capite ipsorum simul cum capite agitata, & calefacta ad cuticulam allabens pilorum radices exurit, & defluunt pili.* Confirmat secundo Epidemior. sect. 5. num. 2. ubi hæc: *Hydropici charopi, & calui fuerint, in hydrope autem salsa, putridaque redundat pituita, quæ capillorum radices corrumpere valet.* Thesin euentu cōprobat sic eodem libro de natura pueri: *Eunuchi propterea calui non sunt, quòd vehementem motum non faciunt, neque pituita in coitu calefacta pilorum radices exurit.*

A N T I T H E S I S.

Verùm secundo Epidemior. num. 20. sic legitur: *quorum pectora bilem generant, balbi, furiosi, & calui sunt.* Neque id ab re dictum putare quis debet; siquidem caluitium caliditatis est soboles, quæ dum nimium humiditatem dissipat, pilorum radices arefcere facit. Quid multa? Vulgus etiam caluitiem excedentis caloris reputat effectum, ideoque & libidinosi audiunt calui, quòd scōmma illud in Cæsarem dictatorem colli-mabat: *Romani seruare uxores, mœchum caluum adducimus.*

S Y N C A T A T H E S I S.

Et bilis, & pituita caluitium efficere possunt, illa quidem exurente, hæc verò putredinosa, & salsa caliditate; Enimverò pituita simplex, ac naturalis haudquaquam pilos, earumque radices exadere potest, quare ascititiam qualitatem asciscere debet, utpote falsuginosam, putridam, acremque, seu mordacem, qua ratione haud multum à bile discrepat. Cæterum bilis, eiusque vapor feruidus pituitam in capite aut exagitat, aut calefacit, & corrumpit, vnde mox pilorum radices sterilefcere possunt; & sic

& sic bilis mediata, immedata pituita caluitium gigne e dici potest.

ANTIPHONIA SEXTA.

Epilepsia à quam causa excitetur.

T H E S I S

Libro de flatibus Senex Cous epilepsiae causam flatibus acceptam refert: ea sunt verba: *Videtur autem mihi, & sacrum appellatum morbum ab ipsis flatibus gigni; quod quomodo contingat ita explicat: cum plurimus spiritus per uniuersum corpus uniuerso sanguini fuerit permixtus. multae oppilationes fiunt multifariam per venas; quod si ergo in crassiores, & sanguine abundantiores venas copiosus aer irruat, & irruens ibi hareat, sanguinis transitus inhibetur; alibi igitur quiescit, alibi lentius mouetur, alibi celerius; quae sanè inaequalitate transitus sanguinis per corpus facta, omnigenae inaequalitates proueniunt; omne enim corpus undequaque contrahitur, ac turbantur corporis partes. ipso sanguine tumultui, ac perturbationi subseruiente; ob sanguinis autem peruersionem totius quoque corporis subuersiones undequaque gignuntur. Vide reliqua. Subdit hæc postremo: quomodo autem liberentur agri à morbo. & tempestate presenti, ego dicam: quando rehementi motu agitata corpus incaluit, calescit & sanguis; is calesfactus calescit: icissim & flatibus; hi calesfacti dissoluuntur & ipsi, & consistentiam sanguinis simul dissolunt, proceduntque è corpore partim cum spiritu, partim cum pituita eiekti.*

Assertio hæc probari posse videtur ex eo, quod nihil magis animales spiritus perturbare, obruere, ac penè fugare potest, quam crassus, & fuliginosus halitus, atque aura caliginosa; perinde ac mare placidum, undaeque mites auster, & choro turbinatim reuolui, & confundi videmus. Et sanè Auerrhoes quoque, teste Erasmo parte quarta disputationum contra Paracelsum, à flatu epilepsiam suscitari, multis probare contendit. Vide, si placet, rationes.

Præterea, ut vertigo, quæ est parua epilepsia à vaporum turbine, ac flatibus exoritur, ita & epilepsia, quæ est maxima vertigo, ab

ijsdem fortiùs impetentibus ortum ducet. Id ipsum suadet paroxismi breuitas, quæ stutuosam potius arguit materiam; neque insuper prætereundum, quòd sæpè paroxysmum multa consequitur eructatio. Det corollidem Paracelsus: *Vt in magno mundo, inquit, vapor intra ouum, aut putamen compactus, sulphure, sale, mercurio maturatis, atque putamine propter ebullitionem disrupto, cum violentia, & strepitu erumpit, ita in homine quoque vapor velut intra ouum conclusus, cortice fracto, exilit, agrumque tanta vehementia prosternit.* Sic alibi auctor idem affirmabat, nil aliud esse epilepsiam, quàm tonitru.

ANTITHESIS.

AT libro de sacro morbo apertis fidibus auctor docet, à pituita comitalem morbum oriundum esse, sic enim num. 7. habet: *At verò morbus ipse fit in pituitosis; num. verò 13. luculentius ijs verbis: Et liberatio difficulter contingit; cerebrum enim humidius, quàm pro natura, fit, & præ pituita inundat, ut de fluxiones quidem frequentius fiant, non autem amplius possibile sit pituitam excerni.* Et rursus paulò infra ex caprarum, quæ hoc tentantur morbo, capitum sectione probat euidentiſſimo experimento, ait enim: *Si caput ipsarum diffecueris, reperiens, cerebrum humidum esse, & sudore refertum, ac maleolens.*

Neque sanè multis est opus, ut antitheton suadeatur; nam cerebri pituitosa colluie dum ventriculi infarciuntur, spirituum generationi, atque explendescentiæ redduntur impares. Sed rationum omnium instar esto experimentum illud ab Hippocrate relatum, caprarum videlicet cerebrum ichorosa colluie, ac sudore perperò imbutum; cui addas, quòd non priùs à paroxismo epileptici expediuntur, quàm ex ore, vel naribus pituitosum quippiam effundant; quin etiam ipso in paroxismo magna succi pituitosi destillatio contingit, quod palàm fit ex iugi illa, ac strepitosa deglutitione, quam patientes agunt. Non hic tamen disceptandum erit, num à sola, & simplici pituita nulla præterea aliena qualitate imbuta ortum ducat epilepsia, an verò arcanum quid insuper, & veneficum superaddi, sit necesse, quippe caracterem aliquem fonticum requirunt Neoterici plerique; sat est in præsentiarum ad rem nostram statuerè, comitalem morbum vni pituitæ suæ debere natalitia.

SYN.

SYNCATATHESIS.

IN libro de sacro morbo Hippocrates de epilepsia per idio-
pathiam in capite agit, quæ reuera à pituita in cerebro cor-
rupta, eiusdemque maligno quodam caracterismo produci-
tur, vt in libro eodem Auctor ratiocinatur. At verò in libello de
flatibus de epilepsia per sympathiam à subiectis partibus verba-
facit; hæc autem ab aura quadam praua, fumo retrico, & spiritu
malefico oritur semper: & hinc est, quòd Aristoteles libro de som-
no, & vigilia epilepsiam ex vaporibus fieri, testatur; aura verò, fu-
mus, & spiritus congeneram cum flatibus naturam obrinent, verbum
namque græcum *πλύμα* & spiritum, & flatum æquè significat. Vel
dicas immediatè à pituita, mediatè à flatu hunc morbum excitari,
nisi enim flatus pituitam turbaret, agitarerque tanquam impetuo-
sus chorus, & auster, paroxysmus haudquaquam excitaretur.

Porro vsque adeò vera est hæc doctrina, vt epileptici multi re-
ferant, instante, & adueniente paroxysmo impetuofum quendam,
ex affecta parte ascendentem flatum, seu spiritum nunc frigidum,
aliàs calidum percipere, donec cerebrum inuadat, ac miseri con-
cidant. Virgo formosa erat, quæ per duas horas ante epilepticum
insultum halituum turbine ad caput eleuari, sentiebat; vnde mise-
ra calamitatem præfagebat. In nonnullis adhuc ante paroxysmum
magnus excitatur in ventre borborigmus, post quem flatuum sus-
que, deque succedit eruptio. Cæterum sicut flatus, quoniam san-
guinem perturbant, febrium, & apoplecticarum passionum, sangui-
nisque feruoris sunt causa, teste Hippocrate; ita etiam ob eandem
rationem epilepticos insultus excitare possunt, vt graphicè Phy-
sionates Lucretius lib. 3. his concinit verbis:

*Nimirum quia vis morbi distracta per artus
Turbat agens animam, spumanti vt in aequore salfo
Ventorum validis feruescunt viribus undæ.*

Et huc sanè collimat obscura illa sententiola, & quasi enigma breue
secundo Epidemion sect. v. num. xi. vbi legitur *Ἀνέμιον φλεβοπύον*

Anemion venæ sectio; vox illa *Anemion* morbos à flatibus oriun-
dos denotat, inter quos apoplectici, & epileptici affectus, febres, &
sanguinis ebullitio recensentur, quos omnes venæ sectio vel au-
fert, vel mitigat, quoniam sanguinis, & humorum saltum vel aufert,
vel deprimat.

Dabit, lector, anctarium tibi Cardanus secundo Aphorismorum

in commentario quadragessimiquinti, vbi hæc ad rem: *Differentia apoplexia & epilepsia nostra, & cū Auicēna, & Auerrhoc est, quòd apoplexia fit ex materia, comitialis ex flatu; Galenus credit, quòd ex materia, sed nō est verum, primū, quia nō adeò breues haberet accessiones; secundū quia ab accessione non perfectè liberarentur, quò enim detrudi deberet illa materia? tertio, quia plures comitiales morbi transirent vel vitio regiminis, vel ob hyemem in siderationem, cū tamen videamus multos laborare viginti annis comitali morbo, nec tamen corripī sideratione; quarto, quia videmus expressè, & Galenus ipsemet fatetur, ascendere flatum in his, qui eum morbum per consensum patiuntur, ergo, si fieret ex materia, esset multò deterior, & c.* Cæterū Schenchium adeunto lib. primo obseruation medicinal. apud quem plurimas perleges historias epilepticorum, qui manifestè ex parte aliqua flatum, halitumue ascendentem ad cerebrum in paroxismo percipiebant.

ANTIPHONIA SEPTIMA.

*Ad lapidis generationem in vesfica quæ nam
etas aptior sit.*

T H E S I S.

Tertio Aphorismorum 26. ætatem describens auctor ad lapidis in vesfica generationem idoneam, sic ait: *At verò cū pubertati fuerint proximi consille, asthmata, vesficæ calculi.* Porro quoad vesficæ lapidosam coagmentationem, per ætatem est ratio euidens; siquidem in pubertate lapidis tum materia, tum efficiens causa in promptu est; materia quidem, quoniam ex lemgia, seu victus intemperantia viscidæ pituitæ copia cumulat, quæ mox vesficæ infirmitate, aut segnitie diu retinetur, neque, vt par est, expellitur ocyus, animali virtute non ita vegeta, & neruorum robore non dum plenè firmato. Est & præstò efficiens causa; siquidem tunc natius effulgescit calor, neque humidiori temperamento, vt in infantia hebescit, sed acutior factus vehementius agere incipit. An fortè pubescentibus id ipsum insuper contingit, quòd eo temporis hircire incipiant, atque adeò natu-

natura tota ad pudenda sese conuertat, & ad generationis organa, quibus finitima est vesica? unde cum spiritu, sanguine, ac semine affluit quoque excrementorum collunies eò liberalius, quòd ætas hæc φιλοπότης plerunque existit; potus autem vbertas, ac nimietas secum ad vesicam saburram transuehit. Id ipsum quotidiana suadet experientia; siquidem frequentes in hac ætate lapides coaceruantur.

A N T I T H E S I S.

AB hac sententia tamen longius abit quarto de morbis num. 28. vbi lapidem in vesica frequentius coagmentari tradit, cum lac pueri bibunt, ideòque infantiam ad huiusmodi synagma aptiorem esse liquet; ait enim sic: *Caterum calculi morbo principium oboritur à lacte, vbi puer lac impurum sugit.* Confirmat libro de aëre, aquis, & locis num. 24. vbi illa: *fit autem pueris etiam ex lacte, si non salubre id fuerit.* Quin sexto Epidemior. catholico sancito id ipsum indixit sectione tertia textu XIII. vbi legitur: *Post mictum concretio in pueris præcipue; Numquid quia calidiores?* Neque huiusmodi logismos rationis fulcimine defraudatur; lac enim præsertim impurum lapidibus coagulandis proximam præstat materiam; nam, quæ in eo caseosa portio reperitur, faciliè glutinescit, arefcitque, vbi præsertim calor feruens, vt in pueris, inuenitur; butyrosa verò in ætate maximè præferuida exardet faciliùs, unde lapidis efficiens, & materialis causa in promptu sunt: Porro eodem consilio Galenus non vno in loco caseum damnat, vt qui synagmati lapidoso mirè conducit.

S Y N C A T A T H E S I S.

ANtiphrasis nulla in hisce sententijs extat; nam in Aphorismis ætatem ad lithiasin idoneam ex temperamento recenset, cuius merito, vt probauimus, & materia, & efficiens promptè absunt. At quarto de morbis, & libro de aëre, aquis, & locis de lapidis non rara congestione loquitur, quæ nō ab ipsa naturali puerorum temperie ortum refert, verum à lactis impuritate, atque nutricis vitio. Etenim iisdem morbis obnoxij reddimur tum naturali dyscrasia, tum vitiosa diætâ. Caterum, nulla est insuper in his ætatibus distinctio; namque puerorum nomine intelliguntur tam infantes, quàm paulò adulescentes, & qui ad

pubertatem ascendunt; & Hippocrates dum asserit, ab impuro lacte lapidis principium oboriri, non intelligit, quòd pro eò tempore, quo lac puer exugit lapidosum synagma struat, sed quòd inde deducta origine, ætatis progressu lapis innotescat.

Si petis, auide lector, auctarium dabo libens: Cur pueros, non puellas ex impuro nutricis lacte ad vesicæ lapidem coaceruandū idoneos esse, tradidit Hippocrates? Ratio est ex Aristotele, quoniam mulieres ob vesicæ collum breuius, ampliusque minus obnoxia fiunt lapidosæ coagmentationi, fortè etiam ob mensium effluuium; Hinc basilicè valde Iacobus Forliuensis in commentario septuagesimi Aphorismi quartilibri suo loquendi modo aiebat: *Collum vesicæ in puellis est breue, & amplum valde; quin superfluitates vesicæ per illud facile effunduntur; sic autem non est in pueris.*

ANTIPHONIA OCTAVA.

Febres ardentes æstate, an hyeme fiant magis.

T H E S I S.

Tertio aphorismorum vigesimo primo Senex magnus hæc protulit: *At verò æstate & febres continuæ, & causæ, & tertianæ plurimæ.* Luculentius adhuc secundo Epidemiorum sectione prima: *febres ardentes in æstate magis fiunt.*

Sententiam præter quotidianum experimentum suadent quoque rationes, quarum est hæc prima, quòd æstiuo tempore, vel ipso Hippocrate arbitro, viget ac dominatur biliosus humor calorum promus. Secunda quòd tunc magis has febres fieri, necesse est, cum promptius in humoribus ebullitio, atque alta putredo excitatur; atqui hæc in æstate maximè ob ambientis æstus contingunt. Sed rationum instar omnium Hippocratis accedat auctoritas, qui lib. de victus ratione in acutis, ardentem febrem fieri tradit, *cum venule æstiuo tempore exiccatae, acres, & biliosas, quæ tenues sunt, trahunt ad se humiditates, quas ichores vocant; quod primo de morbis iterum inculcat.* His quoque addatur, quòd in æstate & horarij fructus plurimi esitantur, & potationes frequentantur, unde putredinosa bilis colluvies accumulatur, cum præsertim

fertim ascitio tunc æ fluent calore viscera, ipsum verò natium calidum sit valde rarefactum à Syrio, de quo Vates:

Ille sitim, morbosque ferens mortalibus ægis.

Nascitur, & sano contristat lumine Cælum.

Enimuerò, ut est certum, ventres hyeme, ac vere calidissimos esse, ita eosdem in æstate influente calore effatos reddi, indubitatum censeatis.

ANTITHESIS.

Palinodiam tamen recinit summus Asclepios libro de affectionibus num. 7. ubi sic. *Febris ardens, phrenitis, hi morbi acuti vocantur, & sunt maximè quidem, ac fortissimi hyeme, sunt etiam in æstate, verum minus, & molliores.* Et sanè eò magis dissona videri posset hæc sententia, quò tertio aphorismorum, ubi de morbis, qui in hyeme frequentius accidunt, verba facit, neque causum, neque phrenitidem recenset. Confirmatur tamen ex primo Epidem. sect. tertia, ubi hyemales casus Hippocrates enarrans, ex illis plurimos perire assuecit: Verba sunt: *Hyeme sub solstitium hyemale, & usque ad æquinoctium durabant quidem & causæ, & phrenitides, & moriebantur multi.*

Hippocrati astipulatus est Aristoteles 14. sect. problematum. tertio, ubi hæc habet: *Cur in frigidissima regione febres ardentes magis sunt? an quòd repercutit ad interna frigiditas ipsum calorem: æstate autem còtrarium euenit, quia interiora frigidiora sunt: at causa febris exterioribus in frigidatis interiora facit calidiora.*

Porrò ex hoc Philosophi problemate rationes elucescunt, unde ipsa Hippocratis antithesis confirmatur: Cum enim hyeme calidiora, influente scilicet calore, sint viscera, quàm in æstate, unde dogma illud aphoristicum: *ventres hyeme, & vere calidissimi sunt natura*, fit ex eo, ut maior in hyeme excitari debeat febris: ex Auerrhois namque sancito, tanta potest esse febrilis calor mensura, quanta est subiecti, in quo accenditur, nativæ caliditatis intensio. Vnde primo aphorismorum 14. dixerat Hippocrates: *febres senibus haud similiter acutæ accidunt, quoniam frigidum eorum corpus.* Contrà puerorum, iuuenumque febres audaces, atque fortissimæ explendescunt, quoniam intensus est insitus eorum calor, qui in igneum abiit.

Rursus corpora in hyeme non benè transpirant, præpedita, & interrupta ab ambientis frigore diapneustia: hinc ergo retentæ
fali-

fuligines, & putrescentis bilis halitus febris augment incendium. Atque huc appositè collimat vigesimum nonum problema libri primi apud Aristotelem, ubi quaerens: *quamobrem autumno quidem, & hyeme ardores potius generantur in frigidis temporibus, estate autem rigores infestant aestu existente?* respondet sic. *An quia eorum, quae sunt in homine, bilis quidem est calida, pituita verò frigida? Itaque per astatem, quod frigidum est, dissolvitur, diffusumque rigores, & tremores excitat. In hyeme verò calidum vincitur, infrigidatur: ardores etiam potius confluant hyeme, & autumno, quia ob frigoris calorem introrsum contrahitur, ardor autem intrinsecus est, & non in superficie merito igitur ardores hoc tempore fiunt.* Basilicè quidem Philolophus.

SYNCATATHESIS.

LVdovicus Septalius vir sanè ingeniosissimus, & in Medicorum athenæo emeritus in commentario tertij problematis decimiquarti libri, ut hanc dirimeret difficultatem, aiebat, veros causas, & legitimas febres ardentes, quae à flagrante, & putrescente bile sunt oriundae, fieri magis in aestate, ut in aphorismis asseritur; nothas verò, minusque legitimas à falsa pituita in vasis cordi proximis putrescente oriundas magis in hyeme excitari posse, atque adeò censet, Aristotelem in eo problemate lypirias febres intelligere, in quibus extrema cum frigeant, & interiora exardeant, sit, ut hoc magis in hyeme contingere valeat ob caloris in intimis partes cohibitionem, ut dicebamus: quare concinnè posset hac solutione Hippocratis etiam conciliari diaphonia.

Nonnulli alij, ut Aristotelis in eo problemate perplexitatem solvant, discutunt, verbum illud *μᾶλλον* significare intensiorem, non frequentiam, ut sensus sit, in hyeme fieri febres magis ardentes, non autem magis, id est frequentius in hyeme febres ardentes excitari. Atqui huiusmodi solutio fortè nequit afferri in verbis Hippocratis, qui in libro illo de affectionibus luculenter notare videtur & frequentiam, & intensiorem; inquit enim: *& fiunt maxime quidem, & fortissimi hyeme.* Etenim particula, *maximè*, frequentiam, *fortissimi*, intensiorem arguit. Atqui tamen dicendum, ex vi graecae particulae colligi, Hippocratem non frequentiam, sed solam intensiorem, ac vehementiam significare voluisse, quippe non habet ille *μᾶλλον*, sed *μάλιστα*, quod maiorem in modum significat,

ficat, seu super omnia, atque in summo: Vnde doctissimus Foesius in sua versione, ubi alij paraphraſtes legunt: *& ſunt maximè quidem, & fortiffimi hyeme*, legit: *& ſunt maximi quidem, & fortiffimi hyeme*; quomodo non quòd frequentius in hyeme fiant cauſi, ſed quòd maximi, & intensiffimi tunc eueniant, ſignificatur. At qui ita verum erit, in æſtate ardentes febres fieri frequentius, at minores; in hyeme rariùs quidem, ſed maiores, & acutiores, nec non ſæuioribus implicitis ſymptomatibus, eo quia tempori haudquam respondeant: ſemper enim, & ubique verum illud ſecundi aphoriſmorum, in morbis minus periclitari, quorum naturæ, aut habitui, aut ætati, aut tempori magis cognatus eſt morbus.

Meam hanc enarrationem confirmat Hippocrates in præcitato illo ſecundo Epidemiorum, ubi cùm dixiſſet, febres ardentes in æſtate magis fieri, ſubdit, eaſdem in autumnò, qui hyemi proximus eſt, magis ferinas, & cum cardialgia inuadere: verba ſunt: *Siccantur autem magis æſtate, autumnò magis ferina, & cardialgia*. Enimuerò phrenitis, & febris ardens in hyeme maximam arguunt cauſam, ideoque in magno discrimine ægros verſari ſtatuiſmus: quòd enim ſenex in media hyeme cauſo corripiatur, eſt nimis præter naturam, & maximam præſagit cauſam, abiſſe enim illum argumento eſt, longius a propriæ naturæ, & conditionis linea; ob quam rationem Scoti frigidiffimæ regionis incolæ, à febre ardente dum corripiuntur, plurimùm pereunt à magnitudine cauſæ. Hinc noſter omniſcius Hippocrates libello de diebus iudicatorijs ad rem valde ſcribebat. *Maximum itaque ſignum in agrotis, qui victuri ſunt, ſi non præter naturam fuerit febris ardens, & alij morbi eodem modo, nihil enim horrendum, neque lethale fit in his, qui ſecundum naturam ſunt*. Iam cauſus in ſene, tempore præſertim hyberno eſt omnino præter naturam. Et ſanè id veriſſimum eſſe, praxis quotidiana demòſtrat, ratioque ſuadet; ob interruptam enim in hyeme fuliginum exhalationem, atq; fruſtratam diapneufiam, vt ſupra annuebam, febrilis excandefcit flamma.

ANTIPHONIA NONA.

Quartana à quo producat humore.

T H E S I S.

Libro de natura hominis ad calcem Apollinis vnus flamen Hippocrates quartanas febres ab atra bile originem ducere, tradidit: sunt verba. *Quod autem quartanae febres atrae bilis participes sint, vel hinc condiscere licet, autumnus enim maximè quartanis corripuntur, & in aetate à quinque, & viginti annis vsque ad quadraginta quinque.*

Idipsum communi, & ab omnibus recepta pragmatia suadet planè, cum tot sint putridarum febrium species, quot sunt, qui putrescere possunt humores, cumque antiquata sit observatio, bilem de tertio in tertium moueri, pituitam quotidie, melancholicum verò succum quarto quoque die, sequitur, quòd febris illa, quæ periodum quartanariam exhibet, melancholici ortum suum acceptum referat.

Præterea morbi omnes suis temporibus efflorescunt; ideò ergo in autumno maximè, Hippocrate, atque experimento testibus, quartanae fiunt, quoniam eo tempore melancholia viget, ac dominatur.

Rursus in illam aetatem incidere solent hæc febres, in qua humoris melancholici plurimum subolefcit, atque hæc virilitas est, quæ aliarum aetatum comparatione frigida existit, ac sicca, atque adeò melancholici analoga. Quid moror? Tristitia, quæ perennè quartana affectos afficit, horror, qui in paroxismo laceffit, splentumidus, scabies, quæ in eisdem expululare solet, atræ bilis, vel melancholici vbertatem testantur liquidò.

A N T I T H E S I S.

At verò nimium est disphona altera illa sententia, quæ in libro de affectionibus num. 19. his verbis registratur: *& fit tum tertiana, tum quartana à bile, & pituita.* Sed quæ libro de natura humana in postremis textibus sententia registratur longè magis est paradoxa, nempe quòd febris continens, quotidiana,

diana, tertiana, & quartana à bile fiant, à maiori scilicet, vel minori copia, ut est maior in vna, quàm in altera inflammatio, aut etiam ab eiusdem sinceritate, ac varia mixtione; registrentur verba: *febres plurimæ à bile fiunt; species ipsarum quatuor sunt præter eas, quæ ab occultis doloribus generantur. Nomina ipsarum sunt continens, quotidiana, tertiana, quartana. Continens itaque appellata à plurima, ac meracissima bile provenit, & iudicationes quâ brevissimo tempore facit: corpus enim nullo tempore perfrigeratum citò colliquefcit, nimirum à multa caliditate calfactum. Quotidiana verò post continenter à plurima bile generatur, & præ reliquis celerrimè discedit: Verum longior est continente, quanto à pauciore bile provenit: & propterea quod requiem habet in ipsa corpus, in continente verò non quiescit ullo tempore. Vide reliqua si placet, lector, admirari enim vterius continget ob ea potissimum, quæ consequuntur verba. Tertiana autem longior est, quàm quotidiana, & à pauciore bile gignitur.*

Sed ad thesīm redeamus. Porro huiusmodi sententia duplicem potest habere sensum, vel scilicet, quòd tum tertiana, tum quartana à bile, & pituita simul mixtis fiat, vel quòd tertiana fiat à bile, quartana verò à pituita. Enimverò quòd à bile exoriatur tertiana, inficiabitur nemo, tametsi in medicina tyrunculus, auctoritatibus, & experimento magistris.

At quomodo quartana à pituita? si foret hoc, quatuor putridarum febrium præverteretur natura, & ordo. Verum ita effe statuit summus noster, & vnus Magister lib. eodem de affectionibus num. 18. vbi cū dixisset in præcedenti textu: *At verò morbi, qui in æstate fiunt, sic fieri solent: quum corpus à sole fuerit calefactum, humectatur, humectatum autem ægrotat, aut totum, aut eaparte, in quâ pituita, & bilis incubuerint: statim subiungit: Sed & tertianæ, & quartanæ febres ex talibus fieri solent, hoc est à defluxione & bilis, & pituitæ.*

Probari autem hæc assertio ex eo tantum potuit, quòd Hippocrates in principio eiusdem libri de affectionibus omnium morborum causas bilem, & pituitam statuerat. Igitur tertiana etiam, & quartana iisdem humoribus originem suam acceptam referre debent. Quì verò à Præceptore inibi decernatur, morbos omnes à bile, ac pituita fieri, plenius in meis commentarijs ad librum illum explico, & enuncio, quod tamen hic repetere superuacaneum, ac præter institutum arbitror. Id solum tamen silentio haud præteribo, quòd bilis nomine ex Hippocratis mente melancholia, & exustus quilibet humor comprehenditur, quod ex lib. de natura

hu-

humana num. 14. tibi suafum volo, vbi habet: *Bilis autem per aestatem, ac autumnum corpus possidet; autumno enim melancholia potius viget.*

SYNCATATHESIS.

Nicolaus Rorarius hanc in suis contradictionibus sententiam expendens, duo dicit pro paragoge. Primum quidem, Hippocratem ideò putare, à bile, ac pituita quartanam, ac tertianam exoriri, quia & primo de affectionibus, & alibi censuerat, à bile, ac pituita morbos omnes excitari, tanquam à primis humoribus, & à quibus reliqui duo emanare possunt: sanguis enim, vt ille ait, à pituita per vltiorem coctionem, produci-
tur, vt bilis atra ab adusta, & superassata bile; ideoque voluisse, quartanam fieri à pituita, quæ sit in sanguinem conuersa, sanguis
verò crassifactus; & in nigram bilem fuerit ante commutatus.

Secundum, quod Nicolaus habet, est, à putrefacta pituita posse quartanam exoriri, quatenus nimirum ex putredine in biliosum quodammodo succum degeneret, vel Galeni arbitrio septimo aphorismorum comment. 42. atque adeò à pituita, secundariò tamen, quartanam fieri posse.

Verùm, si pacem det Rorarius vir alioquin de re medica optimè meritis, liberè fatear, vtramque hanc responsionem longè admodum ab Hippocratis mète abire, atque adeò nihil accedere plausibilem. Cum enim humores omnes longa transmutatione ad inuicem conuerti valeant, idem de alijs febribus censere fas esset, nempe, quòd tertiana fiat à sanguine, quoniam ex hoc feruescente bilis oritur, à pituita fieri synochum, quoniam illa vltiori coctione in sanguinem migrat. Cæterùm, tametsi à pituita putrefacta aliquo modo quartana produci potest, non ex eo tamen vniuersali dogmatè sancieudū foret, quartanā à pituita absolutè fieri. Gratis ergo vbique Rorarius. Erit itaq; dicendum, Hippocratem in libro de affectionibus censere, febres quasdam non legitimas, minusue exquisitas, quales frequentius inuadere solent, à bile, ac pituita fieri, ideòque verba illa à bile, ac pituita coniunctim, non autem disiunctim sumenda esse, ita vt sit sensus, tertianas, & quartanas, quæ nunquam fermè legitimæ, & exquisitæ videntur, à bile, ac pituita commixtis excitari, & sanè tam notha tertiana, quàm non legitima quartana, quas minoris famæ barbaro modo Arabes appellant, à bile vel flaua, vel atra cum pituita commixtis originem

ginem ducunt. Neque ab re esset, si quis diceret, pituitam vi caloris ipsius bilis, cui miscetur, crassam, & quasi assatam redditam, ad eò ut succi melancholici naturam quasi asciscat, quartanam producere posse, quæ nimirum in bimestri etiam puero aliquando exoritur, à quo melancholicus succus, multòque magis atrabilis procul exulat.

Rursus neque à ratione alienum erit, si quis dicat, Hippocratem eatenus decreuisse, à pituita partialiter saltem quartanam fieri, quatenus magna pituitosi humoris colluies in hac febre affluit; quod palàm fit ex ptyelismo, qui ferè inseparabilis est quartanæ comes, ex vberissimo sudore, nec non vomitibus pituitosis, quæ omnia Medici, qui sunt artifices sensati, imò & vulgus ipsum indoctum animaduertentes, arbitrantur, ab illo humore hanc effici febrem, qui se prodit vomitu, sudore, ac ptyelismo; is autem pituitosus est, non melancholicus. Neque insuper indignum est ipso Hippocrate aliqua ex vulgi hypothese statuere, hoc est ex communi omnium opinione supponere: ita alibi foetum intra uterum ex ore alimentum suscipere, dixerat: ita libello de corde potum per tracheam descendere, scripserat, non quidem ex proprio Marte, nam alibi aliter sentit, sed ex opinione antiquata. Roborat hanc meam sententiam id, quod primo de morbis, & alibi legitur, ubi Præceptor quatuor enumerans humores, inquit: *sunt autem sanguis, bilis, pituita, & aqua*, cuius nomine melancholiam indigitat, ex eo videlicet, quod serosa multa colluies melancholici humoris fit soboles, & alumna inseparabilis, in quem sanè finem primo ad Glaucōnem Galenus monebat, in quartana falsis edulij utendum esse.

Sed quæ responsio erit ad ea, quæ ex libro de natura humana retulimus? hæc vna à Galeno redditur, nempe, quod addititia sint illa omnia, nec nisi ab impostore adiuncta: sic ille. *Quibus quidem fit rebus, ut, qui hæc scripsit, vel sophista fuerit, vel veterator, quemadmodum profectò videtur, quippe qui, ut notam seni inureret, hæc libro ascripserit. Eum porro, qui hæc adiecit, recentiore esse, argumento est nomen σίροχος hoc est continens; nullibi enim apud Hippocratem, aut aliquem ex veteribus continuam febrem dici continentem, inuenies.* Tanto viro subscribamus & nos.

ANTIPHONIA DECIMA;

Senes, an Iuvenes ægrotent magis.

T H E S I S.

Secundo aphorismorum trigefimonono Æsculapij Myſta magnus, palam edifferit, senes minùs, quàm iuvenes morbis affligari; verba sunt. *Seniores magna ex parte minùs quàm iuvenes ægrotant; quicumque verò morbi ijs accidunt diuturni, magna ex parte ipſis commoriuntur.*

Diſtationes non vnæ eſſe poſſunt, & quidem prima, quoniam Hippocratis arbitrio omnium februm, & acutarum affectionum cauſa bilis eſt; Iam in ſenibus pituita, non bilis vegetat; hæc enim iuuentutis eſt comes, & calidiſſimorum viſcerum ſoboles.

Præterea ſenes in victus ratione ſunt ſobrij, longèq. ab omni intemperantia viuunt, cùm præſertim non admodum fami aſylo vellicentur; nam ſenes, vt primo aphorismorum legitur, facillimè ieiunium ferunt; & licet magna ſtimularentur orexia, corrigere illam tamen, atque inſrænare ſcirent, vt qui longo vſu quid ſibi aut proſit, aut officiat, didicerint; Etenim, vt Tiberius Imperator aiebat, dedecet, hominem poſt quadrageſimum annum Medico vti, quoniam per ſe ipſum, quid ſibi commodet, noſſe debet. At non ita eſt in iuuenibus, qui, vt ſunt in omnibus magis audaces, minusque prudentes, quò animi rapit impetus, eò ducuntur, vt in bello de ſenectute Tullius aiebat, & quò ſenſus titillant illecebræ, eò præcipites ruunt, ſitque ex eo, vt verum ſit, quod ibidem ſubdit eloquentiæ parens: *faciliùs in morbos incidunt adoleſcentes, grauiùs ægrotant, triſtiùs curantur.*

Adhuc iuvenes ex immoderato aphrodiſio morborum ſibi aſciſcunt ilias; inde enim ebullit ſanguis, æſtuat bilis, putreſcunt ſucci, inſirmanſur vires, vitæque omnes facultates fatiſcunt; at qui ſenes huic ludo nec vacant, nec vacare poſſunt, nam, vt Euripides,

Senectâ iubet valere Cypriden;

ſiquidem, vt Ouidius,

Non gaudet veteri ſanguine mollis Amor.

Effugiunt propterea ſenes affectionum cateruus, de quibus abundè

ANTITHESIS.

A Tlibro de flatibus omnes cuiusque generis morbos ab aëre produci, non obscuris verbis edisserit, sunt autem hæc: Sunt duo febrium genera, ut sub formula quadam in præsentia differamus, altera communis omnibus pestis appellata, altera, quæ ex prauo, & peculiari victu intemperanter uiuentibus accidit, utriusque autem generis aer author, & causa existit. Sed vniuersaliori dogmate numero 8. eiusdem libri scripserat, affectionum quæcunque originem ab aere esse: ipsum loquentem audiat. Mortalibus autem vita; & morborum ægrotis solus is (idest aer) est author, & infra; Subijciam igitur mox & illud, quod non aliunde unquam verisimile sit, morbos euenire, quàm inde, si is aut plius, aut minus, aut cumulator, aut morbidis sordibus inquinatio in corpus se ingerat; & hoc numero quarto eiusdem libri liquidò restatus est. Quomodo autem aer eorum, etiã morborum sit causa, qui ex prauo, & intemperato victu oriuntur, explicat Hippocrates numero 9. ac 10. eiusdem libri sc. Cùm multorum autem ciborum ingestione necesse est, & multum spiritum ingredi; omnia enim, quæ eduntur, & bibuntur, spiritus in corpus inferunt aliquando plures, aliquando etiam pauciores, id autem inde manifestum sit, quod plurimis eructationes post cibos, & potus euenire solent; discurrente nimirum aere incluso, ubi per ruperit bullas, quibus fuerat inclusus. Quando igitur corpus cibis expletum est, ac spiritus quoque multitudo vehementer excellit, dum cibi, & ventri diu immorantur (immorantur autem cibi, cùm præ multitudinem exire nequeant,) & inferior venter, vel alius ipsa sit obturata, per vniuersam corpus permeant flatus, sanguineque plenas corporis partes maximè patentes eas frigescent; frigefactis autem his locis, unde fontes, & radices sanguinis prodeunt, per vniuersum corpus horror consequitur, vniuerso autem sanguine frigefacto, totum corpus horret. Quæ ratio est, cur primùm horrores ante febres corpus concutiant. Quid multa? vulgatum illud, sed obscurum Hippocratis dictatum: In morbis est quid diuinum, explicant nonnulli maioris notæ Authores, Galeno principe, hoc est quid æereum, quasi nullus absque aeris iniuria exoriatur morbus.

Quod communis, ac pestilentis febris author sit aer, nemo iturus erit inficias; at quod febris, quæ à prauo, atque intemperato victu excitatur, aerem etiam causetur, difficile utique intelligi posset, nisi cæcutienti intellectui facem præberet ipse et Hippocrates, qui sententiam exarauit. Ita est, Philiatre, Hippocratem Hippocrates explicat, & absque Hippocrate Hippocratis mentem expiscari non licet; Porro si Valleriola in Hippocratis doctrina paulò magis versatus extitisset, & mysteriosa eiusdem verba penitus ubique rimatus fuisset, haudquaquam librum de flatibus tanquam errorum, & absurdarum sententiarum officinam in suis enarrationibus damnasset, ac respuisset. Sed ad rem nostram.

Quomodo febris quoque à praua diætâ oriundæ aer dici possit author, belle explicat numero 9. supra registrato, inquit enim, quod aer ille, qui vnâ cum plenioribus, atque dissimilibus cibis infumitur, dum præ ciborum copia infernus venter occluditur, necesse est, ut per corpus vagetur, atque dum exitum non inuenit multarum affectionum prodromus fiat, nec non etiam excalefactus febres gignat. Quare non aerem, quem inspiramus, febris à diætâ oriundæ censet magister, authorem esse, sed illum spiritum, qui inter comedendum cum escis per accidens haurimus, qui sanguinem prius frigefacere potest, atque adeò horrorem incutere; mox verò excalefactus febrem producere, quæ quidem à praua diætâ oriunda dici potest, eo quod non ab aere, quem inspiramus, ut à communi principio pendet, sed ab eodem, ut cum cibis assumitur, & exitum non inueniens huc illuc perreptans quàm plurimum lædit.

Vis adhuc breuiorem *παραγωγή* & Omnium morborum, & febrium, quæ à mala diætâ etiam fiunt, aer, siue spiritus mediata est causa, immediata ipsi humores à spiritu perturbati; quem admodum procellarum, ac tempestatum, quæ in mare fiunt, immediata causa est aqua ipsa, mediata verò ventus aquam impellens, & in fluctus extollens: ut ergo nunquam pelagus fluctus, ac tempestates ageret, nisi ventis intumesceret, ita & humores nunquam à tranquillitate natuiua desciscerent, nisi spiritu percellerentur.

AN:

ANTIPHONIA VNDECIMA.

*Capitis vulnera hyeme, an estate sint
deteriora.*

T H E S I S.

QVinto Aphorismorum 20. sic ait ipse: *Vlceribus frigidum est acerbum: aphorismo eiusdem libri 18. frigidum inimicum ossibus, dentibus, nervis, cerebro, dorsali medulla.* Confirmat libro de humidorum usu num. vndecimo de calida loquens, vbi sic: *Plurimum autem conducit ossium fracturis, magis autem denudatis, & ex his, qui in capite vulnera habent voluntaria, & inuoluntaria:* Adhuc eodem libello de humidorum usu num. 5. addit fidem his verbis: *At vlcerum calida gaudent ex confesso, quia tegi assueta sunt; merito itaque ex altera grauantur.*

Suadet autem ratio, quoniam vlcerum, vulnerum, ac fracturarum omnium curator est calor, qui coquit, digerit, vnit, consolidaque; igitur tota salus ab eo pendet; vnde est, quod tam diligenter vulnera fascijs operiuntur, pannis fouentur, oleisque, & balsamis calidioribus perfunduntur, imò & aqua ardente irrorantur, vt est apud Hispanos inueterata consuetudo; quare Cæsaris Magati sententia plausibilis accessit libro primo de vulneribus, vbi contra Galenum, & assecclas quasi inuehens, probat, malè agi cum vulneratis omnibus, si frequens eorum vulnera detegantur, vt ad ipsorum repurgandam saniem, sorditiemque consueuisse antiquos, ipsumque Galenum, certum est, nam corruptelæ, & spha-celi inhibendi satagere salubrius est consilium; id autem consequimur promptius, si quàm rarissimè fieri potest vulnera aperiamus ab ambientis frigoris iniurijs defendentes, imò calorem illis & seruare, & augere maximè studeamus tum inuolucris, cum etiam oleis, balsamisque natura, vel arte calidis.

ANTITHESIS.

HOrum tamen dogmatum oblitus libro de capitis vulneribus aliter distavit; nam illa in hyeme salubriora esse, decrevit; sic ille: *Sed & in hyeme diutius tempore vivit homo, quisquis etiam aliis moriturus est ex vulnere, quacunque capitis parte vulnus habeat*: Confirmat ibidem num. 26. ubi tradit, malè curato vulnere in æstate, febrem superuenire post septimam, in hyeme verò ante decimamquartam; verba sunt: *Cum qui os fractum aut ruptum, aut contusum, aut quocunque modo fractum intelligens per errorem deliquerit, & neque raserit; neque perforaverit, veluti os non opus habeat, & velut os sanum existat, ante decimamquartam diem febris corripit ut plurimum in hyeme, in æstate verò post septimam diem febris corripit*. Dices fortè, post 7. & ante decimamquarta tam idem tempus designare; spatium enim illud, quod est à septima die usque ad decimamquartam exclusivè, dici potest post septimam, & ante decimamquartam; igitur febris in vulneribus capitis tam in hyeme, quàm in æstate intra eosdem terminos accedit. At non ita est siquidem verba illa *post, & ante* in Hippocratis textu intelligenda sunt immediatè, ita ut sensus sit, in æstate statim post septimam, in hyeme verò in die immediatè præcedente decimamquartam, quod est idem, ac si dixisset, febrem in æstate superuenire in octava, in hyeme in decimatertia die. Sed adhuc lib. de vlcibus numero quinto ratam facit sententiã his paucis: *Plerisque vlcibus tempus calidius commodius est hyeme, exceptis his, quæ in capite sunt, ac ventre*.

At cur, inquires, capiti, & ventri fauet hyemes? Quoniam ventres hyeme calidissimi sunt, & ob eandem rationem caput quoque incalcescit; cum præsertim aucta in infernis visceribus, ac ventribus caliditas capiti plerunque communicetur, iuxta illud Hippocratis lib. de locis in homine num. 2. Venter capiti, caput carnibus, ac ventri; &c. Cæterum & Antithesin comprobatur ratio ab eventu deducta; nam in hyeme fracturas felicius deduci, videmus, quòd nimirum eo tempore putredo, quæ in cunctis vulneribus perniciofa censetur, non tam facillè excitari solet, ipsum verò ambientis frigus arte, ac diligentia arceri potest, & foueri vulnus. Contrà in æstate putredo, quæ extraneæ caliditatis est soboles, facillimè excitatur.

SYN-

SYNCATATHESIS.

NVlla profectò in relatis textibus est antirrhesis; cum enim ea esse debeat in cunctis vulneribus indicatio primaria, ut afflictae partis calor seruetur, ne sphacelismo emoriatur, id reapse facilius consequimur in hyeme, in qua, vel Hippocrate arbitro in aphorismis, ventres calidissimi existunt, & meatus à frigore constipati nativam caliditatem exhalare minùs permittunt, unde mox contingit, ut corpori uniuerso robur addatur; quare tertio de Dieta Hippocrates numero tertio nimiam corporis in hyeme excalescentionem damnat, plurimumque commendat, ut quisque hyemale frigus sustineat: Obseruetis verba, & miramini sententiam: *Purum autem se frigori exponere oportet, praeterquam post cibos, & exercitationes, sed & in deambulationibus matutinis cum corpus incalescere caperit, & in cursibus, reliquoque quouis tempore exuperantia vitanda est; hac enim tempestate corpori frigus sentire, quam exerceri magis confert, neque enim arbores, quae hoc tempore frigus non sentiunt, fructum ferre, aut satis valere possunt.*

Contrà est in aestate, in qua ob nimiam *diarrhoeam*, frigidiora euadunt corpora, quae pariter languent, virtutibus eorundem penè fatiscenibus, eo prorsus modo, quo balneum calidum refrigerare, frigidum calefacere, experimur, quod libro de humidor. usu ita Magister exaratum voluit: *Considerandum etiam quod post calidam frigescent corpus magis perfrigeratum, post frigidam verò recalescit magis contractum.* Iam in aestate

iccirco vulneribus & febris, & putredo citius superuenit, quod nativa caliditate efflata sit pars, & asci-

titia, quae putredinis est parens, ferueat,

Nulla igitur est antilogia.

ANTI-

ANTIPHONIA XIII.

*Conuulſioni febris, an feбри conuulſio ſuperue-
niens ſalutaris :*

T H E S I S.

SVMMAVS Aſculapudum Prætor ſecundo Aphoriſmorum. 26. habet ſic : *Febrem conuulſioni ſuperuenire melius eſt, quàm feбри conuulſionem*. Confirmat quarto Aphoriſmorum, ubi hæc dictauerat. *Qui à conuulſione, aut neruorum diſtentione tenentur, febre ſuperueniente liberantur*; quam ſententiam ſexcentis in locis repetit, & inculcat, libello præſertim de iudicationibus, ubi verbatim repetit. Item in Coacis. *Conuulſionem ſanat exorta febris acuta*. Adhuc in quinto Aphoriſmorum : *Si ebrius quiſpiam repente obmutuerit, conuulſus moritur, niſi febre corripiatur*. In Coacis iurſus : *Conuulſiones repentinas ſoluit febris*. Inſuper ſecundo de morbis popularibus ſect. quinta. *Si puerperis conuulſio fiat, febre excitato*. Iterum libro de locis in homine circa finem : *A conuulſione ſi febris inuadat, ſedatur eadem die, aut ſequenti, aut omnino tertia*.

Et ex his non pauci ex Græcis auctores arbitrati ſunt, febre in omni conuulſione excitandam eſſe, quod calore in primis acquiri poſſe putatur; quo aſtu dictitant, eos qui in vinculis detinentur & medicos, & iudices fallere. Verùm an id tutò ſemper fiat, affirmare non auſim, ſiquidem infelix medicus, qui neſcit morbum niſi morbo curare; præterquàmquòd licet in medici potestate ſit febre incitare, non eſt tamen deinceps in eius arbitrio extinguere; Et licet libro illo de morbis videatur Hippocratis placitum in conuulſione febre excitare, dicerem tamen, ibi ſcriptum haberi: *Ignem fac*, quibus verbis voluiſſe non febre, ſed ingentem calorem vel viſtu, vel medicamenti excitandum; vox enim πῦρ non magis febre, quàm igneam caliditatem præſignat; quin etiam Hippocrates libello de arte calorem noſtrum innatum ignem congenitum vocat ijs verbis: πῦρ τὸ οὐρεσθον & primo de Dieta pluribus in locis ignis nomine primigenium calorem intelligit, ſic num. 27. *Quæcunque autem corpora ignis for-*

fortissimi, & aqua densissima temperamentum acceperint, fortia, & robusta sunt. Vide sequentes textus. Sed nimium fortè digressi sumus; in viam redeamus.

Propositam thesin suadere possunt non segnes rationes, quippe, si frigidis affectibus calor vnus opponitur, conuulsionem, quæ frigoris est soboles febris maximè oppugnabit; hæc enim summa caliditate attenuat, resoluit, aperit, discutit, atque ipsius spæsmi causam debellat prorsus. Sed hic perpendenda Præceptoris verba illa in Coacis: *Conuulsione sanat exorta febris acuta.* Enimuerò nequaquam probatur in conuulsionibus pusilla, aut mediocris febris, sed acuta, & vehemens, non quidem cum symptomatum perniciæ; aut alio caractere maligno, sed quæ caloris intensione duntaxat præualeat; atque aded par sit conuulsificæ causæ destruendæ; alioquin, si lenis fuerit febris, humorem ciendo maiori detrimento erit; id quod in filio Numenij palàm contigit, de quo sic Hippocrates in Protheticis: *Sanabilis alioquin Apoplexia repente coorta, superueniente lenta febre, euadit mortifera; exemplum in Numenij filio.* Ita quoque lentam, & imbecilem febriculam in affectibus catarrhoicis nihil prodesse, experimur, magnam verò, & vehementem rheumatismosocyus compescere, nouimus.

Neque mirum alicui videatur, febrem naturæ valde inimicam, vitæque alioquin insidiatricem morbos quospiam curare posse, & ospitali emuadere; quando coquendi, attenuandi, ac dissoluendi operationes, quæ in conuulsione maximè desiderantur, ad natiuum calorem, non autem ascititium spectant, siquidem id per accidens fit; nam natiuus calor frigido:um humorum sarcina, aded interdum fatiscit, ac penè marcescit, vt munia sua obire nequeat: quare si febrilis calor superueniat, & exuberantem illam humiditatem exiccet, & eximat, reuiuiscit natiuus igniculus, promptiusque exit ad opus, quare febrilis calor in his casibus fit natiui adinicator, impedimenta, atque obijcem remouens. Et ita pariter Aphorismus ille septimilibri intelligendus est: *Quibus hepar admodum dolet, ijs febris superueniens soluit dolorem;* etenim non febris, quæ febris est, sed vt calor quidam, qui naturæ opitulari valet, id beneficij afferre potest, alioquin enim scitum illud, quod *Natura medicus.*

ANTITHESIS.

AT verò in Coacis numero primo opposita registrantur; En verba: *Conuulsio in febre fiens, & eadem die desinens bona est*; quam eandem sententiam repetit, amplificatque libello de iudicationibus Præceptor inquit: *Si à febre desento conuulsio corripuit, sedatur febris eadem die, aut postridie, aut tertia die.* Confirmat insuper in iisdem Coacis, vbi astringit, puerulis perrarò funestas contingere conuulsiones in febribus, & illa est ratio, quòd in huiusmodi ætate, cum plurimum humiditatis abundet, nullum ferè periculum imminet, quòd conuulsio à siccitate, quæ sola funesta est, in ea oboriatur; Rursus in iisdem Coacis addedit, citra conuulsionem, aut sanguinis è naribus fluxum, aut coxendicum dolorem non liberari in febribus, quibus præcordia, mollia non sunt: hæc sunt verba Hippocratis. *Quibus in febribus vena in temporibus pulsant, & facies sana est, & præcordia non molle, diuturnum morbum significat, & non desinentem citra multi sanguinis è naribus fluxum, aut singultum, aut conuulsionem, aut coxendicum dolorem.*

Porro antithesis nec sua ratione caret; nam si peccans materia, quæ in venis continebatur, facta metastasi, ad musculos deriuatur, cessabit vtique febris conuulsione superueniente; etenim, quandocunque succus aliquis putrescens, aut alio modo noxius ad cutem, carnosumque panniculum diuertit, fit rigor; cum ad nervos ceruicales, dorsales, aut lumbares deriuatur, tremor efficitur, cum verò ad musculos, conuulsio. Et profectò sunt muscoli totius materiæ febrilis satis capaces, ideoque desinere statim febris potest, si materia ad illos transferatur; Neque est nouum, aut rarum Hippocrati, conuulsionem funestorum multorum symptomatum remediū fieri; ita enim in Coacis dixerat: *Gravidas periculosè habent cephalalgia soporata cum torpore graui coniuncte; sed fortasse tamen ipsi conuulsio quedam adiuncta prodest.* Rursus in Protheticis paraplecticas quasdam affectiones cum retulisset, subiungit: *An verò talia sanat conuulsio?* quam & Galenus curationis locum in his habere, fatetur, quòd motu illo violento, qui in conuulsione citatur, vniuersa materia paraplectica excutitur. Vide, si placet, in commentario præcedentis textus Duretum. Ceterum oportet, vt eadem die conuulsio cesset, vt Hippocrates tradit, alioquin partium imbecillitatem, & natiui caloris paupertatem

eventum, si alter, neque illum nuncupat, neque carpit, sed solum unicuique cogitandum relinquit, an ab epoto pharmaco deliueraverit primò, & mox obierit Scomphus, vnde in posterum, erudiatur vnusquisque, & caueat. Non sic herclè agitur nostro sæculo; in aliorum quippe ignominiam propriam gloriam plerique venantur; rectè acta obscurantur, minuuntur: malè acta, si quæ sunt, propalantur tubis, magnificantur vbique, nec sapientes censeri posse existimant quidam (proh scelus iniquæ mentis) nisi alij omnes inscitæ insimulentur. Sed ad pensum reuocor.

Rationū satellitio stipata hæc thesis prodit in medium, quarum illa prius scanam agit, quòd nimirum catartico pharmaco naturæ sit apostasis, idest à pectore ad ventrem euocatio; quare si salus in pleuritide à sola pender coctione materiæ in pectoris membrana collectæ, eiusque anacatharsi; coctio autem ab ipso naturæ studio fiat, sequitur, quòd si ad naturalem œconomiam, ac ventrem illa distrahatur, pectori vale, dicet, vbi propterea diutius perseuerans; pectori systrophica phlegmone vitæ pròptius insidiabitur. Magistrum tertio de morbis num. 17. loquentem audiamus: *Infra enim humore secedente supernæ partes reficcantur, & sputi purgatio sursum non prodit, oportet igitur & infernam aluum non valde suppressam esse, ut ne febres sint acutæ, neque valde egere, quòd salua sursum educi possit, & eger viribus valeat.*

Cæterum cum in internis omnibus inflammationibus vnica salus in virium robore consistat, cumque aluina eccripsis vires morbo impares reddat, hæc metuenda erit, tam si spontè, quàm si artificiosa molitione adueniat, ad quam etiam volens adhuc Præceptor eodem tertio de morbis textu 22. sancitum dirigere, dixerat: *At si eger biliosus sit natura, & non purgatus, correptus fuerit à morbo, priusquam saluam biliosam expuat, medicamento bilem probè purgato, si verò iam expuat biliosa, medicamentum ne dederis, si enim dederis, sputum sursum prodire non poterit, sed septimo, aut nono suffocabitur.*

Demum eo nomine diarrhæa in pleuritide funesta existimatur, quoniam naturalem œconomiam longius abductam esse indicat, eamque spiritualium partium affectionis vim esse prænunciat, vt vel facultatem ipsam naturalem in consensum rapiat; quantò autem plures in morbis facultates læduntur, tantò maius vitæ periculum imminet.

A N T I T H E S I S .

Oppositum tamen in Coacis Prænotionibus noster idem legislator sentire videtur; siquidem non perplexis verbis, sed apertis fidibus tradit, superuenientem pleuritidi alui fluxum ad salutem esse: sunt hæc verba: *quibus in febribus dolore lateris oboriente, alius multa aquosa, ac biliosa egerit, hi aluiantur; & quoniam naturæ imitator est Medicus, ideo libro de victus ratione in acutis scripserat idem: si verò sub thorace fuerit dolor, & valde distendat, pleuritico medicamento aluum subpurgato.*

D' statum his quoque stabilitur fundamentis; nam in primis ab impuris excrementis, nec non serosa, biliosaque colluie exonerata natura, pleuritici phimatis per almo satius indulgere poterit. Nimirum, quod egeritur, est omnino præter naturam; ab excretionem igitur natura salubrius ager. Rationem hanc suffulcit Metonis historia apud Hippocratem 7. epidemiorum, cui ex alui egestionem mitigatus est dolor lateris; verba sunt: *Metoni post Pleuridum occasum lateris sinistri dolor usque ad claviculam, atque is adeo grauis, ut quiescere non posset, & ardor tenebat, deiectione multa biliosa, in tribus diebus fere cessauit dolor, calor autem circa septimam, aut nonam, tussis aderat, excretionem neque biliosa, neque multe fiebant, pituitosa verò tussis sequebantur.*

Rursus ex alui prurptione noua humoris ad pectus inhibetur anadrome, quod in morbis per affluxum primario curare Medicus debet; ad salutem igitur in pleuriticis diarrhæa apparebit semper; quod & Cauponis peripneumonici historia in eodem, septimo Epidemiorum firmatur validè ijs verbis: *Decima ibat acervatim, non sæpè; circa undecimam mitius habuit, quartadecima sanus euasit.*

Quid miror? ipsa quoque materia, quæ immediatè phlegmonem facit, non rarò per aluum repurgatur, per vias decurrens non minùs occultas, quàm manifestas, ut libro de locis affectis Galenus, & post eum Neoterici plurimi contendunt; ergo etiam ratione causæ coniunctæ haud inauspicatò alui fluxus pleuritidis superuenire potest.

SYN.

SYNCATATHESIS.

ANtitheton non vna erit παραγωγή, & primò dici quidem potest, quòd in principio, & declinatione pleuritidis alui turbatio faulstè accedere potest, in augmento verò inauspicatò valde. Nec dicat quis ex Hippocratica pragmatia, nihil criticum in principio esse, omniaque in illo symptomatica fieri; nam dixerim, critum legitimam esse solius causæ coniunctæ deturbationem, expulsionemque; diarrhæam autem à principio non accidere criticòs, sed causam antecedentem, aliaq; corporis excrementa reuellere, ac deriuare, quod infra clariùs edicam.

Secundò nec malè asseritur, quòd quemadmodum duplex ex Hippocrate pleuritis inuenitur, vna, quæ ad clauiculam, alia, quæ ad hypochondria pertingit; illa quidem sanguinis missione, hæc verò purgatione superetur; de prima in aphorismis, de secunda in Coacis egerit; quippe huius pleuritidos materia nequaquam in pectoris cavitæ continetur, verum in locis diaphragmati inferioribus. At Metonis historia supra relata hanc fortè responsionem infirmat, illi enim dolor erat, isque grauissimus ad clauiculam, & ex diarrhæa tamen dolor lateris feliciter cessit. Esto, sed id vt rarum, propterea recensetur ab Hippocrate nam; vt plurimum, & ferè semper non ita contingit.

Tertiò dici posset, quòd in acutissima tantum pleuritide iniqua est diarrhæa; at verò quæ mitiori accidit tum pleuritidi, tum peripneumoniæ, cum longiùs abductæ naturalis facultatis, & viscerum dyscrasie nequeat index esse, mala non censetur, sed etiam bonis ægroti rebus apparet; quod vt confirmetur, obseruanda particula illa textus ἰσχυρίω, idest vehementer, qua particula indicat, in vehementissimis tantum pectoris inflammationibus funestam esse alui prurptionem, alioquin in Coacis dixerat Hippocrates: *Pleuriticis autem prodest aluum mollescere*. Quid si diceretur insuper, quòd alui turbatio in principio reuulsionis gratia; in fine verò euacuationis ergo ad salutem accidere possit? Mesuei hæc sententia esse videtur, qui diarrhæam ab initio pleuritidi superuenire posse, statuit, vel ob humoris vbertatem, viribus tamen constantibus, atque tunc vt causam salutarem esse, quòd fluentem per aluum materiam & reuellar, & euacuet; vel ob morbi vehementiam, humorumque multitudinē cum virium languore, ac tum & vt signum, & vt causam calamitosam esse. Nimirum ph-

matris pleuritici materia antecedens in principio, & augmento conuerti potest absque dubio ad aluum, coniuncta pariter in declinatione feliciter ad eandem secedere potest, quod nē alicui absonum videatur, eo quia Galenus 5. de loc. affect. cap. 2. per solam *ἀναδασον* humores in thoracis regione cōtētos excerni posse apertē doceat, auctoritatibus, exemplis, atque historijs non omnino *μαρτυροῦν* demonstrare contendam.

Et quidem primò Galenus idem 6. de loc. affect. cap. 4. asseueranter scribit, thoracis vomitum per intestina, pulmonis per urinam repurgari: *Etenim inquit, ut à concava vena, ita quoque ex magna arteria rami descendunt ad renes.* qua de re consulatur Marcellus Donatus lib. 3. de hist. medica mirabili cap. 9.

Affinitur Aretheus cap. de pleuritide his verbis. *Porro si nonnunquam morbus subsistit, & aliquantulum in melius ergit, vehemens de naribus sanguinis eruptio conspicitur, aut per aluum cū perturbatione multorum biliosorum & spermaticorum succorum deiectio, qui ex pulmone in ventrem depulsi fuisse videri possunt, si multi, liquidiores, & facili deijciuntur, nonnunquam verò & per urinarias semitas euocatur.*

Sed rem adhuc illustremus historijs. Amatus Lusitanus centuria tertia curatione 68. Mercatoris Ariminensis historiam refert, qui sanie per urinam excreta à pectoris phlegmone liber euasit.

Beniuenius cap. 43. Antonium quemdam recenset, qui pleuritide laborans morbo iam ad maturitatem perueniente, educto per urinam pure, pariter euasit.

Consimilem historiam Olitoris cuiusdam narrat Marcellus Donatus; ille enim à saeva pleuritide, sanguine multo seroso in septima die infra excreto feliciter euasit. At quibus vijs e pectore purulenta ad urinæ semitas, aut alui ductus deferri valeant præter Galeni relata supra sententiam ipse Marcellus citato loco consulatur. Interim Duretii in annotatione suæ narrationis in Hollerium verba lubet ascribere. *Nonnunquam etiam pleuritis sanescit per exclusionem humoris illam facientis cum urinis, vel deiectionibus.*

At cum acutius quidem, cū humor ipse morbificus iam mitificatus ex thorace habet ad partes inferiores thoracis, & in truncum vena concava rapitur per dextrum cordis ventriculum secundum vena ἀρτηρίας, id est per arteriam venosam in sinistrum cordis ventriculum influit, indeque in magnam arteriam, & ex ea in renes, à quibus cum urinis excluditur, & hic pleuritici defunguntur pleuritide nimirum
super.

superiorum costarum, ut ego in multis observavi. Idem quoque fieri potest cum deiectionibus, si tot modis sanescit pleuritis. Sed reuoco ad conciliationem calami.

Dicamus ergo ad calcem, quod Hippocrates in Coacis nequam de vera pleuritide verba faciat, verum de dolore quodam a serosa, mordacique colluvie hypocondria occupante, quam a natura deturbari ocyus expedit: colligo id probabiliter ex eo, quod Hippocrates ait. *Quibus in febribus dolore lateris oboriente*, quippe in vera pleuritide non prius est febris, quam dolor, sed potius dolor instanti saltem naturae anteit febre, quae in omni inflammatione est deillarum genere, quae comitata nuncupantur; in aphorismis verò de lateris dolore in febribus non oboriente, ac tanquam succedaneo loquitur, verum de primigenio, ac legitimo ab inflammatione, ac systrophe, cui diarrhoea nihil propitiatur. Enimvero in malignis quibusdam febribus ex humorum quodam orgasmo dolores quidam interdum pectoris latera lancinant, qui pleuritidem deludentes medicis imponunt, quo consilio dicebat 6. aphor. 5. Hippocrates, *dolores, qui sunt in latere, & pectore, aliisque partibus, num multum differant, considerandum*, hoc est, sint ne punctorij, tensivi, vel stimulant, & ut vno verbo dicam ad rem nostram, an sint legitimae pleuritides, dum vel doctissimis in arte viris similitudines imponunt. Etenim verbum graecum, *διαφέρει* in hoc aphor. non *praeualeant* significat, ut placuit Theodoro, sed *differant*, quemadmodum aptius Leonicensius interpretatus est, nec sanè digna Hippocrate fuisset sententia, quod animadvertere debeant medici, an dolores sint vehementes, nec ne, cum eorum atrocitas per se innotescat. His adde, quod in aphorismo illo id, quod frequentius accidit Hippocrates exarat, in Coacis id, quod rarius contingere solet.

ANTIPHONIA XVI

Sputum tenue, an crassum in peripneumonia reddatur.

THESSIS

Libro de affectionibus, ubi de peripneumonia Hippocrates sermonem instituit, sputum in ea primis diebus crassum, ac purum reddi, decernit. Insequentibus vero, mixtum, ac variatum: sunt verba hæc: *In peripneumonia febris detinet, & tussis, & excreat primum quidem pituitam crassam, ac puram, sexta vero, & septima subbiliosam, & subliuidam, octava autem, & nona subpurulentam.*

Est autem id rationi consonum; siquidem cum peripneumonia, eodem Hippocrate auctore, fiat, *quum pituita acervatim ex capite ad pulmonem fluxerit*, ubi primi tussis excitatur, humor huiusmodi pituitosus, & crassus, qui in poris est, ac superficie tenus pulmonibus hæret, reieciari debet; alij namque humores, ut sanguis, & bilis, cum intra pulmonis venas reperiantur, non ita facile educuntur.

Rursus Præceptor ijs verbis coctionis progressum delineat; in principio enim cum nondum pepasimus esse possit, quæ expulsi sunt, & crassa, hoc est non dum coctione maturata; in sexta vero, quia natura iam coctionem aggressa est, at non dum pene adæquavit, hinc est, quod subbiliosa, & subliuida appareant incipiunt, donec, absoluto vndeque pepasmo, materia in pus conuertitur, & sputum subpurulentum redditur. Quid multa, & Sputum, quod primis diebus redditur, est fluentis, non autem fluxæ pituitæ soboles, ideoque crassum, & purum; in reliquis vero diebus, quoniam coniunctæ materiæ aliquid incipit excerni, subbiliosum, subliuidum, ac subcruentum.

ANTIPHONIA XVII:

Qui acidum eructant an pectoris morbis fiant.

obnoxij

T H E S I S.

Sexto aphorismorum 33. *ὀξυγαστρὶς* hoc est acidum ructum habentes, pleuriticis raro fieri, Hippocrates exaravit: verba sunt: *Qui acidum ructum habent, raro pleurici fiunt.*

Affertionis huiusce ratio satis innotescit; cum enim *ὀξυγαστρὶς*, Galeni arbitrio, triplici de causa fiant, vel scilicet à frigida, ventriculi intemperie, vel ab acida pituita in eodem stabulante, vel à frigidorum alimentorum copia; vndecunque sanè oxyregmia exoriatur, frigoris erit soboles, & pituitosi, crudique succi alumna. At pleuritis, quæ membranæ inflammatio est, non à frigore, neque à denso, compactoque humore fieri potest, verum à tenui duntaxat, biliosoque succo, ideòque, si quis acidum eructet, ab omni inflammatione longius abibit. Porro succus acidus, siue sit ille pituitosus, siue melancholicus, non solum quia frigidus existit (acida enim pituitosa sunt Hippocrate libro de locis in homine auctore) ineptus ad pleuriticum phlegmonem censerì debet, verum etiam, quoniam crassitie, ac terrestrèitate sua nequit pleuram facillè permeare, ac pervadere, atque adeò systrophem inibi excitare nequibit.

A N T I T H E S I S.

Libro de internis affectionibus num. 7. peripneumoniæ, quæ pleuritidi cògenea est, signa percurrens, qui illa detinetur, acidum eructare, tradit: hæc sunt verba: *Hæc igitur ager patitur: tussit fortiter, & salivam expuit liquidam, ac nultam, sepe etiam crassam, & albam, velut à raucedine, & dolor premit acutus in pectore, & dorsum, & laterum mollitudinem, ac latera, & acidum eructat: mox paulò infra. Et vomit pituitam acidam, & si id, quod vomuit, in terram effundas, radit terram velut aceto infuso.*

fuso, & dentes stupefunt &c.

Probari verò & hoc antitheton potest ex eo, quòd acida etiam tenuium partium sunt, facillèque cuncta peruadunt membra, ideòque & in pleuram insinuari possunt, ibique distentionem facere, vnde ad motum difficultas, ac dolor, à quibus mox accersiri sanguis potest, atque inflammatio fieri; eo prorsus modo, quo peripneumonia, vt Hippocrates idem libro de affectionibus num. 9. tradidit, *fit quum pituita acervatim ex capite ad pulmonem fluxerit.*

Adhuc ructus acidus non magis frigidi, quàm calidi est index, quod patet ex secundo epidem. sect. tertia 23. vbi legitur: *sanguineum, subtilissimque acidum ructum faciunt, forte autem & in atram bilem his finitur.* Hanc sententiam confirmarunt Alexander Trallianus libro 12. cap. primo, nec non libro septimo, atque Auerrhoes tertio Collect. cap. 49. asserentes aciditatem fieri tam à calido; quàm à frigido; à frigido vt per cruditatem; quod in fructibus conspicuum fit, qui ante quàm maturefcant, acidi sunt, maturi verò dulcescent; à calido autem per putrefactionem, vt acetum, quod ab externo calore media putredine gignitur.

SYNCATATHESIS.

Symphonas reddemus Hippocratis voces, si dixerimus, quòd is haud absolute negavit, *ὀξυγμῶδες* pleuriticos fieri, sed raro pleuritide vexari, scripsit, ob ipsius videlicet frigidi humoris contumaciam, ac frigiditatem; quare & qui acidum eructant, in hunc aliquando morbum abire poterunt; si praesertim bile intra venas abundent; associari enim non aegrè possunt frigidus ventriculus, & feruidum hepàr, vnde bilis prouentus.

Secundò dicamus, quòd Praeceptor de vera, & exquisita pleuritide in aphorismo verba fecit, quae procul dubio à sanguine bilioso, & nullo modo à pituitoso ortum trahit.

Tertiò tandem addere fas erit, quòd longè alia est pleuritidos, ac peripneumoniae ratio; haec enim, vt libro illo de affectionibus distatur, à pituita acervatim in pulmonem illabente fieri potest; cum enim pulmones rari valde, ac spongiformes existant, succos etiam crassos, & lentos excipere facile queunt, qui tamen in pleuram alioquin densam, & nihil spongiosam nequaquam irruere valent, & si irruant, vix inuenient hospitium.

AN-

ANTIPHONIA XVIII.

In hypochondriorum dolore an febris superueniens bona.

T H E S I S.

Libro sexto Aphorismorum 40. Medicorum Nomophilax illa habet: *Quibusunque dolor sine inflammatione hypochondriorum excitatur, his febris superueniens dolorem soluit.* Thesis roborari potest quinquagesimo secundo aphorismo septimi libri, ubi hæc: *Quibus hepar admodum dolet, ipsa febris superueniens soluit dolorem.*

Euentus ratio in promptu esse potest illa eadem, quæ alibi probauit; febrem conuulsioni superuenientem ad salutem apparere; calor namque febrilis crassos, frigidosque humores, id genus dolorum feraces attenuat, coquit, ac diffundit; quare dolor eiusmodi tam iocinoris, quam hypochondriorum citra inflammationem tamen, cum non nisi à statu, aut cruditate oboriatur, à febrili calore edomari, vel mulceri poterit, discussis flatibus, aut aplesia mitigata. Plura collige ex Antiphonia, in qua de febre conuulsioni superueniente agitur.

A N T I T H E S I S.

AT secundo Prophetarum est manifesta antirrhesis; legitur enim: *febres ex hypochondriorum doloribus malignæ; neque dictatum deficit ratione; siquidem æstus, & hypochondriorum phlogosis semper est calamitosa; febremque parit contumacem, & remedijs inexpugnabilem; quò consilio Hippocrates & in Prognosticis, & in Epidemicis hypochondriorum attrectationem à Medico in febribus sedulo faciendam esse, monet, ex eo quòd, ut in Prognosticis: Hypochondrium optimum, quod sine dolore est, & molle, & æquale dextris, & sinistris partibus &c. Quin 2. Epidem. sect. 3. textu tertio morborum constitutionem quandam describens, tanquam præsentaneum salubritatis argumentum, adducit, quòd neque splenes attollebantur, neque dextrum hypochondrium,*

drium, neque dolorosum valde, neque intensum fortiter. Rursus lib. tertio eorundem morborum popularium sect. prima, agrot. 2. Hermocratis describens historiam, statim habet: Hypochondrij intensio molliter; ubi Vallesius: Hoc oportet considerare hoc loco, diligentissimum Hippocratem nunquam in febribus acutis omisisse hypochondriorum affectionem, quam in Prognostico commendavit, & merito quidem. Vix quippe unquam occurrit illa earum febrium, quae vehementer ardent, ut per quas lingua exusta est, & quae exunt de ventre torrefacta, quin aliquod internorum viscerum praecipue patiantur; habeatque inflammationem, aut eam, quam phlegmonem Graeci vocant, aut pro hac erysipelas, aut quam vocant phlogosim, hoc est ardorem.

SYNCRATATHESIS.

Licet Galenus Protheticorum sententiam refellere nitatur in commentario, illam tamen assabre conciliabimus, si dicatur, hypochondriorum dolorem, cuius eo loci meminit, esse ab inflammatione, seu phlogosi, quae propterea febrem producat malignam, hoc est acutam, & curatu difficilem, quaeque pharmanis purgantibus irritetur magis: quin febris ista focum habet, & hyparxin in ipsis naturalibus visceribus, estque non per accidens a dolore, sed per essentiam, aut saltem comitata, ut dicitur, ob hypochondriorum affectionem; ita ut licet febris recedat, superstes tamen hypochondrij affectio, & phlogosis maneat, iuxta Hippocratis illam doctrinam primo Protheticorum: Qui in hypochondrio, refrigerata febre, ardores relinquuntur, tum alias, tum in sudoribus mali sunt. At in libro Aphorismorum, ut liquidò verba sonant, de dolore a flatu, aut cruditate citra ullam inflammationem loquitur, cui propterea si superueniat febris, ocyus evanescat, necesse est, flatibus, & cruditate a calore diffusis, ac dispersis.

Duretus in annotatione suae enarrationis in Hollerium capite de obstructione hepatis perbellè Protheticorum sententiam explicat, quod scilicet ibi Hippocrates de symptomatice febre ex hypochondriorum doloribus loquitur, quae semper est pessima; atqui in Aphorismis haudquaquam symptomatice febrem intelligat, sed quae citra causam illius doloris hypochondriorum aliquo modo suboritur, ut solet conuulsioni interdum febris superuenire non quidem ab eiusdem conuulsionis causa, verum aliunde, utpote ab.

ab alterius cuiusdam humoris accensione Naturæ industria exci-
tata, quæ mox maleficam causam inuadit, ac prostermit.

ANTIPHONIA XIX.

*Icterus ante septimam diem an semper
perniciōsus.*

T H E S I S.

Quarto Aphorismorum 62. Medicorum arbitratu hæc pro-
tulit: *Quibus in febribus icterus ante septimam diem inci-
dit, calamitosum*: quam eandem sententiam in Coacis
adhuc ioculentiùs his repetit verbis: *Icterus ante septimam diem
in sidiosus, at vii, ix, xi, xiv prorsus salutaris, qui hypochondria non
ibdurat, sin autem anceps.*

Prothematis verò fundamenta rationibus non minùs, quàm
experimentis nituntur. Rationum esto prima, quòd nihil ad sa-
lutem apparere potest in morbis, nisi in die critica, quæ naturæ ad-
dicatur; At verò sexta dies morbi est, non naturæ, idèòque ty-
ranna audit; igitur in sexta *κρίσις* icterus explendescere nequit,
Nimirum in his diebus morbo in auctoritatis sunt iudicatoria non
iudicantia, quæ aut mortem, aut longitudinem præfagiunt, sit-
que excretio illa ab erethismo, non verò à superata morbifica,
causa.

Secunda ratio & illa est, quòd in hæda semper, & calamitosa
cenferi debent signa ad speciem crisis, nisi fuerint præsignata à fi-
gnis ad tempus crisis. Quippe, ut multæ, ac variæ sunt morborum
ideæ, variæ etiam criticæ excretiones fieri assolent, quæ omnes
sua obtinent antesignana argumenta. Hæmorrhagia exempli gra-
tia, quæ *κρίσις* in syncho excitari consuevit, tanquam præam-
bulones habet narium pruritus, faciei ruborem, oculorum
marmoribus. Aluina excretio critica, quæ sospiter aliquibus mor-
bis adiungitur, à borborigmo, siue intestinorum murmure, tormi-
nibus, & alui æstu prænunciari consuevit. Vomitus, qui in tertia-
bis criticè superuenit, oris ventriculi morum, faucium amaro-
rem, hypochondriorum tensionem ut nuncios multò ante præmit-
tit;

tit, & hæc omnia dicuntur signa ad speciem crisis. Iam infauste, & inauspicatè hæc apparent in morbis, nisi ad tempus crisis præc-
runt signa, quæ nihil aliud sunt, quàm pepsimi indicia. Cum ita-
que ante septimam coctionis notæ nequaquam ex plendescere va-
leant, iccirco nequit ante septimam icterus ad salutem apparere.
Ideoque Galenus in præfati aphorismi hypomnemate: *bilem*, in-
quit, *iudicatoriè ante septimam effundi, impossibile est*, & 3. Epide-
mior, comm. primo aphorismo quinto nullum, astringit effum ante
coctionem, ne dum astringosum vtilem esse, id quod Hippocra-
tes inculcauit primo Epidemior. ubi testatur, eas, quæ ad salutem
decernunt, non statim apparere posse.

Tertia demum ratio illa esse potest; quoniam ut libro de victus
ratione in morbis acutis Hippocrates docet, impar numerus in
morbis vim maximam obtinet; ideoque in die impari, quando
in ephodon suam insurgit natura, aliquid excernere *regius* de-
bet, igitur in sexta die regius morbus infaustus accidit.

Probatur insuper euentu; quoniam, ut Epidemiorum tertio le-
gimus, Hermocrates, qui sexta die factus est ictericus, ac delirus,
mortuus est 28. die. Phanagaton pariter, qui ante septimam
bile suffusus fuerat, compari gradu ad internecionem deductus
est, & idem prorsus Heraclidæ contigisset, nisi ab ea calamitate
exemisset diarrhæa, perirrhexa, & hæmorrhagia. Quod si cui
Hippocraticæ vetustatis exempla aut non sufficiant, aut exolera,
(quod absit) videantur, Neotericos ad eas, maxime quæ Holle-
rium theoria non minùs, quàm praxi percelebreant, qui capite de
Ictero in scholio plurimas recenset historias, quibus palàm fit, non-
nullos, qui ante septimam astringos facti fuerint, licet morbus re-
misisset, adeò ut agri immunes à febre deambularent, facta ta-
men recidiva, perijsse omnes.

A N T I P H O N O N L I B. II.

QVarro de ratione victus in acutis Præceptor tanquam sui
immemor manifestam antiphasin propendere his verbis
videtur. *In febre biliosa, ante septimam diem cum rigore*
morbis regius accedens soluit febrem, verum sine rigore si accedat ex-
tra temporis occasiones, perniciosus est.

Assipulatur huic sententiæ in primis Auenzoar lib. 1. tractatu 3.
cap. ultimo asserens, morbum regium ante septimam diem fre-
quenter salutarem esse, ideoque redarguendos antiquos id ne-
gantes;

gantes; quibus verbis Hippocratem, & Galenum tacitè vellicat. Auicennas etiam fen. 2. quarti sensit pariter, posse ex celeri coctione etiam ante septimam regium morbum ad salutem fieri. Plinius quoque licet polihistor potius, quàm Medicus lib. 18. cap. 12. Hippocratem carpit, inquit: *Hippocrates à septima die (lege ante septimam diem cum Vallesio) icterum in febre mortiferum signum esse, docuit, nos scimus, vixisse aliquos etiam ab hac desperatione.* Auerrohes lib. 4. cap. 43. Hippocraticū dogma istud manifestè rejiciens ait, reprobatur hoc esse experimento in suis terris, & in quinta die accidentem maximè in calidis temporibus opportunum esse. Quid plura? Diocles apud Cornelium Celsum cap. de ictero ex professo docet: *Ex toto si post febrem oritur, etiam prodesse, si post hunc febris, occidere.*

Suaderi præterea potest antithema ratione, & euentu. Ratione quidem primò, quoniam, vt Auerrohes optimè ratiocinatur, si qua ratione ante septimam diem morbus regius esset malus, qui verò septima, aut post illam non ita, id esset, quoniam septima die *κεῖνός*, ante septimam *συνθάνωνός*, apparet. Verum si peracutus exactè sit morbus in quinta die, & sæpè etiam ante illam critica sit excretio; igitur regius morbus etiam ante septimam contingere salubriter potest.

Secundò humor iste biliosus, qui auriginem excitat, cum natura sua tenuissimus, atque acerrimus existat, naturam potest ocysimè ad sui expulsionem prouocare, atque adeò celerrimè ictericiam producere.

Confirmatur adhuc euentu, & ne in primis à nostro discedamus Hippocrate, primo Epidemiorum section. 3. fuerant, (inquit) quibus morbi regij sexta die, sed hos aut per urinam purgatio, aut alius conturbata iuuabat, aut magnum profluvium sanguinis: igitur non infaustè potest ante septimam diem regius explendescere morbus: Nec desunt etiam apud alios auctores, ac præcipuè apud Amatum Lusitanum in suis centurijs exempla eorum, qui ante septimam icterici facti euasere à morbo.

SYNCA T A T H E S I S.

Sententiarum, atque Auctorum diaphoria vsque adeò Neotericorum ingenia torlit, & excitaunt, vt in varias abierint opiniones, variasque commenti fuerint responsiones, quarum

ANTIPHONON LIB. II. 111

rum celebriores duntaxat referam, & expendam. Et quidem fuerunt, qui dixerint, Hippocratem in aphorismis de eo, quod ut plurimum contingit, loqui; in libro verò de, vict. ration. in acut. de eo, quod rarius accidit. Sed nimis vulgaris, ne dicam futilis; ista est antilipsis.

Ioannes Heurnius vir sagax, ingeniosus, profundèque doctus verba illa libro de victus ratione in acut. morbis *πρὸς ἑπτά ἡμέρας*, idest *ante septimam*, exponit in *septima*. Verùm aliena valde, atq; deducta censei potest huiusmodi enarratio; neque video nisi vi quadam, cur aduerbium, *antè*, explicari debeat per, *in*; via enim non est terminus.

Nonnulli dixere, icterum vel integris fieri visceribus, vel cum horum cacopragia; salvis visceribus etiam ante septimam posse fauistè superuenire, iisdem verò obstructis, aut inflammatione obsessis neque in septima, aut post illam posse ad salutem fieri.

Auerrhoes, quod spectat ad sententiam, quæ aphorismorum quarto exaratur, ut Hippocratem aliquo modo reuerentiæ gratia tueretur, arbitratus est, eius de ictero præfagium in Græcia, non autem in Persia, alijsque calidioribus regionibus veritatem habere potuisse, & huiusmodi antilipsis, siue excusatio probabilis videri posset, quoniam ut ipsemet Hippocrates 3. Prognosticorum circa finem profiterur, prognosis ab eo tradita in Delo, ac Scythia veritatem habet.

At neque plausibilis huiusmodi expositio accedit; quoniam vniuersalissima dogmata, quæ in aphorismis continentur semper, & vbique veritatem habere debent; Neque solùm Græcis medicam pragmatiam conscripsit Hippocrates; quare non est ita coarctanda; præterquam quòd neque absolutè verum est, Græciam, Betica regione frigidiorē esse.

Amatus Lusitanus in Centurijs, ut Hippocratis illam sententiam aduersus experimenta tueretur, censuit, nomine septimæ illum non diem, sed coctionem intellexisse, ita ut sensus sit, ante coctionem in acutis febribus icterum nequaquam salutarem accidere posse, quemadmodum ex mente ipsius absque pepasmi notis nulla alia excretio critica, & salutaris esse potest. Atqui licet ingenua satis hæc responsio videri possit, nimium tamen à germano verborum sensu elongari videtur, quandoquidem in Coacis maximè dierum expressè meminit, non pepasmi.

Adducenda hic etiam expositio Leonardi Fuchsij in commentario eius aphorismi, ubi tradit, eo loci Hippocratem non de
omni

omni ictero, sed de illo duntaxat loqui, qui ab inflammatione hepatis accedit in febribus acutis, ita ut febris sit ipsius inflammationis consectoria, atque adeo vehemens, & acuta valde: Vide si placet Auctorem, qui basilicè hunc explanat aphorismum. Atqui talis expositio sententiam, quæ vniuersalis est, coarctat ad vnam icteri speciem.

Vallesius vir solidioris doctrinæ, & feracissimi ingenij aliam in medium affert opinionem tanto homine non indignam; inquit enim, Hippocratem nil aliud sentire in aphorismis, nisi quod ante diem iudicantem febrem regius morbus malus existat, & addit septimum diem tanquam potentissimum iudicatorium pro exemplo apposuisse, quæ certè ratione accidere potest; ut neque in septima, neque post septimam diē salutaris adueniat icterus, ut in commentario relati textus de victus ratione monet Galenus. Ideo quæstatuit, quod in ijs febribus, quarū dies iudicialis est septimus, si salutaris est icterus, ante septimum; in ijs verò febribus, quarū dies iudicialis est quintus, ante quintū in auspiciatō apparet; in ijs demum febribus, quarū decima quarta dies fit iudex, ante decimā quartam pari ratione infructuosus existat. Præclarum, atque ingeniosum hypomnema, cui libenter astipulor.

Sed inter tot scientiarum lumina, ac sententiarum discrimina liceat meam quoque propalare interpretationem, & equanimitate Reor itaq; icterum ante septimam etiam, nullis præapparentibus pepasmi notis, non infauste apparere posse, dummodo comites fiant aluinæ excretiones, aut vrinæ copiosæ, vel hæmorrhagiæ. Quod nimirum suadetur in primis ex quibusdam verbis, quæ in codicibus antiquis ad aphorismum illum 62. quarti libri apponuntur; ubi enim vulgata lectio habet: *quibus in febribus acutis icterus ante septimum malum*, in quibusdam exemplaribus, teste Galeno in commentario, adduntur hæc verba: *nisi humores ab aluo effluant*: quo modo arguitur, posse quocunque tempore bonis ægri rebus icterum explendescere, dummodo humorum putrilago, & crassior bilis colluies ad vrinæ regionem, vel ad aluum, vel aliò auocetur. Hanc veritatem & ipse Hippocrates insinauit quarto Epidemiorum textu 63. in historia Mariti Lechi, qui factus ante septimā ictericus, mortuus est in octaua, eo quod nihil neque per vrinam, neque per aluum emisit: verba perpendite: *Maritus Lechus, qui præpè Sitodochi ades ictericus, ad quem septima die veni, octaua moriebatur neque vrinam, neque deiectionem emittens*. Et sic Aphorismus quarti libri, ac textus de ra-

tiōe ic

tionem victus nullam prorsus habebunt antiphoniam.

Verum enim verò illud observandum, quod in libro de ratione victus in morbis acutis Hippocrates salubris icteri antesignanum facit rigorem: cur hoc? Memoriae reuocetis, quod alibi tum in aphorismis, tum in Coacis dixerat Hippocrates, quod febri ardenti si semel rigor superueniat, febris solutio, ex eo videlicet, quod bilis ab intra ad extra fit & *ὑπὸ τῆς* effusio; qua occasione membranosa abdominis particula vellicantur, ac punguntur, unde mox humorum sequitur exclusio, & motio, ut Galenus 2. de symptomatum causis testatur. Vult itaque significare Præceptor, quod quatenus per modum crisis icterus appareat, necesse est, rigorem præcedere, qui totius bilis effusionis est prodromus. At verò si sine rigore fiat, & *ἔξω τῶν χρόνων*, hoc est extra temporum occasiones, ut loquitur Hippocrates, quia symptomaticus fieri, designat, malum est. *Sed quibus rigores in sexta die sunt*, aiebat Hippocrates, *malum*; quomodo hic bonus esse potest? Ardua nimirum difficultas, cui tamen satisficit, si dicatur rigorem malum esse prorsus, si nulla consequitur euacuatio.

Præterea doctrinam hanc melius enucleantes, dicamus, icterum vel esse symptomaticum, vel criticum; symptomaticum, qui vi morbi ab erethismo, non naturæ triumpho prorumpit; criticum, qui naturæ dominio, apparentibus per asini notis, explendescit. Posito iam, quod verum sit, regium morbum non posse ante septimam diem criticus apparere, quoniam, ut in illius Aphorismi commentario Galenus habet, ante septimam ipsam diem bilem iudicatorie effundi, est impossibile: potest saltem ante dictam diem apparere symptomaticus quidem, non tamen omnino infausus, sed modo quodam ad salutem, quatenus sit humoris, qui intus est, exclusio, ita ut dici valeat symptomatica crisis, ut vocat Forestus. Et enim genericè verissimum est aphoristicum illud prothema: *erysipelas* (quo nomine calorificè omnes affectiones, ac sympthica inflammationes intelliguntur) *ab internis ad externas partes procedere, bonum est*. Ita licet in febrium paroxysmis, ac principijs invasionum, nec non in cholericæ passionis contingant vomitiones vi morbi duntaxat, non tamen absque aliquo naturæ fructu fiunt; siquidem sæpè peracto vomitu leuantur ægri, cessantibus saltem, pro maiori parte ventriculi morfu, lancinatione, æstu, & halysmo; quo circa non rarò naturæ auxiliares manus afferentes, motum illum emeticis remedijs adiuvare solemus. Est itaque bonus absolutè icterus in septima, aut post illam, quoniam febrem absoluit:

H

est

est quoque modo quodam insalubris ante septimam, quoniam, haud iudicat morbum. Est etiam quodammodo bonus ante septimam, quoniam in illa effusione intrinsecæ, & coniunctæ febris causæ detrahatur, & à centro ad corporis ambium, eadem delegatur; quin sæpè totum ipsum prostermit affectum, quando comperitum est, biliosos humores ob eorum tenuitatem absque ulla præparatone interdum effundi, quos Galenus libro quos, & quando purgare oporteat, apertis fidibus tradit.

Idipsum roboratur ex primo Epidemiorum sect. 2. ubi senex nonnullos ante septimam auriginosos factos recenset, qui tamen vitæ periculo defuncti sunt: quin etiam quarto Epidemiorum, multi leguntur icterici facti κατὰ κρείττον, idest valde flauī ab ipsa prima die acutarum febrium, nec tamen legitur, interiisse omnes, sed solum Hippocrates ait: *Non recipientes iudicationem sincerè amantes reuerſenīs*. Neque in Aphorismis idem aſtruit, icterum ante septimam diem erumpere tem funestum esse, ut citato loco iniuria scribit Plinius; verùm ait, κακόν, idest malum, quemadmodum in Coacis eadem voce utitur græca; quibus verbis haudquam interitus necessitas, sed solummodo periculum, aut morbi diuturnitas, vel pertinacia significatur. Ita pariter apud eundem Hippocratem verbum θανάσιμον periculum, liquod, non autem certum interitum indigitat, ut 2. Aphorismorum primo potissimum ijs verbis innotescit: *Εν ὅποιον ἔπινος πόνος ποῖσιν, θανάσιμον*: In quouis morbo somnus laborem affert, mortale est: verbum illud θανάσιμον discrimen tantummodo sonat; nemo enim ignorat in plurimis, imò cunctis affectionibus huiusmodi à somno laborem fieri, nec tamen omnes ad letum inde deduci.

Ita ergo & ante septimam diem, & post illam salubris evenire potest regius morbus, nec tamen θανάσιμος censeri debet Hippocrates.

ANTI.

ANTIPHONIA XX.

In hydropse an conducat, venire aqua impleri.

T H E S I S.

Libro de affectionibus, ubi de Hydropse senex agit, hæc leguntur: *Morbis autem est letalis, cum aliis, tum si venter aqua repletus fuerit.* Septimo Aphorismorum quinquagesimo quinto, tanquam sapientie *ἰννασίμω* sublimiori, luculentius adhuc confirmat his verbis: *Quibus iecur aqua refertum erumpit in omentum, his venter aqua impletur, & moriuntur.*

Dictati fundamentum est una ratio; quippe ubi in hydropse pleno ventre fluctuat aqua, evidens est argumentum, consummatam iam esse morbosam diathesin viscerum *ἀπορίη*, & sanguificatricis virtutis in primis alienatione, quæ duo ubi adsunt, mors iam pulsat ad fores. His adde, quod ubi iam aqua plenus venter fluctuat, periculum imminet, ne omentum corrumpatur, quod extrema censetur calamitas. Quid multa? licet è ventre aqua abundè effluat, spem salutis tamen haud semper adducit; imò non rarè citius interimit, ut quarto Epidemion textu 81. videre est in puero illo apud villam Hippalogi, de quo sic narratur: *Cui tenuia euenientia partem aliquam euacuarunt;* mortuus tamen ille est. Vallesium in commentario adeunto. Næc. desunt apud polyhistorès nostros monumenta illorum, qui hydropse detenti, aqua demissa periire.

A N T I T H E S I S.

AT sexto Aphorif. 14. toto Cælo discrepantem recinit sententiam; audiat: *Hydropicis si aqua è ventris in ventrem effluerit, soluit morbum.* Confirmat lib. de iudicationib. num. 11. ubi hæc: *In his, qui ab hydropse detinentur, si aquositas per ventrem ad vesicam, aut ventrem fiat, solutio fit.* Rursus ratum id facit in Coacis, ubi sic: *Incipiente hydropse, si alui profluvium sine *ἀνίμω*, seu cruditate proveniat, malum soluit.*

H 2

Et

Et est hic etiam in promptu ratio; quippe serosa illa coluuius, nunc inter peritonæum, atque omentum occludebatur, si per venter meseraicus refluens, ad intestina conuertatur, exitum inueniens morbum soluit; ut aliquando fausto contigisse, experientia, & Auctorum monumenta suadent. Quin eodem consilio libro de affectionibus Magister ad aquam educendam naturæ imitatione pharmaca hydragoga exhibenda esse, monet; sic num. 23. *Hunc si à principio acceperis prius, quam aqua subcreseat, pharmaca bibenda dato, à quibus aqua, aut pituita purgatur; in quem finem ad ipsam paracentesin interdum confugere cogimur, ut ipsa hydropica collectio educatur, unde subdit citato loco Hippocrates: si igitur à pharmacis, & alia victus ratione ager utilitatem percipiat, & venter ipsius euacuetur, bene est, sin minus, sectione facta, aquam emittat.*

SYNCA T A T H E S I S.

NUnquam, & nusquam ἀνύμωμος noster erit Hippocrates, sed ubique concors, constans ubique sibi apparebit, si ingenij acies eius doctrinæ polydedala penetralia subire conetur. Libro itaque de affectionibus, & septimo Aphorismorum ventris nomine capacitatem illam intelligit, quæ inter peritonæum, atque omentum interiacet, & hæc si aqua repleatur, ob adductas in Thesi rationes letale utique est. At sexto Aphorismorum lib. de iudicationibus, & in Coacis pro ventre intestinorum cavitatem intellexit, ad quam si serosa colluuius transmeet, exitum inueniens, ab agritudine exoluet ægrum. Sed neq; hoc fauste cedit (lector caue tibi) ubi labefactatatis iam visceribus, perennis materix fit generatio; quod sedulo recolens Hippocrates, addit in Coacis verbum illud, *Incipiente*, ut rei Medicæ consultos moneret, irrita esse tam Artis, quam Naturæ adminicula in hydropo, cum alias hic fixerit radices, & hepatis, aliorumque viscerum hectica dyscrasia adfuerit; quo pariter consilio aiebat sexto Epidemiorum sect. septima textu nono: *Hydropicos celeriter secare*. Mentiri non faciunt nos antiquorum monumenta, & quotidiana exempla. Nuper uxori egregij Urbis Aromatarij D. Ioannis Antonij Vestrij viri unde quæque optimi, meique singularis amici, cum diu ascite laborasset, reseratus est sponte umbilicus, è quo ingens aquæ copia in altum saliens eruperat, unde coniux latibundus triumphum canebat. At ego dolens, illam suam spe defraudari, in extremo

periculo

periculo vitæ vxoris multò magis, quàm ante prædixi non sine ipsius Aromatarij, & aliorum admiratione. Præfagium infaustum euentus probauit, nam triduo post aquæ eruptionem obiit.

Dicas demum, loqui Hippocratem in Coacis, & alibi de hydrope, quem *ὑδρωπικὴν* vocant, in quo cùm aqua intra venas contineatur, si illa è venis in ventrem effluat, vtique salutare erit, dicente in libro de iudicationibus Hippocrate: *Si à pituita alba occupato alui profluuium vehemens accedat, solutio fit*, & idem sentiendum erit de hepatis hydrope ab hydatidibus, quæ si disrumpantur, & in ventrem aqua irruat, faustò cedit. Per quas autem vias aqua ista in ventrem irrumpere valeat, docet in Coacis Duretus, cuius verba registrare placet: *Mox autem sic ratio est, humorem cieri, & attrahi per venas, quæ attrahendi potentia carnes ipsas præcedunt, denuò inomentum, & inde in lienem, unde per splenica vasa πνεύματιν habet in mesenterica, & inde profluit ad intestina*.

ANTIPHONIA XXI.

Nigræ deiectiones bonæ, an malæ sint.

T H E S I S.

Quarto Aphorismorum 21. ita Præceptor sanxit. *Deiectiones nigrae, cuiusmodi est sanguis niger, quæ ultrò disfluunt, tum si cum febre, tum si sine febre calamitosa, & quò plures deiectionum colores deteriores fuerint, eò calamitosiores*. Sententiam ratam facit in sequentibus duobus Aphorismis eiusdem libri; in xxij. enim ait: *Morbis quibuslibet incipientibus, si atra bilis, vel supra, vel infra exierit, lethale*; & in 23. luculentius: *Quibuscunque ex morbis acutis, aut diuturnis, vel ex vulneribus, siue quouis alio modo extenuatis nigra bilis, siue vti sanguis niger de subrer exierit, postmodum moriuntur*. Confirmat Galenus libro de vict. ratione in acut. comm. quarto, vbi nigram deiectionem mortem indicare, tradit, & sanè tam in acutis, quàm in diuturnis morbis funestè apparent semper excrementa nigra.

Nec prolata sententiæ suæ desunt rationes, quas ita compen-

H 3

dio

dio recolo: Nigræ deiectiones partium peculiare vitium, & viscerum cacopragiam, æstuationem, aut morticinium indicant, indomiti humoris, atque atræ bilis cū primis præferunt speciem, retentricis ignauiam, excreticis ingentem erethismum, debellatas naturæ vires, & naturalem præcipuè œconomiam prorsus deprauatam redarguunt. Cæterum variegatæ id genus excretiones, & multigenis imbutæ coloribus, cū plurium partium dyscrasias, & succorum omnigenas impuritates arguant damnantur meritò ab Hippocrate; Nimirum si qualitas vna mala naturæ sit insensa, multiplex humorum vitium comminabitur perniciem.

A N T I T H E S I S.

Mirum, quòd in eodem quarto aphorismorum 25. statim factus *ἀντίστροφος* palinodiam recinit Hippocrate; habet enim: *Sicui sanguis per superiora erumpat, cuiusmodi tandem is fuerit, calamitosum, at per inferiora nigra se recedant, bonum.* Sed antithesin antithesi adiungamus: Septimo Aphorismorum 37. recensitæ iam sententiæ oppositum exarauit; audiat. *Quicumque euomunt sanguinem, si sine febre quidem, salutare, si uero cum febre, malum.* Hem quanta contradictio, seu difficultatem congeries! Nimirum etiam citra febrem sanguinem reuomi, horrificum est, ut Præceptor aiebat; siue enim è thorace, ac pulmonibus, siue è naturalibus partibus filuat quomodolibet, aut per anastomosin, aut per diæresin, riximque procedat, calamitosum est. Vix autem opus est alia ratione ad probandam superioris sententiam; quippe cū sit sanguis nectr viuisicium, spirituum domicilium, atq; vnus naturæ thesaurus, in quo vita suam habet hyparxin, non potest nisi malo salutis omine, ac vitali dispendio extrudi, atque euomi teste Aretæo, qui dicebat, horrendum esse sese instar victimæ mactari, videre; vnde est, quòd à Galeno eius excretio toto genere præter naturam dicitur: Bone Deus! quando impunè reijcitur vnquam sanguis per superiora, maxime si è spiritibus erumpat organis? quàm terrificum illud præfagium in aphorismis: *A sanguinis sputo puris sputum, à puris sputo tabes, à tabe mors?*

SYN.

SYNCATATHESIS.

Ela difficultatum, & contradictionum aceruum explane-
mus. In 21. illo quarti libri aphorismo Hippocrates vltro-
neas atrabiles deiectiones damnat, vt quæ ingens vitium,
atque insignem arguunt partium dyscrasiam, nec non efferi hu-
moris vel terram erodentis, qualis est atra bilis, speciem referunt.
At cur, dices, spontaneæ excretiones abiurantur magis? nonne
idem effertur humor est ille, qui vltro exit, & qui pharmacia ex-
pellitur? Respondeam, quod licet idem, non est prorsus idem vt
signum saltem; Nam qui vi pharmaci deducitur, sola peccat
synathrismo; sed qui sponte effertur, visceris alicuius deterius vi-
tium significat, vnde perennis talium excrementorum sit genera-
tio; adestque perpetuo facultatis erethismus, & euident pericu-
lum, ne pars, interne perie fracta, *διὰ τὸν οὐλὸν* pereat. Audias,
mi lector, Hippocratem, sine cuius auctoritate vix vnquam elo-
quar, libro de locis in hom. num. 45. *Bilis vbi sua sponte eruperit
aut infernè, aut supernè difficilius sedatur, quæ enim sponte proce-
dit, præ violentia corpori facta impellitur, si verò à medicamento fluat,
non à gentilitatis cognitione violatur.* At in 25. aphorismo verbis il-
lis: *nigra reiecta bonum*, Galeni arbitrio sanguis hæmorrhoida-
lis intelligi debet, qui in melancholicis si modum non excedat,
mirificè prodest, imò & à morborum iliade præseruat, cùm di-
cat 6. Aphorismorum senex, melancholicis, insanientibus, vt &
nephriticis si hæmorrhoides superueniant, bonum esse, & 6. Epi-
demior. lect. 3. circa finem: *Hæmorrhoidas habentes neque pleuri-
tide, neque peripneumonia, neque phagedæna, neque furunculis, ne-
que terebinthi formam habentibus, fortasse neque lepra, fortasse au-
tem neque alijs.* Galenum adeunto, si placet, in commenta 10 25.
huius Aphorismi, vbi ex professo pluribus antilogiam hanc exa-
minat, & componit.

Hæc tibi *διὰ τὴν ἀλλοτρίαν*, siue conciliatio si minus, lector, ardeat,
aliam sume Hippocratis mentē. In aphorismo illo septimi libri, vbi
ait: *Quicumque euomunt sanguinem, si sine febre quidem, salutare,*
verbum *euomunt* non positivè, sed comparativè excipiendum est,
facta videlicet collatione cum sanguine, qui cum febre euomitur,
qui procul dubio deterior est, eo quia phlegmonem adesse in par-
te, vnde sanguis exit, significat, & plerunque sanguis, qui cum
febre erumpit, à spiritalibus membris emanare solet; semper ergo

H 4.

vnde-

undeunque exeat sanguis siue cum febre, siue sine febre, malum est ob rationes supra adductas, verum salubrior, id est minus malus erit, qui citra febre[m] effertur. Neque infrequens, & inusitatum est, ut inter duo mala vnum altero *melius*, dicatur, licet vtrunque ut malum non possit esse bonum; ita vulgatum illud apud Hippocratem pluribus in locis: *melius est, febrem superuenire conuulsioni, quam conuulsionem febri*: porro neutrum ex his bonum est, attamen minus malum erit, si febris conuulsioni accedat, & hoc minus malum per verbum, *melius*, explicatur; Ita pari ratione dum dicitur 4. Aphorismorum: *infra autem nigra deiectiona, bonum, & αἰὲν ἀπὸν* quæ valere, Galenus affirmat, atque vocem ἀπὸν, hoc est, *melius*. Hinc Fuchsius aphorismum hunc appositè vertit utrobique per verba comparatiua sic: *Sanguinis vomitus, si sine febre, salubrior est, cum febre verò peior*; qua quidem paraphrasi omnem eximit difficultatem. Excipe tamen hic, lector, ne erres, qui exit sanguinem in febribus per modum crisis, aut citra febre[m] ob plenitudinem, vel è naribus ita patulis consultò à natura fabricatis, vel per vteri venas; de his enim haudquaquam Hippocrates loquitur, quod palàm sit ex ijs, quæ subduntur, verbis: *Curare autem hunc oportet cum astringentibus, & refrigerantibus*; atqui hæc nullo pacto in crisi, & naturali effluui[o] conueniunt; præterquàm quòd febres multas per hæmorrhagiam absolui, luce clarius est.

ANTIPHONIA XXII.

Lienosis dysenteria an salutaris.

T H E S I S.

MAgister 6. Aphorismorum 48. docuit palàm, superuenientem splenicis dysenteriam ad salutem apparere; hæc sunt verba: *Splenicis dysenteria superueniens salutaris est*. Quod euentu confirmat quarto Epidemiorum numero 46. ubi ea leguntur: *Post Pleiadem occasum splenica, & usque ad quintum fluebant. Iudicabantur.*

Id nimirum licet sepius manifestò periculo probatum fuerit, quo

quo sæpè vidimus, splenicos copiosa, nigra, vel cruenta etiam, excretionem ab emphraxi alioquin rebellè euasisse: potest attamen ratione suaderi; quoniam scilicet omnis deponitur obstructio, vbi humorum saburra secernitur, & naturæ eceris euacuatur; cum autem è liene ad intestina sint manifesti, atq; insignes ductus, possunt, qui in hoc viscere continentur succicrassi, & impuri, ad aluum recto tramite excurrere, & foras erumpere. Adde insuper, quòd splenicis oportuna superuenire potest dysenteria, quòd in illa affluentium à toto corpore humorum deriuatio fieri valeat; lien enim, Hippocrate arbitro 4. de morbis 14. morbosissimus est natura sua, tum quia attrahit auidè, tum quia excipit affatim, quòd venæ multæ, & amplæ in eo reperiuntur; inde subdit: *Quem, admodum in vase magno amplior capacitas est, quàm in paruo, sic s. nè & in capite, aut in splene res se habet: magna enim capacitas maximè in ipsis est; si verò repleta fuerint istinc humore venæ, ab ipso sanè in illis morbus oboritur.*

Cæterum cum spontanea euacuatio secundum naturam sit in morbis artificiosa præstantior, ac securior, cumque artificiosa, in splenicis conueniat semper, vt habetur 2. de morbis num. 60. vbi Auctor purgationem, eamq; validam præcipit his verbis; *Splenicum ne purges neque succis, neque lacte, neque sero, sed eo, quod modicum ingestum multum educet, purgabis*, sequitur, quòd dysenteria lienosis maximè conducatur. Quid multa? & libro de internis affectionibus Hippocrates, vbi lienis quinque enumerat morbos, in omnibus veratio, & cocco cnidio deorsum purgat: *Huic cum sic habuerit, & eratrum purgans deorsum bibendum dato, & cnidio cocco subpurgato. Ad vesperam autem post purgationem lenticule acidioris beminam sorbendam dato.*

A N T I T H E S I S.

AT nimis proximè factus est sibi ipsi aduersus Hypocrates, quando, in eodem libro aphorismo 43. contrarium statuit: *Qui splenetici à dysenteria corripuntur, eaque si longa fuerit, his hydrops, & lienetia superueniet, & moriuntur.* Suadet autem ratio, quoniam nullam violentam ecerisim, ac motionem natura tolerat, ergo multò minus dysenteriam, quæ ob sanguinis dispendium viscera calore, ac spiritibus defraudat, corpusque vniuersum torminibus lacerat, vnde mox naturali facultate fatiscente, coeliaca passio, hyderus, ac tandem fata suprema

prema superueniunt. Est plausibilis, & ubiq; receptus aphorismus quinquagesimus primus secundi libri, ubi hæc, *Plurimum, & repente euacuare, aut expleri, aut calefacere, aut aliter quomodocunque corpus mouere periculosum: & omne nimium natura inimicum.*

SYNCATATHESIS.

In aphorismo 48. dysenteriam commendat Hippocrates, quæ naturæ viribus non sit superior, & quæ breui dierum spatio absoluat; hoc enim modo salutatis accedet, & lienis obstructionem facile eximet. Enimvero splenicorum cruenta, nigraque deiectio, quinque aut septem ad plurimum dies superare non debet iuxta Præceptoris observationes, ac decreta 4. epidem. textu 46. ubi illa: *Post pleiadum occasum splenica, & usque ad quintam fluebant. Iudicabantur.* Vbi Vallesius in Commentario sic: *optimè ergo hac tempestate actum est cum splenicis, quibus splenica excrementa usque ad quintum solum diem fluebant, & mox cessabant.*

At verò in aphorismo 43. ut liquidò ex verbis innotescit, de peritinaci dysenteria verba facit, quæ licet lienis atratos exhauriat succos, sit nihilominus infensa, quoniam corpus vniuersum viribus effiectum reddit, hepar refrigerat, splenem ipsum lassat amplius, & infirmat, virtutesque omnes denique imbecilles præstat, vnde mox aut hyderus, aut lienteria in promptu fiunt.

Dicamus insuper, quòd in aphorismo 48. de dysenteria loquatur Hippocrates, quæ absque intestinorum vlcere contingit, estque melancholici, & atrati sanguinis duntaxat effluxus. In 43. verò de legitima dysenteria eloquatur, quæ cum torminibus, atque intestinorum vlcere, & febre semper inuadit. Etenim, ut Galenus 3. de symptomatum causis testatur, dysenterix nomine sanguinis cuiuscunque ex podice exitus intelligi potest, vnde coniectari fas est, dysenterix nomine aphorismo illo 48. significari hæmorrhoidalem fluxum, qui splenem tutò, & affatim exonerat, alibi verò denotari fortè dysenteriam ab atra bile, quæ funesta est semper, ut in aphorismis. Claudat syncatathesim Vallesius in præfata sententiæ 4. epidem. commentario. *Ad occasum Pleiadum meritò intumescent lienes multis ob autumnum; optimè vero liberantur, cum dysenteria ex faculentis, ac melancholicis superuenit.*

ANTI-

ANTIPHONIA XXIII.

*Excrementorum mutationes in dysenterijs
an meliores.*

T H E S I S.

Secundo Aphorismorum 14. hypochorematurum immutationes in eccrifi commendantur his verbis. *In alui fluxionibus mutationes deiectionum iuuant, nisi ad praua mutatio fiat.* Confirmat 2. Epidem. sect. 3. num. 2. ubi ait. *Excretiones similes specie semper, malum*: luculentius adhuc eodem 2. Epidem. sect. 2. ubi illa: *Mutationes iuuant, nisi ad malum mutantur, velut à pharmacis vomentibus febrium causa, fines in meraciore putrefactionem significant, ut Dexippo.* Rursus 7. Aphorismorum: *Meraca alui egestionis male*; Quas sententias sexcenties repetit in Prognosticis, in Coacis, & vbique. Suadetur id interim ratione, quoniam sincera, seu meraca excrementa aut synthesin, seu colliquationem, arguunt à putredine, vel à partium solidarum resolutione, aut exhaustum ab extraneo calore significant. Ceterum excrementorum varietate varias partes expiari, pluraque viscera exonerari contingit, ideòque virtutis robur, simulque succorum domabilis qualitas denunciatur.

A N T I T H E S I S.

Quarto Aphorismor. 21. cum dixisset Hippocrates, deiectiones nigras malas esse, subiungit statim: *Et quo plures deiectionum colores deteriores fuerint, eò calamitosiores.* Cōprobat lib. Prænotion. num. 10. ubi habet; *quæ verò varia sunt diuturniora quidem his sunt, nihilominus autem perniciosiora; sunt autem talia, & biliosa, & cruenta, & prasina, & nigra, aliquando simul inter se exeuntia, aliquando particulatim, & ibidem: si versicolor est, diuturnior quidem, sed tamen exitialis est.*

SYN.

SYNCATATHESIS.

Hippocratis verba si medullitus expendatur, nullam antilogiam continere inuenientur: quippe 2. Aphorismor. 14. mutationes prodesse; ait, nisi in deterius abeant; quarto verò Aphorismorum 21. plures deiectionum colores non simpliciter damnat, sed tunc solum cum deteriores fuerint, quod est idem prorsus, quod in prima sententia asserbatur. Neque semper varietates excrementorum plures partes laborare, & plures humores in vitio esse, denotant; nam pars eadem, quæ ob ingentem dyscrasiam nigrum ab initio humorem producebat, mox eadem intemperie correpta, rufum, aut flauum progignet, & humor, qui peccabat in supremo qualitatis gradu, idem paulò post edomitius, benignior apparet. Sed ut rem exactius definiamus diorismo aliquo vtendum, pro quo asseram Vallesij verba ex 2. Epidem. sect. 2. textu 2. vbi Hippocrates dixerat: *Mutationes inuant nisi ad malum mutantur. Videntur enim deteriores esse varia, quia multiplicium excrementorum redundantiam significant: Certe non potest hoc sine distinctione dici, neutra enim sunt simpliciter meliores, sed deiectiones sincere sunt quadam, quia non habent manifestam alterius generis permixtionem, ut tantum biliose, quadam, quia & a suo etiam sero sunt depurata, ut quæ dicuntur biliose sincere, & vitellinae, & æruginosa. Varia sunt aut ex tantum malis, ut ex simpliciter crudis, & biliosis, aut ex pessimis, ut ex opima nigra, & fetida, & cruenta. Quæ varia, & pessima sunt, omnium sunt pessima, ut dicitur in prognostico, & Aphor. 21. quarta, quæ varia ex tantum malis, aut crudis, peiores sunt vnica sincere non omnino pura, quia multitudinem excrementorum significant, sed minus mala, quæ in vnica sincere secundo modo. Quia talis admodum mala est, & vituperatur aphor. 7. septima, vbi dicitur. Meracæ alui egestiones, malum. Hæc ille basiliçè, ut solet semper.*

ANTI.

ANTIPHONIA XXIV.

*Æruginosus vomitus an utilis in
Nephritide.*

T H E S I S.

Sexto Epidemion textu quinto æruginosæ biliis vomitum in nephritide bono omne fieri, apertis fidibus Magister docet; sunt verba: *In renem dolor grauis, cum implentur cibo, vomuntque pituitam, cum verò dolores abundauerint, æruginosa, & leuiiores euadunt.* Confirmat in Coacis dogmate illo catholico: *Vomitibus autem multum habent utilitatis, ac securitatem, qui pituitam exhibent accuratè mixtam cum bile, si id, quod vomitur, nec ualde sit crassum, nec multum.*

Statet quoque ratio, quandoquidem cum nephritis renum, vel obstructionem, vel phlogosim, & inflammationem ab humore seruido comitem habeat, ille si assatim vomitu reijciatur, dolorem leniri, ac remitti, necesse est. Dolores nimirum, & vigiliæ dolorum consecutiæ humores exagitant, hi exagitati putrescunt, ac furiant, indeque per venam cauam ad renes malè sanos reflui compressionem faciunt, & calamitatem adaugent, quare, si, facta diadoche, ad ventriculum refluant, & vomitu excernantur, doloris utique infringetur acuties.

A N T I T H E S I S.

At in Coacis aliter sentit, ut his verbis elucescit: *qui crebro, & parè biliosi sunt, vomitus meri, malè habent in multa deiectione, & in prægrandi lumborum dolore.*

Antithesi sit vna ratio, quod sinceræ excretiones semper malè, Hippocratis arbitrio, & in multa deiectione vomitus sit semper malis auspicijs, eo quia tractum significat in consensum ventriculum, huiusque tonum iam fatiscentem à nimia deiectione, eamque insuper esse arguit lumborum affectionem à plenitudine, & insignis tum venæ, tum arteriæ cacoehymia, ut natura erethismo excitata sterili conatu nitatur, quod molestum, ac noxium est, expel-

expellere. Cæterum id genus vomituritio phlegmonicam, aut calculosam nephritidem arguit, & quod est adhuc deterius, dolorum causæ vomitu non excernuntur, ut accidit quoque in cardialgia, & nausea, in quibus è lumborum plethora expressum serum sterilis tum vomitus, tum deiectiones prouocat, multo egrotantium damno. Adde insuper, quod æruginosus vomitus tanquam merus damnabitur semper, ut enim in Coacis: *Sed ea, quæ vomuntur meraciora, peiora*. Quid plura? pessima sunt symptomata omnia, quæ à dorso, lumbo, umque dolore originem ducunt; audiat in Coacis ipsædem Hippocratem: *Quæ ex dolore dorsi principia morborum ducuntur, difficilia sunt*.

SYNCA T A T H E S I S.

OMni contradictionis nota defungitur Hippocrates, si eius verba medullitus perscrutemur; nam in Coacis inquit: *qui crebrò, & parçè biliosi sunt vomitus meri*; quibus verbis, palàm signatur vomitus non solum sincerus, qui semper, & ubiq; damnatur, sed etiam creber, & paucus, qui nunquam, & nusquam criticus est; vnde ab eo renes, lumbosque concuti, & quati magis quàm alleviari contingit. At ubi vomitus procedunt non quidem crebrò, & parçè, sed semel, & ἀσπίως, ut sexto Epidemiorum Præceptor supponit, minor dolor sit exclusa vniversa materia, comprimente, aut inflammante; hinc ipse idem in Coacis in simili dolore elleborismum commendat, à quo multus, ac spumans vomitus tum reuulsus, tum euacuationis gratia cietur: *In dolore lumborum prægandi, & largæ deiectione, ab elleboro vomere spumantia multa prodest*. His denique adde, quod in Antithesi de lumborum dolore, qui alius esse potest à nephritide, Hippocrates ex professo agit, multasque causas, easque varias obtinere potest; ut autem supra dicebatur, calamitosa censenda sunt affectiones, & symptomata omnia, quæ à lumborum dolore ortum ducunt.

ANTI-

ANTIPHONON LIB. II. XXV.

Arenæ in urinis an vesicæ, an renum calculum significant.

T H E S I S.

Quarto Aphorismorum 79. vesicæ lapidem, vinarum arenis indigari, Magister docet: en aphorismi verba ex vulgata Galeni, Theodori, ac Leonici paraphrasi: *Quibus in urinis arenosa subsident, si vesica calculo laborat.* Ratio autem est fortè illa, quam Fernelius comminiscitur, nempe omnem vesicæ lapidem ab arenis delabentibus ad ipsam à renibus coagmentari: quæ fortè multò ante fuit Aristotelis opinio, enim 3. de histor. animal. cap. 15. hæc protulit: *Defunctis nihil humoris in vesicam transmittitur; at viuis non solum humor, sed etiam sicca quedam concrementa descendunt, ex quibus calculi conficiuntur.* Nempe arenæ in vesicam allapsæ lentus humor corticatum adherescit, quomodo incrementum capit, & in magnum euadit lapidem: quin Brasauola ex plurimis arenulis lapidem in vesica coalescere, existimauit, lento humore tanquam lithocolla superueniente.

A N T I T H E S I S.

Librotamen de internis affectionibus ubi nephritidos temeria enarrat signa, arenas non vesicæ, sed renum lapidis indices esse, Præceptor statuit, audiamus: *Vulgus autem Medicorum, quod non intelligit morbum, ubi videt arenas putat, vesicam à calculo laborare; at non vesica, sed ren calculo laborat.* Quid clarius? Sententiam suad. re potest non leuis ratio, quod nimirum arenas sunt ipsorum renum, non autem vesicæ loboles, quare illorum duntaxat affectionem & vt signum & vt causam indicare debent; vt signum quidem, quoniam eosdem calidiori intemperie, vnde sanguis adurit, detineri, arguunt; vt causam verò, quoniam retentæ obstructionem, stranguriam, dysuriam, dolorem, & ipsum calculum efficiunt. Sunt ergo malè affectorum renum vnde quaque indices arenas.

SYN.

SYNCATATHESES.

Galenus, ut à summo interpretum coriphæo exordiar, in commentario aphorismi illius quarti libri in Thesi deducti existimavit, truncum, & imperfectum esse Aphorismum illum, eo quod legi deberet, *ijs vesica, & ren calculo laborat*, quod scilicet arenulæ non magis vesicæ, quàm renum calculum indicent; ipsum a seculis: *Non omnino vesica laborat, sed contingit, & renes; quare manifeste errat aphorismus, siue quia Hippocrates ipse dimidiam partem sermonis neglexerit, siue quia primus librarius omiserit; siue enim in renibus, siue in vesica calculi generentur, & nã cum urinis exeunt arenosa.* Subiicit Galeno Philothæus, qui Hippocratem solius vesicæ hic meminisse, ait, quod frequentius in ea, quàm in renibus calculi coacerventur ob maiorem, quæ in vesica est, capacitatem. Astipulantur etiam & Feklius, & Mercurialis, & alij, quilibet non malè ratiocinentur, difficultatem tamen non eruderant, nequè Hippocratem conciliant, qui in Antithesi relata ex libro de Internis Affectionibus contendit palam, arenas, quæ in urinis subsident, renum solummodo calculum; non vesicæ indicare, unde vulgus Medicorum ignorantia nota insinuat.

Dicamus ergo primò, quod græca particula *ἄμμος* melioriparaphrasi verè debeat in vocem, non *arenosa*, sed *fabulosa*, ut præclare doctissimus Heurnius in commentatio huius Aphorismi annotat; quo modo perpetuæ veritatis est aphorismus, cum urinae sabulum coagmentari in vesica lapidis manifestum sit argumentum. Etenim vox ipsa *ἄμμος* tam arenas, quàm sabulum sonat, atq; adeò oportuè, ubi vox illa occurret, una vel altera interpretatione exponenda erit. Quò circa ubi in librò de Internis affectionibus fabulosa urinae in calculò renum Hippocrates meminit, ait enim: *Tum sæpe urina redditur, atque subinde fistitur; & fabulosa est*, aptius Paraphrastes transtulisset *arenosa est*. Sic Foësius vir prudens, & in græco idiomate versatissimus verba illa Hippocratis: *ἄμμος τὸ δὲ πρὸς χεῖρας ἄμμος*, vertit *simulq; cum arena egreditur*.

Cæterum quoniam non raro contingit, ut arenæ subsideant in urina, nusquam autem reperiatur lapis, & contra, ut arenæ nullatenus excernantur, ac tamen alicubi calculus adsit; Iacobus Forliuensis, & eius concius clarissimus Mercurialis verbum illud aphorismi quartæ sectionis *ἄμμος*, per potentiam, seu aptitudinem, non per actum, ac præsentiam exponunt, ita ut sit sensus, vesicæ,

que

quæ arenosas emittunt urinas, aptitudinem obtinere ad calculi generationem, ipsumque vel præsentem, vel præteritum, vel futurum indicare; verba Iacobi ad calcem expositionis eius aphorismi sunt hæc: *Quarto notandum, non esse intellectum Hippocratis, quod semper sit lithiasis, ubi arenosa subsistunt sedimina, sed vult quod, quibus præter solitum contingit hoc, ibi est lapis, quoniam scilicet actu generatur, vult in generari, vel dispositio est, ut generetur lapis in eisdem.* Et perpendenda erit insuper vox illa, *subsident*, eo quia, cum arenulæ sæpius reddantur à venoso genere ob sanguinis, aliorumque succorum adustionem absque vlla calculi suspicionem, illæ nequaquam statim subsident, sed urinae diu innatant, vel matulae adhærent. Nec prætereundum, quod in ijs, qui hypochondriaca affectione laborant, urinae etiam redduntur cum copioso tartaro, quod matulae vndiq; adhæret citra lapidem vllum in vesica, quæ tamen tartarea excrementa nec statim subsidunt, ut sabulosa, quæ lapidis sunt indica; verum ubi diu innatauerint, matulae circumcirca quasi indelebiter adhærent.

ANTIPHONIA XXVI.

Hæmorrhoides an tuto omnes sanari possint.

T H E S I S.

Sexto Aphorismorum duodecimo celebrisilla, atque omnibus nota apud magnum Archiatrum sententia legitur: *Diurnas sananti hæmorrhoides si non una relicta fuerit, periculum est, aquam inter cutem, aut tabem succedere.* Rursus idem monitum inculcat libro de victus ratione in acutis num. 60. ubi tradit: *¶ semper vnā relinque.*

Thesis non minus rationibus, quàm practicis refulget exemplis. Reasonibus quidem, quoniam hæmorrhoides cacochymiam denotant ex viscerum cacopragia, quæ si per periodos exitum habeat mediocri defluxu, tantum abest, ut detrimenti quicquam illæ afferant, ut potius à sexcentis præseruent morbis; si verò eadem cacochymia cumulata per vnā saltem venam non excernatur,

naturæ ad hepar, ventriculum, lienem, pulmones, aut cerebrum etiam refluit; iisque morbi notam funestam inurit. Et quidem in primis, vt Hippocrates annuit, periculum est, ne hydrops superueniat, acciso videlicet hepatis calore a copia sanguinis ad illud reflui; & inde non habens anagogen, vnde marcido post calore hæmatosis læditur facultatis eiusdem aporichia; ita vt loco nutritis sanguinis producatur sanies, & aqua, vnde hydrops in promptu sit. Pari pacto sanguis idem impurus, atque putredinosa colunies pulmones inuadens; & anagoge carens, illos praua exadunt qualitate, vnde mox hæmoptifis, ac tabes.

Ceterum innumera sunt affectiones, quibus fluentes hæmorrhoides opemiferunt, sic 6. Aphorismorum 11. *Atra bile vexatis, & renum passionibus si hæmorrhoides oboriantur, bonum;* quod libro de iudicationibus repetit his verbis: *Atrabilaris cum pleuritide occupatis si hæmorrhoides oboriantur, bonum;* sic pariter 6. Aphorismorum: *In sanientibus si varices, vel hæmorrhoides superuenerint, insania solutio;* rursus in Coacis Prænotionibus, quod spectat ad animale facultatem, ita legitur: *Si hæmorrhoides sideratis accedant, bonum est.* Qua in re videndus Duretus ille Hippocratice doctrinæ iquanus, & vaticinator. Quid plura? Ab omnibus illis morbofis affectibus liberant ex metaptosi hæmorrhoides, à quibus etiam præseruant; quos verò morbos præcaueant Præceptor idem 6. Epidemior. sect. 3. his verbis enunciat: *Qui hæmorrhoides habent, neque pleuritide, neque peripneumonia, neque phagedena, neque furunculis, neque terebinthi formam habentibus corripuntur, sortassis autem neque lepris, sortassis neque viriliginibus; multi tamen in tempestiue curati talibus non tarde correpti sunt.* Huc etiam spectant duæ aliæ in Coacis parœmiæ, altera scilicet, qua dicitur: *Qui statis temporibus sanguinem profundunt, si loco non profuderint, epileptici moriuntur;* altera, qua immediate subdit: *Ex hæmorrhoidæ quantumvis parum, atque parumper aperta oborta vertigines paraplecticum quiddam ominantur, sanat autem pblebotomia.* Neque sanè huic pragmatix exemplum deest ex eodem Hippocrate; is enim quarto de morbis popularibus, textu 30. Alcippum recenset, qui cum haberet hæmorrhoides, à curatione prohibebatur, curatus insensit. Noui & ego non paucos, quibus cum naturæ amplissimo beneficio sedis venæ periodicè fluere, cumq; nimium delicati ab huiusmodi cruentatione abhorrent, validisque propterea vterentur adstringentibus, haud multis transactis mensibus, vita cesserunt.

Est corollarium, hæmorrhoides à cacoehymia non minùs, quàm
à ple-

à plethora eximere posse; siquidem venæ ad intestina desinentes duplicis sunt ordinis, aliæ scilicet à vena porta per ramum splenicum ad rectum intestinum traducuntur, aliæ verò à vena epigastrica eodem declinant; per has hepatis gibba, atque emulgentes exonerantur, idèoque nephriticis passionibus opportuna, ut in aphorismis quoque sancitur; per illas verò & vena porta, & iocinoris caua repurgatur, unde melancholicis, hypochondriacis, alijsq; mesenterij affectibus opportunè opitulantur, atque cum tali distinctione, & intentione modo hæc, modo illæ debent aperiri.

ANTITHESIS.

Libello de hæmorrhoidibus Dictator idem ubi modum eas inuendi docuit, sic habet: *Vrere enim oportet, & nullam hæmorrhoidem sine vitione relinquere, sed omnes exurere.* Quin paulò infra rationem excipendi easdem absque vitione, mirra videlicet, galla, & alumine ægyptio proponens, hæc subdit: *Hoc facito, donec omnes extirpaueris.*

Pro hac Antithesi statim primis Aëtius magni nominis inter veteres graecos, qui omnes hæmorrhoides ruto sanari posse, decernit, dummodo patiens inculpata victus ratione utatur, idèoque aphoristicam Hippocratis sententiam explicat ingeniosè sic: ubi enim dicitur: *nisi vna seruetur*, qua voce intelligitur vna vena; ille particulam, *vna*, aduerbialiter sumit, adèò ut, *nisi vna seruetur*, intelligi debeat, hoc est, nisi simul præseruetur, vel nisi optima victus ratio obseruetur.

Militat quoque ratio; Nam purgato corpore, ablegata dyscrasia, & restituto viscerum naturali tono, accedente stata, & accurata diæta, cur non possint exicari, vri, & intercepti omnes? Desist iam *κακοδωγία*, simulque & *κακοχολία*, quare nihil est amplius opus ad expiationem vnam relinquere.

SYNCATATHESIS.

Semper sui memor, nunquam alijs à se ipso Æsculapius Causa existit: nulla ergo in his sententijs antiphonitis. Dicamus itaq; aduersus Hippocratomaestiges, in aphorismis de inueteratis, ac penè fistulosis hæmorrhoidibus verba fecisse Hippocratem; in his enim proculdubio tutum non est effluuium minino compefcere, quando quidem habitualis *κακοχολία*, intercepto exitu, ad viscera

viscera cum extrema refuēt calamitate; In libello verò de hæ-
morrhoidibus de ijs pullulantibus, ac recens oborientibus dictare,
quomodo absq; imminente periculo succidi possunt, quia nō dum
tali beneficio assuevit naturā, nec tanta humorū labe innotescit.
Vel, si mauis, respondeas, in Aphorismis loqui Hippocratem de
internis hæmorrhoidibus à viscerum cacopragia, atque manifesta
cacochymia, quomodo, nemini dubium, nisi vna relinquatur, su-
spiciosa erit sanatio; In libro verò de hæmorrhoidibus illas, quæ à
plethora sunt intelligere, quas compescere, & in totum adimere
vel sola sanguinis missione, vel ciborum detractione fas erit. Id ni-
mirum colligi posse videtur ex verbis illis, quæ subduntur: *Cale-
scētes autem vena ex vicinis venulis sanguinem attrahūt, & ubi re-
plentur, interna sedis pars intumescit, & capita venarum supereminēt.*

ANTIPHONIA XXVIII

*Mēstrua purgatio intercepta an post sex menses
sit curabilis.*

T H E S I S.

Menses sex mensium spatio stagnantes nullam recipere
curationem, sed interficere, primo de morbis muliebris
num. 4. his verbis testatum reliquit magnus Medi-
cinæ didaskalos: *Et in quintis si non multi menses descenderint, dolor
adhuc fortior accidit. In sextis verò iam incurabilis est.* Id ipsum
libro de natura foetus inculcare videtur, ubi sic: *Aliquando ubi san-
guis quinque, aut sex menses in utero moram traxerit, putrefactus
pus fit, & quibusdam pus per pudendum exit.*

Veritas huius sententiæ probari primò potest ex eo, quòd ubi ni-
mirū tot mensium interuallo silent, stagnantq; menses, natura aliò
auocatur, neq; ampliùs deorsum ad uterum vergit, vnde eius venæ
aut concidunt, conuiuentq; vnde sanguinem ampliùs nō excipiunt,
aut concluso restibili sangaine infarctæ, menstruo effluuiò viā om-
nino præcludunt, ita non rarò in praxi, & Auctorum monumentis
obseruare est, nonnullis mulieribus sanguinem, qui per vteri ve-
nas effluere deberet, per os, nares, oculos, mammæ, aliasq; insuetas
vias

ὕστερον ὁ ἄρτος effluxisse, neque auxilijs quibuscunque ad vteri regionem reuocari potuisse. Cæterum ubi tot mensibus sanguis restitit, crassior, ac terrestrior redditur, viæq; obstruuntur magis, ac magis, vnde mox hæmorrhagia præpeditur, spesque salutis omnis frustratur.

ANTITHESIS.

Hic tamen assertioni reclamant, quæ libro de morbis muliebribus num. 12. exarantur: Si verò non eruperint menses sex mensibus intus conclusi, omnia patietur, velut ea, quæ non peperit, in qua menses iam inuenire non possunt, & siquidem curata fuerit, sana erit. Reclamat pariter euentus, nec non plures ex libris Epidemiorum historiæ, inter quas recenseri primò potest, quæ lib. 4. num. 92. his verbis describitur: *famula, quam nuper emptam vidi, cui durities in dextris erat magna non valde dolorosa, & venter magnus, & circumtentus non similis aquoso, & in alijs crassa, & non admodum difficulter spirans, decolor autem. Muliebria septem annis non prodierant, facta est dysenterica, non cum tenesmo. Et sub hoc dolens erat, quòd in dextro, & febres lentæ, & non ultra septem dies, & aluus turbata est, electro similis, subviscosus, multus, in dies aliquot, sanata est. Et muliebria post hæc facta sunt, & secundum ventrem crassa, & corpus bonicoloris, & crassum erat ipsi.*

Rursus 5. Epidemior. num. 11. vxor Gorgiæ describitur, cui per annos quatuor suppressi erant menses, quæ tamen concepit, & superfoetavit etiam: verba sunt illa: *in Larissa vxori Gorgiæ menses suppressi erant per annos quatuor præter valde paucos, in vtero autem quoquo versus conuerteretur, pulsus exhibebat, & pondus. Hæc mulier concepit, & peperit, & puella viua nono mense edita est &c.*

Confirmat Galenus 6. de morbis vulgaribus comm. 3. textu 29. ubi palam testatur, se mulieri iam septem mensium spatio meatuum laboranti suppressione, extenuatissima cum esset, multo sanguine detracto breuissimè pristinam valetudinem restituisse; nam prima die sanguinis misit sexquiliam, postridie libram, 3. die uncias octo, & plures in alijs diebus. Quid multa? Omnes Gynæciorum scriptores suspectam habent sententiam illam de morbis muliebribus; & Aetius insuper sermone 16. cap. 60. tradit, retineri posse menses ob sudores, labores, atque alias quasdam causas absque vilo incommodo, ut in saltatricibus contingit, quod & Galenus tertio de symptomatum causis astruit; & ego non semel

medicinam faciens vidi, post temporis diuturnitatem vsu potissimum chalybis, & viri consortio mensum curatam diuturnam suppressionem.

SYNCATATHESIS.

Rorarius ieiunè nimis hanc sententiam conciliaturus ait, Hippocratem in libro de morbis muliebribus, ac de natura pueri illud registrasse, quod licet veritatem non semper habeat, frequentius tamen, ita euenire soleat. In libro verò Epidemiorum, quæ raro contingunt monumentis tradere. At verè contrè est; nam frequentius accidit, vt menses post sex menses curentur, quàm quòd non curentur, vt quotidiana suadet experientia.

Albertinus Buttonus Gynæciorum benè consultus hanc assertit *παράλογον*; nempe quòd tunc post sex menses mensium suppressio incurabilis fiat, cum sæuissima illa perennant symptomata, quæ ibi ab Hippocrate describuntur, vtpote: *deinde ad ea etiam hæc adferunt: anxia erit, & alias, atque alias se ipsam iactabit, & animo deficiet, & pituitam vomet, & suis fortis ipsam corripiet, & reliqua.* Porro huiusmodi *σημεία* digna est tanto viro.

Martianus verò alterum Hippocratis oraculum huic difficultati respondet, quòd post sex menses suppressio spontè non curatur, medicis autem auxilijs utique eximitur: Responsio haud contemnenda; ait enim Hippocr. *& si quidem curata fuerit, sana erit.*

At meam nunc percipite sententiam paragogicam. Dixerim primò, Hippocratem libro illo de morbis muliebribus loqui de menstruum *στένωσι*, ac retentione ab vteri occlusionè, distortionè, aut contractione, vnde sæuissima illa exoriuntur symptomata, quæ mulierem tandem iugulant. Iam cum post sex menses os vteri distortum reduci nequeat, & si reducatur, facillimè reclinat, mensium iccirco suppressio ex vteri obliquitate insanabilis reputatur in ijs præsertim mulieribus, quæ viro non miscentur; coitus enim pro vtero ad sedem suam reuocando non parum conducit; collo nimirum vteri obliquo, sanguinis effluxum fieri impossibile est, nisi ad sedem suam reuertatur, reuerti autem nequit præ vteri vel distortionè, vel contractione: expendantur amabo Hippocratis verba: *Postquam igitur mulieri, quæ non peperit, occulta si fuerint menses, & viam foras reperire non poterint, morbus fit: Hoc autem contingit, si vterorum os conclusum fuerit, aut distortum,*
aut

aut aliqua pudendi pars contracta; si enim horum quid fuerit, menses exitum inuenire non poterunt, prius quam uteri ad sanam naturam redierint. Vide, lector, reliqua, & cuncta exactè perpende, atque ita intelliges, Hippocratem illam duntaxat mensium suppressionem post sex menses incurabilem statuere, quæ à sola uteri vel occlusionè, vel distortionè penderet. Hæc si animaduertisset sedulo clarissimus Mercurialis quarto consiliorum Medicinal. neuti quam scripisset, Hippocratem hac in re fuisse deceptum.

A. qui menses suppressio illius famulæ nequaquam ex uteri occlusionè, siue distortionè pendeat, verum à rebelli epigastrij, & viscerum obstructione, fortè etiam & scyrrhosi, ut liquidò constat ex ipsa Hippocratica historia, in qua dicitur: *cui durities in dextris erat magna non valde dolorosa, & venter magnus, & circumtentus non similis aquoso &c.* Potuit igitur hæc post septimum annum liberari, nam quæ quia dysenteria correpta fuit, & consequenter sanguis aliò deriuatus deflavit, quemadmodum illis contingit, quibus amputatum est crus, his enim dysenteria naturalis accedit, quoniam sanguis, qui nutritionis gratia ad crus permeabat, ad intestinorum regionem reflectit, & quia magnam insuper excrementorum viscidorum, atque electro similium reiecit copiam, hinc quoque ab ingenti illa obstructione eximi potuit, ita ut viæ d. incepta expediret, ac per viæ liberum exitum ipsis mensibus restituerint.

Ad historiam verò vxoris Gorgiæ respondendum pariter est, illam post quatuor annos à mensium suppressione conualuisse, quoniam nec distortus, nec occlusus uterus erat, & uteri præterea indulgebat; quod constat, quia non modo concepit, sed superfœtauit etiam; venere autem uteri humectantur, & ad menstruam purgationem redduntur promptiores, ut Hippocrates ipse in libro de morbis muliebribus, & alibi proficitur. Præterquamquod non omnino stagnabant in eadem menses, sed quamvis diminutè valde, fluebant tamen; habet enim textus: *Menses suppressi erant per annos quatuor præter, valde paucos*; quibus addi potest, quod si læsionem hæc mulier à diminutis mensibus non ingentem recepit, idè fuit, quoniam concepit, & nono mense puellam peperit, quare sanguis ille meliori ex parte in coagulationem, atque nutritionem ipsius puellæ abiit; id quod manifestè innotuit ex ulcere, quod in coxa puella retulit, argumentum deterioris illius sanguinis, quo nutrita fuerat intra uterum, ut legitur in historiæ ijs verbis: *Hæc mulier concepit, & peperit, & puella viua nono mense edita est, vlcus habens in coxa.* Denique si g. auiora symptomata Gorgiæ vxor

declinavit, & vitæ periculo defuncta fuit, contigit ex eo, quod à partu copiosissimè per multos dies sanguis, & lochia defluxere, legitur enim: *& secunda consequentes, & sanguinis fluxus valde multus successerunt, & postridie, & tertia die, & quarta etiam grumum sanguinis concreti; imò etiam & ab excisione superfoetationis post quadraginta dies putridum, & olentem sanguinem emisit. Dum hæc olim de Romano suggestu enarrabam, plausuerant doctissimi viri, qui me audiebant, & inprimis Angelus Colius senex olim emeritus, & Hippocraticæ doctrinæ solers œconomus.*

ANTIPHONIA XXVIII.

In febre ardente num alui turbatio bona sit.

T H E S I S.

IN libro de victus ratione in acutis Medicorum arbiter, aluum præcipit in ardente febre lacte excocto moueri, vt ijs verbis legitur: *Et ventrem per clysterem soluere, si verò adhuc non solvatur, lacte asinino cocto purgato.* Rursus libro de affectionibus num. 13. vbi febris ardentis curationem proponit, hæc prorsus habet. *Tertia, aut quarta die pharmaco leui, aut potione deorsum purgato.* Præterea libro de locis in homine Medici arbitrio relinquit, an sursum, vel deorsum purgari debeat causo detentus; illa sunt verba: *Hunc itaque medicamentum potare oportet, quod educat quæ febris parte magis hæret siue supernè, siue infernè.*

Atque hæc hanc experientia nō minùs, quàm rationes suadent. Experimenta quidem innumera, vnde communis practantium facta est consuetudo, vt nimirum in causo tertia, vel quarta die portio aliqua exhibeatur ex rosaceis, violaceisve, cassia, diapruno, tamarindis, caprillo sero, & similibus fausto ægotantium omine. Sed hæc amplius ex Hippocratico poënu deducantur; & quidem primo Epidemiorum tēpestare tertia, in qua ardentes vagabantur febres, sæpiùs legimus, dysenteriam in causo ad salutem apparuisse; sic textu 24. *Senioribus autem in morbos regio, aut ventres turbati, aut dysenteria, vt Bioni, qui prope Silenum decumbebat.* Adhuc textu 33. sic: *In hac verò constitutione in quatuor præcipue signis* ser-

seruabantur. Quibusdam enim ex naribus sanguis fluebat, aut per vesicam multa urina, & multum sedimenti, & bonum habens veniebat: aut perturbatam aluum biliosa tempestiue, aut dysenterici fiebant. Sic etiam tertio Epidemion sectione tertia, egroto duodecimo Hippocrates virginem illam in Larissa recenset febre ardente laborantem, cui tertio multa fluxerunt ab aluo, ut aqua biliosa, & sequentibus fluxerunt hæc cum bona tolerantia.

Esto autem rationum illa prima, quod educta, ac diminuta bile, quæ continens febris ardentis causi est, non potest nisi minui æstus, atque internæ viscerum detrabi inflammationi: decrescen- te verò, ac deficiente causa, ipsum quoque diminui, ac deficere morbum, necesse est. Neque fortè quis dicat, bilem in tertia, ac quarta die non dum pepasmo æquatam esse, ideòque his diebus tempestiue non deturbari; namque nulla ferè coctione bilis eger. Quin tamen si per aluum sumpto lenituo pharmaco, bilis ipsa pec- cans, & causi origo haud extruderetur, sed alia potius intestino- rum colluuiis, exonerari tamen inde naturam, aluinam œcono- miam expiari, & hostes de corpore detrudi contingeret.

Adhuc febris ardens, ut magnus morbus, magnum debet indi- care remedium: at magna remedia sunt, vel sanguinis missio, vel pharmacum: illa per se non indicatur, quoniam sanguis bilis est frenum, ideòque phlebotomiam in causo detrectabant Arabes, ergo ut præstantius, tutiusque auxilium pharmacum indicatur.

ANTITHESIS.

IN Coacis antiphonon his verbis legitur: *In febre ardente si aluus eruperit, mortale est.* Confirmatur ex libro de victus ra- tione in acutis, ubi Medicorum idem Nomophilex solutionis, seu crisis modum afferens, inquit: *& si ex naribus fluxerit sanguis, soluitur egritudo, atque si sudores superueniant indicatorij legitimi cum urinis albis crassisque, & leuibus subidentijs & si absque his soluat, reuertitur egritudo:* quare sequitur, quod infra deducuntia phar- maca, ipsaque spontanea alui turbatio ardenti febri nihil condu- cant, sed prorsus acritica accedant.

Neque adeo antithesis hæc suis caret fundamentis; & primò quidem, quoniam cum in ardente febre bilis in vitio sit; bilis au- tem per superiora purgari affectet, ut quarto aphorismorum exa- ratur; idcirco prærupta aluus in hac febre calamitatem arguat.

Secundò alui eruptio non est in causo eccrasis analoga, verum
sudor

sudor potius, & hæmorrhagia: Vnicuique enim morbo excretiones criticæ sunt foco ipsius, atque idæ respondentes; quin, ut supra diximus, nisi per hæc solvatur causus, recidivam facit.

SYNCATATHESIS.

Hollerius auctor sanè inferior nulli in commentario illius sententiæ apud Coacas putat, in febre ardente malum esse, si multa semel tantum effundantur; ita enim explicat vocem illam *καταρραγίση*, quæ sonare videtur: ubi æger *ἀδελωσ; ἰκκεῖνι πολλὰ*, subiungit tamen, neque id potius letale pronuntiandum esse, ac tandem addit: *coniungenda tamen & alia signa sunt salutaria, letalia, antecedentia, præsentia, consequentia prius, quam de euentu profluentis alui præfagias*. Atqui non admodum plausibilis huiusmodi expositio mihi accedit, quando critica quæcunque effusio multa esse debet (nam nihil criticum, quod paucum est) & semel tantum naturæ viribus celebrata.

Ludovicus Duretus vnus Hippocrateæ doctrine interpres, in quæ, si Pythagorica daretur falsa illa *καταρραγίση*, trāsmigresset utiq; Hippocratis anima, in sententia illa Coacarum nuncupata addit particulam, *profuse*, ita ut sententia sit: *In febre ardente si alui profuse eruperit, mortale*; quomodo tamen si alui turbatio in causo analogæ foret crisis, ex euentu tamen, & immoderantia redderetur infensa; siquidem omnis hypercatharsis naturæ præcipitium minuitur, atque ext. enam præfagit calamitatem. Verum huiusmodi expositio licet per se veritatem habeat, non videtur tamen plenè satisfacere peritioribus; quandoquidem non modo alui turbatio, sed hæmorrhagia etiam, & alia quæcunque excretio, si modum excedit, neque in febre ardente, neque in alio quoque morbo salutaris esse solet.

Insuper Duretus idem existimat, Præceptorem eo loci haudquam simplicem excretionem intelligere, verum potius hepaticam ecrrisim à fatiscente iocinoris tono, aut aliorum viscerum cacopragia, siue alui morticinio. Porro secunda isthæc enarratio, & Hippocrate, & ipso Dureto dignior est; alioquin enim senex ipse libro de victus ratione in acutis inter ipsius causi diagnostica signa alui egestionem liquidam, ac pallidam recenset; verba sunt: *Fit & lingua aspera, sicca, & valde nigra, ventrisque morsus dolet, deiectionesque liquidæ, & pallidæ fiunt*.

At melius adhuc, ni fallor, dici posse, arbitror, Hippocratem par-

particula illa *ἐν κέντρῳ* significare velle primam ipsam febris inuasionem, atque principium, quasi mortiferam putet huiusmodi à principio excretionem, ut quæ bilis acerrimæ copiam, atque adeo fortem naturæ erethismum denunciet. Enimvero nequaquam ait Hippocrates: *febri ardenti si alui turbatio superuenerit, sed in febre ardente*, qualoquendi formula principium indigitat, in quo proculdubio nihil ad salutem apparere potest; quoniam nulla ab initio explendescere possunt pe پاسми signa; at verò sine coctionis signis infausta, & infida sunt sunt criles omnes; quippe ex eodem dictatore passim, & palam decantatur, coctiones iudicij celeritatem, & securam sanitatem ostendere, & sine his acriticis omnia fieri; quamobrem verbum illud, *mortale*, non equidem in ipsam excretionem rejicitur, verum in *ἐν κέντρῳ*, atque temporis opportunitatem; siquidem biliosa quoque educationes, ac dysentericæ ad salutem erunt, si *ἐν κέντρῳ*, idest opportunè ferantur; quod Prodroimi filij historia 7. Epidemiorum eximiè comprobatur; sic enim textu 23. Hippocrates: *Prodroimi filius æstate subleuus, causo laborans, lingua ipsi subarida, egestio alui deorsum multa; seruatus est*. Et his Galenus quoque subscribens pluribus in locis, ac præcipuè 3. de crisibus, hæc exarauit: *Si sit febris ardens, vel sanguis ex naribus fluat, vel post vehementem rigorem sudor multus, & calidus per totum corpus emanabit, aut per vomitum, aut aluum aliquid biliosum excernetur*.

Meam hanc opinionem suffulcit Parij historia 3. Epidem. sect. 3. ægroto primo, in qua ardentem Hippocrates describit febrem, cui statim in principio alui turbatio coniuncta fuit infausto successu; quippe centesima vigesima die patientem necauit; verba registremus: *In Thaso Parium, qui decumbebat super domum Artemisij, febris corripuit acuta, circa initia continua, ardens, siticulosa, incipiens comatosus, & statim insomnis. Aluus turbata in principiis*. Certè tanti fecit hoc symptoma Hippocrates, nempe alui turbationem in principio, ut cum dixisset tandem, Parium mortuum esse, mortis causam huic accidenti primariò acceptam referens, subiunxerit statim: *Huic aluus continenter à prima die humida biliosis humidis multis erat*.

Postremò tandem dicere fas esset, quòd aliud est in ardente febre pharmacum aliquod ad purgandum exhibere, aliud in eadem spontè sua aluum citari. Primum in libro de victus ratione admittit, secundum in Coacis improbat. Quanti autem referat, à natura, an ab arte idem humor deducatur, alibi edocimus, sed quia

quia *καὶ καλὰ καλὰ* vt vetus erat adagium, iccirco iterum eloquar. Etenim humor, qui vi medicamento ducitur, sola peccat synathrisimo, nullamque arguit principis alicuius partis *καλοπερίαν*: at verò qui spontè effluit, cum partis è qua effluit imbecillitate visceris alicuius annotat vitium, quo noua semper colluies congeritur, semperque noua deturbatur, remanente integro fonte, à quo perennis excrementorum fit procreatio. Vide lector vigesimum primum quarti Aphorismorum, vbi Præceptor aiebat: *Deiectiones nigrae, qualis est sanguis niger, si vltro defluunt, tum si cum febre, tum si sine febre calamitosa.*

ANTIPHONIA XXIX.

Vrinae hypostasis rubra, an alba crisin in febribus prænunciet.

T H E S I S.

IN Coacis prænotionibus num. 4. hoc ex vrina faciebat Vates Cous prælagium: *Et quæ in quarto die nubeculam subrubram habet, septimo liberat, si reliqua iuxta rationem habeant.* Et paulò supra: *At subrubra, & subsidentiam subrubram habens, & leuem, si quidem ante septimam diem prodeat, septima die liberat.* Quin album sedimentum detrectari prorsus videtur in eodem Coacarum libro ijs verbis: *Periculosa inter vrinas, quæ biliosa, nec subrubra, tum similis amylo cum alba hypostasi.*

Suaderi autem huiusmodi dictatum ex eo posset, quòd nimirum subrubra hypostasis benigniorem materiam indicet, atque à sanguinis concretionem non admodum alienam, idèq; breuiori tempore futurum fore, vt dealbetur, solidis partibus vberiori coctione eam æquaturis: quippe cum à solidis ipsis partibus pepasmus per assimilationem conficiatur, ipsæque partes albo sint imbutæ colore, necesse est, vt rudimentum ipsius coctionis ab initio subrubrum, hoc est non perfectè album existat: nempe in quarta die (non enim ante quartam coctionis bona, ac fida signa apparere possunt) inchoatus pepasmus explendescere potest, ita tamen,

vt

ANTIPHONON LIB. III. 141

ut spes affulgeat, perfectam in septima coctionem apparituram, dummodo vires suppetant, & nullus ab ægrotante error committatur: quod iisdem verbis annuit Magister: *si reliqua iuxta rationum habeant.*

A N T I T H E S I S.

IN Coacis iisdem num. primo non rubram, sed albam subsidentiam in quarta die explendescentem salutarem decernit Magister, atque futuræ in septima solutionis indicem: verba sunt: *Quibus febrile incipientibus. sanguis de naribus sternutatione contingente destillat, & urina subsidentiam albam in quarta die habet, his in septima die solutionem significat.* Probat pariter alibi albam eandem hypostasim, inquiens: *At verò nebula in urinis alba quidem, & fundum versus, vtilis; rubra autem, & nigra, liuida ite difficles.* Infra verò ubi. *λὸν ἡγίων*, & crisis prænuncium in pleuritide argumentum ex lotio deducit, hæc habet: *Subviridis autem, & florida, cui est alba hypostasis, ipsam quoque citam crisin ostendit.*

S Y N C A T A T H E S I S.

Rubra hypostasis (legitimam intellige, non spuriam, qualis in nephriticis passionibus non raro contingit) ut est via ad albam, commendabilis existit, ideòque utraque Preceptorum probatur eo cum discrimine, ut alba iudicii maiorem celeritatem, certioresque securitatem indicet. Non est ergo vlla in sententijs *ἁπλοῦς*, & sententia veritatem habere potest in rebus, quæ secundum magis, ac minus duntaxat inter se dissident, suntque ambæ intra sanitatis latitudinem.

FINIS SECUNDI LIBRI

H P P O.



HIPPOCRATIS COI

MEDICORVM PRINCIPIS

ANTIPHONON

LIBER TERTIVS.

Qui continet ea, quæ ad Therapeuticen attinent,

Mileſtor, tertius hic liber antiphonias tibi offert, quæ ad Therapian ſpectant, medicinæ partem poſtremam quidem, ſed omnium longè præſtantiffimam, fruſtra enim aliæ omnes forent, niſi hæc tandem triplici illo præſidiorum genere diætetico, chirurgico, ac pharmaceutico opportunè præſtò eſſet, vt enim Diuus Damascenus baſilicè quidem aiebat, Medicina, quæ ad praxin non declinat, eſt tanquam arbor ſine fructibus, adde-rem ego, tanquam nauis in tyrribus, ceu miles in carcere, vt ſol intra nubes. Haſ igitur antilogias, Philiatre, præ manibus promptiùs habeas, haſ frequentius reuolue, ſi tibi, ægrisque benè conſultum aueas.

ANTIPHONIA PRIMA.

Remediorum immutatio in morbis an conueniat.

T H E S I S.



Ecundo Aphoriſmorum quinquageſimo ſecundo
Cous Medicinæ Princeps dixerat: Si ei, qui omnia
ratione facit, non ſuccedat congruenter rationi, non
eſt ad aliud progrediendum, dum manet, quod à prin-
cipio viſum eſt.

Monet autem hoc præcepto Hippocrates, ne
Medici remedia in curandis morbis temerè immutent, quamuis
nihilum

nihilum proficere videantur, & ab ægris ipsis, aut eorum domesticis rogentur, & compellantur etiam, quatenus noua, & alia, adhibeantur præsidia. Quippe rebelles, pertinacesque morbi remediorum pertinacia debellari debent, estque in pluribus necessarium, ut singula tempora longius protrahantur; hinc illa Celsi verba: *In morbis longis, quos tempus ut facit, sic etiam tollit, non statim condemnandum, si quid non statim profuit, minus verò remouendum, si quid paululum saltem iuuat, quia profectus tempore expletur.* Quam eandem sententiam auctor idem confirmat lib. 7. cap. 12. his dictis: *Adcò in medicina etiam, ubi perpetuum est, quod fieri debet, non tamen perpetuum est, quod sequi conuenit.*

Verùm enim uero ante, quàm ulterius progrediamur, & sententiæ huiusce rationes vestigemus, Hippocratis particulam illam intimè perpendamus: *Si ei, qui omnia cum ratione facit.* Lector amice, hoc opus, hic labor, non est id muneris gregalis cuiusque Medici, sed eius duntaxat, qui scientissimus sit, ac prudentissimus, quique exanissimè calleat, qui sit morbus, quæ eius causæ, quæ ægri temperatura, quæ vires, quæ consuetudo, quidue locus, ac tempus exigant, ipsaque cæli, solique conditio, nam ut Euripides.

Quotquot rite medicari volunt,

Spēctare debent ipsa terrarum sola,

Populique victum; ferre sic morbis opem.

& Manilius lib. 3.

Præcipua undecima pars est in sorte leuata,

Quæ summam nostri semper, viresque gubernat,

Quaque valetudo constat nunc libera morbis,

Nunc oppressa mouent, ut mundum sidera, cumque

Non alia est sedes, tempusque, genusue medendi,

Quæ sibi depascat, vel cuius tempore præstet

Auxilium, & vitæ succos præbere salubres.

Porro, hæc omnia qui nouerit, erit mihi magnus Apollo: nec tamen sufficiunt hæc, sed longè plura ad bene, & secundum rationem curandum, medicique munus rite obeundum requirit Hippocrates primo de morbis in principio, ubi hæc ipsa exarantur digna sanè, quæ in idea cuiuscunque Medici viuis characteribus exprimantur: *Qui de sanatione rectè inquirere velit, percunt antique respondere, & contradicere rectè, eum hæc animaduertere, oportet. Primum quidem, à quibus omnes morbi hominibus fiunt, deinde verò qui morbi necessario, ubi facti fuerint, aut longi sunt, aut breues, aut letales*

les, aut non letales, aut aliquam corporis partem mutilent, aut non mutilent, & quæ postquam orti sunt, dubij sint, an mala ab ipsis euentura sunt, aut bona; Et a quibus morbis ad quales transitus fiat; Et quæ per fortuitum successum medici egrotos curantes, faciunt: Et quæ bona, aut mala egrotantes in morbis perpetiuntur. Et quæ importunè aut dicuntur, aut fiunt à medico ad egrotum, aut ab egrotò ad medicum. Et quæ exactè fiunt, ac dicuntur in arte. Et quæ recta; Et quod ipsius principium, aut finis, aut medium, aut aliud quid eiusmodi demonstratum, quod rectè habet, ut in ipsa sit, aut non sit. Et quæ parua, & magna, & multa, & pauca, & quod omne in ipsa unum est, & omnia quod unum, & quæ fieri possunt, intelligereque, ac dicere. Et si opus sit neque intelligere, neque dicere, neque facere. Et quod facilitas in ipsa sit, & difficultas, quod opportunitas, & quod intempestiuitas; & quibus alijs artibus similis sit, & quibus nihil similis; & de corpore, quod calidum sit, aut frigidum, aut siccum, aut humidum, aut densum, aut rarum. Et quæ multa pauca fiunt aut in peius, aut in melius. Et quod honestè, aut turpiter, aut tardè, aut citò, aut rectè, aut non rectè, & quod malum supra malum fieri, necesse est &c. Ecquis amabo nisi diuino numine afflatus, hæc omnia poterit cognitione assequi? Qui hæc omnia intelligit,

Par ille Ioui, par superis erit.

Dum ergo hæc omnia præcognita medico fuerint, tunc licebit in morborum curatione nunquam immutare consilium, sed in ijs, quæ à principio visa sunt, permanere. At ubi sine ratione, & exacta rerum præfatarum cognitione exantlata remedia nil profunt, fas erit ad alia transire. Sed de his infra in Syncrathesi.

Cum ratione operans Medicus cur ad alia transire non debeat, hæc possunt esse rationes. Prima quidem, quoniam vnus morbi vna est idea, ergo vnum indicatur præsidium, quo tandiu pugnandum erit, quandiu morbus ipse perseverat; Et licet aliquando morbi inueniantur impliciti, attamen singuli singulos habent scopos, semperq; febris erit frigidis oppugnanda, calidisq; rebus apoplexia; si contrarij implicentur, utrorumque habenda erit ratio.

Secundò nulla est ratio, cur persistente morbo ad alia transire debeamus; Patet, quoniam si quæ esset maxima, illa foret, quod adhibita remedia non profunt; atqui hoc non culpa ipsorum medicamentorum est, sed morbi vitio duntaxat, ac pertinaciæ acceptum referri debet; ideòque tantum abest, ut ab illis recedere debeamus, ut potius insistere, ipsaque frequentius usurpare auxilia conueniat, nam.

Affiduo

Affiduo illi su durum cauat undula sexum. nempe
Non est in medico semper releuetur ut ager,
Interdum docta plus valet arte malum. interdum
 aiebat Hippocrates, morbus est superior medicina; alioquin nemo
 unquam interiret, hominesque intemperantes ventri, Bac. hō, Ve-
 nerique addicti, nullis compescerentur habenis; sed in erroribus
 suis audaciores facti, nihil relinquerent, quod morbos parere pos-
 set, quia nimis esset facilis eorum expulsiō, & valetudinis repa-
 ratio certissima foret; vnde pariter factum esse arbitror, ut remedia
 omnia amara, aut insuavia, & graueolentia sint à natura produ-
 cta, ne videlicet, si in medicinis reperiretur voluptas, nemo decli-
 naret à morbis.

Tertiò curatio ad Naturam pertinet, dicente Hippocrate: *Mor-
 borum natura medici;* quamobrem, si morbus medicamentis non
 cedat, naturæ imbecillitati potius, quam remedijs, tribui debet.
 Faciat Seneca corollarium primo de clementia 9. *Nihil æque sani-
 tatem impedit, quam remedium crebra mutatio.*

ANTITHESIS.

Secundo de locis in homine textu 26. oppositum his verbis
 lectitamus: *Et semper non sanantem variare oportet modum. Et si
 quidem petus reddiderit malum, ad contrarium te conuertere.* Rustus
 num. 46. idem subiungit Hippocras. *Morbum si quis non cognoscit,
 medicamentum præbeat bibendum non forte;* mox addit: *Si non pro-
 fuerit gracile in facere, humidum facere conducet, & frequenter permu-
 rare.* Græco sub scribit Latinus Hippocrates, qui apertis fidibus
 id præceptum inuiscat, docetq; ad contrarium transiendum, quo-
 tiescunque adhibita secundum rationem auxilia nihil profunt.

Suaderi id ipsum rationibus potest, quando quid in ars Medica,
 arbitro etiam Hippocr. coniecturæ existit, de qua, ut ille ait, opi-
 nio magis, quam ars ipsa iudicat; igitur ex coniecturis deducuntur
 scopi, & consequenter auxilia, sed coniecturæ sunt incertæ, incerta
 ergo erūt & remedia, atq; adeo immutare licebit, melius, enim, Cel-
 sus aiebat lib. 1. *est anceps experiri periculum, quam nullum.*

Præterea ars Medica videtur suam habere hyarxin in experi-
 mētis, vnde illud Celsi in scholis resonat: *Vbi rei medicæ experimētū
 fidem facit, abijciende sunt rationes;* & sanè arguentum, quod à iu-
 uantibus, & nocentibus exantlatur, est infallibile; ergo vbi in aliquo
 morbo remedia aliqua non proficient, licebit alia experiri.

K Rem

Rem ipsam experimenta confirmant, quando videre est interdum, temerarijs remedijs graues morbos curari, vt inquit Seneca iv. controuersiarum, quomodo scimus, Augustum à deplorato morbo conualuisse teste Suetonio in Octauio, vbi ea legatur: *Augustus destillationibus, iocinore vitiato ad desperationem redactus contrariam, & ancipitem rationem medendi necessario subijs: quia calida fomenta non proderant, frigidis curari coactus, auctore Antonio Musa.* Longum foret, ac parum fortè ad rem recensere historias eorum, qui cum alioquin nullis possent praesidijs consentaneis curari, contrarijs auxilijs euaserunt: Mulierem recenset Auenennas, quæ ab hydrope ascite malorum puniceorum immoderato elu euasit, in cassum reliquis omnibus adhibitis medelis. Annon mirum illud, & supra fidem mirum, quod Alexander Benedictus libro quinto capite sexto refert, nempe in Taurica regione Medicum quemdam à peste Ciuitatem quampiam liberasse canibus omnibus interemptis, ac per viços, & vias omnes dispersis, donec Cælum putridis halitibus, atque tetra mephiti implerent. Hydropicum virum, & ipse præ manibus olim habui, qui frustra plurima expertus Medicinæ praesidia, à quodam edoctus, vna die bouis lienem integrum assatum comedit, vinique generosi græcanici semicongium insuper bibit, qui est quinque librarum ponderis, vnde euasit, ventris collumie per longum secessum deposita; Sic et puer ille hydropicus apud Beniuenum sitis impatiens, & nullam inueniens tanto morbo medelam, frigidam assatim bibit, & vnde mortem accelerare debebat, vitam recepit. Ita nimirum verum est, quod libro de locis in homine Hippocrates aiebat: *per similia morbus fit, & per similia adhibita ex morbo sanantur.* Nec silentio demum prætereundum, quod apud Hippocratem secundo Epidemiorum 6. capituli dolor à crapula meraco vino curatur. Relinquo quo muliercularum praestigia, & cantilenas, vel empyricorum temeraria auxilia, quæ interdum citra rationem adhibita salutem attulerunt.

SYN-

SYNCATATHESIS.

Pugnantes adeò manifestè sententiæ apud Hippocratem concordēs reddentur, si dicatur, quòd in Aphorismis Author de ijs morbis verba faciat, quorum idea liquidò intelligitur, & causæ, ceteræque illius conditiones quòd ad omnia exactè intelliguntur; quòd luculenter colligitur ex ea particula: *manente eo, quod à principio visum est*, ac si dicas, compertum, ac perspectum est. In libro vetò de locis in homine de morbis obscuris, ac latèntibus verba facit, quorum, vt incertæ sunt indicationes, ita incerta, ac perplexa remedia, quæ adhibentur, & quidem tam certum est hoc, quàm, quod certissimum; siquidem in textu illo 20. de dolore auris loquitur, cuius causam ignotam vt exploraret, calidum adhibuit remedium, nempe metopium, quòd ex galbano conficitur, authore Dioscoride, nam lignum, cui galbanum adnascitur, metopium nuncupatur, non metopum, aut netopon, vt Gorrens, & Mercurialis obseruant; cùm verò remedium hoc nequicquam proficeret, ad frigidum declinauit pharmacum, ideòque subiungit: *& semper non sanantem oportet variare modum*: & rursus in textu 46. cùm dixisset: *Morbum si quis non cognoscat &c.* mox addidit: *& frequenter permutare*, quamobrem immutatio remediorum tunc solum probatur Hippocrati, quando incerta, & obscura est morbi notitia, & ne quis nimiam etiam in hoc temeritatem adhibeat, quæ Dyonisius de eodem Antonio Musa paulò supra relato refert, sppingam libenter; inquit autem: *Verum enim verò ut palàm conuinceretur hic Musa, fortune, fatigue sibi arrogasse, euenit paulò post, ut Marcellus agrotans, eademque ratione à Musa eodem curatus mortem obiret.*

Cæterum etiam in morbis, qui apertam sui præbent notitiam, transire ad alia remedia interdum licet, ad alia tamen, quæ sub eodem genere contineantur, aut sub eadem specie.

ANTIPHONIA II.

Extrema extremis morbis remedia an conueniant.

T H E S I S.

Primo Aphorismor. 6. expressis verbis habetur: *Extremis morbis extrema remedia auxilio sunt.* Suadetur non ægrè iuvare hæc; siquidem nisi cum morbo æquali contrariorum excessu pugnemus, nequaquam triumphum agemus; igitur, ut leui morbo leuibus auxilijs satis prestò sumus, ita summum affectum non nisi summo præsidio oppugnabimus. Quid moror? Omnis actio fit ab excessu agentis supra passum; nisi ergo par, imò excellens sit morbo auxilium, superabitur ipsum à morbo, & hic augebitur potius. Quare meritò redarguitur à Galeno Erasistratus, qui semper, & in omni morbo, à leuioribus auxilijs, inchoandum esse, autumabat; quod certè in acutis, qui non dant inducias, locum non habet: Enimverò, ut Galenus 12. simplic. medicam, basilicè inquit: *si remedium est plus, protinus nocet, si minus, non sanat, nisi longo tempore.*

A N T I T H E S I S.

Secundo vero Aphorismorum 51. oppositum registratur eo sermone: *Plurimum, aut repente euacuare, aut replere, aut, calefacere, aut refrigerare, aut alio quocunque modo corpus temerè mouere, periculosum tum aliàs, tum si quis ab uno ad aliud se conuertat.* Porro in morbis extremis ob motus celeritatem conueniret repente, in ijs, qui sunt extremi ob excedentem plenitudinem conueniret plurimum euacuare, & sic de alijs, id autem à Preceptore damnatur. Confirmat hanc thesin 1. Aphorismor. 3. ubi de dissoluendo Athletarum habitu verba faciens, addit hæc: *Nec tamen extrema inanitio est molienda, qua vasa omnino concidant, illud enim periculi plenum, sed cuiusmodi natura fuerit eius, qui perferet, eo usque educendum.* Suadet hanc Thesin ratio ipsa, nam natura impune extrema, & violenta non sustinet, ita videmus, gelidos pedes, si actu calidis foueantur in gangrænam facessere: omnino omnis mutatio violenta ad contraria destructiua est.

SYN-

SYNCATATHESIS.

IN sexto illo primilibrī aphorismo extrema quidem Hippocrates approbat præsidia ea tamen lege, ut naturam non superent, neque tolerantia excedant limites; ut enim hic extremi dicuntur illi morbi, qui naturam summē quidem oppugnant, at nondum expugnant; ita extrema remedia intelliguntur ea, quæ naturam efficiunt quidem, sed non conficiunt. Quid moror? Extrema remedia intelligantur non ad vires, sed ad morbum relata.

Cæterum quinquagesimo secundi libri aphorismo de immoderatis pharmacis, atque extremis inanitionibus loquitur, quæ ut summē aduersantur morbo, ita viribus magnopere infensant, naturamque debellant; quod non est agendum, ne Cadmia sequatur victoria. Genuinam hanc intelligentiam colligere mihi fas est ex particula illa, quam prudentissimè Præceptor apposuit nempe, *nec temere mouere*; quibus verbis in extremis affectibus motionem quidem extremam non damnat, dummodo tamen temerè non agatur, hoc est naturæ ipsius robur non infringatur.

Ut omnis denique difficultatum salebrosus euitetur scrupulus, dicamus non haberi apud Hippocratem primo illo aphorismorum, quod extremis morbis extrema competant remedia, sed extremæ curationes; græca enim vox est, *αἱ ἰσχυραὶ θεραπείαι*, quasi velis Hippocrates, non quidem remedia esse debere extrema, sed ipsas curationes, id est medici operationes oportere esse morbis comparas; ita tamen, ut curationes non nisi opportunè præstent remedia, & ea in primis, quæ naturam non destruant. At ægrè forè intelligis, quomodo curatio, & non remedium possit esse extremum; hoc diorismo capias: extremum erit remedium, si in acutissima febre sanguinis maxima copia vnico tractu hauriatur, unde naturam succumbere, & robur periri, periculum imminet. Atqui extrema erit curatio, si in eadem febre sanguinis eadem quidem hauriatur copia, non tamen vnica effusione, sed vicibus interpolatis, ita ut vires consistent, nec præcipientes ruant. Et hoc ipsum de pharmaco statuas; quod illud secundo aphorismo collimat: *Vniuersum, & repente euacuare, malum: quibus arridens Alexander Trallianus dixerat: Satiùs est paulatim, & tutò euacuare, quàm festinando, perturbandoque vnà cum morbo ægrum è medio tollere*: Hæc amabo perpendite verba. Sed in medium afferes Hippocratis doctrinam ex libro de locis in ho-

mine, vbi cùm dixisset, quòd fortibus morbis fortia à natura medicamenta conueniunt, & debilibus debilia, statim subiungit: *Neque partiendum est medicamentum, sed singulis secundum naturam; debilibus quidem debilia à natura, fortibus verò morbis fortis naturæ pharmaca exhibenda sunt.* Respondeam, id locum habere, vbi vires validissimæ existunt, iuuentus adest florida, sanguinis plenitudo viget, & plus nimio æstuans circum situs aer non reclamatur; plerumque tamen hæc omnia non adsunt, ideòque viribus consulendum vtpurimum; quod apertissimis verbis libro eodem de locis in homine num. 46. sancitum habemus ab Hippocrate ijs verbis: *Si verò morbum fortio rem, ægrotum autem debilem acceperis, debilibus pharmacis curabis, quæ ipsum morbum superent, & abducant, verum ægrotum nihilo debiliorem reddant.* Doctissimus Franciscus Perla meus olim collega in huius textus commentario obseruat, Hippocratem plurali numero vsum fuisse (ait enim, *debilibus pharmacis*) ut indicaret debiliori pharmaco, pluries tamen adhibito per interpolatas vices morbum in debili agro esse curandum; quæ dicitur purgatio per epicrasim.

ANTIPHONIA III.

Debili, aut forti morbo debilia, an fortia medicamenta conueniant.

T H E S I S.

Libro de locis in homine textu 55. hæc statuit Musægeta noster: *Medicamenta fortia à natura in debilibus morbis dare non oportet; neque paucitate medicamenti debilitas ipsis facienda est; sed fortibus natura fortibus pharmacis vtendum est, debilibus verò pharmacis non fortibus.* Neque partiendum est medicamentum, sed singulis secundum naturam debilibus quidem debilia à natura, fortibus verò morbis fortis naturæ pharmaca exhibenda sunt. Et eandem sententiam promouisse videtur num. 39. eiusdem libri, vbi leguntur illa. *Nihil autem minus oportet etiam, debiles fortia medicamenta potare, sed similiter, aut solum sic, ut fortibus quidem forte, debilibus*

debilibus verò debile exhibeatur. Nec multum ab his discrepat, quod libello de arte legitur sic iuxta Heurnij paraphrasin: Nec adhuc constat, utrum à leuioribus instrumentis validiores morbi tolli possint: quis autem dubitet, quin validissimis validissimi morbi curari nequeant.

Cæterum hoc thema rationibus egere non videtur, cum vnicuique medicinæ etiam legum ignaro consonum censeatur, ut magnis, fortibusque morbis magna, fortiaque medicamenta conueniant, leuibus verò, ac debilibus leuia, atque debilia. Habent nimirum morbi suos gradus, quibus remedia æquari debent; unde est, quod Galeno arbitro omnium difficillima indicatio existit, *quantum agendum*, quam si quis adipiscatur, calleatque, erit alter Æsculapius. Porro imprudens nimium audire posset, qui vehementissimis morbis leuioribus pharmacis præstò esse studeret; ut contra impudens, & nequam, qui in leuibus quibuscunque affectibus fortia, summæque generosa medicamenta usurparet. Paria itaque, & æqualia saltem cum præminetia quadam teste Galeno medicamenta esse debent; cum enim omnis actio maioris cuiusdam inæqualitatis proportionem requirat, vis quædam superior ex medicamentis exigitur, unde Aræteus secundo diuturnarum passionum cap. 13. *morbis, quò dissoluantur, maiora esse remedia, opus est.*

A N T I T H E S I S.

Eodem ipso de locis in homine num. 46 discors à se ipso Preceptor fieri videtur; en verba: *Si quis in morbis quid permutaturus est, forti quidem agrotò, debili autem morbo, tunc quidem confidenter fortiore, quàm morbus est, medicamento utendum est; nam etiam si quid de sano abducatur unà, nullum detrimentum est. Si verò morbum fortiozem, agrotum autem debilem acceperis, debilibus pharmacis curabis, quæ ipsum morbum superent, & abducant, verum agrotum nihilò debiliorem reddant.*

Sed ante quàm progrediamur vltra, placeat, lector, hic mecum perfunditoriè verba illa expendere: *Si quis in morbis quid permutaturus est.* Porro morborum curatio nihil est aliud, quàm permutatio quædam, ut libro ipso de locis in homine affabre Magister hoc fermone exarauit: *Medicamenta sunt omnia, quæ præsentem statum transmouent: Omnia autem fortiora transmouent: licet autem, si velis medicamento transmouere, & rursus si velis alimento, & cibo. Omnia autem ex præsentì statu transmouere, agrotanti opitulatur: si enim id, quod morbum facit, non transmoueris, augetur.* Doctrinam

hanc venatus Galenus §. simplicium medicamentorum cap. primo plenius his verbis explicauit: *Medicamentum alterare natum est, aut una quapiam qualitate, nempe aut calefaciendo, aut refrigerando, aut humectando, aut siccando aut dictorum coniugatione quapiam, aut tota sua substantia, sicuti complura deicutoriorum, seu letalium medicamentorum, nec pauca alexiteriorum, seu amuletorum, tum purgantia omnia, & pleraque eorum, quæ epispastica, hoc est attrahentia nuncupant.* Sed ad rem. Commendat itaque Hippocratis in debili etiam morbo fortius medicamentum & in forti morbo medicamentum debile, si non suppetant vires.

Quod fortiori medicamento morbus debilis euincatur, iuxta rationem censeretur debet; id enim, quod potest qualitatem vt duo infringere, multo facilius eandem euincet vt vnum. Cæterum, quod debili præsidio fortis quoque morbus edomari queat, si sit ægrotus viribus imbecillis, neque ἀδύνατος, seu dissonum existimari deberet; quippe medicamentum licet debile respectiuè ad fortius dicatur, erit nihilominus tale, vt ipsum morbum superet, & abducatur, quem admodum inquit in eo textu Hippocrates.

SYNCATATHESIS.

Cum omnis actio fiat ab excessu agentis supra passum, vt loquebatur Auerrhoes, sequitur, quod omnia medicamenta, quæ præsentem statum transmutant, vt inquit Hippocrates, morbis fortiora esse debeant: Fortiorum autem, debiliūque medicamentorum vsum non aliunde, quam à viribus ægrotantis Hippocrates determinat; quippe virtutis robore vigente fas putat medicamentum morbo longè fortius adhibere, quod licet aliquid etiam vtile detrahatur, nullum detrimentum est, vt ipse ait. Cæterum debili existente ægrotato, si fortis sit morbus, debilibus medicamentis agendum iubet, non tamen ira debilibus, quin morbo sint superiora, quod patet liquidò ex illis verbis: *Si verò morbum fortiorē, ægrotum autem debilem acciperis, debilibus pharmacis curabis, quæ ipsum morbum superent, & abducant;* Sed ultra non agant, ne scilicet quid etiam vtile detrahant, atque imbecillitatem adaugent; vnde subiungit Præceptor: *verum ægrotum nihil debiliorem reddant.* Id ipsum significauerat altera illa sententia iam relata: *Nihil autem minus oportet etiam, debiles fortia medicamenta potare, sed similiter;* hoc est seruata proportionē inter medicamentum, & ægri vires, adeò vt inter fortia minus forte eligatur, ita tamē, vt morbum

bum ipsum superet, viribus autem nihil detrahat; quare nullibi dissonat sibi Præceptor, sed ubique medicamentum, quod sit morbo superius commendat, ea conditione tamen, ut magis, minusve forte eligatur pro ut debile, vel forte magis ægri constabit robur.

Si dicas, improbasse in Aphorismis Hippocratem in sanis corporibus purgantia medicamenta, ut quæ utiles deducant succos, corpusq; in *σύνθεσιν* adducant (dixerat enim lib. 2. Aphorismor. 36. *Sana habentes corpora dum medicamentis purgantur, celeriter exoluantur*, quod aphorismo 17. confirmat) ideoque non esse in debili morbo, viribus constantibus, forte medicamentum usurpandum, quod utilem etiam euocabit succum non sine perniciæ. Respondeam, aliud esse medicamentum in ijs propinare, qui integra fruuntur valetudine, atque adeo nullis impuris scatent humoribus; aliud verò morbosus corporibus fortius exhibere medicamentum, quod aliquid etiam utilis abducatur. In sanis corporibus, cum non nisi nutritij, optimique succi exhauriantur, corpus in *σύνθεσιν*, & inde in *σπασμόν* etiam delabatur: At verò in morbosus, cum longè plus impuri, quàm puri deturbetur, huiusmodi non imminet calamitas.

Demum f uere corollide. Eiusdem energiae erit in corpore imbecilli medicamentum ut vnum, atque in corpore valido medicamentum ut duo; quantum enim fortius medicamentum per se magis aptum est agere, tantum robustum corpus est quoque magis aptum resistere, unde diminutior sequetur actio; & contrà medicamentum debile, quantum ex sui natura minus pote est ad agendum, tantum debile corpus, quia parum resistit, est ad patiendum promptius, unde & promptior succedet actio. Non est doctrina, hæc mea, sed Hippocratis libro de locis in homine, ubi medicamentum in febribus reprobatur, quandoque corpus est floridum, & validum ob id, quod ægrè purgatio consequatur, ideoque monet, expectandum esse, ut prius debile reddatur. Hæc sunt verba num. 38. *ubi febrim curationem proponit: Medicamentum tamen, donec corpus floridum est, ne propinato, non enim vacuantur nisi parum, utpote corpore turgente: quum autem gracile, ac macilentum fuerit, tunc bibendum exhibe, & euacuabitur.*

ANTIPHONIA IV.

An purgare liceat usque ad animi deliquium.

T H E S I S.

Primo Aphorismorum tertio de Athletarum habitu statim solvendo præceptum tradens Hippocrates extremas interdicit euacuationes sic: *Neque verò inanitiones ad extremum ducere oportet, periculosum enim est, sed qualis natura est eius, qui perferre debet, ad hoc ducere convenit; similiter autem euacuationes ad extremum ducentes periculose sunt.* Confirmat paulò infra, ubi tradit: *Vniuersum, & repente euacuare malum: quod paulatim fit, tutò fit &c.*

Suadet ratio, quoniam natura, quæ in mediocribus constituitur, extrema nequaquam tolerat, neque fert impunè violentos motus, sicuti ad extrema sine medio progredi arduum est. Quid multa? Sanitas est moderantia, immoderantia morbus, ergo ab immoderatis euacuationibus, aut etiam alterationibus nefas erit expectare salutem.

A N T I T H E S I S.

Sed in eodem libro aphorismo 23. contrariam registrat sententiam; audiamus amabo: *Et ubi opus est usque ad animi deliquium ducere oportet, & hoc facere, si sufficiat, ager.* Confirmat altero illo celeberrimo aphorismo, quo dicitur: *Extremis morbis extrema medicationes optime sunt.* Dogma idem ad praxin aliquando Hippocrates redegit, nempe quinto Epidemiorum num 6. ubi tabido cuidam viro sanguinem ex utraque manu usque dum exanguis fieret, mittere iussit. Hæc est historia: *In Oeniadis vir morbo tenebatur, cum sine cibo esset, fortiter fugebat in ipsius ventre, & dolebat, & cum comediasset, & cibi contriti essent, & tempus superueniret post esum cibi, non valde postea hoc idem patiebatur, & tabescebat corpus, & consumebatur, & non accedebat ei alimentum à cibis cum comediasset, & subducebatur cibus prauus, & combustus.* Cum verò re-

cens

cens cibatus esset, hoc ipso tempore minimè sugebat, neque dolor tenebat ipsum. Hic pharmaca bibens omnigena sursum, & deorsum, nihil iuuabatur; secta autem vena in utraque manu usque dum exanguis redderetur, deinde iuuatus est, & à malo liberatus est. Confirmat non vno in loco Galenus, sed in eius aphorismi commentario expressis verbis, quæ hic describere operæpretium cenfeo; sunt autem hæc: Ea igitur, quæ fit animi defectio ratione euacuationis, nunc ab Hippocrate dicta est esse mensura euacuationis, & in maximis inflammationibus, & in ardentissimis febribus, & vehementissimis doloribus; oportet autem (sicuti, & ipse inquit) viribus integris, atque valentibus tantam moliri euacuationem, & nos sepiùs huiusmodi euacuationes prodesse plurimùm, experientia didicimus. Nam in ardentissimis febribus se usque ad animi defectionem sanguis mittatur, statim totius corporis habitus refrigeratur, & febris extinguitur, plurimis etiam aluus citatur, & sudores emanant, ac quidam eorum ex his sanitati prorsus sunt restituti, alij valde adiuti vehementiam ægritudinis abscederunt. In maximis etiam inflammationibus, ut vehementissimis doloribus nullum maius noui remedium, quàm usque ad animi defectionem euacuare, adhibita distinctione, an mittere sanguinem, an purgare oporteat usque ad animi defectionem, quemadmodum in libro de venæ sectione monstrauimus.

Nec ratione destituitur antithesis, quippe ni remedium æquiualeat morbo, in morbum ipsum degenerat; necesse est enim, ut actio sequatur ab excessu agentis supra passum, & ubi erit virtutis præstantia, ibi victoria in promptu erit. Sed hæc alibi pluribus explicauimus.

SYNCATATHESIS.

A Nimaduerte, lector, quòd ad animi usque deliquium ut possis educere, metiri in primis, ac sedulò debebis vires, quarum tam Hippocrates, quàm Galenus meminerunt semper quandocunque extremam istam euacuationem commendarunt. In trigemino ergo illo morborum genere, nempe ardentissimis febribus, maximis inflammationibus, ac vehementissimis doloribus, quòd non dent inducias, nefas est à leuioribus auxilijs curationem auspicari; sed statim ad lypothymiam usque purgare, aut phlebotomare par erit. Atque de his locutum dicas Hippocratem 23. primi libri; in reliquis verò affectionibus, licet validis, & acutis, quòd non ita vrgeant, temerarium fore extremum hoc

hoc tentare auxilium; atque de his verba fecisse credas eodem libro aphorismorum tertio, & infra, ubi vniuersum, & repente vacuare malum esse, indixit.

Ad historiam vero ex quinto Epidemiorum deductam, quæ magni momenti esse videtur, respondendum erit, quod vir ille in Oeniadis ob maximum viscerum ardorem, totiusque corporis eximiam caliditatem tabescebat, ac doloribus lancinabatur, præsertim ieiuno corpore, quo tempore suctionem illam acrem experiebatur succedentibus inde prauis, & combustis excrementis.

An non hæc omnia extranei, vrentisque caloris argumenta? Non mirum igitur, si omnigenis pharmacis sursum, ac deorsum purgatus, nihil, vt inquit Hippocrates, iuuabatur; scitum est enim, quod calidis huiusmodi corporibus infensa valde sunt cathartica omnia, vt quæ caliditatem exaugere valeant
eodem

Hippocrate non vno in loco magistro; mirificè autem subleuatus est à sanguinis vberima ex utroque brachio educatione, vnde temperari viscera, ventilarì sanguinem, & humores, ac totius habitus caliditatem, ac siccitatem infrænari contigit, vnde atrophia, ac tabescentia ducebat originem.

..

ANTI-

ANTIPHONIA V.

*Purgatio an per loca, ad quæ natura vergit,
sit celebranda.*

T H E S I S.

Primo Aphorismorum 21. Præceptor per loca illa artificiosam euacuationem celebrandam esse, monet, ad quæ natura procliuvis est. *Quò natura vergit, eò ducere per loca conuenientia.* Confirmat libro de humoribus in principio, ubi sic: *Impetus, & serocitas humorum, ubi non reciprocatio humorum est velut florum ducendus est quæ repit per conuenientes, ac commodas regiones, exceptis his, quorum maturitas tempore contingit; quod & infra repetit.* Sexto quoque Epidemior. sect. 2. 21. *Reuellere, si quò non oportet, vergant, si autem quò oportet, non oportet aperire, ut quacumque repant.*

Huiusce dogmatisationes planæ sunt; siquidem natura ipsa *sine doctore magistra*, ut Hippocrates ait, benè vias nouit, per quas peccantes humores facilius excludere valeat, & quòd natura huc magis, quàm illuc determinetur, signum est, faciliorem illic habere conatum, & minorem obsidem; non debet ergo inde auerti, alioquin infausta erit purgatio, quòd eodem tempore contrarij motus fiant, hinc natura, illinc medicamento trahentibus: debet autem semper medicus naturæ imitator fieri. Cæterùm isthæc naturæ procliuuitas tum ab ipsis humoribus, tum ab anni tempore, tum à corporis constitutione pendet: ab humoribus quidem, quoniam semper bilis, exempli gratia, ob sui tenuitatem ad superioa viam affectat; quo consilio monebat 4. Aphorismorum Hippocrates; in æstate per superiora purgandum, quòd eo tempore biliosi prædominantur succi, contrà in hyeme per inferiora purgationes agendas esse, quòd pituitosi humores, qui tunc vigent, *κῆτος* inclinent: A tempore propensio eadem pendere potest, quandoquidem licet bilis ex sui natura per superiora expurgari desideret, in hyeme tamen id non foeliciter consequimur; hyberno namque tempore succi omnes densescunt, & quodammodo congelantur; vnde deorsum suo pondere propellantur; & id sanè significare

nóbis

nobis voluit Hippocrates, dum quarto Aphorismorum 6. aiebat: *graciles, & ex facili vomentes per superiora sunt euacuandi, cauendo hyemem*; quibus verbis ostendit, humores omnes hybernos esse *κατάρροπος*, plusque tempori esse tribuendum, quàm temperamento, atque humorum *ἡγχι*; ita pariter subiungit: *contrà qui aegrè vomunt, & paulò habitiores sunt, per inferiora sunt purgandi, cauendo æstatem*, quasi in æstate succi omnes reddantur *ἀνάρροπος*. A corporis constitutione similiter natura aliam, aut aliam procliuatatem obtinet; siquidem qui sunt picrocholi *ἀνω*, id est quibus ductus ille cholidocus non in cæcum intestinum, sed in vètriculum inferitur, faciliùs per superiora purgantur; qui poros habent patulos, & referatos, per sudores; qui venas narium raras, & amplas, per hæmorrhagiam; qui renes magnos, & vretes latos, per vrinam. Addit autem Hippocrates: *per loca conuenientia*; quoniam tametsi aliquando natura ad locum aliquem vergat, qui quantum est ex se conueniens videatur, si ex euentu tamè inconueniens fiat, auertenda prorsus natura erit; vt laborat quis rheumate à capite, per nares commodè materia euacuatur, at si fortè polypo nasus detineatur, inconuenientes ductus nares redduntur.

Sed fortè hic sciscitabitur aliquis, num præcepta huiusmodi sint verè obseruanda, cum videamus, Neotericos omnes practicos raro per superiora purgationes moliri, sed tam in æstate, quàm in hyeme per infernas partes purgare. Respondeam, purgationem per vomitum Hippocratis tempore fuisse valdè consuetam; vtèbantur enim frequentissimè elleboro, fortè quia placidioribus pharmacis carebant; nostra verò tempestate cum humores etiam biliosos æquè bene per infernas partes deturbare valeamus, tutius erit hinc educere; etenim Mesuei consilium arrisit semper asferentis, ventriculum à natura coctionis, non purgationis gratia, fabrefactum fuisse.

A N T I T H E S I S.

Sexto Epidemiorum sect. 2. aphorismo septimò antilogos fit Hippocrates; ait enim sic: *Alium succum, non qui exeat, agere, exeuntem verò simul effundere facere, simile, ut dolor dolo-rem sedat, dissimilia verò, si repant sursum elata, deorsum soluere, & contraria eodem modo*; quibus verbis apparet, quòd medicus non solum simili facere debet, hoc est humorem per partem illam educere, per quam natura emittere studet, sed contraria etiam, hoc est

est per diuersam partem ab ea, per quam natura tentat euacuare: *si repant sursum elata, deorsum soluere*. His addi debet, quod cum natura interdum per plures partes humorum excretionem molietur, ut per sudorem, hæmorrhagiam, urinam, ac diarrhæam, illam ita multiuagam imitari arduum, & absonum esset. Huius rei exempla primo Epidemior. tum pluribus in locis exarantur, tum præcipue sectione tertia, ægrotō 8. ubi Metonem Præceptor describit, apud quem Natura eodem tempore varias aggressa est vias, per quas morbosicam educeret materiam: si placet, en ipsa historia verba: *Metonem ignis arripuit; lumborum grauitas cum dolore. Secundo multum aquæ bibenti, alius benè reddidit. Tertio capitis grauitas; deiectiones tenues, biliosæ, subrubræ. Quarto omnia exacerbata sunt: fluxit à destra nare sanguis paululum, bis. Noctem difficulter: deiectiones quales tertio die: urinas subnigras habebat, in quibus pendebant subnigra sparsa. Quinto largiter fluxit ex sinistra sincerum, sudauit, iudicatus est &c.*

SYNCATATHESIS.

BReuibz audi symphoniam. Imitari debemus naturam. *κεννῶς*, operantem, criticè verò dum agit, vnam aggreditur viam, per quam plenè, & affatim, quæ in vitio est, materiam excludit. At *συμπαρακεννῶς* agentem imitari nefas est; & quidem in Metone motus omnes symptomatici ab erethismo erant, qui tamen demum in crism desierunt.

ANTIPHONIA VI.

Per proximam, an per remotam partem euacuatio celebrari debeat.

THESIS.

SExto illo Epidemiorum opulentissimo sect. 2. num. 7. docet aperte Hippocrates, purgationem per partes remotas celebrandam esse audiamus: *Simile, ut dolor dolorem sedat, diffimilia verò, si repant sursum elata, deorsum soluere, & contraria eodem*

dem modo. Ratam facit sententiam lib. de humoribus num. 1. ubi habet: Aut reuulso in supernis deorsum, in infernis sursum. Sed lacerulentiùs adhuc libro de natura hominis num. 22. rem declarat his verbis: Enitendum est autem, et sectiones quàm longissimè à locis faciamus, ubi dolores fieri, & sanguis colligi solet; Et sit timor sententiæ rationes appingit Magister, aitque: Sic enim mutatio minime magna de repente fiet, & consuetudinem remouebit, ut non amplius in eundem locum colligatur.

Profectò si per affectam, ac proximam partem euacuationes moliamur, noxam proculdubio, atque dolorem augebimus, atque ut est vulgaris parœmia, addemus afflictionem afflictis, & in super humores, qui alioquin lentè ad illam deuoluebantur, irruent precipiti cursu. An quæso prudenter ageret, qui in dolore, magnave imbecillitate ventriculi vomitum celebraret? Nam eum, qui asthmate, vel phtysi laboret, emeticis repurgare audebis?

A N T I T H E S I S.

Secus verò sentit quasi *Μαχη*, Hippocrates libro de locis in homine, num. 55. ubi hæc registrantur: *Ceterum morbi ea parte, qua proximi sunt, educendi sunt, & qua parte singulis exitus quàm proximus est, extrahendi*: Confirmat palam 6. Epidemion sic: *In doloribus proximum ventrem secato*. Et est pro fus illud idem quod quarto Aphorismor. 18. sanctitù legitur: *Dolores, seu affectiones, quæ partibus supra diaphragma oboriuntur, quacunque purgationis sunt indigentes, superiore pharmacia opus esse, significant: quæ vero infra, purgationem infernam requirunt*.

Videtur autem & rationi apprimè consonum, ut noxios, impurosque succos inde, ubi morbum pariunt, euacuemus. Nimirum haud ita facile crit ex affecta parte, ubi sunt impacti, succos educere; si per contrariam regionem catharsin celebremus; nam longè maiori conatu ad contrarios ductus, eosque longiores deferri contingeret.

S Y N C A T A T H E S I S.

A Vdi, lector, symphoniam. Morbi qui à iugi humorum affluxu pendent, ac fouentur, nequeunt alia ratione curari, quàm fluxionem reuellendo; quare lib. de locis in homine Hippocrates num. 42. edixerat: *Morbos à principio curare*

opo riet

SYNCATATHESIS.

HAud multum laboris impendam, ut pugnares conciliem aphorismos; Nam secundo illo aphorismorum non de humore, qui morbi coniuncta causa existit, Hippocrates verba facit, sed de primarum viarum à crudis, ac feculentis excrementis expiatione, quæ naturam onerant, & à peptismo distrahunt, nec medicamentis permittunt liberum aditum. Rursus dum humor natura sua malignus existit, habetque cum cacochithia orgasmum, expedit, ut statim educatur, alioquin ferocior euadens in alta viscera irrepere posset, & mortem ocys inferre eo magis, quod prauus, & à seipso totus alienus mitescere amplius nequit omnis coctionis expertus. At primo aphorismorum de humoribus illis loquitur, qui febres acutas pariunt, adeò ut putridi quidam, at non corrupti existant, atque adeò à natura non omnino alienati fuerint, sed coctione mitescere valeant, & ad benignum reduci; quæ ob rem donec facta sit utilis ab inutili secretio, expurgari non debent, sed ante expurgationem peptismi signa præstolari debemus. Quare 2. Aphorismorum Dictator conditionaliter loquitur: *Si quid tibi mouendum videtur*, quasi dicat, si cætera concurrant, ut nimirum corpus neq; admodum plenum, ac turgens sit, neq; ex propria natura morbi phlebotomiam primò exigit. Rursus verbum, *mouendum*, non est duntaxat ad catharsin referendum, verum ad sanguinis etiam detractionem, ideoque præceptum, ut utrumq; inculcans est recipiendum, ea lege tamen, ut præcedant, quæ præcedere debent, atque corpore florido existente, prius phlebotomo, quam pharmaco demus operâ.

Atqui in libro de locis in homine de purgante medicamento decernit, cui semper præire debet sanguinis missio ob rationes adductas paulò supra, corpore existente florido, ac turgente; alioquin vniuersale foret medicorum erratum, qui frequenter eccoproticis, atque hypellatis medicamentis corpora exonerant: nimirum lenitiua hæc clysterium vice usurpantur. Porro tanti fecit Ipse morbi curationem à sanguinis missione in his casibus auspiciari, ut vel ipsi clysmo præmittat, quemadmodum ex eo textu de locis in homine palam fit, ait enim: *nam venæ sectio in talibus principalis est, deinde infusa per clysteres*; quod fortè Neotericis quibusdâ sacrilegè videri poterit, qui, nisi prius enemate abluatur aluus, absurdum rentur sanguinem haurire. Ego sanè Hippocratis do-

Strina fetus in internis omnibus inflammationibus, ac maximè in angina, ac pleuritide, seu peripneumonia, vel clysteris inducias suspectas admodum habeo, idèdque sanguinem acutum hauriri, iubeo, etiam si stiptica diu fuerit aluus, cui deinceps consulo.

Cæterum neque alto si entio præteriri debet, Hippocratem libro de vi& ratione in acut. purgationem vel à principio ita basilicè determinare: *Quibus in principio urina nebulosa, aut etiam crassa sunt, tales depurgare oportet, si etiam alia contulerint: quibus verò in principio urina tenues, tales ne purgato, sed si visum fuerit, infusa per clysterem adhibeto.* Hic ad calcem non omnino παρέρχων, ad celebem illum Aphorismum: *Concocta medicari &c.* quitantum expositoribus negocij facessit, Capiuaccei præclaram, ac præ oculis semper habendam doctrinam liceat asserre ex libro sexto Medicinæ practicæ in appendice de tempore exhibendorum soluentium: *Vt autem breuiter totum comprehendamus negocium, sic statuendum. Materia morbose alia à sanguine vel est cocta, vel cruda. Si cocta, purganda. Si cruda, vel non admittit coctionem, vel admittit. Si non admittit, ea cruditas non prohibet purgans, ut in ascite aquam liceat ex abdomine euacuare etiam non coctam, quia coctionem omnem respuit. Si materia cruda coctionem admittit, vel venenata est, vel veneni expers. Si venenata illico purganda. Si materia cruda est expers veneni, vel quiescit, vel mouetur. Si quiescit primò concoquenda est, deinde purganda. Si mouetur, tunc terminus ad quem, vel latet, vel patet. Si latet, ut in materia furiosa, illico ante coctionem materia hæc purganda. Si patet, tunc impetus fit ad loca, vel conuenientia, vel non conuenientia. Si ad conuenientia, tunc iuuandus est, & primùm materia coquenda, deinde purganda. Si ad non conuenientia loca fiat impetus, id est partem vel principem, vel consentientem principi, cohibendus est impetus, id est materia illico purganda est neglecta concoctione, nisi purgantis vi impetus augeatur, ut dum materia secur petit, ubi à purgante desistendum.*

ANTI-

ANTIPHONIA VIII.

*In hyeme per vomitum, an per secessum
purgandum.*

T H E S I S.

Quarto Aphorismorum 4 hyeme per superiora purgandum esse, docuit Hippocrates his verbis: *Medicari æstate superiores magis ventres, hyeme verò inferiores, quod sexto eiusdem libri confirmat, cum ait: Graciles, & facile vomentes purgare per superiora conuenit, cauendo hyemem.*

Suadet ratio; quoniam humor pituitosus, qui hyberno tempore prædominium habet, cum grauis, ac ponderosus naturaliter existat, deorsum inclinatur; ergo per infernam regionem purgare eundem expedit iuxta alium illum aphorismum: *Quod natura vergit, eò ducere.*

A N T I T H E S I S.

Oppositum autem exarauit Præceptor tertio de diætâ num. 3. ibi enim diætâ, aliâq; normam viuendi, quæ in hyeme competit, describens, hæc habet: *Vtendum & vomitibus, si humidiores sint, ter in mense; sin sicciore, bis à cibis omnis generis &c.* Confirmat libello de salubri diætâ num. 5. ubi hæc leguntur: *Sex mensibus hybernis vomere utile est, per id enim tempus pituita magis, quàm æstate abundat, & morbi circa caput fiunt, & regionem eam, quæ est supra septum transversum; quum verò æstas, atque calor fuerit, aluum subtus eluere oportet, namque tempus æstiuum est, & corpus redditum biliosius, lumbique, & genuatum grauitate, tum calore magis diuectantur, & venter torminibus torquetur; quare corpus refrigerare opus est, & quæ circa supernas partes corporis fluitant, ab ijs locis per infernas subducere licet.* Subscripsit Celsus lib. 1. cap. 3. inquiens: *vomitibus utilior est hyemem, quàm æstate, nam tum & pituitæ plus, & capitis grauitas maior subest.*

Neque hic desideratur ratio, quandoquidem pituita vel de
L 4 cerebro

cerebro delapsa, vel in ventriculo congesta foeliciter vomitu reij-
citur; nam breuiorem viam per os inuenit, quàm si per intestina
deducatur, quorum amphraetibus adhærescens, agrè excernitur.
Rem euentus comprobat; nam non paucos videmus, qui singu-
lis ferè diebus in hyeme pituitæ ingentem copiam per os magna-
cum facilitate, & vtilitate excernunt.

SYNCA T A T H E S I S.

D Ici primò potest, quòd Hippocrates sententiam illam in
aphorismis haud simpliciter protulit, sed addita particu-
la, *καλλόν*, quæ, *potius*, sonat; quasi ne utiquam inficietur,
in æstate etiam per interna, & hyeme per superna purgari possit;
quod communi etiam Auctorum praxi confirmatur. At melior
fortè *παραγωγὴ* desideratur. Si de vniuersali purgatione agatur,
qualis est illa, quæ per elleborum celebrari solet, Hippocrati appri-
mè consueta, vtique in æstate per superiora, in hyeme per infe-
riora cieri debet. Si verò de peculiari catharsi sermo sit, ab re non
erit illam in hyeme per vomitum, in æstate per secessum promoue-
re; audiamus Galenum, si placet, in commentario appositè lo-
quentem: *Quoniam igitur hyeme pituita in ventre gignitur, nobis
consulit, vt eam vomitibus euacuemus, & bilem æstate supra innatan-
tem deorsum reuellamus. Et tamen si vniuersum purgare corpus velis,
æstate per ventrem superiorem, hyeme per inferiorem purgabis, vt in
aphorismis scriptum est. Etenim, quæ iam redundant, ea curat pur-
gatio, quæ per ea loca, quòd vergunt, adhibeatur; ducenda enim illa sunt
quòd tendunt per loca accomodata: quæ autem prohibere velis, ne au-
geantur, ea per loca contraria retrahere conuenit.*



ANTI-

ANTIPHONIA IX.

Ante vomitum ex elleboro inedia, & motus, an potius cibis, & quies conueniant.

T H E S I S.

Quarto Aphorismorum 13. Medicorum Tribunus hoc sancitum edidit: *Ad elleboros, qui non facile supra purgantur, eorum corpora ante potionem pluri cibo, atque quiete humectanda sunt.* Confirmauit sexto Epidemion sectione 5. ubi ad faciliorem purgationem ab elleboro superedendum præcipit: sunt hæc verba: *Eum, qui veratrum bibit, si citius purgare uolueris, lauare oportet, aut comedere.*

Sententia hæc sodalem habet rationem; nam largiori cibo, & quiete naturæ vis reboratur, humoris infringitur contumacia, & quod magis est, ab hypercatharsi æger eximitur, & conuulsio, quæ elleboro superuenire posset, facile præcauetur. Adde his, quod vomere cupientibus Hippocrates libro de salubri diæta num. 7. vinum acidum simul & austerum, ac dulce, & ciborum omnigenam varietatem præscribebat; eo quia pleno ventre vomitus foelicius cedunt.

A N T I T H E S I S.

Cur igitur libello de salubri diæta eodem numero septimo motum potius, & ieiunium ante vomitum præcipit? Percipiamus edictum: *Vomitum autem hoc modo prouocandi sunt; Quicumque enim crassi, minusque graciles sunt, ieiunii cursu, concitatoreque ambulatione præexercitati medio die vomant.*

Confirmat luculentius quarto Aphorismorum 14. ubi hæc: *Eum, qui veratrum biberit, ad corporis motus magis, ad somnos uero, & quietem minus ducere oportet: corpora autem motu turbati, nauigatio indicio est.*

Neque ratione destituuntur hæc sententiæ; quippe motu attenuantur humores, fluxilioresque redduntur, unde ævis facilius mouentur, ut contra quiete stagnant, segnesque redduntur, unde magis *κατω* inclinant suo pondere.

S Y N.

SYNCATATHESIS.

Dicas, aliam esse obæforum, aliam gracilium conditionem in vomitu ciendo; siquidem pingues, quod segnes habeant humores, & ad motum pigros, non nisi ieiuni, & post insignem ambulationem, atque motum vomere debent; ita enim pituita natura sua lenta, ac tenax incalescens, exercitio funditur, atque ad exclusionem redditur aptior. Graciles contrà, ut qui humoribus nequicquam abundant, si vomere debeant, à cibis, iisque varijs, & omnigenis id efficere expedit iuxta Hippocratis præceptum præcitato textu de salubri diæta, ubi subiungit: *Qui verò graciliores sunt, ac debiliores, à cibis vomitum faciant hoc modo. Lotus calida præbibat meri heminam, deinde cibos omnigenos edat; & quæ sequuntur. Quod 3. de diæta num. 4. scripserat his verbis: Utendum & vomitibus, si humidiores sint, ter in mense; si sicciore, bis à cibis omnis generis; à vomitibus sensim perueniendum est ad consuetum cibum per tres dies, eoque tempore laboribus leuioribus, ac paucioribus utendum: à bubulis autem, & porcinis carnibus, aut alijs, quicquid tandem modum exceßerit, repletus vomat; & à caseosis, & dulcibus, ac pinguibus eum, qui non est aduersus repleri, vomere conducit, & ab ebrietate, ac ciborum mutatione, & regionum alteratione commendum est.*

ANTIPHONIA X.

In dolore capitis purgatione, an sanguinis missione agendum.

THESIS.

Capitis dolores libro de affectionibus circa initium curaturus Hippocrates, hoc præceptum tulit: *Si in caput dolores inciderint, huius caput calefacere conducit, ita ut multa calida lauemus, & siernutatione facta pituitam, ac mucos subducemus, & si quidem ex his à dolore liberetur, sufficiunt hæc; si verò non liberetur, purgandam est caput à pituita, & paulò infra: Si verò diuturnus,*

nus, & fortis in capite fiat morbus, & purgato capite non decedat &c. Confirmatur lib. de morb. 3. num. 2. ubi hæc: *quum doluerit caput præ cerebri repletionem, vitiosorum humorum non factam purgationem significat, & dolores totum caput tenent, & delirat, & moritur septima die, si verò supernam, ac infernam alium purgare voles, seorsum utranque soluit.*

Idipsum suadet ratio, quoniam dolor plerunque ab humorum vel vitio, vel copia excitatur; igitur ex eorundem detractione, ac purgatione euanescent. Hinc præcitato libro de affectionibus cum Præceptor dixisset, omnes morbos à bile, ac pituita exoriri, capitis dolorem mox enarrans, hunc à pituita in capite augescen- te, & agitata fieri, statuit; igitur phlegmagogo expugnabitur do- loreducta causa.

Cæterum non desunt apud Hippocratem alia dolorum capitis exempla, in quibus purgatio adhibetur.

A N T I T H E S I S.

Verum longè alius à se ipso prodit magnus Dictator lib. de locis in homine num. 49. ubi hæc registratur sententia: *Doloris in capite gratia sanguinem de venis detrahito; si verò non sedetur, & diuturnus sit, perire uenas, & sanus euadit; si verò caput purgaueris, magis affliges.* Rursus lib. de ration. vict. in acut. num. 64. eas omnes affectiones recensens, quibus purgatio officit, eos adducit, quibus caput dolet ab exercitationibus, aut cursibus, aut profectionibus, aut venationibus, aut ex alio quo- quam intempestiuo labore, aut ex re venerca.

Probatum verò assertio Galeniano primum, & communi dog- mate, quo definitur, in omnibus magnis doloribus plurimum opis præstare sanguinis missionem, ut quæ humorum, ac spirituum re- uellit affluxum, sensum obtundit, dolorisque causam vel euacuat, vel deriuat, & quod est adhuc optabilius, inflammationem prohi- bet, quæ doloribus quantumuis à frigido humore oriundis sem- per imminet. Hanc insuper suffulcit antithesis id, quod legitur primo prædictionum num. 21. nempe. *Quibus capitis dolores, & totius corporis impotentia quedam, sanguinis eruptiones soluant.*

Suadetur secundò; quoniã, cum præferuida sint purgantia phar- maca, ipso docente Hippocrate, si adhibeantur, calore, ac turba- tione dolorem exaugent; quippe catharticiis omnibus vis quæ- dam inest elatéria, quæ tamen à sanguinis missione est prorsus alie-

na;

na; quin potius hæc humores ab orgasmo vendicat, & primeuræ quieti, ac tranquillitati restituit. Cæterum à purgatione capitis exacerbatum iridolorem, contendet nemo, qui vel mediocriter versatus fuerit in Hippocrate, qui non vno in loco, sed potissimum libro de locis in homine palam testatur à purgantibus, pharmacis caput vel usque ad insaniam excaleferi.

SYNCATATHESIS.

Conciliabis lector φιλαλήθης pugnantes hic, illic textus, hoc habito diorismo. Capitis dolor vel per idiopathiam, vel per sympathiam excitari potest: qui partium infernarum, ac subiectorum viscerum, humorumque consensu contingit, utpote phlogosi, ebullitione, æstu, atque euaporatione, sanguinis missione curatur melius; qui verò in capite est per essentiam, cumulata in cerebro cacochymia, frigida ve coluic, purgationem postulat. De hoc lib. de affectionibus, ac tertio de morbis Hippocrates verba fecit; de illo verò libro de locis in homine; ideòque statim ibi sanguinem præcipit reuulsionis gratia, pharmacum verò detrectat, quòd ex eo caput amplius incalescens à subiectis visceribus magis attraheret, ac inde deterius afficeretur. Ita mulier illa in Pheris apud Hippocratem 5. Epidemiorum num. 12. cui caput circumcirca dolebat multo tempore, & nullus poterat quicquid opis ferre, neque cum caput purgaretur; melius autem habebat, cum menses illi facile prodibant; Hæc cum caput circumdolebat, subdititijs bene olentibus ad vterum appositis iuvabatur. En dolor per consensum ab utero, qui solo sanguinis effluvio, & subditis odoribus miscebatur. Sic pariter 2. de morbis in doloribus capitis, qui sunt cum venæ superuolunt in caput sanguinē, nullam purgationis mentionem habet, sed solius sanguinis beneficium recenset. Et sanè quòd libro de locis in homine dolor per consensum à subiectis visceribus describatur, palam fit à subsequenter illis verbis: Si verò non sedetur, & diuturnus sit, perure venas, & sanus euadet; nam in quem finem venarum vstionem præciperet, nisi ut vaporum, humorumque interciperetur ascensus, inhibeaturque affluxus ab inferis partibus ad cerebrum? Quòd verò libro de affectionibus de dolore per idiopathiam loquatur, apertè colligitur ex ijs, quæ paulò infra ascribit; ait enim: dolores incidunt à pituita, quum in capite mora cumulata fuerit: quibus verbis inculenter declarat, doloris causam per essentiam in capite; ideòque, si dolor fugari debeat, purgandam fore pituitam, cuius metropolis est cerebrum, quem admo.

tatis languore, tantum abest, ut purgationem exigat, ut potius re-
staurantia, atque roborantia postulet; Huius census est vertigo il-
la, quæ neonymphos, aliosque ludi venerei apprimè studiosos cor-
ripere solet, in qua ob spiritus fatiscientes vinum, aromata, quæ
confusa, & extracta carniū pro pharmacis usurpamus.

ANTIPHONIA XII.

Convulsioni conferat, an officiat frigida.

T H E S I S.

Libro de humidorum usu num. 3. hæc ab Hippocrate scripta
leguntur: *Frigida verò convulsiones, tensiones, nigrores, ri-
gores febriles; & num. 11. Pleribus quidem frigida mordax,
cutem obdurat, dolorosa, non suppurare facit, liquefacit, nigrescit, ri-
gores febriles facit, convulsiones, ante, & retrò disensiones. At quid
ex libris Hippocratis minus famigeratis auctoritates aucupor?
Quinto Aphorismor. 18. hæc dictantur: frigidum verò convulsiones
affert, tetanos, liuores, quasque partium denigrationes, & rigores
febriles.*

Huius theorematissunt satellites rationes; & est quidem prima,
quoniam frigida nervosas partes contrahit, corrugatque (ut est fri-
goris natura densare, & constipare) hæc verò constipata, ac tensa ad
suum principium retrahuntur cordarum instar; hinc ergo tetanos
vel morsu, vel plenitudine excitari potest; nam convulsio non so-
lùm à plenitudine, quam constipatio meatuum efficere potest, ex-
citatur, verùm etiam ab obiecto mordicante, acremque sensatio-
nem inducente, vnde congenerum, siue antagonistarum mu-
culorum oritur spasmus.

Rursus frigida usus fixum partium calorem extinguit, influen-
temque à corde vitalem spiritum intercipit, ac repellit; quare in
parte ipsa convulsio, necrosis, siue morticinium inducitur. Ita
videre est hyemali tempore, quotquot per alpes, aquilone flante,
iter habent, summæ narium cartilaginis, extremorumque digito-
rum incurrere morticinium, quod nomine gelu vulgo dicitur.

Quid multa? Vita partium in insito calore consistit; calor ab ho-

M ste

Re suo, nempe frigore, superatur, & extinguitur; frigus autem mortis est typus, ideoque passim frigida mors dictatur.

Et cum frigida mors animam seduxerit artus.

item:

O genus attonitum gelida formidine mortis.

rursus:

Stulte quid est somnus, gelida nisi mortis imago?

ut Virgilius 4. Aeneidos, & Ouid. 25. Metamorph. & 2. Elegiarum accinerant.

Insuper gelidae aquae affusio rigores parit, tum quia influentem calorem repellit, unde destituta calore partes rigent, tum quia diapneustiam inhibet, quare suppressis fuliginibus, quae per halitum educebantur morbos parit, atque in primis febres à principio rigoriferas. Et id nimirum quotidianum experimentum palam facit; siquidem, qui gelidi fluminis vadum transmeant, quiq; flante saeviore borea, longum peragant iter, facile febre corripiuntur; & mirum quidem, quod nulla alia intercepta *impune*, siue evacuatione sic, ut pororum obstructio, febres excitat; nam sunt, qui septem, octave dierum spatio nihil per aluum egerunt, nec tamen inde in febrem incidunt: Brasauola aui sui coriphæus Ferraria Lauretum versus discessit, Laureto Ferrariam redijt, semel tantum alui deposito onere. Praesul eiusdem ciuitatis doctrina, & moribus in Vrbe eximius, cui ego medicinam facio, singulis decem, vel duodecim diebus faeces, easque paucas deijcit, nec vnquam inde febricitat. Sed omnem ferè fidem superant historiae aliae à fide dignissimis relatae. Nicolaus Florentinus mulierem recenset, quae à primo conceptionis die vsque ad quadagesimum quintum nihil prorsus per aluum excreuit. Forestus lib. 2. de febribus, obseruat. 35. narrat, Theodorum quemdam de Vuael Toparcham quartana defunctum tribus mensibus, ac tribus diebus nec tantillum quidem per ventrem emisisse; & addit ab Haghano Medico accepisse viro alioquin intemeratè fidei, virum quemdam sex mensium spatio nihil prorsus egressisse. Pari quoque pacto per tres, vel quatuor dies impunè, & absque febre retinetur & vrina; Referam & hic admirandas historias. Paucos ante menses mulier quaedam Senensis non sine sanctitatis fama apud Sancti Iacobi Incurabili Nosocomium viginti septem dierum spatio nihil prorsus minxit, teste oculato D. Angelo Colio Medico olim in Vrbe sapientissimo; nec tamen vel in febrem, vel in hydropem vrinarium funestissimum incidit; Virgo alia Romana, quae Epilepticis accidentibus erat obnoxia, idem ferè dierum spatium transegit absque vrina,

na; sed violento pharmaco ex elaterio, scammonio, & gallia moscata à me præscripto, tandem minxit post magnum animi deliquium.

Contrà verò solo gelidæ aquæ balneo vel etiam breuissimo tempore adhibito rigorificæ inuadunt febres. Magnus ille Alexander, vt Quintus Curtius narrat, quòd in algidissimum flumen exiliisset, in totius corporis rigorem, ac penè funestam distentionem incidit. Heurnius 5. Aphorismor. pari ratione scribit, vidisse Parisijs celebrem natatorem, qui cùm bis flumen tranasset, tertio periit in medijs aquis. Ita est profectò: frigus est interitus, calor est vita; frigidum vitali auræ insidiatur semper, calore spiritus refoventur, reficiuntur. Hinc apud Priscos Romanos Vestales Virgines religiosè ignem custodiebant, quem Persæ adorabant insuper.

ANTITHESIS:

Sed quinto Aphorismorum 25. toto cælo dissidentem sententiam *διδόντες* ipse Cōs proponit his verbis: *Verum articuloꝝ dolores vlceris expertes, & podagrica, & conuulsiones, horum sanè plurima frigida copiosè affusa mitigat, leuat, & adequat, atque ita dolorem sedat.* Porro tam difficilis visa est antiquis huiusmodi sententia, vt plurimi à Præceptore descuerint, & maximè Paulus Aeginas, Cælius Aurelianus, Cornelius Celsus, & reliqui omnes, qui nō benè intelligunt, qua ratione conuulsio quæ à frigida pendet causa, frigidis curari valeat. Omnes quippe Auctores in eius curatione ad calidissima confugiunt, vel etiam ad piper, castoreum, & similia; quin ipsemet Hippocrates in conuulsionibus curandis, vt alibi ostendimus, vel febrem excitari, iubebat ijs verbis: *Ignem fac*; eo scilicet consilio, vt à febrili calore humor frigidus coquatur, attenuetur, ac dissipetur. Addatur, quòd in eodem quinto aphorismorum de calida verba faciens, *cutem*, aiebat, *emollit, ac crassam extenuat, dolorem sedat, tremores, itemque rigorem, spasmus, seu distensionem mitigat.* Neque à se ipso discrepat 2. Epidemior. sect. 5. circa finem, vbi in digitorum manus conuulsione aqua vtitur calida, non frigida; hæc sunt verba: *In conuulsione digitorum manus citra febrem venam secato, si non caput doleat; sin minus, aquam calidam affundito.* Hem qualis contradictionum implexus.

Nec tamen absque valida ratione dictatum hoc prodit; fulcitur

M 2

enim

chim cum primis fundamentis ab antiparistasi exantlatis. Natura quippe comparatum est, ut unum contrariorum ab alterius praesentia quandoque intendatur, indeque postmodum suas operationes edat fortiores. Sic ergo dum conuulsa membra frigida multa affunduntur, natius illorum calor à contrario dum refugit, congregatur, vnitur, & ex vnione fortior euadit, ad eò ut conuulsicam causam mox coquere, & edomare potis sit, deque toto affectu triumphare. Porro caloris hanc intensiorem ab affusa frigida per antiparistasi luculentissimis verbis insinauit Hippocrates tum libro de humidorum usu, tum eodem quinto aphorismorum 21. ubi hæc habet: *Quandoque verò in hac distensione sine ulcere, iuueni carnosio, media æstate multa frigida aquæ affusio caloris reuocationem facit.* Quid clarius? Ita ergo non raro calor frigus, frigus calorem parit, per accidens tamen; inde illud Poeta.

Vrit montana gelu,

& primo Georgicorum.

penetrabile frigus adurit.

Mutuatus est Vates hanc doctrinam ab Aristot. tertia sectione problematum 25 ubi sic; *At nihil prohibet, rem eandem à contrarijs effici, dummodo non agatur modo eodem. sed diuerso; exempli gratia: vritur & à gelu, & à calore, ubi gelu calorem cõegit vniuersum, itaq; modo quodam à contrarijs effectus proficiscitur idem, & modo quodam non nisi idem producitur.*

SYNCATATHESIS.

PVgnantium textuum conciliatio ex his, quæ proximè diximus, eliciatur. Etenim in libello de humidorum usu de frigida loquitur, ut per se immediate agit, utque frigoris aptus est producere effectus, utpote partis, in quam agit, calorem superare, & extinguere. In aphorismis verò de frigida intelligit, ut potest antiparistasi producere, atque ad eò caliditatem naturam cogere, & adaugere, coacta verò, & adaucta, conuulsionis materiam coquere, ac dissipare; hinc meritò Hippocrates post ea verba: *Iuueni carnosio media æstate, multa frigida aquæ affusio &c.* statim subiungit: *huiusmodi autem hæc calor facit:* quare conuulsionis curationem calori acceptam refert à frigida per accidens cumlato; ut enim supra ex Aristotele dicebatur: *vritur & à gelu, & à calore, ubi gelu calorem cõegit vniuersum.* Atque id ipsum significasse, arbitror Hippocratem 6. Epidemiorum sect. 5. cum scripsit. *Frigidum*

gidum & auxiliatur, & tollit quaecunque à calido; auxiliatur nimirum dum caloris vim haud vincit, sed per antiparitalitatem potius augeat, eo quia qualitatis intensio par est, aut paulò virtute inferius: tollit autem cum ad eò viribus, actione præpoller, ut de calido triumphet; quamobrem frigida aquæ affusio in convulsione in ea esse debet mensura, eaque ad convulsi membri caliditatem proportionem, ut illam non extinguere, sed cogere, & intendere debeat.

ANTIPHONIA XIII.

*In aurium dolore emetica, an diectoria
conferant.*

T H E S I S.

Libro de affectionibus num. 3. in aurium dolore vomitum commendat his verbis: *Si in aures inciderit dolor, conducit multa calida lauare, & auribus somentum adhibere, & si quidem ad hæc cesserit pituita de capite attenuata, & dolor cessauerit, sufficiunt hæc; sin minus, optimum omnium pharmacum fuerit, quod potu exhibitum sursum pituitam purgat.*

Suaderi autem potest catholico illo dogmate ex quarto Aphorismor. 18. *Dolores supra septum transversum, qui purgatione opus habent, sursum versus purgationem exigunt.* Quod præceptum libro de locis in homine num. 55. repetit ijs verbis: *Ceterum morbi ea parte, qua proximi sunt, educendi sunt, & qua parte singulis exitus quam proximus est, extrahendi.* Insuper cum auris in capite collocetur, & à cerebro fluxionem patiat, ex eo vomitus apprimè conducit, cum eodem libro de locis in homine 47. legatur: *Fluxione ex capite fluente, vomitus conducit.*

A N T I T H E S I S.

Libro de locis in homine num. 20. in auris dolore, ut purgationem per infernas partes commendat, ita & vomitum damnat; sunt hæc verba: *Si verò per hoc dolor non sedetur, frige facientia à natura frigida infundantur, & medicamentum potandum*

M 3 dum

dum præbeatur, quod secessum deorsum faciat, sursum autem non; quandoquidem vomitus non auxiliatur. Comprobaturs ex septimo Epidemiorum 6. in Cydij filij historia, cui dextram aurem dolenti Hippocrates non semel, sed bis etiam mercurialis succum propinauit ad infernam purgationem. Historiam non assero, quoniam nimium est prolixa, tute ipse apud Hippocratem perlege.

Neque sanè præceptum ab te erit; nam per loca magis distantia noxius humor faciens dolorem reuocabitur, & educetur simul; in doloribus enim reuulsionem, quæ per distantes partes celebratur, primum locum obtinere, vnicuique in confesso est. Hinc prænuncupato textu de locis in homine ad ipsum auris dolorem cucurbitam oppositæ parti affigendam prebatur: *Et retrò cucurbita medica affigenda, si sinistra auris doluerit, ad dextram, sin dextra, ad sinistram.*

SYNCATATHESIS.

Sententiarum sic discrepantium proxenetam agat primò Prosper Martianus Hippocratis æquus interpres: Sic ergo in annotationibus lib. de affectionibus, vbi de aurium dolore: Huius autem curationis diuersitas à natura humoris morbum efficiētis omnino dependet. Si enim calidus, & tenuis fuerit, vomitus non conducit, quia cum huiusmodi humor in partibus inferioribus sedem habeat, vbi generatur; verbi gratia in hepate, à quo ad caput ascendit, vomitu inducto, eiusdem ascensus facilitatur, unde ad partes superiores maiori impetu fertur; his accedit eiusdem leuitas, cuius natura est sursum ferri magis, quàm deorsum. E contra verò materia frigida existente; quia hac in partibus superioribus sedem habet, purgationi per inferiora non facillè cedit; nimis enim remota est via, per quam expurgatur, qua ratione sect. 4. aphor. 18. statutum est, dolores supra septum transuersum existentes, qui purgatione egent, per superiorem purgandum, significare, qui verò infra, deorsum. Materia igitur frigida, & pituita in cerebro peccante, vomitus præferendus est, nec timenda est ex vomitus violentia capitis repletio, quia cum materia sit crassa, non facillè ad superiora eleuatur. Hæc igitur considerans Hippocrates lib. de locis in homine, factò de humoris peccantis natura periculo per medicamenta calida auribus imposita, materiamque calidam esse, certior factus, damnauit vomitum, purgationemque per inferiora faciendam, iussit. Hoc autem in loco, quia pituitam peccare, supponit, vomitum magis probat; ut non satis admiranda veniat Hippocratis

poeratis diligentia, qui omnia necessaria adeo ingeniose distinxit contra recentiorum incuriam, qui nec humoris peccantis, nec lese partis rationem habentes, purgationes perpetuo per inferiora moluntur.

Præclara nimirum doctrina hæc, & Martiano digna, sed breuiorem, ac magis genuinam conciliationem ipse adducam. Libro de affectionibus in aurium dolore Hippocrates vomitum probat, ut qui plerunque, ac ferè semper capitis rheumatismo, ut libro de locis in homine scripserat, opitulatur. Cæterum infernam deiectionem in otalgia libro de locis in homine tunc solum commendat, cum vomitus ne quicquam profecit. Etenim eo loci Hippocrates monet, oportere non sanantem semper variare modum, ac periculum de contrariis facere: cum ergo vomitum adhibuerit, & nihil inde emolumenti accesserit, iubet, nos deorsum purgantia periclitari: perpendantur amabo verba illa: *Et medicamentum potandum prabeatur, quod secessum deorsum faciat; sursum autem non; quandoquidem vomitus non auxiliatur:* quibus nimirum verbis non damnat in otalgia vomitum absolute, sed casualiter, aut ex euentu, quod scilicet adhibitus non profuit; quod autem in morborum curatione haud prodest, vel potius officit, immutandum esse consulit: *Et si quidem peius reddiderit malum, ad contrarium te conuerse;* quod Hippocrati foeliciter cessit, qui cum frustra calida omnia auribus indidisset, frigida non infausè expertus fuit; unde fortassis Epidemior. sect. 5. præceptum illud edidit: *Si auris doleat, lacte utatur.*



ANTIPHONIA XIV.

In Ophthalmia pharmacum an conueniat.

T H E S I S.

Sexto aphorismorum trigesimo primo legislator noster hæc habet: *Dolores oculorum vini potus, vel balneum, aut fotus, vel phlebotomia, vel pharmacia soluit.* Pro causarum nimirum diuersitate hoc, vel illo potius uti debemus præsidio, modò videlicet pharmacia, modò phlebotomia, aliàs fotu tantum, vino aliàs, ac balneo.

Eandem Sententiam quoad purgationē eodem sexto aphorismorum confirmat his verbis: *Ophthalmia laborantem alui fluxu corripit, bonum.* Quòd si spontè aluina hæc fluxio non superueniat, fas erit artificiosè moliri: Galenus enim in hius aphorismi commentario analogismo vsus aiebat, quòd si spontanea prodest purgatio, ubi hæc deficit, licebit artificiosè moliri: ipsum audias loquentem: *est autem & hoc exemplum unum eorum, quæ spontè, & utiliter euacuantur, quod medicum imitari oportet, & proculdubio sic etiam omnes faciunt in lippitudinibus aluum, & chysteribus, & purgationibus subducentes.* Id quod apertis verbis libello de visu ab Hippocrate ita præcipitur. *Ad lippitudinem annuam, ac popularem conducit purgatio capitis, & ventris inferni.*

Cæterum dictata hæc ratione, & experimento non carent. Ratione quidem, quoniam oculorum dolores, & inflammationes ab acerrimis succis, & salis cum proueniant, opportunum, & analogum pharmacum si propinetur, illi non modò reuelluntur ab oculis, verum educuntur etiam, quo consilio specifica quædam fuerunt à veteribus descripta medicamenta cathartica, utpote pilulæ lucis maiores, lucis minores, aggregatæ, & similia. Atqui reuulsis, & euacuat, qui in vitio sunt humoribus, affluxus, indeque dolor, & inflammatio discedent.

Pro experimento verò est communis Practicantium consuetudo, quin ophthalmicis affectibus purgans aliquod medicamentum statim, nec inauspicatò propinant.

AN-

A N T I T H E S I S.

SI hæc ita se habent, cur longè aliam doctrinam exaravit primò Prædictionum num. 9. verba sunt illa: *qui oculum ferocem, aut clausum habent, eos medicamentis purgare non oportet.* Clausi oculi nomine intelligit Hippocrates chimosim, in qua ob phlegmonem ingentem intra palpebram suam oculus occultitur, ferocis verò titulo taraxim indigitat, hoc est oculum vndiq; sanguine respersum, & inflammatum, qualis in vera, & legitima ophthalmia apparet, utque solent eorum deprehendi, qui magna animi ferocitate, ingentique ira citantur, ut enim in metamorphosi Ovidius.

Fervens oculis dabat ira ruborem.

Quippe hitrucleter nictant, vel obrutu defixi hærent, aut etiam turgentis è proprijs orbibus exilire videntur; & quoniam instar cruentatæ feræ, atque trucidis anguis intuitus micant, ferox propterea, nec immeritò, inflammatus oculus nuncupatur; hinc 3. de Arte amandi Sulmonensis idem.

Lumina Gorgoneo sauius angue micant.

Ferocem hunc eundem oculum sexto epidem. sect. 2. vocat Hippocrates audacem, & solet in febribus apparere; inquit enim:

Oculi audacia delirium portendit.

quandocunque enim putridi, biliosi que succi in febribus sit ad caput anadrome, oculi prius id representant; hi enim tanquam specula peccantium humorum idola referunt, ut verum sit omnino, quod ab eodem Hippocr. præcitato epidem. lib. traditur: *Oculi prout valide fuerint, ita & totum corpus.* Nò ergo mirum, si phrenesim imminentem oculus rubro, obscuro fixo, & inconiuncte intuitu, qui audax non improprie dicitur, prælagiat. Cæterum libello de visu in oculorum affectionibus Præceptor phlebotomiam inprobat, & purgationem commendat; ait enim num. 1. *confert autem huic capitis purgatio, & capitis usio; sanguinem vero his detrabere non conducit.*

Antithesi huic nec sua fundamenta desunt; Primum est, quoniam in ophthalmia sanguis, non cacoehymia peccare videtur; quod satis liquidò præcrebescit ex rubore, inflammatione, & oculorum cruentatione. Igitur sanguis potius mittendus erit, quam purgandum. Et huc rectè collimat illud 2. 1. libri de morbis popularibus sect. 6. *Anginam, & lippitudinem soluit vena sectio.* Præ-

terea

terea purgantia quæque medicamenta humores turbant, fundunt, agitant; quare si pars aliqua imbecillis, & vel phlegmone, vel dolore occupata fuerit, humorum alluuiem protinus excipiet, vnde morbus exasperabitur. Enimvero, quod medicamenta purgantia humores exagitât, tam certum est, quàm quod certissimum; siquidem ob hanc rationem Hippocrates passim purgationem turbationis nomine vocitare solet; quod verò pars læsa, & imbecillis facile excrementa admittat; docet non vno in loco Hippocrates, & iuge experimentum suadet; & est omnibus decantatum, in humani corporis partium œconomia id contingere, quod in olygarchia solet, in qua nimirum primates minus potentes opprimunt: diuites pauperibus imponunt: dynastæ plebeios conculcant. Demum, quod à medicamentis cathartici humorum fluxiones & accersantur, & iritentur, docet melior auctorum schola, qui propterea in arthritidis initio purgantia medicamenta exhiberi, detrectant, vt quæ fluxionem augere, dolores acuire, artusque ampliùs, & veluti compedibus vincire soleant. Cùm illustrissimo cuidam viro Ferrariensi articulorum doloribus vexari consueto, ac plurimum instanti medicamentum catharticum olim inuitò propinassent, vsque adeò cruciatus inualuit, adeò exagitatus est fluens humor, vt omnes artus, membraque omnia occupauerit, & podagra in contumacem arthritidem abierit, nec nisi multo labore, plurimisque auxilijs pristino statui ipsum restituere valuerim.

SYNCATATHESIS.

Pro pugnantium sententiarum omonia hoc vnum præludendum erit, quod nimirum ophtalmia, taraxis, dolor, aliaue oculorū passio vel est à rheumatismo, vel à synathrismo, hoc est aut ab affluxu, aut à congestione: quandoquæ à rheumatismo contingit, quoniam aliunde, vel scilicet à capite, vel à subiectis visceribus, ac toto corpore humores affluunt, & caput, & vniuersum corpus ab ea colluue purgare fas erit; & sic intelligendus erit contextus ille in libello de visu: *Ad lippitudinem annuam, & popularem conducit purgatio capitis, & ventris inferni.* Nempe lippitudo annua perennem indicat fomitem vel ab humorum impuritate, vel à capitis, & corporis vniuersi cacochymia, quare purgationis vndique emergunt scopi; sanguis autem non nisi cùm plethoria viget, mittendus erit, iuxta eiusdem Hippocratis consilium eodem in loco, vbi subdit: *Ad quosdam etiam huiusmodi dolores sanguinis*

guinis detractio confert, si corpus sanguine redundet. Quando verò per synathrismum existit, tantum abest, ut medicamenta purgantia quicquid prosint, ut potius manifestè lædant, eo quod oculos debiliores præstent; præ imbecillitate verò vel proprium alimentum deinceps in malum succum illi conuertant.

Rursus neque erit ab re, si dicamus, quòd oculorum passio à sola capitis intemperie, ac plenitudine oriunda, medicamento purgante irriteretur magis; quòd fluentis inde humoris maior pars in oculos irruat: cerebrum namque oculis etiam tanquam emunctorijs ad sui repurgationem non rarò utitur, qui si malè affecti fuerint, colluiem propriùs excipient. At ubi malum à subiectis visceribus, & ventris impuritate exoritur, tutum erit pharmacia uti.

Insuper nec malè quis opinabitur, si dicat, Hippocratem in aphorismis de hypellatis, leuioribusq; medicamentis verba fecisse, nec non de spontanea potius diarrhoea, quam artefacta; in prædictionibus verò de fortibus, atque elaterijs, quæ cum acris sint, & apprimè calida, oculis magnopere infensant.

Dabo tandem auctarium. Hippocrates in Prædictionibus de oculi ferocitate loquitur, quæ in acutis febribus ob sanguinis biliosis anadromen contingit, nec non mentis emotionem præfagit iuxta præmotionem illam: *oculi rubri delirium portendunt*; in his autem purgans medicamentum reprobatur palàm primo de locis in homine, cum dicitur: *Febricitanti caput ne purgato, ne furiosus fiat; calefaciunt enim caput pharmaca purgatiua, & sanè ad caliditatem febrilem accedens ea, quæ in medicamento est, insaniam facit*. Quoad auctoritatem illam ex libro de visu excerptam, respondeas, ibi Hippocratem de quadam oculorum affectione loqui longè diuersa à lippitudine, nempe de corruptione, in qua oculi ipsi cærulei illi-eco euadunt; audiamus ipsum: *Oculorum acies corrumpuntur, quæ spontè quidem, & de repente caruleæ existunt, quod cum euenerit, eiusmodi non sanantur*.

ANTIPHONIA XV.

Tabidi per superiora, an per inferiora purgari debeant.

T H E S I S.

Quarto Aphorismorum 8. Magister tabidos nulla ratione per superiora purgandos esse, monet; verba sunt: *Sed tabidorum ratio est habenda, ne purgationem ipsi per superiora unquam moliendam, putes.*

Thesim hanc suadet & ratio; nam indicatio, quæ à peculiari affectione exantlatur, prævalet ei, quæ ab humorum conditione sumitur: hinc hysterica mulieri, quamvis asthmate diuexetur, oximel, quod hystericis apprimè est infensum, nequaquam est præscribendum: quemadmodum neque & lentericis, si pariter asthmatici fuerint, oximel idem offerri fas erit, quoniam eo coeliaca passio plurimum exasperatur. Adde his, quod à vomitu pulmones dilaniantur, eorumque propterea vlcus refricari, ac dilatari, contingit; quare & Cornelius Celsus lib. 3. cap. 22. dixerat, vomitum in tabe perniciosum esse.

A N T I T H E S I S.

At 2. de morbis num. 46. in tabe veratrum ad vomitum commendat; audiamus ipsum: *Si vero à principio morbus obtigerit, lenticula decoctum bibendum dato. Deinde, interposita una die, veratrum dato temperatum, ut ne aluum infernam moveat.* Quinimò adeò solum vomitum in tabidis probare videtur Hippocrates, ut statim subiungat: *Pharmacum autem nullum deorsum purgans dato.* Et si tertio de morbis (liceat uti analogismo) num. 17. Hippocrates in pleuritide album commendat veratrum ad vomitum, non videtur maior ratio, cur etiam in phthisi idem ad vomitum exhiberi non debeat; audiamus ipsum: *Oportet igitur, & infernam aluum neque valde suppressam esse, ut ne febres sint acutæ, neque valde egerere, quò salua sursum educi valeat, & ager viribus valeat. At medicamenta sursum educuntia sexta, & septima, ac nona*

nona die, & morbo adhuc ulterius progresso, magis exhibeto. Sit autem medicamentum veratrum album. Ita pariter libro de internis affectionibus num. 7. in peripneumonia vomitum excitandum, suadet melle, lacte, aceto, & aqua in olla mixtis, ac tepesactis: si placet audiat. Huic cum sic habuerit, & tempestivum esse visum fuerit, curationem sic adhibeto. Mel, & lac, & acetum, & aquam mixta in ollam infusa tepesacito, & origani capitati ramulis agitato: ubi vero tepida facta fuerint, bibenda dato, aut apprehensa lingua, sensim per fistulam infundito. Deinde conuolutum quietem habere, iubeto. Postea si vomitus succedat, promptè vomat; si verò non succedat, irritatione per pennam facta, vomat: & si quid pituita vomuerit, per dies quinque idem facito, hinc enim leuiore vadet.

Confirmat adhuc libro de internis affectionibus, ubi postquam tabem à capitis rheumatismo oriundam descripsit, hæc habet: Et primum quidem veratrum bibendum dare, infra autem subpurgare epithymo, aut peplo, aut grano cnidio, aut rithimalide; inde subiunxit: Hæc quatuor in anno dare oportet sursum bis, deorsum bis. Quo in loco geminata contradictio observanda erit, quandoquidem supra libro de morbis purgationem per aluum omnino reprobatur, quemadmodum & in aphorismis tabidos alui fluxu corripiti, malum esse, pronunciauit.

Diocles apud Caelium Aurelium in his Hippocrati subscritbit, siquidem phthisicis vomitum præscribit. Nec sanè rationes desunt, quippe eodem Hippocrate arbitro libro de locis in homine, vomitus destillationibus à capite prodest; & libro de vict. ration. in acut. 56. luculentius: Veratrum dare his oportet, quibus à capite fluxio fertur: Iam phthisis, de qua hic Hippocrates verba facit, est à ferina destillatione oriunda, ut ab eius verbis palàm elucescit. Adde, quod materia à capite fluens siue sursum, siue deorsum deturbetur, ne ad pulmones ruat reuelletur.

SYNCATATHESIS.

SI vlla vnquam in Hippocratis verbis antiphasis mihi negotium facessit, hæc utique maximè (fateor) ingenium præstrinxit. Dicam igitur, Hippocratem in aphorismis de consummata tabe verba facere, in qua cum vlcus sit conspicuum, pulmones languidi, totumque pectus imbecille, ac virtutum omnium lapsus, vomitus his omnibus insensu erit, summamque augebit calamitatem. In libro verò de internis affectionibus de
tabe

tabe vel imminente, vel incipiente effari, in qua presentaneum est auxilium reuellere, ac deriuare à pulmonibus; quod vomitu consequimur, qui, vt sæpius dictum ex Hippocrate, capiti, vnde ferina destillatio ad pulmones, consulit.

Quod autem Præceptor purgationem duntaxat in inchoante phthisi admittat, ex ipsiusmet verbis libro de morbis colligere fas est, vbi habet: *Si verò à principio morbus obtigerit; quasi ultra principium purgationem moliri sacrilegum sit. Quin lib. eodem de morbis contrario consummatæ phthiseos curationem, prorsus abiurat; inquit enim: Hunc, vbi ita habuerit, ne curato; sed verò à principio &c.*

Probat præterea iccirco veratrum ad vomendum Hippocrates, quoniam, teste Plinio, tussi veteri medetur, quæ tabis est comes inseparabilis, & sæpè etiam causa, primumque principium. Si fortè quæras, cur vno in loco purgationem infernam Præceptor damnet, in alio verò admittat, respondeam, tabis speciem multiplicem esse, indeque accidere, vt pro varia eiusdem natura medicamenta nunc emetica, nunc deiectoria, nunc vt raque locum habeant; & his Hippocrates vitur in tabe chronica, quæ nimirum tres annos, vel nouem, vt ipse habet, perdurat: est autem tabes chronica, vt Vallesius 1. Epidemior. 3. scribit, quæ non fit ex morbo acuto, vtpote pleuritide, peripneumonia, aliave viscerum inflammatione, quæ quatuor mensium spatio interimit, sed quæ à principio fit, & ad minus annum integrum perdurat.



ANTI

ANTIPHONIA XVI.

*Melancholici per vomitum, an per secessum
sint purgandi.*

T H E S I S.

Quarto Aphorismorum nono Asclepias noster melancholicos per infernas regiones purgandos esse, monet; verba sunt: *Etenim melancholicos liberalius, pleniusque per inferiora purgabis, eadem ratione contraria adhibebis.*

Est autem id non sine ratione dictatum; siquidem cum sit melancholia humor grauis, ac terreus, ~~magis~~ magis viam affectat proprio depressa pondere; si ergo quod natura vergit, eò ducere expedit, per deiectiona promptius, aptiusque, quam per emetica, melancholici succi deturbandi erunt. Addam & aliam nihil minus plausibilem rationem, & est nimirum, quod melancholico temperamento præditi ægrè vomunt; nam acidus ille, ponticusque humor ventriculum plerunque astringit, roboratque, facitque, ut alimentum vsque ad exactam coctionem retineatur; quin etiam fibræ obliquæ in melancholicis fortiores existunt, atque adeo suo retinendi munere validius funguntur: Atqui ægrè vomentes quarto eodem aphorismorum palam ab emeticis reuocat.

A N T I T H E S I S.

Interim libro de affectionibus numero 19. eos, qui detinentur quartana (quæ soboles est melancholix) vomitu purgandos esse, iubet; sunt hæc verba: *Si verò quartana apprehenderit, si quidem impurgatus fuerit, primum caput purgato, & interpositis tribus, aut quatuor diebus, pharmacum sursum versus purgans dato.*

Porrò quod caput prius purgari debeat, ut quod apud Hippocratem omnium morborum aut causa, aut fomes existit, nihil mirum; cur verò emetico pharmaco sit purgandum, illa videtur ratio, quod in melancholicis, & ijs, qui correpti sunt quartana, pituitæ, crudorumque humorum in ventriculo stabulantium alluies ingens reperiatur, in diesque augeatur: Expianda itaque il-

la erit per proximum ventrem, ut loquitur Hippocrates. Profe-
cto in melancholicis omnibus morbis, quod naturalis facultas
languet, calorque functionum promus reddatur effectus, non
pituita solum, verum & serum, ichoresque affluenter aggeneran-
tur, qui à melancholico succo nimis videntur alieni; unde fit etiam
quod vberissimi sudores in quartana erumpunt, quibus insuper ali-
quando eandem iudicari, probat historia Hippocrati vxoris 2.
Epidemior. sect. 3. ubi sic: *quod Hippocrati vxori ex annua quarta-
na tumebat, cum subfrigida palam esse videretur, impetus in totum cor-
pus, & sudor; ita iudicata est.*

SYNCA T A T H E S I S.

Quarto aphorismorum Medicorum Tribunus per infernas
partes melancholicos expurgandos esse, iure statuit, si ni-
mirum melancholia ipsa debeat expurgari, quæ natura sua
deorsum, ut diximus, viam affectat. At in libro de affectionibus
quartana detentos haud statim purgat eo consilio, ut humor im-
mediatè faciens quartanam educatur; sed pituita colluuiem inca-
pite stabulantis, & cruditarum sarcinam, quæ ventriculo infe-
sat, prius deturbare intendit, quod manifestè ex verbis ipsis colligi-
tur; nam ubi prius caput, & inde ventriculum per vomitum ex-
piavit, tunc purgationem deorsum admittit, quod ex illis verbis
fit palam: *& interpositis diebus, rursus aliud deorsum purgans dato
in ipsa apprehensione.* Nimirum cum humor melancholicus non,
ita citò coquatur, idè est, quod nec ita citò repurgari potest, iux-
ta decantatum Hippocratis oraculum; quamobrem purgationes,
quas primis diebus Hippocrates molitur, nō ad melancholiam,
sed ad alios comitantes humores diriguntur; unde fit quod pri-
mæ illæ purgationes diebus certis definiuntur, ac limitantur; ait
enim: *primum caput purgato, & interpositis tribus, aut quatuor die-
bus, pharmacum sursum versus purgans dato in ipsa apprehensione.*
At cum pharmacum deorsum purgans, quod melancholiam ip-
sam respicit, proponit, dies nequaquam præscribit, sed solum ait:
& interpositis diebus; quasi id medici arbitrio committat pepasmi
signa percepturi. Vis adhuc auctarium? Hippocrates quarto illo
aphorismorum haudquaquam scribit, melancholicos absolutè
purgandos non esse per superiora, sed liberalius, pleniusq; per infe-
riora expiandos, quod græca voce ἀπορίως significatur; si ergo ple-
nius per inferna purgare expedit, minus plene licet per superna.

ANTI.

ANTIPHONIA XVII.

Splenicis an conducat lac. & serum.

T H E S I S.

Libro secundo de morbis num. quinquagesimotertio magnus medicinae Dictator & sero, & lacti lienosos interdicat his verbis: *Splenicum ne purges neque succis, neque lacte, neque sero, sed eo, quod modicum ingestum multum educet, purgabis.* Confirmat 2. de morbis muliebribus num. 12. ubi de mulieris quodam fluxu veluti ex ovo crudo luteo verba faciens, post multa hæc habet: *Si verò natura fuerit lienosa, aut flatuosa, & exanguis, neque lac bibat, sed purgantibus inferne purgato.* Rursus eodem 2. de morbis mulierum num. 17. uteri descensum curaturus, hæc scribit: *Cum verò deorsum tracti fuerint, abominanda subter suffito; sub nares autem odorata.* Si verò dolores quieverint, pharmacum deorsum purgans bibendum dato, & postea lac asininum, aut serum bibendum præbeto, si non lienosa fuerit à natiuitate, aut exanguis, aut decolor, aut aurium sonitus habuerit &c.

Suadet idipsum & ratio; nam nil magis & parit, & auget lienis obstructionem, quàm lac caseosa præsertim portione. Quod in historia Apollinis 3. Epidemior. sect. 3. expressè ratum habemus; ille enim, cum magnis esset visceribus, lacticiuijs usus coctis, & crudis multis, caprinis, & ouinis, & victu prauo, omnium lesiones magna.

A N T I T H E S I S.

Libro de internis affectionibus num. 35. Præceptor idem de splenis morbis loquens, hæc tradidit: *Et postera die etiam lactis equini cocti octo heminas dato melle affuso; si verò hoc non adsit, bubuli, aut caprini cocti duos congios præbeto, ita ut alter natiue mel in poculum immisceatur, & vicissim bibantur; & paulò infra: reliquis autem diebus ieiuno lactis bubuli quatuor heminas dato, tertiaurie parte admixta.* Rursus 2. de morbis num. 35. ubi nigri icteri curationem adducit, hæc habet: *Deinde pharmacum deorsum purgans bibendum dato, & si splenicus fuerit, asininum lac, aut serum postea exhibeto.*

N

Neque

Neque rationes desunt, quæ præceptum hoc suadere possint; siquidem lac huiusmodi vberissimo poculo propinatum viscera, lienemque maximè abluere valet, atros humores non minùs temperare, quàm deturbare, excrementa quoque omnia sero deducere, atq; adeò splenem vel abstergendo, vel diluendo imminuere.


SYNCATATHESIS.

IN libro de morb. muliebribus de ijs, quæ sunt à natura lienosa, verba facit, quod ex verbis illis palàm colligitur: *ἢ ὅτι δὲ τοῦτο αἰ τοῦτο*; hoc est: quibus familiaritate quadam à iuuentute morbi consueti facti fuerint; & in alio textu: *ἢ ὅτι δὲ τοῦτο αἰ τοῦτο*; si verò natura fuerit lienosa; quemadmodum etiam 2. illo de morbis de lienosis à natiuitate loquitur; quod palàm fit verbis illis: *Huic pharmacum deorsum purgans bibendum dato, & lac asinum insuper bibendum, si non natura fuerit splenicus*. Etenim propter genuinam lienis imbecillitatem nequeunt lienosi lactis, & feri eximiam illam copiam admittere, quæ purgationis gratia ad multas heminas hauriri solet. In libro verò de internis affectionibus lienosos intelligit, quibus vel ex malo victu, vel alia quapiam extrinseca occasione viscus intumuit, adeò vt primigenium suum robur maiori ex parte feruet adhuc, ideòque repurgari potius, quàm attolli ex lacte poterit.

Cæterum in libro de internis affectionibus Hippocrates lac non in omni splenico affectu probat (recenset enim ibi quinque splenis morbos), sed in illo præcipuè, qui fit à sanguine, splenem replete, ac dolorem, caliditatem, atque vlcuscula, nec non dysenteriam in corpore parit; quare ad hunc debellandum & sanguinis missionem, & lactis vberem haultum commendat; expendantur amabo verba: *Alius splenis morbus fit in anno veris maximè tempore, verum à sanguine, quum enim repletus fuerit splen sanguine, erumpit in ventrem, & dolores acuti in splenem incidunt, & in mammam, & in clauiculam, & in humerum, & sub scapulam. Color autem corporis est plumbiformis, & parua vlcuscula velut lancinata in sibi exurgunt, ex quibus vlcera magna fiunt, & quæ primum infra secedunt, sanguinolenta sunt, & aruginosa, & venter durus subit, & splen velut lapis est. Hic morbus magis letalis est, quàm priores, & ex ipso pauci effugiunt. Hunc quum sic habuerit, iisdem purgato, quibus & priorem; verumtamen pharmacum sursum purgans ne dederis; deorsum verò granum cnidium exhibeto, & postera die etiam lactis equini*

equini cocti octo heminas dato, melle affuso; si verò hoc non adsit, bubuli, aut caprini cocti duos congios praebeo. Sed interim obseruandum, non simplex exhiberi equinum lac ab Hippocrate, sed melle affuso, quomodo cum longè magis deiectorium reddatur, nequaquam in ventre morabitur tandiu, vt queat à liene trahi, vnde mox intumescat. Ita & alibi vel muria admixtum propinat, quæ salis effectus praebeat, abstergitque, vt Dioscorides lib. 5. edocet, vel post pharmacum exhibet, quo praeuio exit liberius, effluitque, nec moram faciens tumefacto lieni addere potest.

Adde his pro corollide, laudari in lienosis lac equinum, quodd nulla sit imbutum crassitie, sed tenuissimum existat; illud enim in arcanis Naturæ repositum est, animalia scilicet vtrinque dentata tenuius, & minus caseosum lac producere, vt mulierem, equam, camelam, asinam; quæ verò in vna duntaxat maxilla, dentes ferunt, lac gignere crassius, vt bouem, capram, & similia; & hinc est quod 2. de Dieta num. 6. lac equinum, aut asinum magis secedere, Præceptor idem docuerat.



ANTIPHONIA XVIII.

Lienosis vomitus an utilis.

T H E S I S.

Libro de affectionibus num. 21. Præceptor in lienis affectibus vomitum probat his verbis: *Si verò purgatione non egeant, vitius ratio constituenda est, ita ut pituitosis corpus resiccamus, & attenuemus cibis, & potibus, & vomitibus, & exercitijs plurimis, & deambulationibus: & in vere sursum per veratrum purgentur.*

Huic thesi ancillatur ratio; nam vomitus corpus resiccat, neque finit, erudos, ac pituitosos succos à splene prolektari, qui natura sua humores aqueos, & fluxiles è ventriculo avidè exugit, & inflatur, ut alibi, ac præcipuè libro de morbis mulierum, & quarto de morbis edisserit Hippocrates. Enimverò verissimum est, humorum fontem esse ventriculum, qui visceribus, reliquisque corporis partibus distribuit, cum affluit, at si ipse egeat, repetit à singulis, & corpore fruitur colliquefcente, ut Hippocrates ait libro quarto de morbis: exinanitus ergo per vomitum è liene deducet, & eo gracilefcente fruetur, & sic obstructioni detrahetur. Cæterum lien ipse non ægrè per vomitum repurgari potest, quando eius humores per vas illud splenicum satis insigne, breue nuncupatum, commodè, & facilè ad ventriculum excurrere valent.

A N T I T H E S I S.

Atqui aliter sentit quarto de morbis num. 9. ubi hæc expressè exarata leguntur: *Affero autem, ubi homo bibit amplius, & corpus, & splenem aquam in se ipsa trahere ex ventriculo, & si plus traxerint, quàm oportet, statim hominem affligi; atque hoc ita fieri, intelligunt quicumque homines splenici existunt. Postquam autem traxit splen, optimum est, si vetus aqua, quæ in splene inerat, ad vesicam, aut ventriculum excoletur, & per hæc expellatur: nam per supernas regiones non purgatur aqua de splene. Confirmat libro de affectionibus num. 33. ubi purgationem per infernam regionem tantum in lienosis commendat his verbis: *Huic, cum sic habuerit, veratrum purgans deorsum bibendum dato, & cni-**

dia

dio cocco subpurgato; & num. 35. eiusdem libri luculentiùs adhuc inquit: *Hunc, cum sic habuerit, iisdem purgato, quibus & priorem; verumtamen pharmacum sursum purgans ne dederis, deorsum vero granum cnidium exhibeto.* Addit sententiæ robur Anaxenoris in Abderis historia apud Hippocratem 7. Epidemiorum num. center simotertio; ibi enim, cum lienosus ille esset, per inferna purgationem probat, nam ita habet ad calcem: *subpurgatus autem est prius: super quæ verba, ita Vallesius: Rectè sanè, quandoquidem lien nulli euacuationi magis cedit, quàm alui subductioni.*

Astipulatur quoque ratio; siquidem lienis affectus ab atro succo, terreo, & melancholico sobolescit; is autem inauspicatò per superiora purgatur iuxta extritam quarti aphorismorum doctrinam aphorismo nono: *Etenim melancholicos liberaliùs, pleniusque per inferiora purgabis.*

SYNCATATHESIS.

In libro de affectionibus obstructi lienis antecedentem causam, nempe totius corporis habitum pituitosum Hippocrates respexit; quod verbis illis manifestissimè ostenditur: *visus ratio constituenda est, ita ut pituitosis corpus resicemus, & attenuemus cibis, & potibus, & vomitibus.* Vomitus autem non intelligit eos, qui emeticis pharmacis ad vniuersi corporis expurgationem celebrari solent, verùm illos, qui à cibo, nullo assumpto medicamento, fieri consuevere: hi namque exiccant, tum quia crudam, ac pituitosam ventriculi colluuiem eximunt, cum etiam, quia suo alimento defraudatus calor, pabuloque illo, quo iucundè fruitur, ad superuacaneos humores excoquendos se conuertit. Et quoniam verno tempore plurimùm solent pituitosa excrementa exuberare, quòd tunc temporis soluantur, atque defluant (hyeme namque velut glaciata consistunt) vult iccirco, veratrum in vere propinari, ut vniuersalis totius corporis expiatio fiat, atque adeò ne ad lienem crudi, & impuri succi præcipientes ruant, valida reuulsione præcaueatur. Idque eò rationabilius fit, quòd lienosi crudo semper ventriculo laborare consueuerunt, magnaque semper aquei succi copia associari solet melancholiæ, quam propterea Hippocrates lib. de morbis aquam appellat.

At quarto de morbis, & lib. de internis affectionibus de coniuncta causa malè affecti lienis intelligit, quæ cum patentiores, ac faciliores vias, quàm infernas non habeat, iccirco per uum-

commodiùseam repurgari, decernit: & quidem succi omnes, qui in liene continentur, vt melancholici, ac terrestres, ad infernam regionem viam promptiùs affectant. Et licet Hippocrates dixerit, aquam per supernas regiones non repurgari, memoria tibi, lector, reuocandum erit, quòd aquæ nomine apud Hippocratem, vt iam iam te monitum volui, frequentissimè intelligitur melancholia, quam & quarto illo de morbis pariter intelligere, sentiendum; siquidem melancholia, non aqua apta est obstructionem efficere.

Dabo ingēniosius auctarium: Obstructus lien vel sublimè eleuari, vel deorsum inclinare, extendique potest; quando sublimis fit, calor circa supernas partes maior percipitur, acciditque respirandi difficultas adhuc maior, quoniam septum transversum ampliùs comprimit. At quando fit decliuis, pedes, manus, ac genua incalescunt magis, naso, & auribus frigidioribus existentibus; id quod 6. Epidemior. sect. secunda docuit his verbis Magister: *quibus splen est decliuis, pedes, & manus, & genua calida, nasus, & aures frigide semper: num propter hoc, quòd tenuis sanguis? num & natura talem hi habent?* Iam in liene sublimi fortè expediet magis vomitu purgare, in decliui verò deiectorio pharmaco, vt locum habeat illud Hippocraticum dogma: *In morbis proximum ventrem purgato.*



AN:

ANTIPHONIA XIX.

Purgatio ictericis an conueniat.

T H E S I S.

IN libro de locis in homine num. quarto apertis fidibus enunciat senex, in ictero, quibusdam seruatis conditionibus, corpus purgandum esse; audiamus verba: *Icterus, siue regium morbum sic curare oportet, cum susceperis. Nutrito & balneis, & pinguefacientibus, potibusque, ac cibis humectato per tres, aut quatuor dies: postquam autem humectatum fueris corpus purgato, ac reficcato ipsum &c.* Confirmat in libro de affectionibus num. 33. ubi hæc leguntur: *Morbum autem regium sic curare oportet: extrinsecus quidem corpus molliendum est balneis calidis: alius vero, & vesica humectanda, & urinam cientia danda, quæ sunt præscripta. Si vero fortis fueris, purgato capite, pharmacum quoddam potandum dato, quod bilem deorsum purgat.* Rursus libro de internis affectionibus, quatuor ictericiæ enumerans species, in duabus primis ventratum bibendum proponit, aliamque ventris purgationem: in tertia etiam elaterium, & alia pharmaca admittit: in quarta demum cnidium granum bibendum commendat. Ratum id ipsum facit Hippocrates in Epidemijs, & alibi, ubi icterum auspicato etiam ante septimam ijs accessisse, scribit, quibus alui turbatio superuenit, vt & nos plenius supra lib. 2. enarrauimus.

Probari autem thema non vnica ratione potest, & quidem primo; quoniam, cum icterus ab effræni, & vaga bile oriatur, par est, vt cholagogo medicamento illam deturbare conemur, & ab orgasmo illo, quem ad corporis peripheriam habet, reuocare: quod si à copia eiusdem fiat, cathartico medicamento commodè immuetur.

Præterea, si ab obstructione icterus ortum ducat, purgans pharmacum deobstruere non ægrè poterit, humores nimirum, qui emphraxin producant, deducendo. Quid multa? omnis cacochymia catharsi eximitur; igitur & icteritia, quæ biliosa cacochymia soboles est, pharmacum postulabit. Id totum firmatur practantium catholica pragmatia; nam ictericis rhabarbari frequentissimum, & sum præscribunt omnes.

A N T I T H E S I S.

AT libro de victus ratione in morbis acutis aliter sentit Præceptor, longèque oppositam tradit medentibus legem; numero enim 64. eas affectiones, in quibus purgatio non conuenit enumerans, post multa hæc habet: *Et morbo regio laborantes, & quorum alui cruda eijciunt, & quibus ex nari- bus, aut per sedem sanguis vehementer erumpit &c. ex talibus nullum medicamento purgandum esse.* Sententiam confirmare videtur 3. de morbis 12. ubi regium quendam morbum vehementem, ac perniciosum describens, purgantis medicamenti in curatione nec verbum quidem edidit.

Rursus 5. Epidemiorum ictericorum curationem proponens textu 68. purgationis nihil meminit; sic enim ille: *Ictérico laborare, sudare, panem comedere, bibere non multum, lauare caput multo, & calido, aut potius tepido, vinum album, somno non multo uti.*

Quinimò in præcitato libro, & numero de locis in homine paulò infra hæc habet; *Ceterùm medicamenta bilem ducentia ne propinato, ne corpus magis conturbes &c.* Adhuc libello de veratri vfu idem inculcat; morbos enim ibi recensens, quibus purgatio non conuenit, subdit: *Negus item morbo regio laborantibus.*

Probatur autem primò; quoniam iccirco morbus hic regius nuncupatur, quòd scilicet regis sit curandus, non autem insua- uibus medicamentis, pharmacisque perturbantibus: hinc Quintus Serenus

Regius est verò signatus nomine morbus,

Molliter hic quoniam celsa curatur in aula.

Rursus in hoc morbo maximè appetentia deiicitur, ac nil magis orexiæ insensat, quàm medicamentorum purgantium vfu, quæ nauseam, vomitum, atque summam anorexiā excitant.

Præterea purgantia medicamenta, calida cum sint iuxta id, quod scribitur quarto de morbis: *quacumq; medicamenta purgatoria sunt aut supernè, aut infernè, aut etiam utrunque præstant, ea hæc faciunt omnia valde vrunt,* bilem ipsam fortè magis exaugebunt, vel saltem irritabunt, impellentque magis, tantum abest, ut effusam ad cutem bilem reuocare valeant. Sæpe enim naturæ, siue peccantis humoris impetus longè est validior, quàm cuiusque medicamenti vis aliò auocare nitentis: ita in mulieribus sanguinis ab ute-

ro ad supernas partes metastasis nullis interdum reuulsio nibus, fortibusque praesidijs reuocari potest, vt scilicet fiat palindroma, vnde fuit anadome.

Quid si dicatur insuper; pharmacum in ictero bilem à cutaneis partibus ad viscera non sine detrimento reuocare posse? Etenim praestat semper, humores ab internis ad externasemandari, quàm contrà, quod pluribus distatis Praeceptor decreuit, sed potissimum aphorismo illo 25. sexti libri, vbi ait: *Erysipelas foris intro verti, malum; intus verò foras, bonum*; atqui icterus erysipelatis quoddam genus esse videtur.

SYNCA TATHESIS.

IN libro de locis in homine purgationem admittit Hippocrates ad biliosam illam colluuiem exturbandam, quae plurima in venis reperitur, ne scilicet fiat eiusdem ad cutem perennis effusio; ibi ergo antecedentem, non autem coniunctam causam respexit; quare ne à venarum cacochymia citis illa defædatio iugiter foueatur, cholagogum admittit. Adde, quòd ibidem Praeceptor de ictero critico fortassis verba facit, in quo proculdubio locum non habet medicamentum purgans; quoniam vniuersa bilis ad cutem translata est.

In eodem verò libro, eodemque numero infra, itemque libro de victus ratione in acutis purgationi interdicit ictericos, quoniam iam ad corporis ambitum vniuersa bilis effusa est, & atque cutem inficit; quam bilem nequaquam educere possunt cholagoga medicamenta; vt enim 6. Epidemior. commentario 2. textu 30. Galenus aiebat: *quae in cute sunt, fieri non potest, vt per alium expurgentur; sed fortibus, & calidis medicamentis discutiuntur*. Quare expiato semel corpore ad bilis effusionem compescendam, à catharticis abstinendum erit; quoniam hæc, vt calida, & elateria, poterunt amplius humores & calefacere, & conturbare; atque adeò cutem magis magisque afficere, ac fedare. Et hanc esse genuinam Hippocratis mentem in textu illo de locis in homine, intelliget facile quisquis attentè, atque exactè eius sermonem expendet; siquidem prius ibi monet, purgandum, siccandum, & attenuandum esse corpus, mox verò, balnea adhibenda esse ad bilis per cutem effusæ digestionem, ac discussionem, & hoc tempore nouam prohibet purgationem: verba sunt: *Quum verò attenuatum fuerit, purgato, & confusa cucumeris siluestris radice, eaque in aquam coniecta,*
inde

inde lauato; & statim subiungit: Caterum medicamenta bilem ducentia ne propinato, ne corpus magis conturbes. Adde tandem, Hippocratem in forti duntaxat, ac vehementi icteritia purgans medicamentum admittere, ut verbis eius ex libro de affectionibus palam constat; tunc enim, quoniam symptomaticus effusio illa rebellis contingit, indicatque venarum colluuiem biliosam enormem, nisi cholagogo medicamento tantæ cacochymiae detraheretur, frustra balnea, fots, & alia huiusmodi regio morbo consona vsurparentur.

ANTIPHONIA XX.

Vomitus in dysenteria an bonus.

T H E S I S.

IN Coacis Prænotionibus Pythios noster vomitum biliosum in dysentericis vndique reprobat: sunt hæc verba: *Dysentericis vomitio biliosa initio graue malum.* Sed cur ita sit, rationibus vestigandum. Enimvero vomitus iccirco magnam arguit in dysenteria calamitatem, quod significatio, fiat duci in *συνμωρίαν* etiam ventriculum; & bilem *αἷον*, & *κῶπιν* præceps rapi, atque adeo ventriculi os mordendo, cardiogmum, vel syncopen inducere facile posse. Nimirum ventriculi cum intestinis officij communi societate licet ingens reperiatur sympathia, ut facile his ille compatiatur; cum tamen in alui fluxu vomitus quoque citatur, ingens humorum copia in primis, magna intestinorum affectio, & ventriculi imbecillitas arguitur, quæ omnia graue malum portendunt. Omnino illud in arte medica compertum esse debet, quod quanto in morbis plures afficiuntur partes, tanto grauior erit affectio censenda. Quid multa? Epigenesis in morbis graue malum ostendit semper.

ANTI

ANTITHESIS.

Sed cur, qui *ὁμολογῶς* est semper, antinomiam recinit libro de affectionibus num. 2. ubi vomitum celebrat in dysenteria his penè verbis: *Huius ubi purgaueris caput, pharmaco in potu exhibito, quod sursum pituitam purgat &c.* Sanè, cùm vomitus reuellat, qui præcipientes ad intestina delabuntur humores, non parum in dysenteria opitulari poterit; quo consilio in aphorismis etiam decantauert: *Diarrhœa si vomitus superueniat, bonum; quod primo de morbis indicit adhuc liquidius: à profluuiio alui valido correpto vomitus superueniens, bonum.* Rursus libro de affectionibus num. 26. diarrhœæ curationem asserens, aiebat. *Hunc sursum verus ressecato, veratro in potu dato.* Adhuc eodem libro de affectionibus num. 28. de cholericâ passione verba faciens, hæc habet: *Si verò non cesset (bilis videlicet supernè, & infernè fluxus) velis autem sedare, vomitum à cibo, aut lenticule decocto facito.* Neque dicat quis, aliam esse dysenteriam, aliam verò diarrhœam; quandoquidem in eodem proximè nuncupato libro de affectionibus Preceptor conuimiles esse morbos hosce, decernit, eandemque curationem requirere, tradit; sic enim ille. *Hi morbi dysenteria inquam, & lienteria, ac diarrhœa, siue profluuium ventris conuimiles sunt, & oportet ipsos sic sanare, ita ut defluxum à capite, & superiore ventre intercipias, aut auertas: morbi enim natura hinc est; & nemo sententiam tuam reprehendet.*

Porro hæc omnia præstat vomitus in dysenteria, aliove quocunque aluino fluxu, quod cuiusdam Atheniensis viri historia tandem probatum volo ex 5. Epidemion num. 4. ubi hæc leguntur: *Athenis virum cholera corripuit, vomebatque; & deorsum egerebat, & dolebat, & neque vomitus, neque per aluum secessus sisti poterat; mox post aliqua subdit: Verum secessus multò copiosior erat, quàm vomitus. Hic veratrum in lentium succo bibit, & alterum lentium succum insuper bibit quantum potuit, & postea vomuit; & coacta sunt, ac astricta ipsambo.*



SYN-

SYNCA T A T H E S I S.

IN Coacis vomitum damnat triplici nomine, primò scilicet, quòd sit biliosus, secundò, quòd fiat ab initio, addam tertio quòd sit spontaneus. Vt biliosus, malus utriusque est, quoniam bilis ipsius copiam, & furorem arguit, quando sursum, ac deorsum, affluit utrobique prava symptomata excitans. Vt sit ab initio, humorem symptomaticòs tantum ferri, arguit, quæ enim ad salutem fiunt, non statim apparent, nihilque criticum in principio fieri assolet. Vt spontaneus, deterior existit, quoniam naturæ ere-thisimum arguit, & morbi imperium à maligna humoris qualitate. Ita in aphorismo 21. quarti libri dicebatur: *Deiectiones nigrae, cuiusmodi est sanguis niger, quæ ultro diffluunt, tum scum febre, tum sine febre calamitosa: sed si vi epoti medicamenti ferantur, præclarius ad salutem apparent: & faciunt.* Indicatur enim à spontaneo symptomatico effluvio indomiti species humoris, visceris alicuius insignis vitium, naturæ fatiscens virtus, nec non retentricis facultatis imbecillitas.

At libro de affectionibus vomitum Magister admittit, qui medicamenti vi cientur, ut pituita è ventriculo educatur, atque simul humores, qui erant *κατὰ ἐξοχὴν, ἀνὰ ἐξοχὴν* reddantur. Nec statim ab initio illum fieri decernit, sed ubi caput primum repurgatum fuerit. Næc apage mireris, quod senex pituitam repurgari, iubeat è ventriculo, cum non ipsa, sed bilis dysenteriae sit causa; nam fuit Hippocrati mos verè laudabilis, in omnibus morbis etiam in febribus à bile oriundis capiti, & ventriculo primò consulere, ne scilicet socij malorum fierent cum patientis interitu; est nempe verum illud in primis, aut omnes morbos à capite originem ducere, aut saltem incrementum capere, quoad ventriculum verò, hunc salubre semper est expiare à cruda colluvie, cuius per vomitum excretio in dysentericis reuulsiois vim summam obtinet, bilisque per intestina furentis infrenat impetum, in quem finem solùm ab Hippocrate in lenteria, diarrhoea, ac dysenteria alibi probatur vomitus.

ANTI-

ANTIPHONIA XXI.

Lac biliosæ excretionibus, & flatulentis visceribus an conveniat.

T H E S I S.

Is omnibus, quibus biliosæ sunt excretiones, quibusque hypochondria, flatibus distenta murmurant, lac interdicit Hippocrates quinto aphorismorum 64. his verbis: *Lac dare febricitantibus, malum, & quibus suspensa quasi pendula hypochondria murmurant, & quibus biliosæ deiectiones.*

Febre, de qua infra, cæterisque omissis affectionibus, de lactis usu, quatenus erysi biliosæ, ac flatulentia adversatur, hic thesis probabitur. Sanè in biliosa maximè aluo lac facillè corrumpitur, inque bilem degenerat, augetque fluorem; quinimò ex incendio, quo cum visceribus aliqua regio, ac naturalis tota œconomia conflurat, in putrilaginem totum abit. Id non ægrè sibi quisque persuadebit, si lactis trigeminam portionem expendet, butyrosam videlicet, caseosam, serosam; & primum quidem quoad butyrum, hoc ut pinguis facillè in bilem conuertitur, ignescit, ac flammatur; ideoque dum lac concrevit, instar olei supernatat, multisque gentibus in lucernis adhibetur, ut oleum; est enim facilis inter symbula transmutatio; atqui bilis, eodem Hippocrate auctore in libro de morbis, est sanguinis pinguedo. Quoad verò caseosam partem, abit & in nidorem ocys, indeque æstui, & acrimoniae addit humorum. Serum tandem in quo nitrosa, ac salmacida quædam reperitur qualitas citatæ aluo, cui non est opus calcare *χαρχαις μόν*, auget; atque adeò ubi diarrhœa biliosa præsens est, lac nullo capite aridet.

Cæterum eadem ratione flatuosis hypochondrijs tota substantia laetis inflata est, quod hinc flatus exaugeantur, ventriculus repleatur, & cruditates producantur, ut ideo non pauci ex eodem in colicam inciderint.

ANTI.

I X A N A T I T H E S I S .

Verum si sic est, cur antiphonos factus est Hippocrates libro de victus ratione in morbo acuto, num. 61. ubi in cholera, cui venter inflatus est, strepitumque facit, lac exhibet & audiamus illum: *Et oleum dato, ut & quiescat, & alius subeat, & solvatur morbus: à cibis vero, & alijs abstineat. Si vero non remiserit dolor, à sininum lac bibendum dato, donec purgatus fuerit.* Etenim eo videri potest sententia hæc absona magis, quod oleum, & lac vomitum excitent, à quo tamen eo in morbo cavere ægrotantes debere, ipse præcipit. Ita etiam libro de affectionibus num. 24. lac in dysentericis commendat his verbis: *Huius ubi purgaveris caput pharmaco in potu exhibito, quod sursum pituitam purgat, & alium lacte cocto elueris, reliquum corpus curato.* Astipulantur ferè Græci omnes, Trallianus, Galenus, Aetius, qui in dysentericis fluxionibus lac admittunt potatum non minus, quam per clystum injectum.

Neque rationes deſunt, quibus hæc ſulciatur ſententia: Nam lac in primis bilis feruorem, & acrimoniam, ventriſque morſum, ac viſcerum æſtum temperare, mulcere, ac ſedare poteſt. Rurſus quoniam deorſum purgat, bilioſam colluviem, cuius cholericæ paſſio ſoboles eſt, ſauſte deturbat. Cæterum quod ad flatuſ, quibus hypochondria diſtenta boiboryſmo perſtrepunt, neque lac reprobari debet, in huiusmodi namque affectione flatuſ à himio feruore, ac ſiccitate oriuntur: quare lac refrigerando, & humectando efficientem ſaltem cauſam compeſcet, ac moderabitur. Nonni non paucos, qui ex hac ipſa cauſa flatuum generationem gelida potu inhibent.

S Y N C A T A T H E S I S .

Vt lymphonos reddatur Hippocrates, dicat, illum in aphorismis lac prohibere, ubi excretiones bilioſæ aſtatim ſunt, quales contingere ſolent in diarrhoea à bilioſa colluie. In libro autem de victus ratione in acutis non de quacunque cholera, verum de ſicca duntaxat verba facere; inquit enim, *in cholera ſicca venter inflatur: in ſicca vero nihil egeritur proſuſ, ne dum bilioſæ reddantur excretiones, quod Hippocrates aperte fatetur ijs verbis: Secedit autem nihil deorſum, ſed alius adſtricta eſt.* In hac igitur merito & oleum, & lac propinat, ut quamprimū

mum subeat aluus, vnde tota salutis spes affulget. Hinc ille: *Talem adseruato, vt ne vomat, sed aluus subeat. Infusum itaque calidum, ac pinguiſſimum quàm citiſſimè per clyſterem immittito, & oleo illitum in aquam plurimam calidam demittito in ſolium reclinans, & paulatim affundens. Et ſi caleſcenti ipſe aluus ſubierit, morbus ſolutus eſt. Et infra: Et oleum dato, vt & quieſcat, & aluus ſubeat, & ſoluatur morbus.*

ANTIPHONIA XXII.

Lac febricitantibus an conferat:

T H E S I S.

OMnium inſonat auribus illud Hippocratis 5. Aphorif. 64. *Lac dare febricitantibus malum.* Quod nimirum abundè ſuadet ratio; nam lac putreſcit facilè, acoremque aſciſcit ocyùs; non ergo in febris, quarum idea calor præter naturam, & cauſa putrilago vt plurimum eſt, conuenire poteſt. Rurſus lac apprimè ſiticuloſum eſt, quo cõſilio in præfato Aphoriſmo polydiplis interdicitur; igitur in febris, quibus præ feruore, & areſcentia comes ſit perpetuò ſitis, ab illo abſtinere conſentaneum erit. Adhuc lac in febris præſertim acutis, ſi propinetur, periculum eſt, ne ab ipſo febrili calore non ſine magno vitæ periculo in ventriculo coaguletur, quippe teſte Philoſopho 3. de hiſtor. animal. cap. 20. *Nullum lac coit frigore, ſed ſerum potius trahit, igne nimirum omne ſpiſſatur, & craſſeſcit.* Sed quid multa? Cum ex triplici ſubſtantia lac omne coaleſcat, caſeoſa, butyroſa, & ſeroſa, nulla ex his prorsus febris aridare, immò potius inſidiari valebit. Conſtat id nimirum liquidò, quoniam caſeoſa portio in nidorem abit, ſitim acuit, caput vaporibus opplet, feruorem auget, obſtructionem efficit, aliaque parit ſymptōmata, quorum vel apud ſanos eſt caſeus fecundus auctor: Butyroſa inflammatur leui negotio, cum enim pinguiſſima illa ſit, flammam à febrili calore continuò concipit, ipſamque adauget febrem. Nimirum eo cõſilio pingua, & oleoſa quæ in febris declinantur, quoniam inbilem facilè degenerant, vt facilis eſt inter omnia ſymbola conuerſio

uersio; Etenim bilis est humorum pinguiſſima, vt 4. de morb. num. 23. præcipuè his verbis Præceptor habet. *Caleſcente ſanguine exhalat maximè per hunc humor aquoſus, qui feбри eſt infeſtiſſimus, relinquitur autem pinguis, ac leuis, qui eſt bilioſus, & feбри maximè nutrimentum eſt.* Et hoc inſuper conſilio ab Hippocrate dictum arbitror, quòd febris omniſa à bile oriatur; cùm enim hæc inter humores omnes leuiſſima, atque pinguiſſima ſit, ante alios in flammam abit, deinde verò cæteris communicat æſtum. Eò pariter collimat illud eiſdem 4. de morb. *Quibuſcunque hominibus febris incidit, ſi nihil aliud malè habeat homo, à pinguiore, quàm oportet exiſtente humore incidit.* Confirmat 6. Epidem. ſect. 6. in principio ubi ſic. *Et quibus quidem pingue, bilis flaua; & in eodem libro ſectione 5. textu 14 cū dixiſſet. Lingue chloræ bilioſæ, ſubdit bilioſi autem à pingui.* Enimverò dum ſanguis æſtuat, & efferueſcit, indeque exurit, tenuior eiſ pars in bilem vertitur, quæ pinguedini aſſimilatur, innatatque cæteris in humoribus tanquam oleum.

Denique neque ſeroſa lactis portio feбри aridet, ſiquidem ſerum nitroſæ cuiuſdam qualiſtis eſt cõſors: atqui ſalſi, & nitroſa febribus omnino reclamant; quamobrem lib. de vict. ratione in acutis de febribus loquens Hippocrates aiebat: *Et nihil ſalſum exhibendum.*

ANTITHESIS.

Libro interim de viſtus ratione in acutis num. 34. prædictorum ſenex oblitus, vel in ipſa ardente febre lac præſcribit; illa ſunt verba: *Et ventrem chyſteri ſoluere, ſi verò ad hæc non ſoluatur, lacte aſinino cocto purgato.* Id quod eò magis abſonum videri poteſt, quòd lac huiuſmodi aluum turbat; vt autem in Coac. prænotionibus teſtatum reliquit Hippocrates: *In febre ardente ſi aliud eruperit, mortale.*

Nec tamen ratione ſua deſtituitur præſens hoc theoremã; ſiquidem lac aſinæ, quod vberè ſeroſitate diſſluit, in magna præſertim copia ſumptum, bilem, quæ cauſi cauſa eſt, abundè deturbare valet. Neque interim detrimenti quicquam aſſeret vel butyroſa, vel caſeoſa eiſdem portio, quoniam parum in ventriculo immoratur; quin eiſ ſubſtantia valde modicum multo ſero dilutum ſtatim effluit; quamobrem nec nidorem, nec acorem concipere valet; immò ea, qua præditum eſt ſerum, deiectiona facultate luccos, ichoresque bilioſos, ac ſalſos educet. Nec quia nitri aliquid redolet

dolet, febris circò infestat, quoniam & Rhabarbarum, scammoniumque alioquin apprimè calida febrem oppugnant, quia nimirum illius ablegant causam, bilemque deturbant.

Præterea lac in ardente febre opiparè sumptum efficere potest, ne in peripneumoniam vel metastasi, vel epigenesi illa degeneret, quippe facilis est à causo in pulmonem inflammationum transitus, ut 2. de morb. num. 61. nec non in Coac. prænotion. b. testatur. Hippocrates; quin primo de morbis hæc palàm leguntur. *Et ob hoc etiam ex febre ardente, & ex pleuritide maximè morbi mutantur, ubi enim supernus ventriculus supercalescens fuerit trahit in se ipsum, & suscipit pulmo, & fit peripneumonia.* Adde insuper, quod synthesis, idest colliquatio, quæ etiam præ vredine in ardentibus febribus frequentissimè accidit, lactis asinæ vberissimo haustu inhiberi potest.

Denique ex hoc eodem lacte periculo defunguntur, qui ardente febre correpti sunt, in hecticam intemperiem, ut solent, degenerandi. Nam præ nimia siccitate solidæ partes arescunt, actandem squalent iuxta illud Hippocratis in libro de morbis; *Quicumque ex febre ardente moriuntur, omnes præ siccitate moriuntur.* Ita aliquando viri cuiuspiam à febre ardente perempti secto cadavere inuentum est cor crematum, & veluti in carbonem conuersum.

SYNCATATHESIS.

Nusquam, & nunquam discrepat à se ipso Hippocrates, nullibi est antiphonos, quare, ut sententiarum ostendatur omnia, præludendum primò erit, lactis pro diuersa animalium specie, multiplicem esse differentiam, quippe humanum inter omnia primas obtinet; nam quemadmodum inter animantium omnium eucrasias humana est præstantior, ita & sanguis, ætres reliqui humores, succique omnes in sano homine meliores existunt. Post humanum ouillum commendatur, huic proximè accedit caprillum, mox bubulum, inde equinum, & asinum succedunt.

His ita prælibatis, aio insuper, lac omne vel ut alimentum, vel ut medicamentum usurpari posse. Ut alimentum damnauit Hippocrates in Aphorismis, ubi lacti febricitantes interdicit, cum enim in minori copia nutritionis gratia hauriatur, & ouillum plerunque, aut bubulum, in quibus casei, butyrique prævalent, partes assu-

man-

mantur, omnia illa enarrata incommoda parere potest, eòque promptius, si arte fuerit elaboratum, ut solet frequentius in mensis usurpari, nempe recocta, caput lactis, vel quæ iuncta dicitur. At verò ut medicamentum, dapibileque sumptum, quomodo in antirhesi comprobatur, asininum præsertim, quod longè est dilurius, vel in ipsa ardente febre hauriri potest tum refrigerationis causa, tum euacuationis per aluum. Nempe lac ut alimentum sistit, ac diu in ventriculo moratur, atque adeo, si febris adèrit, in nidorem facile abire poterit, halitus ad cerebrum mittere, putredinem ab extraneo calore subire, nec non etiam in bilem conuerti; etenim ut alimentum coqui, ac transmutari debet. Ut medicamentum verò ocyùs defendit, parum immoratur, nec coquitur, nec assimilatur, abluit, bilem deturbat, intestinorum colluuiem expurgat, humectat, refrigeratque assatim.

Cæterum quod Hippocrates in magna copia, ideoque ut merum medicamentum lac propinari, iubeat, patet ex eo. liquidò, quod non minori quàm sex, vel septem librarum pondere exhiberi, statuit; ita quarto Epidemior. Eratolai filio nouem cotylas proposuit, quæ vnâ n. supra octuaginta uncias pendunt. En verba: *Bibenti lactis asinini excocti quasi nouem attilas cotylas duobus diebus biliosa purgatio uehemens oborta est, & dolores cessauerunt, & ciborum accessit appetentia.* Quin in sideratis, & comitialibus, ut lib. de ratione victus in acutis legitur, ad duodecim, vel etiam ad sexdecim heminas proponit; pender autem hemina attica nouem uncias, quare ultra duodecim libras exhibetur.

Præterea arbitrari fas est, aphorismum illum quintæ sectionis ita esse intelligendum, ut nimirum lac euitetur, ubi simul omnia illa symptomata conuenerint, non autem cum eorum quodpiam reperitur; alioquin ni ita foret, vix vnquam lacti locus esset; Quo circa lac malum erit in febre, cui tota illa accidentium syndroma iungetur; quod nimirum ex eiusdem aphorismi postremis, verbis colligitur, ubi dicitur: *Sed conuenienter etiam ad diuturnas febres, & lentas præscribitur, si nihil eorum, quæ dicta sunt, adsint;* hoc est quod nec sitim habeant, nec borborygmum, nec biliosas excretiones.

Nec Baricelli opinio in suo de lacte opusculo mihi plausibilis accedit existimans, non in quocunque causo lac Hippocrati probari, sed in eo duntaxat, quæ à salsa pituita oritur ducit; siquidem in libello de vict. ratione in acut. de causo à bile potius oriundo sermonem habere videtur, inquit enim: *febris ardens fit, quum resicca-*

resiccata venula hora aestiva acres, ac biliosos serofos humores in se ipsas traxerint.

Parergon. Placet Hippocrati, lac huiusmodi excoqui, ut malitia omnis corrigatur, excrementitia humiditas abeat, ventriculo minus negocium faceffat, ac genuinam ad putredinem deponat aptitudinem; quo consilio tulit etiam apud Hippocratem consuetudo lacti vinum admiscendi, ut 6. Epidem. & 7. in relata Eratolai historia palam fit: perlege, si lubet.

ANTIPHONIA XXIII.

*In tertiana qua die sit exhibendum
pharmacum.*

T H E S I S.

Libro de affectionibus num. 18. Hippocrates pharmacum exhibendum esse, docet in quarta die: sunt hæc verba: *Tertiana febbris cum apprehenderit, si quidem videbitur tibi non purgatus esse, quarta die pharmacum dato.* Sententia ratione fulcitur; quandoquidem cum die impari humor biliosus tertianæ febris auctor moveatur, cumque medicamentum, qua die humor mouetur, exhibere sit nefas Hippocrate libro de morbis auctore, iccirco quarta die pharmacum iure præscribitur. Adde, quod quarta dies in tertiana, quæ quatuordecim dierum spatio absolui plerunque solet, est principium; iam in principio, si quid mouendum erit, mouere expedit, ut in aphorismis sancitur, quo loco videat, qui vult Galeni hypomnema, rem enim basilicè explicat.



A N T I T H E S I S.

Secundo autem de morbis num. 38. non in quarta die, verum in nona, post quartam scilicet inuasionem pharmacum propinandum esse decernit hoc sermone: *si tertiana febris tenuerit, si quidem non omisis tribus inuasionibus, quarta corripiat, pharmacum deorsum purgans libendum dato.* Confirmat eandem pragmatiam eodem 2. de morbis num. 36. ubi febres à bile describens, post multa sic ait: *Quum sic habuerit, & ad nonum diem deuenit, pharmacum dato. Nam si statim à febris initio dederis, postquam purgatus est, febris repetit, & rursus medicamento opus habet.* Adhuc num. 37. eiusdem libri aliam febrem à bile proponens, monet, ut pharmacum exhibeamus postquam febris cessauerit; verba sunt: *Vbi verò sedata fuerit, pharmacum deorsum purgans bibat.* At omnium luculentissimus est locus apud Hippocratem libello de medicamentis purgantibus quarto, ubi hæc registrantur: *quicumque igitur à febris fortibus corripiuntur, his medicamenta purgantia dare non oportet, donec remiserit febris; sin minus saltem non intra quatuordecim dies; carnes enim ipsorum, & ventres quum calidi sint, medicamentum assumunt, & nihil depurgantur, & febris maior fit, & color euertitur, & morbi regij speciem præ se ferunt &c.*

Probatur insuper rationibus, & quidem primò: pharmacum ab initio nulla ratione conuenit, quoniam ab initio materia haud est coctione edomita; est autem decantatum axioma: *concocta medicari, & cruda non mouere.*

Secunda ratio est illamet, quam adducit Hippocrates, quòd nimirum à principio si detur medicamentum purgans, nequaquam sperare possumus, quòd febris non reditura sit: at post quartam accessionem id contingere non difficile potest; siquidem post quartam accessionem est in promptu status, ac vigor ipsius morbi; in vigore autem est iam facta in maiori parte coctio, atque adèd boni succi à malo separatio, vnde purgatio feliciter cedere potest.

SYN-

SYNCATATHESIS.

IN libro de affectionibus pharmacum in quarta die præscribit ob ingentem cacochymiam, quæ appareat; quod significatur ijs verbis: *si quidem videbitur tibi, non purgatus esse*; quippe receptum est illud apud scholas, etiam in principio, ubi purimum impura premit humorum sarcina, minorans dictum medicamentum tutò usurpari posse. Vel si mauis, dicas, intelligere eo loci Hippocratem de primarum varum expiatione, de qua verè intelligit in illo aphorismo, quo ait: *si quid tibi mouendum videtur, in principio moue*. In libro verò de morbis loqui de pharmaco eradicatorio, quod, nisi materia turgeat, in febrium, atque morborum declinatione duntaxat conuenit; hoc enim tempore pepassi conspicua sunt signa.

ANTIPHONIA XXIV.

In quartana qua die purgandum.

T H E S I S.

PRimo aphorismorum 11. sancitum illud inuiolabili lege à medicis seruandum inscribitur: *In accessionibus subtrahere conuenit*; id quod non magis de victu, quam de medicamentis intelligendum, siquidem ecquis pharmacum in principio paroxysmi impunè assumeret? aut quis in eodem præscribere non temerè auderet? In hunc nimirum caderet Hippocratis maledictum illud: *turpis est calamitas purgante medicamento dato hominem occidere*. Nempe id si fieret, agrotantis natura geminata premeretur afflictione, à paroxismo videlicet, & à pharmaco; quare succumberet necessario à duplici hoste deuicta, ac bicipiti gladio transfusa: quod si nefas est eos, qui continua febre detinètur, in imparibus diebus purgare, quòd in illis humor natura sua moueatur, quantò deterius erit catharticum in ipsa febrium accessione propinare, in qua non solum sunt humores ad ventres refluui, verum etiam natura vndiq; premitur, ac vexatur? Nempe

O 3 magnum

magnum inde in primis hypercatharsis immineret periculum, quemadmodum 4. de morbis num. 21. ijs verbis monemur. *Quicumque iam à febre continua correpti pharmaco vti sunt in diebus paribus, hi nimium purgati nunquam sunt; qui vero in diebus imparibus medicamento forti vti sunt, nimium purgati sunt: & patet infra: humor enim in corpore aegroti magis turbatur in diebus imparibus, mirum corpore humorem ad ventriculum transmittente, & si quis iam turbatum adhuc magis perturbet medicamento immisso, nihil miri est, hominem inde perire.*

AN T I T H E S I S.

AT si vera sunt hæc, cur in quartana pharmacum sursum versus purgans iubet, in ipsa accessione propinari. Editum perlegamus in lib. de affectionibus num. 19. *Si vero quartana apprehenderit, si quidem impurgatus fuerit, primum caput purgato, & interpositis tribus, vel quatuor diebus, pharmacum sursum versus purgans dato in ipsa accessione.* Et ne quis putaret, in ipsa apprehensione, seu paroxismo præscribi duntaxat vomitum, quem etiam in tertiana molimur interdum, dum ex bilis ad os ventriculi anadrome syncope, aut cardiognos imminet, subiungit Præceptor: *Et interpositis diebus rursus aliud deorsum purgans dato in ipsa apprehensione.* Comprobat hoc idem dictatum quinto Epidemior. 60. ubi cum dixisset: *subpurgare ventres oportet in morbis, cum concocti fuerint &c.* subdit: *alios autem sursum in paroxysmis tunc enim sua sponte subleuantur, cum anxij, & capite grauati fuerint, & se iactarint;* quod idem penè ad verbum repetit septimo Epidemior. 61. nec registrare ab re existimo: *subpurgare ventres in morbis, postquam concocti fuerint, quæ mittenda sunt, infernas quidem cum confedisse videris.* Signum si iam non anxij, nec capite grauati sint, & cum cessauerint post paroxysmos. *Supernas autem in paroxysmis, tunc enim etiam ipsæ superferuntur postquam anxij, & supernis partibus grauati sunt.* Hæc præcepta 2. de mor. bis exarant, ubi quartanæ curationem proposuit; siquidem veratrum album in ipsa accessione exhibendum præcipit: hæc sunt verba: *Altera vero exacerbatione, ubi multa calida laueris, & stragula ipsi intexeris donec excedet, statim veratri albi radices trium digitorum longitudine, & trifolij drachmam, & succi silphij duarum sabarum magnitudinem in vino mero bibat; & in fine: quum vero exacerbatio ipsum inuasit, ieiunus medicamentum imbibat; quasi ad faciliorem vomitu-*

vomitionem cibus ante pharmacum adhiberi debeat.

Legem hanc promulgauit Magister hac ratione impulsus; quod rebelles humores, quales sunt melancholici, tunc expurgari auxilio pharmaci debeant, cum illi a natura turbantur, & impelluntur, sic enim ad *καυσιν* promptius inclinabunt, cum alioquin vis solius medicamenti, ut sunt valde resistibiles, naturæ expellenti minus obediant. Rursus ideo in paroxysmis sursum purgans conuenit, quoniam, ut Hippocrates ipse ait, humores tunc sponte sua sunt *ἀναγεσσοι*, leuique impulsu efferuntur.

SYNCATATHESIS.

Symphonos reddemus dissonantes hosce textus, si dicamus primo, Hippocratem libro aphorismorum de acutis morbis, qui a bile oriundi sunt, præceptum tradidisse; bilis enim, quæ faciliè orgasmum concipit, medicamento cieri non debet, quo tempore sponte impellitur: Libro verò de affectionibus de chronicis affectibus, maximèque de ijs, qui ab humore melancholico pendent, cuiusmodi est quartana, dictasse; hic enim succus natura contumax, ac terrestri vix medicamento obedit, nisi quo tempore propulsatur a natura.

Secundò haud ab re dixerimus, libro de affectionibus Præceptorem nequaquam locutum esse de pharmaco vniuersali totum respiciente corpus, verum de peculiari duntaxat ventriculum expiante; hic enim cum in quartana cruditate plurima scateat, ut ex iugi pthelismo sit palam, cumque cruditas in ipso paroxismo fluctuet, ac turbetur, opportunum ideo tunc tempus censetur emeticum aliquod pharmacum propinandi, eo prorsus modo, quo in simplici tertiana, in qua bilis ad os vetriculi fit anadrome, ad cardialgiam euitandam, ac syncopen præcauendam vomitum in ipso paroxismo præscribimus; tunc enim, quia humor est in motu, excitata in ephodon suam natura medicamento cienti, & naturæ expellenti obedit promptius, fitque absoluta magis expurgatio.

Caterum etiam pharmacum vniuersale decusum purgans iubet Hippocrates, ut in ipsa accessione propinetur ea ratione ductus, ut melancholicus humor terreus natura, atque adeò medicamento attrahenti haud faciliè obtemperans liberaliùs deducatur geminato impulsu, naturæ scilicet, & pharmaci. Neque sanè his in humoribus, qui natura sunt segnes, ac pertinaces, hypercatharsicos periculum imminet, ut in biliosis, qui

ut facillè turgent, ita quoque effrenes effluunt.

At non est hic silentio prætereundum, quòd Hippocrates vomitum probat in quartana non in accessione, ut Caluus legit, sed κατ' αὐτὴν τὴν λήψιν, idest sub ipsam accessione, ut Foësius, vel circa ipsam accessione, ut alij; medicamentum verò purgans ἐν αὐτῇ τῇ λήψει, idest in ipsa accessione, eo consilio, ut emeticum electiuum, utpotè veratrum, cuius in curatione quartanæ meminit secundo de morbis, in vigore accessione viribus suis ad vomitum cum natura coincideret: deorsum purgans in declinatione ipsius apprehensionis vim suam exereret; & est illud idem, quod ex septimo Epidémion 61. superius afferebamus: *infernas quidem cum confedissee videris. Signum si iam non anxij, neque capite grauati sint, & cum cessauerint post paroxysmos; supernas autem in paroxysmis; tunc enim etiam ipsi superferuntur postquam anxij, & supernis partibus grauati sunt.*



AN-

ANTIPHONIA XXV.

In articuloꝝ doloribus quando purgans medicamentum propinari debeat.

T H E S I S.

Libro de affectionibus num. 30. de coxendice Magister agens, eius curationem ita instituit, vt anodyna prius, & emollientia vsurpentur, mox verò vbi dolor quieuerit, pharmacum propinetur: verba sunt illa: *Huic confert, quando dolor tenuerit, mollire in quacunque tandem corporis parte dolor haerit per balnea, ac tepesfactoria, ac fomenta, & alium subducere. Vbi vero quieuerit dolor, pharmacum dandum est infra purgans.* Confirmat libro de internis affectionibus num. 54. vbi pariter de ischiade agit; ipsum audiamus: *Ceterum eum, qui à sole hoc morbo correptus est, sic curare oportet: Corpus ipsius fomento humectetur, & cibi, ac potus, & alia, quae exhibentur, tepida, ac humida praebeantur, atque haec omnia cocta. Cibo utatur maza molli, vino dulci non subacta. Vinum bibat album, aquosum, & corpore quietem habeat, & quamuis impotens fuerit, vt exurgat, tamen modicè singulis diebus deambulet: & ne frigeat, & non multa aqua lauetur, & quum tibi bene habere visus fuerit, & corpore humidus esse, leni fomento vehementer foueto, magis enim remittit, & curationem, & condensationem ex articulis humectat, ac relaxat. Deinde postera die cnidium granum bibendum dato. Constat adhuc sibi libro de viuis ratione in acutis num. 64. vbi eos omnes recensens, qui à purgante medicamento excludi debent, haec addit: *Et quibus vehemens dolor incurrit, & non superauerint.**

Interim nec ratio deest; nam praesente dolore, qui semper attrahit, si humores pharmaco commoueantur, facilius ad ipsas partes dolentes affluunt; vnde mox augebitur dolor, & inflammatio. Insuper cum dolor spiritus apprimè dissipet, ac vires resoluat, non licet *καθάρσις* imbecilliores eosde m reddere.

AN.

A N T I T H E S I S.

AT in eodem libro *πρὸς τὸν πῶτον*, quod magis est mirandum, & in subsequenti textu, ubi de arthritide, oppositam è diametro protulit sententiam: sunt hæc verba: *Quum verò dolor intus fuerit* (legit Foësius, *cum verò dolor adfuerit*) *pharmacum infra purgans bibendum dato*. Confirmatur antitheton sexcentum eiusdem Hippocratis auctoritatibus, qui in doloribus etiã principum partium, ijsque valde vigentibus pharmacum deorsum purgans propinat. Selectiores quosdam afferamus. In libro de victus ratione in acutis textu 52. in magno pleuritidis dolore, qui ad hypochondria declinet, deorsum purgante pleuritico pharmaco utitur. Rursus 3. de morbis num. 3. de sideratis, & ictis verba faciens, aiebat sic: *Si verò dolor tenuerit, infernam aluum purgare oportet*. Ibidem textu secundo in cerebri dolorosa repletione infernam, & supernam aluum expurgat. Adhuc secundo de morbis textu 52. in pulmonis erysipelate, in quo dolor dorsum tenet, deiectionum pariter pharmacum præscribit. Præterea libro de internis affectionibus num. 19. in morbo illo venarum cauarum magno nuncupato, in quo caput præ dolore quasi diffringitur, elaterium bibendum præcipit. Et in libro eodem textu 51. in morbo crasso appellato, urgente dolore, nigrum veratrum exhibet. Item sexto Epidemion in graui renum dolore à calculo elleboro purgat, iuniores præsertim. Et quinto Epidemiorum, quod magis ad rem facit, Eupolemo coxendicum morbo laboranti pharmacum, idque validum *κατὰ* expurgans propinauit. Quid multa? Libro de Iudicationibus 11. *In doloribus*, inquit, *qui graues spuriam costam afficiunt, ijs solutio fit vena sectio, & purgatio deorsum*. Ita libello de veteri medicina textu 34. in illis, quos acuta, acrisque, ac aruginosa bilis affligit, quales mox rabies, & morsus viscerum, ac pectoris, & desperatio? Non sedantur autem hæc prius quàm eadem expurgetur, & prosternatur, & alijs permisceatur. De mun. lib. 2. Prædiction. textu 15. podagricos dolores dysenteria sanari, scribit Magister idem, quo fortè consilio libro de internis affectionibus acerrimum clysterem incijciendum, iubet, urgente dolore. Enimverò Natura est Medicus, a s verò medica Natura imitatrix.

Nec sanè insuper deest suadela ratio; quippe in omni dolore exhibitum pharmacum infernè purgans doloris causam & reuellet, & euacuat. Adhuc frustra conamur mulcere dolorem, nisi antece-

recedentem, & coniunctam causam deturbemus, quod purgante medicamento consequimur. Corollidem appingam. Superuacaneum quodcunque pharmacum, & auxilium omne intempestiuum, & ἀχρηστον ceneri posse videtur, dum iam sedatus est dolor; quorsum enim remedia?

SYNCATATHESIS.

Quoniam in commentarijs nostris in librum de affectionibus oretenus in Urbis Athenæo trieterico labore dictatis hæc difficultas examinatur, hic haud multum prolixus siam. An fortè Hippocrates verbis illis: *cum dolor intus fuerit*, intelligat, quando iam fixus, & confirmatus fuerit, ita ut non amplius ab affluente, sed ab impacto dantur, ut humore excitetur, hoc enim purgationi opportunum tempus communiter censetur? At qui non integrè ex his conciliatur sententia; siquidem Præceptor pharmacum admittit, cum sedatus est dolor: iam tametsi rheumatismus quieuit, dolor tamen lacerare potest, præsentè coniuncta causa.

Dicamus ergo, quòd cum extremis morbis extrema remedia commodent, arthritis, ut extrema affectio, pharmacum, quod est inter medicamenta extremum, postulat. Iam enim vniuersi laborant artus; iam dolor susque, deque lancinat; iam patiens tanquam clavis transfixus immobilis iacet, igitur vel cum periculo opus habet atrectare remedia iuxta illud Hippocraticum dogma: *aliquid agere, & perichitari*. Nec periculum tamen erit, ne mota, & exagitata à pharmaco materia non modo inuexatos reparat articulos, sed & in alios, qui non laborant, irruat; siquidem iam artus patiuntur omnes. At in ischiade, & podagra non ita continget, turbati namque à pharmaco humores & ipsos coxendices, pedesque vehementius inuadere possunt, & superiores, qui nihil patiuntur, afficere ac malè torquere, quod est longè deterius.

Quid si dicamus in super, verbum illud, *ad fuerit*, ut transfertur à Poesio, tēpus præteritum, non autē præsens significare, ita ut sensus sit, purgandum esse, quando iam fuerit dolor, quod idem est, ac dum sedatus fuerit, seu quieuerit, ut alij exponunt. Et sanè si præcedentia verba perpendantur, verbum *in* præteritum tempus illic indicat, nam in superioribus præsentivtur tempore, ac præsentem dolorem designat; ait enim: *Huic, qua parte dolor detinet, refrigerantia ad mouere confert, & qua in ventre sunt per infusa, & glandem*

glandem subducere, & quicquid tibi profuturum videbitur sorbendum, & bibendum exhibere; inde statim addit: *cum verò dolor adfuerit.* Sanè dolor iam aderat; ergo dum dicitur, *adfuerit*, manifestè indicatur, quòd præterierit. Præterquam quòd verbum *est*, est Aoristus, siue tempus indeterminatum, quod tam præsens, quàm præteritum significare potest.

Profectò nullo conciliabitur labore antithesis, si hoc modo verbum *est* interpretemur, neque erit acuendum ingenium, ut Præceptorem ab antilogia vindicemus, à qua ut eximeret Martianus (parcant emeriti manes.) nihil protulit Hippocrate dignum; inquit enim, dolores intus esse, nil aliud fortè significare apud Hippocratem, quàm quòd licet sedati fuerint, eorum tamen causa adhuc in corpore superest. At non capit ingenium, qua ratione, adhuc superstitè dolorifica causa, dolor sedetur, & quicquid, & si quiesceret, male diceretur, *cum dolor intus fuerit*; siquidem neque intus, neque foris dolor vrgeret. Sic pariter minùs plausibilis accedit eorum opinio, qui ut Hippocratem tuerentur, dixere, dolorem intus esse à principio, quando scilicet materia intra articulum latet, nec dum foras expulsus est, ita ut membrum tumore nihil adhuc extuberet, ac tum licere purgans exhibere medicamentum; etenim eo tempore, quo humor totus in articulis cubat, ferociùs dolor vrget, & angit, soletque mulieri, ac remotti, dum externa pars intumescit, quare pharmacum eo tempore haud opportunum erit; iuxta Hippocratis illud præceptum libro de viscus ratione in acutis, abstinendum videlicet à catharticiis, dum vehementes dolores lancinant; quo consilio libro de internis affectionibus pluribus in locis dolores priùs leniendos esse monet in arthriticis, & mox pharmacum propinandum.

Atqui maius quid à nobis vos præstolari, arbitror, Esto; Expectationem non defraudabo. Cornarius ex Græco, vertit, *dolor intus*, quæ vox absque accentu circumflexo in postrema littera sonat, vetus, cuius vocis neque Caluus, neque Foesius meminere. Iam Hippocrates dum ait, purgandum esse, *cum dolor fuerit vetus*, idem est, ac dicere, *cum sedatus fuerit*, nam dolores, cum senescunt, remittuntur, & quiescunt; nam intensissimi dolores diu non perdurant. Confirmabo tanquam ex auctario huiusmodi Cornarii paraphrasin sententia quadam 6. Epidemior. registrata, sectione prima, numero 5. (quamvis nullius momenti Valesio visa fuerit) ubi legitur: *In Cranone veteres dolores frigidi, recentes calidi.* Porro luce clarius est, recentes dolores calidos plerunque esse, vel

vel per se, vel per accidens, affluentibus videlicet ad partem dolentem sanguine, & bile, quibus mox resolutis superstites sunt frigidi humores, qui non acutum, sed obtusum infligunt dolorem; quod palam fit in podagra, in qua ab initio sæuissimi cruciatus vrgent, transactis verò diebus leniuntur, ac sedantur; ideoque dolores, (id est dolorificæ causæ) veteres frigidi sunt; Quamobrem idem erit dicere dolores veteres, ac dolores non sæuos, non acutos, in quibus purgare fas erit. Et sic dum Hippocrates habet libro de affectionibus num. 30. *quando dolor tenuerit*, perinde est, ac dixisset: quando fortis, & intensus erit (tenere enim est dominari, ac possidere) atque tum à pharmaco abstinendum erit. Dum verò ait: *dum quieverit*, seu *dum adfuerit*, non omnimodam vacationem significat, sed mulcedinem, atque insignem remissionem, ita ut neque cogatur eger eiulare, neque vigilijs angatur, & alijs discrucietur angustijs, ac tum pharmaco purgare licebit.

Cæterum ad plurimas illas ex Hippocrate auctoritates, quibus in sæuissimis alijs viscerum etiam doloribus purgari præcipitur, respondeas, in doloribus, qui cum inflammatione sunt, ac febre, quoniam non dant inducias, statim purgandum esse, ac in alijs, qui nullo vitæ periculo iunguntur, satius est dolorum remissionem præstolari; quod Eupoleum quoque fecisse, verisimile est, nec non Lyconem in Oeniadis, qui, ut Hippocrates ait, ischiade cum laboraret, pharmaca bibebat. Neque vllum facessit negotium ex quinto Epidemiorum Scamandri historia, qui coxæ dolore vexatus, pharmacum bibit, & superbibit, & conuulsus mortuus est; nam ille non simplici coxæ dolore, sed sphacelo cum pure maligno detinebatur, vnde irrita fuerunt præsidia quæque, & intempestiuum etiam, ac violentum pharmacum vespere sumptum occidit; ut merito propterea subiungat Hippocrates: *Videbatur autem plus temporis sustinere potuisse, nisi ob vim pharmaci*.



ANTIPHONIA XXVI.

Frigida quibus partibus inimica.

T H E S I S.

Frigidorum vsus commoda, & incommoda edicturus Hippocrates quinto Aphorismorum 22. ea protulit verba: *Sedi, pudendo, utero, vesicae, his calidum amicum est, & secundum iudicij, frigidum vero his contrarium, & interimens.* Id ipsum penè libro de humidorum vsu repetit num. 11. de frigida verba faciens: *Verum podici, & utero non valde commoda est.*

Hanc Thesim suadet in primis ratio; quoniam cum vterus, vesica, & intestina nervosae compaginis existant (pendent enim ex illa mesenterij parte, quae mesocolon dicitur; mesocolon autem ex nervis de spina sub ventrem originatur, ut in libro de ossibus tradit Hippocrates) nervis nimirum ex eodem Hippocrate in aphorismis infensissimum est frigus. Neque amabo obmurmuret aliquis, quod similia similibus conferuntur, atque adeò nervi, qui frigidioris texturae existunt, à frigidorum vsu recreentur; nam, axioma illud in ijs duntaxat veritatem habet, quae excessu qualitatis non praevalent: intelligi debet, ut vno verbo dicam, de temperaturis, in quibus qualitates non admodum excellunt, sed mensura quadam ad æquilibrium ferè commoderata sunt; alioquin, quis vnquam affirmare impunè ausit, iuvenem biliosissimum, susque, deque feruidissimum servari melius ab æstuante aere, syrioque latratu, à feruidissimis exculentis, nec non capis, allijs, aromatibus, generoso mero, & congeneris, cum quibus ultra lineam similitudinem obtinet? Enimverò ab his breui temporis curriculo ad internecionem vsque obladeretur. Ecquis mediisfidius absque crimine affirmare è contrario contendat, senem, aut alium, quempiam natura frigidissimum oportere, ut conservetur, in aere degere frigidissimo, piscibus, oleribusque frequentius vesci, gelidamque tantummodo potare?

Præterea partes, quae nervosum redolent genus ab intenso rigescunt frigore, ubi verò rigiditatem naturæ sunt, suo defunguntur officio. Adde insuper, intestina, & reliquas recensitas partes ex angues

gues esse; atque sensu præpollere exquisito, idèdque frigore quàm maximè lædi, id quod præter alios expertus est Vespasianus Imperator, qui, Suctonio teste, *creberrimo frigida aqua usu vitiauit intestina.*

Rem ipsam nil minùs comprobatur experimentum; quandoquidem à summa vel aeris, vel aquæ frigiditate multos in conuulsionem abiisse, constat, resolutis neruis. A gelido potu, & niue maximè perfrigerato tormina, colicos, iliacosque excitari dolores, nemo est, qui ignoret. Mulieres, refrigerato ob intemperantiam, utro, toras conuelli, nemo vnquam inficiabitur. Tandem à gelido potu vel mortem aliquando repentinam superuenisse, scriptorum testantur monumenta. Liqueat ergo frigidum sed, & intestinis apprimè insensum esse; quod inde etiam confirmatur, quod scilicet non pauci ex sola insensone super lapides in alui cruciatum, atque tormina inciderunt. Et propterea non immerito malè audijt olim Brauola, vir alioquin sui sæculi præstantissimus, quod Serenissimum Ducem Ferrariæ, qui nulla ratione egerere, fortibus etiam enematibus, atque catapotijs quoq; assumptis, poterat, iussisset, ambulare nudis pedibus per marmoreum pavimentum; inde enim ob manifestū pedum cū intestinis consensum potuisset, frigus extremam alui inducere calamitatem; sed vir sagax, periculum subodoratus, statim de positis facibus ex generosissimo vino pedibus, ut noxam præcaueret, foci adhibuit.

AN TITHESIS

AT libro de affectionibus num. 11. magnus Præceptor in febre ardente clysterem ex frigidissimo infuso immittit, præcipit illa penè sunt verba: *Et si quidem non succedant, quæ insunt, frigidissima per clysterem immittantur, aut quotidie aut alternis diebus.* Rursus 4. de morbis popularibus num. 8. in ventris acutissimo dolore fotum ex frigidissima aqua usurpat; hæc sunt verba: *neque vomitu facto ab aqua frigida laxabitur, superfuse verò sunt ipsæ aquæ frigida amphora circiter triginta super corpus; & sanè hoc solum dolori ventris à catapotio accepto prodesse videbatur.* Huc etiam facit quod 3. de morbis num. 14. archat: *aquam frigidam plurimam in episthotono superfundito.* Sed omnium maxime vrget, quod 2. Epidemiorum sect. 6. Præceptor in voluulo vinum multum, idque frigidum probat, in voluulo autem nil, on teterri-
mè afficitur; verba sunt: *In voluulo tenui frigidum vinum multum secundum.*

secundum rationem dare, & sique dum somnus sit, aut crurum dolor fiat.

Porro nec desunt rationes; quæ dictatum illud tueantur; siquidem, cum in febre ardente viscera feruore torreantur, exarescant incendio præcordia, humorum fontes exhauriantur, intus foris, quæ exurantur omnia; venter præcipue exæstuet bile, atque, ut Seneca in Thieste.

Flagrat incensum firi

Cor, & exustis flamma visceribus micat. ab re non erit, imò valde operæpretium, si cum aliquem vel actu frigidum immittere, quod intestina maximè in excludendis fecibus suo fungantur officio, temperato fibrarum æstu, atque inducto refrigerio, nam non raro contingit, ut præintenso calore exarescentia intestina fatiscant, & quasi resoluantur, idèdque si frigida infundantur, ad sua munia reuocabuntur. Ita experimento didicimus, aquam frigidam ieiuno ventriculo sumptam alium absque læsione mouere; & licet intestina ipsa per se frigido temperamento inaufcorentur, quia tamen intra abdomen fiuntur, & vndique circumuallantur, & quia calidos ichores, & biliosos humores excipiunt, facumque putredinem iugiter feruant, semper feruent ex euentu; idèdque à frigido infuso, haud ita facile lædentur. Cæterum quod ferueant magnopere in febribus intestina, palam fit in primis ex insigni recrementorum siccitate, nec non ex eo, quod etiam lapides intra ipsa geniti sunt aliquando, vel citra febrem; lapides verò non à frigore intra corpus viuens, verum à calore coagmentatur, ut est iam recepta heotericorum omnium opinio. Si verò cuidam placeat Auctores perlegere, qui lapides ab intestinis excretos, inque ijs genitos viderint, adeat Galenum sexto de locis affectis, Auicennam, Rhasin, Isaach, Antonium Guainerium, Beniuenum, Brasauolam, Fernelium, Duretum in scholijs Hollerij, Matthæum de grado, Trincauellium, Sauonarolam, & alios apud Marcellum Donatum.

Intestinorum insuper feruor in ardentibus febribus redarguitur ex colliquatione, quæ illarum sæpè fit comes, vnde de victus ratione in acutis Hippocrates aiebat: *Qui ventrem infernum calidum habent, subeuntque acres deiectiones, & inæquales, hi à colliquatione id patiuntur.* Neque ad calcem reticendum erit, quod intestina calorem extraneum ubi conceperint, fortius retinent; quodlibet enim contrariorum si contrariam asciscat qualitatem, diutius est fortius retinet, quemadmodum corruptio optimi, ut est vulgata parœmia, omnium est teterrima.

SYN-

SYNCA TATHESIS.

Veritatem in vtrâq; sententia profert nobis Magnus Hippocrates; neque vsquam *obscurâ*, aut vnquam *hæc* inuenietur; frigidum enim inimicum tunc dicitur intestinis, dum cum eucrasia suo fouentur calore naturali, ac si extranea caliditate præferueat, inde temperari, ac maximè recreari, nemo ambiget. Venter etiam de neruoso genere existit, eique pariter infensum est frigus; in causo tamen gelidissimam aquam vsque ad satietatem propinamus, & in alijs naturalium partium, feruidioribus dyscrasijs frigidæ aquas per multos diem assatim, & abundè propinamus ipsius Hippocratis sexcentum in locis exemplo ducti. Noni nobis pados, qui ad Nucerios fontes digressi singulis diebus triginta, & vlt. à aquæ pondo breui horæ spatio assumerent. In vno ergo textu de statu neruorum partium secundum naturam Præceptor intelligit, in alio verò recessum à naturali statu respexit.

Dici fortè quoque potest, quod frigidissima infusa apud Hippocratem intelligantur potentia, non actu; qualia essent decocta herbarum apprimè frigidarum, calefacta tamen, vel saltem tepida adhibita.

ANTIPHONIA XXVI.

*Gurgulionem lumentem, seu inflammatum
an secare liceat.*

T H E S I S.

Libro Prænotionum num. 14. gurgulionis inflammati incisionem his verbis abiurât. *Gurguliones periculosi sunt, ut & rescentur, & saniscentur, quandiu rubicundi fuerint, & magni.*

Præceptionis rationes statim ipsemet apponit inquit enim: *Næ inflammationes ad os succedant, & sanguis eruptiones, vel ratione inflammationis, vel quia ut placeat Auicennæ 9. fen. 3. multæ tū venæ, tū*

hæc

P

ar.e-

arteriæ ad gurgulionem pertingunt. Et est nimirum Chirurgicum dogma, inflammata[m] partem nunquam aut vrere, aut incidere, aut secare. Addamus insuper, quod cum sit gurgulio articulata vocis, & concinnæ loquelæ instrumentum, absque huius læsione, atque deformitate incidi, ac secari non potest; Ita passim videmus, eos omnes, quibus ab ulcere gallico exesa est vula, nambus turpiter obloqui, ut vix percipiatur sermo, unde merito vocis plectrum gurgulio dicitur, & Galenus vndecimo de vsu partium ad vocis etiam magnitudinem conferre, tradit; ut mirum propterea videri possit, quod Nicolaus Florentinus monumentis tradidit sermone 7. summ. 2. tract. 1. cap. 24. nempe cantores quosdam, ut vocem ederent grossiorem, particulam hanc sibi abscindendam curasse.

A N T I T H E S I S.

AT vero 2. de morbis num. 26. manifesta legitur *ἀντίπρῆξις*; percipe lector: Si vula morbus in faucibus fiat: Summa gurgulionis pars aqua impletur, & rotunda fit, ac pellucida, & spirationem intercipit: & si maxilla ab utraque parte inflammata fuerint, suffocatur; si vero ipse morbus per se confusit maxillis non inflammatis, minus moritur. Cum sic habuerit gurgulionem digito apprehensum sursum ad palatum apprimito, & summam ipsius partem præsecato.

Nec citra rationem columellæ sectio præcipitur; nam præterquam quod molestissima est passio, ad eam mole[m] interdum excrescit, ut & comestionem, & respirationem intercipiat, sic referente Marcello Donato 3. de medica historia mirabili ex Leonardo Batallo, fuit, cui hæc particula adeo laxata intumuit, ac producta est, ut ad anteriores usque dentes perueniret, adeo ut illam digitis apprehenderet. Ut hoc ergo periculum evitetur, ad sectionem tutò accedere fas erit, quod Galenus 14. methodi admittit, cum caudæ mpris instar gurgulio elongatus fuerit, si nimirum iam liuescat, & ad albedinem vergat, nec non leniori-
bus alijs adhibitis præsidijs ne-
quaquam cesset.

SYN.

SYNCA T A T H E S I S.

Nulla prorsus erit in sententijs discrepantia, si verba medullitus penetrantur; nam in Prognosticis damnat gurgulionis sectionem quandiu rubidus, ac magnus fuerit, quod idem est, ac dicere, quandiu fuerit inflammatus. Libro verò de morbis vix sectionem commendat, dummodo maxillæ ab utraque parte inflammatae non fuerint; ait enim: *Si verò ipse morbus per se consistat, maxillis non inflammatis, minus moritur, & statim subdit: cum sic habuerit* (id est quando per se consistit, maxillis non inflammatis) gurgulionem digito apprehensum sursum ad palatum approximato, & summam ipsius partem praescato. Ut obique ergo Hippocrates vix inflammatae sectionem interdicat:

ANTIPHONIA XXVII.

In pleuritide an sit mittendus sanguis.

T H E S I S.

Libro de victu ratione in morbi acut. num. 12. sanguinis missionem in pleuritide pluribus praescribit, atque extollit Musagera noster; audiamus: *At si quidem dolor ad claviculam de se significationem praebet, aut gravitas ad brachium, aut circa mammam, aut supra septum transversum, venam secare prodest in cubiti flexuram internam, & non tunc tarsi copiosum sanguinem detrudere, donec multò rubicundior fluxerit, aut pro puro, & rubicundo luidus, utrunque enim contingit.*

Thesis vix vlla eget probatione, quando sancitum apud omnes latrophysicos est, nullū esse in internis affectionibus auxilium praesentaneum magis, quàm sanguinis missionem; quibus si accedat communis antiquorum, ac neotericorum omnium consuetudo sanguinem in pleuritide statim educendi, nihil est, quod ad sententiae probationem ultra afferri debeat.

AZ N2 THITA H ESM E S.

L ad librō de humoribus, qui, Galeno arbitro, Hippocratis est genuinus, sanguinis missio in pleuritide palam detectatur his caracteribus: *Hæc verò missionem prohibent in iis qui sanguinem expuunt, anni tempus, pleuritis, bilis; quod sex- to Epidemion section. 3. textu ultimo repetit his verbis: Impedimentum in cruenta spuentibus anni tempus, pleuritis, bilis.* Et ut sententiæ veritati maius adderet precium in Coacis prænotationibus iterum inculcauit ijs vocibus: *Dolores, qui latus invadunt in febribus, æqualiterque ibi absque signis subsistunt, phlebotomia offendit.*

Id autem verum esse quoad pleuritidem, ratio dicat, quoniam in internis omnibus inflammationibus, Galeno, & experimento magistris, una salus in virium robore consistit; quare cum sanguinis missione viribus plurimū detrahatur, unde insuper anacatharsis cohibetur, quæ in morbis pectoris salutem pollicetur, utique phlebotomia vix locum habere poterit.

Rursus pleuritis à sanguine oriunda, & in qua iam cruentum apparet sputum, omnium utique est mitissima; breuique tempore absoluitur, quamobrem non est opus magno remedio, cuiusmodi est phlebotomia. I 2 E H T

At stipulatur Avicennas, qui 10. 3. tract. 3. cap. 6. dicebat: *cum accidit sputum sanguinis ex catarrho, & non est catarrhus acutus valde, & cholericus, non phlebotometur homo.*

S Y N C A T A T H E S I S.

L Eonardus Fuchs vir alioquin sagax, ac maste ingenio antithesis huius mysterium soli Hippocrati perspicuum esse, tradidit, neque ultra suæ perspicaciæ vires explicare contendit, atque adeo se ipsum gloria, Hippocratem lumine defraudavit. Nos dicamus, non esse in omni pleuritide sanguinem detrahendum ex Hippocrate, sed in illa duntaxat cuius dolor ad claviculam pertingit, in illa verò, quæ inferiores costas premit, vergitque, ut ille ait, ad hypochondria, medicamento potius purgante agendum, ut in aphorismis, & libro de victu ratione in acutis aperte declarat. Hinc igitur fit, ut libro de locis in homine, tertio de morbis, nec non libro de affectionibus Præceptor ipse

se varias pleuritidum ideas, atque curationes percurrens, sanguinis missionem alto silentio prætereat; quin etiam in Coacis prænotionibus in pleuritide, quam exigua febris comitetur, perniciosum esse, dicat sanguinem mittere, ut infra dicetur.

At melius, pleniusque conciliabitur sententia, si verba illa tum libro de humoribus, tum sexto Epidemiorum intimè perpendantur: *hæc verò missionem prohibent in ijs, qui sanguinem expuunt &c.* quasi ille sentiat, à sanguinis missione in pleuritide abstinendum, cum iam cruentum expuitur, quod tunc breuior, ac securior sit morbus iuxta illud 1. aphorismor. 12. *ut si incunite pleuritide expectoratum illico appareat, brevis est morbus*; etenim quæ à sanguine pleuritis sit, mitior existit, ideòque sanguinis missionem, quæ magnum est remedium, haud exigere videtur: & licet 3. de morb. num. 19. sanguinea pleuritis fortis, dolorosa, & letalis dicatur ab Hippocrate, intelligit tamen cum sanguinea pleuritis ruptiones habet, ut ille ait.

Porro haud ignoro, prolixam fieri ne dum strepitofam apud Authores quæstionem, an in pleuritide, ubi sanguineum expectoratum redditur, sanguinem elicere conveniat; & licet in varias opiniones Neoterici distrahantur (quas expendere non est nostri instituti) vno tamen Galeni arbitrio satis definitam existimo; is enim sexto Epidemiorum sectione 3. in commentario illius textus adducti: *Impedimentum incruenta spuuntibus anni tempus, pleuritis, bilis*, aperto sermone tradit, abstinendum fore à sanguinis missione in pleuritide, quandocunque cruenta anacatharsis adest. Verba, licet paulò fusiùs, registrare lubet, ut quæ apprimè sanam doctrinam continet, & litem non levis momenti dirimere valent: sunt autem hæc: *Solum verò videtur repugnare, quod de lateris dolore subiungit; propterea quod affectus sanguinis missioni non aduersatur, sed eam postulat, nisi vires, aut anni tempus, aut ætas vetent; quo circa videtur id, quod ait, habere hanc sententiam: Iis, qui cruenta expuunt, secunda omnino vena est quantum ad hoc pertinet, nisi propter lateris dolorem huiusmodi expuant: His enim non iam omnino venam secabis, quasi sanguinem excreantibus: sed proprijs distinctionibus morbo lateris aptis; quæ hominibus ita affectis aut mittendum, aut non mittendum sanguinem, docent. Id autem mihi tum in mentem venit, cum librum de humoribus explanarem: Interim enim quendam egrotum vidi, qui cum sanguinem ex dolore lateris screaret, me, quasi sputo sanguinis laboraret, accersuit. Ego verò cum sputum conspexissem,*

sem, ab eo quæsiui, sensum ne ullum doloris in costa sentiret, nec ne; illeparium quendam subesse, fassus est. Erat autem eo habitu, ijsque viribus, ut si sanguinis sputo laborasset, quando res urgeret, ad venæ sectionem aggredi ausus essem; sed cum dolor lateris mitis esset, necesse non habui; itaque hoc remedio usus non sum. Planè autem apparuit, ipsum hominem morbo lateris obsideri; & alijs auxilijs hunc ad morbum accommodatis, ommissa venæ sectione, conualuit: nam cum cruenta excreantur, mitissimi esse hi morbi solent. Confirmat Galenus hanc eandem sententiam tertio commentario in librū de humoribus in explanatione textus supra in Antithesi relati. Videat, qui cupit, ne si referam, prolixior audiam. Nec sanè video, cur Vallesius in commentario eiusdem sententiæ Galenum redarguat aliam in medium afferens expositionem, quæ tamen mihi parum arridet.

Porro tanti fecit Hippocrates hanc veritatem, ut non contentus libro de humoribus, & sexto Epidemiorum illam promulgare, etiam in Coacis Prænotationibus repetat ijs verbis iam supra relatis: *Dolores, qui latus inuadunt in febribus; aequaliterque ibi absque signis subsistunt, phlebotomia offendit; ubi Duretus alter Hippocratis genius post multa, eaque prudenter, ac scitè dictata hæc apposuit digna, ut registrentur: Sed reuertor ad superam (idest pleuritidem, quæ ad claviculam ascendit) cui quidem sic comparata est ratio, ut si tum ex facili, tum cito, & liberaliter expurgetur, ac sputo flavum exactè permixtum sit, tum careat omni excursu, quem ciet febris, omnique coriza, & urinarum bellæ sit coloratio, phlebotomiam non exigat, sed respuat potius, & auersetur: quoniam detrahendo sanguinem, sputum, quod omni arte ciendum erat, retrahitur, ipsaque sistitur anacatharsis, quæ liberalis erat, & libera, quæque ipsa per se facit, ut nihil opis requirat pleuritis à medico, quia tum sua spontè quiescit. Statuatur ergo, in pleuritide, si sputum statim cruentum cum mitioribus signis quinque appareat, sanguinem nullatenus ex Hippocrate detrahendum esse. Si verò sputum aut nullum appareat, aut si cruentum etiam explendescat *συντηνάναι* tamen rejiciatur comitantibus ferocioribus signis, atque sanguinis plenitudine, semper hauriendum esse. Et hæc satis pro simplici conciliatione pugnantium apud Hippocratem sententiarum: Alioquin qui hanc quæstionem plenissimè, ac doctissimè exagitatam perlegere aueat, librum quartum Epistolarum adeat laudatissimi viri, ac Professoris celeberrimi Iulij Cæsaridis de Benedictis Aquilani, qui verè Patriæ splendor est, & Romani gymnasij decus.*

Finis Tertij Libri.

HIP.



HIPPOCRATIS COI

MEDICORVM PRINCIPIS

ANTIPHONON.

LIBER QVARTVS.

*Qui continet ea, quæ ad res non naturales di-
ctas attinent.*

Quarto Hippocraticarum contradictionum libro argumentum præbent res non naturales, quæ ut ægris, & sanis maximè neces-
sariæ, ita vsum præstant omnibus meliorem. Intende, le-
ctor, quisquis es, Medicinæ sacris licet nihil iniatus,
nam tua res agitur; siquidem præsentem seruare
incolumitatem omnium interest. Cæterum
ordinem, ac stylum nostrum
iam diu nosti.

ANTIPHONIA PRIMA.

Aer, seu ventus, & aqua num nutrire valeant.

T H E S I S.

In bello de Corde apud Æsculapium Cœum hæc exarata
leguntur. *Quomodo hominis alimentum sunt ventus, &
aqua cruda?* Et sanè quodad ventum, siue aerem,
quis dubitet nullam illi nutriendi facultatem inesse?
Hem! Si hoc esset quantò, facilius ad nutricatum ora
nostra Zephyris exponeremus, & Austro? quantò minori studio,

P 4 ac

ac sumptu alerentur homines? Minori studio quidem, quoniam ut secunda vigesimi libri epistola indignabundus exclamat Seneca: *Aspice culinas, & conuersantes inter tot ignes coquos nostros. Vnum quidam putas ventrem, cui tanto tumultu comparatur cibus? Aspice vinaria nostra, & plena multorum saeculorum vindemijs horrea nostra; Vnum putas videri ventrem, cui tot regionum vina clauduntur?* Minori etiam sumptu, quoniam, ut idem declamat; *Quicquid auium volitat, quicquid piscium natat, quicquid ferarum discurret, nostris sepelitur ventribus. Caesar Augustus, eodem Seneca teste in epistola ad Albinam, centies sestertio cenauit una die, & in hoc omnium adiutus ingenio, vix tamen inuenit quomodo trium Prouinciarum tributum una cena fieret. Apicius cum sestertium milles inculinam congestisset, cum tot congiaria Principum, & ingens Capitolij vectigal tomessionibus haussisset, aere alieno oppressus rationes suas tunc primum coactus inspexit, supersuturum sibi sestertium centies computauit, & velut in ultima fame victurus si sestertio centies vixisset, veneno vitam finiuit. At quod calamus effluxit ab Hippocratica deflectens linea? Vagari iam desinat.*

Quod ad aquam verò, nutriet, nec ne, longa fuit olim controuersia, non nutrire autem contendunt & iure meliores Philosophi; siquidem nulla est in aqua pars ad nutrimentum idonea, aqua enim nullo modo crassescit, ut 4. Mereoror. Aristoteles docet, imò nullo elementum absolute alere posse, saniori arbitrio creditur; quod si vinum ipsum, in quo sapor, odor, color, aliarumque mixtio qualitatium vsque adeo iucunda reperitur, nutrimentum esse, inficiantur non pauci, quanto minus aquae saporis, odorisque omnis experti alimentum vllum acceptum referri poterit? Ideoque Praeceptor *ἰσχυμὴν ἀνθρώπων*, id est per modum interrogationis, & quasi indignabundus ait? *Quomodo hominis alimentum sunt ventus, & aqua cruda?* Rursus lib. de humorum usu nullam aliam aquae facultatem tribuit, quam humectandi, calefaciendi, & frigefaciendi, ait enim: *Verum ad corpus nosse oportet, quod haec aut madefacit, aut frigefacit, aut calfacit, aliter vero nulli commodat, aut detrimento est potata.* Hinc 3. de ratione victus in acutis commento 17. aiebat Galenus: *At quae nullo modo nutriunt, sicut aqua, neque virtutem imbecillitare, neque roborare, verè posse dicerem.*

Atqui hic delicatissimi ingenij lector quæret, cur dicat Hippocrates *Aqua cruda?* & num eadem si decoquatur, alere potis sit? Pulchrū sanè quæsitum, cui tamen breuiter responsū velim, neque decoctam aquam alibilem esse, quoniam neque coctione crassescit, aliasue

aliasue inde adipiscitur qualitates; quare Hippocrates loquitur ibi de cruditate naturali, & genuina, nam legunt alij: *Quomodo in hominis alimentum cedunt ventus, & aqua, cruda cum sint?* hoc est coqui inepta, quod scilicet nullas obtineant partes crassescere paratas; & sic particula *Cruda*, in plurali numero (habetur enim græcè τὰ αἷμα) refertur & ad ventum, & ad aquam, quibus nulla inest coctibilis, idest alibilis portio; nutriunt namque ea duntaxat, quæ coqui apta sunt, quoniam solum, quæ coqui possunt, assimilari valent. Splendidior hæc veritas clucescet ex verbis ipsius Hippocratis in libro de vict. ratione in acut. num. 30. vbi leguntur hæc (loquitur autem de aqua) *Nam & tardi transitus est, eo quod frigida est, & cruda, ac incoctilis*; idest indigestibilis, quod colligitur ex verbo ipso græco, habet enim textus ἀπέρτοι.

Cæterum illa omnium validissima ratio censi debet, quod si ex iisdem nutrimur, ex quibus sumus, vt est Philosophi dogma, cōpertum utique est, omnia ex omnibus simul mixtis animalia coalescere, nisi quis velit insano arbitrio assentiri Thaleti vnum omnium rerum elementum statuenti aquam; quin illud insuper liquidius constat, non nisi ex viuentibus elici alimenta, eo discrimine quod quæ perfectiori viuunt anima, perfectius tribuunt alimentum, idcircoque animalia præstantius nutriunt, quam vegetabilia, & præter hæc nihil aliud, quicquid spagyrici de auro illo potabili blaterent, deue lapide illo Philosophorum somnient.

A N T I T H E S I S.

SEd primo de Diæta num. 4. antilogos apparet Hippocrates, dum litteris commisit hæc: *Ignis verò omnia per omnia mouere potest, aqua verò omnia per omnia nutrire.* Confirmat libro de flatibus num. 7. vbi cum statuisset, hominum, & reliquorum animantium corpora triplici substantia alimentis, quodque sit trigeminum istud nutrimentum, mox explicans ait: *Horum autem nutrimentorum nomina hæc sunt cibus, potus, spiritus; ac spiritus quidem qui in corporibus sunt, flatus vocantur, qui verò extra corpora existunt, aer.* Rursus libro de affectionibus num. 52. videtur Præceptor aquam recensere inter ea, quæ corpus augent, roborant, atque alunt: Verba nec supprimam ipsa: *Cibaria, & potus & obsonia, excepto pane, & maza, & carnibus, & piscibus, & vino, & aqua, reliqua omnia tenues, ac debiles utilitates exhibent ad augmentum, & ad robur, & ad sanitatem.* Et in hoc fortè astipulari placuit Home-

ro,

ro, qui aquam τροφιμώτερον, hoc est summè nutrientem dixerat; neq; aliter sentit 2. de plantis Theophrastus. Imò & homines nonnullos per menses, & annos aqua sola enutritos fuisse, tradunt Albertus magnus libro de animalibus, & Caelius Rhodiginus in lectionibus antiquis. Sed alia Hippocratis auctoritas pro corollide accedit ex 3. de ratione victus in acutis 19. vbi habentur hæc: *sed mulsæ, quàm aqua multo potentior est sola epota*. In cuius textus commentario Galenus inquit, Hippocratem illa voce, *Potentior* indicare, aquam etiam nutriendi vim obtinere aliquam. Neque tandem reticendus erit Aristoteles primo Problem. 13. vbi quærit *Cur mutationem aquarum grauem, aeris verò non grauem affirmant? An quod*, respondet, *aqua corporibus alimentum est, aer autem nulum exhibet alimentum?* Quid plura? Galenus idem de pulsibus ad Tyrones cap. 24. hæc addit: *Aqua omnium, quæ offeruntur, minimum alimentum præbet*; Si minimum, ergo aliquid.

Id autem vnico piscium adducto exemplo, quod spectat ad aquam, satis probatum dixerim; hi namque intra maris, fluminumque sinum perpetuò degentes aqua sola victitant: Quòd verò ad aerem facit, satis erit Chamaleontis meminisse, quem solo aere vitam traducere vulgata est opinio, vnde vel in illos, qui parcissimè comedunt, id efferri solet adagium: *More Chamaleontis*. Refert adhuc Ioannes de Mondouilla in suo itinerario, Insulæ cuiusdam Francan dictæ incolæ gentes pumilas syluestrium pomorum duntaxat odore nutiri. Insuper Andreas Eburenſis homines quosdam solo aere vitam transegisse, tradit, & Hermolaus, sacrificulum quemdam recenset, qui solo aeris inspiratu per totos quadraginta annos in vita superstes manserit, vt relinquam illius Philosophi amitam apud Aristotelem, quæ sola in sole mox pasci consueuerat.

SYNCATATHESIS.

DE aqua, vti purum est elementum, libello de corde Hippocrates verba facit, quomodo nullam prorsus alendi facultatem obtinet, cum, vt ipse ait, cruda existat, hoc est, vt explicauimus, nullas a se ipsa idoneas obtineat partes; Cū tercis verò exhalationibus, & secundis quibusdā qualitatibus permixta imperfecta quædam animalia nutrire valet; & hinc est quòd pisces maris aluntur aqua, hæc enim, vt falsedo indicat, simplex, & pura non existit, vt relinquam, quod inter pisces alij alijs pro nutri-

tricatu inseruiunt, dum maiores minores alterius speciei deuorant; & vel intra immensum Oceani sinum ex Naturæ quadam, prouidentia semper inueniuntur frutices, folia, animalium cadauera, & annonæ cuiusque generis diuēs congeries vel casu, vel vi tempestatum effusa:

Ad ventum quod spectat; quæ de Chamæleonte asseruntur melioris notæ, & iudicij viris falsa putantur: quare Niphus inter alios vulgatam, & vulgarem hanc opinionem conuellit, erroremque istum inde ortum esse, ait, quod Chamæleon per octo, decemue mensium spatium absque cibo interdum viuuit, atqui ex eo asseuerare nefas est, illum solo aere semper nutriri; siquidem g'yres etiã, vrsi, & serpentes integram absque victu transigunt hyemem, nec tamen hæc solo aere vitam sustinere, par est existimare. Adde insuper ex Bellonio (& est herculeum contra vulgi credulitatem argumentum) quod nimirum frustra natura partes coctioni dicatas in Chamæleonte efformasset, linguam, palatum, ventriculum, intestina, aliaque plurima altricis facultatis organa, si nullum in illis parari, & excoqui debuisset alimentum: At natura nihil facit in cassum; Præterquàm quòd muscas venatur palam, aliaque animacula arboribus inserta; quo consilio sesqui pedalem linguam à natura obtinuit: Quin etiã Bellonius idem facta Chamæleontis Anatomica dissectione præter muscas inuenit quoque intra viscera locustas, erucas, & scarabeos. Atque par ratione respondere licebit ad id, quod assereretur de odoribus, quibus Astomi, & gentes illæ nutriebantur, quòd scilicet sit vel Plinij somnium, vel omnino commentitium, quò ad veram nutritionem.

Cæterum quò ad spirituum quandam refectionem non sumiturus inficias; cùm libro de alimento Hippocrates his verbis edixerit: *Et quicumque veloci appositione opus habens, his humidum ad reficiendas vires medicamen optimum, quicumque verò adhuc velociori, per olfactum;* id quod libro eodem numero 7. annuerat inquiring: *Principium alimenti spiritus nares, os, guttur, pulmo, & reliqua respiratio.*

At verò primo de Dixa aquæ nomine Magister humidum radicale, ac primigenium intelligit, quo à primordijs generationis nutrimur; quemadmodum ignis nomine primum illum denotat calorem implantatum, qui omnia per omnia mouere potest, hoc est functiones cunctas ad vitam vtilis, aut necessarias obire; quo nimirum spectat illud libri de Carnibus: *Et videtur sanè mibi id, quod sanè*

sanè mihi id, quod calidum vocamus immortale esse, & cuncta intelligere, & videre, & audire, & scire omnia tum presentia, tum futura. Sic etiam 2. de Diæta num. 17. idem Præceptor aquæ, & ignis nomine humidum radicale, & primigenium calorem indigitat manifestè ijs verbis: Exigne, & aqua omnia constituuntur, & animalia, ex terra nascentia, & ex his augeantur, & in hæc secernuntur, ac resolvuntur.

His omnibus postremo addi posset, quòd aqua carenus nutrire dici posset, quatenus alimenti vehiculum sit, illudque ad alendas particulas adducit, ideòque vocatur à Galeno *ὀνυχαροπῆς*. Audiamus Plutarchum 6. symposiacon quæstione tertis, ubi hæc: Humor enim ciborum reliquias aridas, & exiles rigans, ac diffundens succo ingenerato, & exhalationibus eas offert in corpus, indigentibusque applicat partibus, itaque non malè Erasistratus humorem cibi vehiculum dixit, nam quæ ob siccitatem, aut aliam affectionem ignava sunt, & graua admixtus attollit, sursumque euehit; multi autem etiam cum non bibissent, sed tantum lauissent, continenti fame, acriusque liberati sunt, quippe humor extrinsecus subiens succulentiora facit, adque nutriendum aptiora, quæ sunt intus, ita ut vehementia, & sauitia famis remittat, & mitigetur. Ideò eorum quoque qui inedia vitam finire volunt, multi diu durant sola aqua pota, tantisper scilicet non omne id siccitas absumpsit, quod apponi corpori idque alere potest. Et hinc enodari, soluique poterunt auctoritates ex aduerso allatæ: Vnum denique illud haudquaquam silentio inuoluam, Galenum in libro isto ad tyrones non dixisse, aquam minimum alimentum præbere, sed minimam mutationem, que admodum obseruat prudens Vallesius.



AN-

ANTIPHONIA II.

*In hyeme, an verò in estate plenior cibus assumi
debeat.*

T H E S I S.

Primo Aphorism. 15. decantata paroemia, semperque in ore Medicorum resonans legitur: *Ventres hyeme, & vere calidissimi sunt, & somni longissimi, qua propter in his temporibus alimenta plura sunt exhibenda*: Sentit idem libello de humoribus num. 29. ubi habet: *Et ut terra stercoreata hyeme calida, sic & alius*: Confirmat lucidiori sermone I. b. de salubri Dieta ubi hæc num. 1. dicitur: *Hyeme quidem comedere quamplurimum, bibere autem quam parcissime*. Sententiæ rationes nec desunt, quippe alimenta analogia quadam æquari debent caliditati, hæc in hyeme per antiparistasin in cauitatibus & congregatur, & augetur, igitur pabulum exigit vberius, secus in humores, & carnes conuersa, has colliquefacit, illos exhaurit. Addatur, quod cum somni prolixius in hyeme ducantur, & somno ad viscerum penetrabilia natius calor reuocetur, fit inde, ut celerior, & melior coctio in ventriculo celebretur, atque adeo alimenti plenior copia toleretur. His adde orexin, quæ acutior in hyeme, quam in æstate prurit id quod maioris excretionis, atque exhaustus est indicium, quo consilio dixerat quoque in Aphorismis Præceptor æstate, & Autumno cibos difficillimè, hyemè facillimè ferri; Quibus astipulatus Latinus Hippocrates lib. 1. cap. 3. hæc scripserat; *Hyeme plus esse conuenit, minus sed meracius bibere, multo pane, & carne potius et ea, modice oleribus*; quibus tamen in verbis mendum esse, dubium non est, nam carne potius assa legi debet, ut in Hippocratis libello de salubri diætâ expressè habetur. Eiusdem arbitrij fuit & Aegineta libro 1. de sanitate tuenda cap. 53. ubi sic. *Hyemè quidem, & fortiori exercitatione, & pleniori cibo utendum est; præcipue si tempestas aquilonia fuerit*.

AN-

ANTITHESIS.

AT libro 3. de Diæta, vbi ex professo victus rationis singulis anni temporibus aptatæ meminit, num. 3. sibi ipsi aduersatur his verbis: *In hyeme quidem igitur tempore frigido, & compacto se opponendo hoc victu vti conducit; primum quidem semel tantum in die cibum capere conuenit, nisi quis valde siccum ventrem habeat: Id verò si fieri non possit, modicum prandere.*

Neque sanè est à ratione aliena hæc propositio, siquidem hyemali tempore ventres, & vniuersum corpus pituitosa colluue scattent (augescit enim, dominaturque in hyeme ex Hippocrate pituita), quæ calorem habet, per se, & siquæ retardat, immò & inficit; Quòd si eodem Præceptore arbitro in Aphorismis; *corporibus humiditas carnes habentibus famem adhibere conuenit*, utique in hyeme, in qua ob magnum pituitæ affluxum perhumida sunt corpora, inedia, ac tenuioricibo corrigenda erit vda nimis intemperies. In quem pariter finem libro de salubri diæta hanc tu'erat legem: *Sex menses hyernos vomendum est, hoc enim tempus pituitosus est astiuo*; Quid multa? Corpora in hyeme non bellè transpirant occlusis à frigido ambiente meatibus, ergo superflui minor fit exhalatio, quare corporis florentia, vt vocat Hippocrates victus paucitate compescenda erit.

SYNCATATHESIS.

VIndicabimus ab omni antilogia crimine Præceptorem, si dicamus, posse quamplurima comedi, licet semel in die quis conuiuetur, & sic semel in die, & plurima in die, nequaquam sibi opponi. Sunt enim, rò, qui prandent, & adeò lautè, vt cænæ indulgere nequeant, contra nonnulli tam frugi prandio, coenæque vtuntur, vt longè minùs edant, quàm alius quispiam in ientaculo. Plurimum igitur alimentum in hyeme poterit quis adhibere vel partitis v. cibis, vel vnica mensa. Qui ampliori ventriculo præditi sunt, vnico haustu, vel scilicet in prandio, vel in cænâ, poterunt alimento vberissimo repleti, qui verò imbecilliori, & angustiori stomacho donantur, in prandium, ac coenam tutiùs, ac salubriùs ciborum partiantur vbertatem. Cæterùm ideò fortè 3. illo de Diæta Magister semel in die cibum capi in hyeme, iubeat, quoniam, cùm lautioribus coenis antiqui indulgere contueissent, expe-

expediebat tum ob dierum breuitatem, cum ob pituitæ in ventriculo congeriem interdum vacare à mensis, ad vespertas verò iuxta consuetudinem opiparè conuiuari, quomodo licet plurimum edatur, susque deque alimentorum copia distendatur ventriculus, nequicquam lædat, quoniam viginti horarum spatio segnis quicunque calor, imò & *καρποτόμνος* opulentiores quascunque epulas conficiet, nec interim ab omisso prandio quicquam Natura tristabitur.

ANTIPHONIA III.

Semel, ambis in die cibum sumere magis expediat.

T H E S I S.

Libello de salubri Dieta magnus Medicorum arbiter monumento tradidit, ventriculum ab assumpto semel tantum in die cibo maximè incalescere, atque adeò meliùs coquere: Verba sunt illa prorsus: *Oportet autem sub hoc tempus semel duntaxat cibum sumere, sic enim quammaximè conalescit ventriculus, & ea, quæ ingesta sunt, exuperauerit.* Sermo est autem ibi de ijs, qui cruditate, ac bradipsia afficiuntur: Nec profectò rationes, exque efficaces desunt isthanc thesim suadentes, quarum.

Prima esto, quòd semel duntaxat in die assumpto cibo, calor non adeò coquendo fitigatur, atque adeò quam breuè tempore nequit, longiori potest coctionem absoluerè, & si quæ inde pituitosa producantur excrementa, expellere, ac dissoluere aptius valebit. Enim verò nihil magis natuum stomachi obruit calorè, quàm repetita comestio, non dum ijs, quæ priùs ingesta fuerant, æquatis, ac digestis. Agens in agendo repatitur, quare licet coquendo calor aliquo modo consequenter refouetur, redditur etiam & modo quodam debilior; quò sanè collimat Hippocratis illud in Epidem. *Labor articulis, cibus, & somnus visceribus;* quibus verbis nos monitos fecit, quòd quemadmodum labor articulos fatiat, sic cibus, & somnus viscera premit: Neque de somno id mirum, alicui videri debet, siquidem libro de Dieta Hippocrates dicitur.

num

num somnum viscera excoquere, atque etiam plurimum extenuare, tradit, si ieiuno potissimum stomacho dormiatur. Vir quidam Romano sanguine illustris pinguiori præditus corporis habitu, formosissimæ, simulque opulentissimæ Heroinæ incensus amore, negligebatur ab Amasia eo nomine, quod esset obæsus; Id miser cum resciret.

Improbe Amor quid non mortalia pectora cogis?
extenuari, & gracilescere studens enixius, summo mane longam, & laboriosam ambulationem peragebat, mox producto se tradebat somno. Hinc autem usque adeo extabit, ut perierit consumptus aruinam, & amorem cum vita deponens. Sed *ma 812297*.

Præterea naturale vnum quodque agens, ut iugi, & perpetua actione infirmatur, ita si aliquandiu vacet ab opere vires acquirit, & recreatur. Si ergo semel in die ventriculus edulorum coctioni indulgeat, quiescet aliquandiu, donec resumpto robore ad novam coctionem alacrius resurgat. Prisco sæculo homines iccirco salubriorem traducebant vitam, quoniam frugalitati studebant sedulo, edebantque solum, ut viverent, nam vero verius est, quod qui parcè edit, parcèque bibit, vix vnquam acutis tentatur morbis; quod & Vates licet latricæ scientiæ ignari intellexerè, vnde Horatius 2. libro, Ode 16.

Viuitur paucò bene. & Claudianus secundo ad Ruffinum.

Viuitur exiguo melius.

Audierant fortè Senecam dicentem 15. epistolarum prima. *Vide quantum rerum per vnā gulam transiuntarum permisceat luxuria terrarum, marisque vastatrix, innumerabiles esse morbos, non miraberis.* Inde iure in helluones sui, & nostri sæculi inuehebat Venuſinus idem 2. satyra 1. libri ijs metris.

*Accipe nunc victus tenuis, quæ quantaque secum
Afferat, in primis valeas bene, nam varia res
Ut noceant homini credas, memor illius escæ
Quæ simplex olim tibi sederit, at simul affis
Miscueris elixa, simul concilia turdis,
Dulcia se in bilem vertent, stomachoque tumultum
Lenta feret pituita.*

Sed retraho calamus per Poetarum laureta olim vagari consuetum, & ad vnum Hippocratis frigiferum agrum refero.

Cibum denique sæpius in die sumptum in salubrem esse, monent quotidiani euentus, nam quotquot sæpius in die comedunt, bibuntque

buntq; in horas, adeò vitali calore infirmantur, vt breuius obstru-
ctiões, a peptiam, hydropem, & morborum illas incidant. Au-
scultemus Hippocratem libro de veteri medicina num. 19. *Aleri
enim si pransi fuerint, idque eis non conducit, statim graues, & cor-
pore segnes fiunt, itemque mente pigri, biatuque, ac oscitatione, & dor-
mitatione, & siti pleni. Si vero etiam insuper cœnauerint, & flatus,
& tormina, & aluus effringitur, & multis magni morbi principium hoc
fuit, si eosdem cibos, quos semel insumere consueuerint, bis assumant,
& nihil his ampliùs.*

A. 2 N 2 T I T A H E S M I S.

Sed hæc omnia quarto de ratione victus penè abiurans, hæc
habet: *Cibum, qui semel in die capiunt, hi & impotentes sunt,
& calidam urinam mingunt præter consuetudinem vasa vacua
habentes, sit autem & os salsum, & amarum, & in opere tremunt, &
tempora ipsi distenduntur, & cœnam concoquere non possunt, veluti se
pransi essent.*

Id quòque & ratio suadet, nam calor natiuus ab inedia rarefa-
ctus, & infirmatus munere suo defungitur: transitus enim ab ocio
ad negotium laboriosior est quàm à negotio ad ocium: Come-
dit quis lautè, opiparèque, vnde ventriculus distentus, & onera-
tus fuerit? Ieiunet, abstinèat, ac noxa cedit oculis. At non sic
è contrariò: Ieiunauit quis diu? si ad pleniorè cibum se con-
uertat, lædatur apprimè, virtute sub onere fluitante. Ita videre est
eos qui longam perpeffi sunt famem, cum primùm eas recipiunt
opprimi, & mortem subire à cibo. Atque hinc dictum arbitror
in primo Aphorismorù, agros in tenui victu magis delinquere, &
sistè errandum, in paulò potius pl. niori victu delinquendum esse,
vnde Theophilus, omnesque diatritarij condemnantur.

Rursus quandoquæ calor suo defraudatur pabulo, humido
sodali fruiur acriùs, vnde partium colliquatio, humorum exhau-
stus, spirituum dissipatio sequitur, & ab his totius corporis impoten-
tia, languor, tremor, ac tabes, quod longè faciliùs, citiùsque contin-
git ijs, qui calidiori temperie feruent. Id ipsum exaruit basilicè,
vt solet, Hippocrates libro de veteri Medicina num. 19. vbi hæc le-
guntur: *Aleri si prandere consueuerunt, idque ipsis conducit, & non
pransi fuerint, mox ubi tempus præterierit, statim impotentia vehe-
mens, tremor, animi deliquium, postea oculi pallidi, urina crassa,
& calida, os amarum, & viscera pendere ipsi videntur, vertigo, ira-
cundia.*

cundia, tristitia. Hæc autem omnia, ubi coenare tentauerint. Deinde autem præsuri consumere non possunt, quæ prius cenarunt, atque hæc ipsa cum tormine, ac strepitu descendunt aluum concludunt, ipsique agere dormiant, insomniæque conturbati, ac tumultuosa habent. Huc usque Magister.

Adde tandem corollidem. A longa inedia exauctus calor, acutiorque siccitate redditus, ciborum relaxationi non siccidoneus redditur, quia illos assat, exuritque potius, ut coquantur enim in ventriculo alimenta, fundi, ac liquari debent.

.SYNCRATIA THESIS.

AT non est unquam alius à se ipso Hippocrates, semper sibi constat, ubique symphonos existit. Quare nuncupato libro de salubri diæta de ijs loquitur, qui cum imbecillo ventriculo præditi sint, caloremque obtineant nimis effectum, atque adeo bradypepsia laborent, bis in die cibum assumere nequeunt, quod coquere non valeant, si præsertim assueti non fuerint (nam consuetudinis magnum est robur) si verò semel assumant, calor ipse, matura coctione parum, defatigatus recreabitur & acuetur, atque adeo verum erit, ventriculum semel in die ab assumpto cibo maxime concalescere, ut Hippocrates ait.

Ceterum quotquot vegeto calore dirantur, viuuntque inde, famelici, suntque insuper assueti bis in die pastum inire, si forte semel tantum indulgeant mensæ, & casu relinquunt prandium, quem in coena mox adhibebunt victum, infansitò coquent duplici nomine, primo quidem, quoniam facti avidiores in coena plus nimium assument, quam par sit, unde distentus, & oneratus potius ventriculus afficietur perperam; altero verò, quoniam exinanitus ventriculus, dum, quo fruatur, diutius caret alimento, prævis repletur succis undique prolektatis, à quibus mox hebetatur, & obruitur ipsa coquendi facultas. Nimirum ventriculus, Hippocrate arbitro, est veluti corporis totius thesaurarius, qui dum ipse nutritio diffundit succo, uniuerso corpori distribuit, cum autem vacuus est à cunctis reperit membris. Ita quarto de morbis expressè legitur. *Ventriculus dum plenus est, omnium horum corporis fons est, verum ubi vacuus est, corpore fruitur colliquefcente:* quod sanè vel ex ipsis Hippocratis verbis deduci potest in præfato textu de victus ratione in acutis, dum dicitur: *fit autem & os salsum, & amarum,* unde humorum arguitur excandescencia, ac veluti partium colliquatio quæ.

quidam. Et ex his prudenter Galenus 2. de victus ratione in acutis comment. 28. & Celsus libro 1. cap. 1. iubent, sanos homines bis in die potius, quam semel cibum infumere. Enimvero tanta est insuper in hoc vis consuetudinis, ut ab illa solum immutata diæta lædere magnopere valeat, quod luculentis verbis Galenus idem nuncupato libro de victus ratione significavit, inquiens: *Nam & his, qui bis in die cibum sumunt; & his, qui semel, repentina mutationes noxas, & aggritudines inducunt.*

Ne dæmum lectorum auiditati quicquam ad rem ex Hippocratis fontibus desit, afferam ex eodem libro de veteri Medicinæ integrum contextum, in quo summus Dictator rem totam definit, atque enarratarum sententiarum symphoniam præbet: hæc ergo nam. 20. exarantur. *Et sanè puto his, qui, cibum sumere consueverunt, quod non expectauerunt iustum tempus, donec ipsorum ventres pridie ingestos cibos perfecte consumpsisset, & exiuperasset, euacuatusque esset, ac quiescisset, sed in feruentem adhuc, & fermentarum nouos ingesserant. Eiusmodi autem ventres multò tardius concoquunt, & maiori opus habent cessatione, ac quiete. His verò, qui prandere assueti fuerunt, quod non ubi citissime alimento corpus indigebat, & iam priora consumpta erant, nec habebat aliquam amplius fruitionem, statim ipsi nouum alimentum suppeditatum est; deficit autem, & consumitur præ fame.*

ANTIPHONIA IV.

Cibum in principio morbi num offerre liceat.

T H E S I S.

Quanti momenti sit opportuna victus ratio tum in morbis omnibus, cum præcipue in acutis, magnus Aesclepij myſta docuit aureo illo de victus ratione in acutis opusculo, ubi contra Medicos antiquiores agens, qui nihil de ea ritè conseripserant, optima, & apprimè necessaria præcepta exarat; quin etiam aphorismorum libros editurus, statim ab initio victus ratio-

Q 2 nem

nem praescribit, ut quæ ipsa per se sola mederi val: at, reliqua vero artis praesidia irrita cedunt absque diæta, quod adhuc 6. Epidem. sect. 8. num. 43. ita proclamat: *Victus quantum cognosci potest, non ignorare; calamitates enim multe.* Præceptor itaque in præcitato libro de vict. rat. in acut. num. 20. diatritarios illos Medicos rearguit, qui primis diebus nihil prorsus ægrotantibus offerendum censebant, unde extrema egris irruerat calamitas, idcoque minus delinqui, ait, si primis diebus in pleniori cibo, ubi non convenit, error committatur, quam si nihil offeratur. Ipsum suo modo loquentem audiamus. *Multò tamen minus ledunt, quæ hoc tempore peccata committuntur, quam si primis duobus, vel tribus diebus vasa quis omnino exinanieris, mox quarto, vel quinto die talem cibum exhibeat. Quin etiam multò deterius est, si quis totis his diebus vasis antea exinanitis posterioribus deinceps diebus ita victum instituat prius, quam morbus maturus evadat; mox infra addit. Hoc sane maximo argumento esse arbitror, nulla serbitione abstinendum, in quibus paulò post futurum est, ut his, aut illis serbitionibus uti debeant.*

Confirmat primo aphorismorum vniuersali dogmate dum aphorismo quinto ait. *In tenui victu ægri magis delinquant, ideoque magis leduntur, omnino enim magis in tenui diæta, quam in paulo pleniori peccatur.* Eodem inter per collimat Hippocratis censura in Prodicum 6. Epidem. sect. 3. quod vir ille febricitantes interficere et laboribus indictis absque cibo. *Prodicus interficiebat febricitantes cursibus, luctis, & calidis fomentis; malum febriculorum inimicum fami, circuitibus, luctis, cursibus, frictioni; laborem labore ipsis.* Quid melius? Eodem primo Aphorismorum. 4. ita decernitur. *Diæta tennes, & accurata, cum in morbis diuturnis in totum periculosa, tum etiam in acutis morbis, maxime si loco, & iure non praescribantur.* Iterum: *extreme tenens diæta periculi plena.* Ratio instar omnium illa erit, quod si ab ipso morbi initio vires labascunt, in vigore omnino contruant, necesse est; viribus autem in prostratis, nihil est, quod de salute sperare valeamus; vni enim salus in acutis omnibus morbis virium in robore consistit. Concidunt autem vires, ubi sub ipsa morbi invasione tenuissima victus ratio utrapatur, cum qua vel ad morbi vigorem ægi peruenire nequeunt, vel si perueniant, necessum fiet, ut in vigore ipso præ languore dapsilè nutriantur non sine morbi incremento, iubente Hippocr. primo Aphorismorum 8. cum morbus in vigore est, tenuissimam diætam adhibendam fore. Cum morbus in vigore est, tunc tenuissima diæta uti par est; inde subiungit tamen: *Sed vna scire oportet, an æger talis diæta ad morbi vigorem*

gorem sufficiat, ac num prius ille deficiat, nec ei satisfiat diæta, an verò morbus ante frangendus, atque concidat. Sed fortè nimius in his fui; plura tamen petenda ex libro de victus ratione.

A N T I T H E S I S.

HEm! qui potuit Magister hæc dogmata contra Gnidios consultò exarata, vel obliuioni vel contemptui habere? Tertio nãq; de diæta nu. 10. peculiaris cuiusdã plethoriæ signa proponens, & curationē ascribens, hæc tradit: Si verò prudentia nō adhibita ad febrem peruenerit, nihil aliud afferre oportet præter aquam per tres dies; si quidem igitur ex hac sedetur benè est; sin minus, ptisana succo curandus est. Confirmat libro de victu in acut. num. 10. in his verbis. Multò autem minus ad additionem procedendum est; nam detractionem omnino tollere sæpè conducit, ubi suffesturus est æger, donec morbi vigor maturescat. Distur rationem si petas, off. ram libens ex ipso Hippocrate in aphorismis: Cibus, ut sano robur, ita agrotanti morbus: Impura corpora quò magis nutries eo magis lèdes: Vt morbi qui à repletionem fiunt, inanitione curantur, ita qui à summa plethoria oriuntur, summa inedia auferuntur. Adde, quòd non est natura à pepasmo ad pepsim auocanda. Igitur si fieri possit, vel sola aqua ab initio, vel ptisanæ succus offerendus. Parergon. Pro aqua, Philiatre, non elementarem simplicem intelligas, hæc enim frustra nutritionis gratia offerretur, vt supra docuimus, & libro de victus ratione in acutis ab Hippocrate in morbis omnibus damnatur, sed intellige aquam ex hordei decoctione, quæ morbo æquè aduersatur, ac naturæ studet.

S Y N C A T A T H E S I S.

Libro de vict. ratione in acutis, & primo Aphorismorum. Præceptor de morbis loquitur, & febribus à cacoehymia oriundis, quibus videlicet non statim est vigor, in his enim confestim extrema victus ratio est adhibenda, vt in Aphorismis decernitur. At libro de Diæta de summa repletionem, cui fit comes febris absque humorum impuritate, & corruptela verba facit, ideòque sola inedia, eaque extrema agendum. N. que dicas, Hippocratem primo Aphorismorū de plenitudine Athletarū n. auferenda præceptum tradentem dixisse. Nec tamen extrema inanitionem est molienda, qua v. sa omnino concidant, hoc enim periculosum est.

Etenim diuersa ratio est de plethoria, quæ iam morbum inflixit de qua 3. de Diæta, ac de plenitudine Athletica, cui solum imminet morbus, de qua primo Aphorismorum; siquidem ubi iam præsens viget morbus à plenitudine, hanc remouere confestim expedit, ne æger ipse corruat: At ubi præsentem plenitudinem instat solummodo morbi periculum, non est, cur statim extremam inanitionem tenuissima victus ratione moliamur, sed sat est, si statim quidem, sed sensim detrahamus. Adde quod 3. de Diæta de inanitione facienda per inediam præcipuè loquitur; primo verò Aphorismorum de exinanitione per sanguinis educationem paranda, quæ proculdubio si statim fiat, vasa concidunt magno cum periculo, ut Præceptor habet. Auctarium sume lector; Quandounque Hippocrates extremam præscribit inediam, semper supponit, illam viribus haud imparem, & sic idem erit, si asseratur morbi ab initio extrema inedia vtendum non esse cum virium casu, atq; in eiusdem morbi principio tenuissimam tantum victus rationem adhibendam esse, dummodo vires ferant.

ANTIPHONIA V.

An liceat in morborum augmento cibum exhibere.

T H E S I S.

Primo Aphorismorum 8. inuiolabili sancitur lege, ne quis in morbi auxessu, & vigore victu, nisi tenuissimo, uti audeat; verba sunt illa: *Cum morbus in vigore fuerit, tunc tenuissimo victu vtendum est.* Sententiam eandem incutit aphorismo eiusdem libri decimo, ubi habet: *Quibus igitur statim vigor est, statim tenuiter cibare oportet.* Et libro de victus ratione in acutis, tum pluribus in locis, tum num. 24. sic loquitur: *Deinde non est vtendum sorbitionibus priusquam morbus maturus factus fuerit.* Quis autem ignorat, morbum in augmento non dum esse maturum, seu concoctum?

Habet autem in ratione fundamentum huiusmodi dogma; siquidem in morbi statu natura strenuè pugnat, & symptomatum cohort-

cohorte, ac vehementia quasi opprimitur; & quia triumphum cogitat, non est ab ephodo sua auocanda, quod proculdubio fieret, si oblatis vberioribus alimentis à pepsimo ad pepsim d'straheretur: & si fortè non auocaretur, cibus ipse tamen in cruditate, aut etiam corruptelam abiret, morbumque augeret. Rursus in ἀκμῇ, seu morbi vigore maximè adsunt phlegmasiæ, vigor enim est morbi summum symptōna, quare victu dapili augeri illæ non debent.

A N T I T H E S I S.

AT primo de victus ratione in acut. nu. 6. in pleuritidis auxesi ptisanam pleniorē exhibendam esse, præcipit: sunt illa verba: *Ergo ne longius abeam, quò maior apparet purgatio, eò plenius ptisanam exhibebis, donec ad crism ventis sit.* Dixerat idem p. ulò ante sic: *Si verò os humectetur, & à pulmone prodeuntia, qualia oportet, fuerint, sorbitionis copiam, ut in summa dicam, augere oportet;* atqui sputum in pleuritide in principio aliquando, sapissimè in augmento, & statu apparere solet.

Moniti huius ratio illa erit, quòd cùm pleuritidis materia per anacatharism repurgetur, ptisana verò plurimùm illam iuuat, consequens est, ut quantò sputum affluentius exit, tantò ptisana largior exhiberi debeat, quatenus quamprimum vniuersa resurgatur systrophe. Addamus & id, quòd cùm in vigore morbi sit maius viribus opus, videtur consonum, ut naturæ laboranti suppetias feramus alibili succo, à quo roboratur.

S Y N C A T A T H E S I S.

ESto dialysis. In statu illorum morborum à cibo abstinendum, præcipit Magister primo Aphorismorum libro, in quibus vires titubant, atque opprimuntur materiæ morbificæ copia, & agitatione, non autem languent ab exhaustu, quo tempore proculdubio vel in ipso vigore ægros nutrire non expedit modò, sed maximè etiam necessarium est, ut Galenus 10. methodi testatur. Iam in ipsius pleuritidis ἀκμῇ, seu vigore, quando videlicet sputum liberalius expectoratur, quoniam metus adest, ne ab exhaustu vires concidant, fas est vberiori alimento præstò esse, atque adeò ptisanæ adijcere; sic enim constantes vires ocys, ac feliciter anacatharism absoluent. Hinc bellè Heurnius, & basiliè valde, in commentario octauii illius aphorismi primi libri aiebat:

Q 4

Non

Non enim infirmitas doctum Medicum, sed causa infirmitatis terrere debet. Vt ergo ptisana dum nihil expuitur perniciofa est, dicente Hippocrate libro illo de victus ratione in acutis: Quin etiam si lateris dolor assiduus est, & ad calefactoria non remittit, & sputum non prodit, sed citra putrefactionem, ac concoctionem valde viscosum sit, si non soluerit quis dolorem, aut ventre molliato, aut vena secta utrum tandem horum conducet: ptisana nam autem ita habentibus dederit, cita mors talium continget. Ita ubi sputum probè reddetur, ptisanæ usus ad auctus mirificè conducet.

ANTIPHONIA VI.

*An liceat in febrium accessione ægrum
nutrire.*

T H E S I S.

Vulgata est paroemia ex primo aphorismo 11. In accessionibus subtrahere conuenit, offerre enim nocuum est. Etenim tunc refluunt humores ad ventriculum, quare non est ille maiori onerandus molestia; quippe licet stomachus alimentis fruatur, non est tamen, quin ab iisdem aliquo modo afficiatur. Rem hanc luculentis verbis Præceptor idem enunciauit libro de victus ratione in acutis, ubi hæc num. 42. exarantur. Postquam verò medicamentum exhibueris, sorbitionibus utere obseruans febrium exacerbationes, ut nunquam exhibeas, quum sunt, aut futura expectantur, sed ubi desinunt, aut quieuerunt, & quam longissimè à principio: quum verò frigidi sunt pedes, neque potum, neque sorbitionem, neque aliud quiddam huiusmodi dato, verum maximum hoc esse ducito, ut expectes donec valde fuerint calefacti, deinde sic id, quod conducit, exhibe. Inde subiungit paulò infra: Nam ubi pedes frigidi fuerint, necesse est, ventriculum calidum esse, & multo fastidio plenum, & præcordium intentum, & corporis iactationem propter internam turbationem, & mentis abalienationem, & dolores; & æger distrahitur, ac vomere cupit, & si praua vomuerit, delet. Postquam verò calor ad pedes descendit, & urina progressa est, etiam si non sudauit,

dauit, omnia desinunt. Hoc igitur tempore sorbitionem dare oportet, alioquin perniciofa est.

His adde, quod in paroxismo quando natura humorum effusioni studet, non est ab opera auocanda. Inde prudenter factum est, vt Medici quinq; aut sex horarū spatio, ante accessionem, ac totidem saltem post illam victum ægrotantibus offerri, moneant; Quare eodem de victus ratione in acutis hæc scripserat Hippocrates numero 10. *Tempus porro exhibende sorbitionis hoc maximè obseruare, ab initio, & per omnem morbum oportet. Quum quidem pedes frigidi fuerint, inbibere oportet sorbitionis exhibitionem: Maximè verò, & à potu abstinendum est. Vbi verò calor descenderit ad pedes, tunc exhibere conuenit, & potare in omnibus morbis, & non minimè in acutis, & maximè in his, qui magis febriles, ac periculosissimi sunt, tempus hoc magnam vim habere. Utendum est autem primum quidem maximè succo, deinde verò ptisana, iuxta prædictas coniecturas diligenti facta consideratione.*

Rerum magistra experientia comprobatur; nam obseruare est, quod si circa paroxisum alimentum offeratur, vehementibus symptomatibus ægrum implicat, quin ad mortis limina deducere, valet. Cæterum non de rebus nutritijs tantum intelligi præceptum debet, verum etiam de medicamentis ipsis, quæ in accessione omnino inprobantur, vt præcitato textu de victus ratione in acutis fit palam.

ANTITHESIS.

Oppositum decreuisse videtur Iatronomophilax noster in libro de Affectionibus num. 18. vbi hæc registrantur. *Et in apprehensione quidem sorbitione, & potu nutrito; interposito verò tempore cibis per aluum secedentibus.* Suaderi fortè posset hoc dictatum ex eo, quod sorbitiones, ac potus ventriculo non infensent, naturam non aggrauant, ei:oque descendunt; quare si in paroxismo offerantur, nihil detrimenti afferent, quin prodesse poterunt calorem refouendo, ac naturam refocillando. Adhuc in biliosis febribus non rarò ex bilis ad os ventriculi anadrome cardiogmos, anxietas, atque halitus quidam enascitur, idèdque ni præsto simus sorbitionibus, ac potulentis, periculum etiam syn- copis imminet; quare ad euitandam immanem hanc calamitatem, in ipsa accessione aliquid offerri, præcipit Magister.

SYN-

SYNCATATHESIS.

IN primo Aphorismorum de paroxismo, qui est periodi deterius tempus intelligit, quo sanè tempore, quia natura affligitur, & refluxa est ad os ventriculi bilis, potus, & sorbitiones nulla ratione cōveniunt, esset enim, ut dicitur, afflictis afflictionem addere. At in libro de affectionibus, ubi de tertiana febre loquitur, pro apprehensione nequaquam intelligit ipsum periodi deterius tempus, nempe paroxysmum, & febris recursum, eiusque principium invasionis, verum totam ipsam invasionis diem, in qua proculdubio & potus aliqui, & sorbitiones sunt offerendæ, sed tamen in declinatione, ita ut sensus genuinus eius sententia sit, in febre tertiana non nisi potus, & sorbitiones offerendas esse in die febris, opportuno tamen tempore, nempe quando pedes incallescunt, quod est catabasis, siue declinationis argumentum, ut libro de victus ratione in acutis definitur; in die verò quietis convenire etiam cibos, qui alium subducendi facultatem obtineant, quare apprehensionis nomine non intelligit paroxysmi initium, verum declinationem, quæ in apprehensione continetur.

ANTIPHONIA VII.

*Salsa, & pingua in morbis pectoris an
adhibenda.*

T H E S I S.

Libro de internis affectionibus num. 4. de pulmonum inflammatione cum suppuratione loquens, salsa, & pingua damnat; audiamus ipsum: *Cum verò pus expuere inceperit, eadem bibat, quæ prius suppuratus, & cibus, ac potibus, & obsequijs iisdem utatur, abstinens ab acidis, & acris, & salsis, ac pinguibus &c.* Confirmat eodem lib. num. primo, ubi in con simili affectu, & pulmonis arteria exulcerata galli carnem assatam, sine sale tamen proponit.

Suadet id quoque ratio; quoniam acida cum adstringant, acris, & salsæ

& falsa cum exiccent, pingua verò flaccidos pulmones reddant, in morbis pectoris, quibus expedita est opus anacatharsi, nequaquam probari poterunt.

ANTITHESIS.

Contra libro de loc. in hom. 31. de suppuratis loquens hæc habet: *Cum autem excreationem facere oportet, pluribus cibis, & falsis, ac pinguibus utendum est, & vino austero, & cum sic habet tussis inducenda.* Confirmat 2. de morbis num. 43. ubi de peripneumonia, ait enim: *Si verò fueris, ne sorbeat, sed cibis utatur falsis, ac pinguibus.*

Antithesis nec sua ratione caret; quoniam cum in suppuratis id primò curandum sit, ut nimirum materia antequàm in pus conuertatur expectoretur, id profectò falsis, quæ tussim irritant (non enim nisi tussi pectus repurgari valet) nec non attenuant, & abstergunt, consequi possumus; pinguibus, verò, quia leniunt, viasque laxiores ad exitum parant.

SYNCATATHESIS.

A falsis, ac pinguibus abstinendum, iubet Hippocrates lib. de intern. affect. cum iam eger liberam habet excreationem, quam tussi per falsa cieri, non est opus: Id patet palàm ex verbis eius loci; ait enim: *cum verò pus expuere inceperit, ac tum à falsis, ac pinguibus declinandum fore.* Libro verò de locis in hom. ac secundo de morbis falsis, ac pinguibus utendum monet, dum nihil purulenti excernitur; ut verò externatur, iis est opus, quæ tussim irritent, cuiusmodi sunt acida, acria, & falsa; etenim in empyemate maximè, nisi valida tussi pectus cūtiatur, utique nihil educetur, eo tamen liberalius prodeunte, tussi operam dare non expedit, ideòque tracheam irritant a vsum non habent, sed potius, quæ materiam attenuent, ac meatus laxent, quod & 2. de morbis præcitato palàm indicavit Præceptor ijs verbis: *Postquam autem purius iam sputum prodierit, utrica semen, thus, origanum in vino albo melleque, ac oleo modico ipsi insuadito. idque per tertium diem: postea verò butyrum, resnam in melle eliquatam.* Et cibis non amplius utatur falsis, neque pinguibus &c.

AN.

ANTIPHONIA VIII.

Cucurbita refrigeret, an calefaciat.

T H E S I S.

Libro 2. de Dieta num. 14. frigidam, humidamque cucurbitam qualitatem his verbis enunciat Præceptor Cous: *Cucurbita frigescit, & humectat, & aluum mouet*. Ratum id ipsum facit 6. Epidemior. 5. sic inquit: *frigidissimus cibus cucurbita*; vt idè non immeritò veteres, Plinio teste, nil aliud esse, existimarint cucurbitam, quàm aquam coagulatam.

Thesim interim compertam reddit ratio, & experimentum, quæ sunt rerum omnium *ἡγρῖα*: nā calidioribus tēperaturis acurè insuper febricitantibus, nec non phlogosi occupatis partibus cucurbitam saluberrimè præscribimus, quā idè ratura prouida feruidior anni tempore producit; quin eodem Plinio Auctore, & succus rosæ mixtus, & vntioni corporis ad motus febrium restinguit ardores; Hinc Dioscorides: *Ramenta eius contra capitis ardorem, quem sriasis vocant, in scapite vtiliter illinuntur*; oculorum inflammationes, podagrasque similiter iuuant, succus adustiones cutis inunctus adiuuat. Cæterum Galenus lib. 11. de alimentor. facultate, vbi dixerat, cucurbitam phlegmonibus auxilio esse, addit, illam, si cruda edatur, ventriculum summopere refrigerare: Ne pigeat ipsum audire: *Cruda cibo insuavis est, stomachoque perniciofa, & concoctu planè inexpugnabilis, adeò vt si quis alterius cibi inopia ingerere eam compellatur, ceu quidam iam ausus est, pondus cum algore ventriculo incumbere, sit sensurus, stomachumque euerat*. Quid multa? Vnanimi omnium voto cucurbita inflammationes quascunque ventris, iocinoris, intestinorum, aurium, oculorumque compescit.

A N T I T H E S I S.

AT libro 3. de Dieta eorum, quæ in 2. exarauerat immemor, cucurbitam inter ea, quæ ventriculum calefaciunt, recenset; nu. enim 13. cum repletionē quandam ex ventriculi frigidityte proposuisset, hæc ait: *Oportet igitur huic præpara-*

re

re ventriculi caliditatem, tum ex victu, tum ex laboribus. Post hæc panem, & carnes varias ad rem facientes describit, inde herbas, quæ id ipsum præstare possunt, his verbis enunciat: *Ex oleribus vero porro, & allio, blitæque cocto, & cucurbita*: En ut inter porrum, & allium olera calidissima cucurbitam recenset, igitur congeneam existimat, & ad refouendum ventriculum opportunam.

Hanc ipsam cucurbitæ caliditatem videtur quodammodo significare Dioscorides cap. de cucurbita sativa, ubi statim ab initio sic habet: *cucurbita trita, & illita oedemata, abscessusque mitiga*: Porro quæ tumores frigidos, ut sunt oedemata, abscessusque, apta sunt mitigare, calida proculdubio censerī debent. Confirmari possit ex Simeone Sethi, qui cucurbitam valde nutrire, scribit, at quæ nutriunt validè, caliditate donantur: Adde corollidem. Haud rarò fluxus alui ex cucurbita ciuntur, imò cum emundatur, cortex manus inficit, corrugatque ichore quodam acri.

SYNCATATHESIS.

Cucurbita naturaliter temperie, nemine discrepante, frigida est, humidaque in excellenti gradu; potest tamen duplici nomine calefacere, primò quidem quoniam reficit, dicente Hippocrate libro de affectionibus: *reficiunt cucurbita, & beta*. Enimverò reficere nihil aliud, quàm calorem, spiritumque refovere, ac dissipatum restaurare; si ergo id cucurbita præstat, calefacit quodammodo, cum præsertim non ægrè coquatur, si carnis præcipuè iusculo incoquatur.

Vel dicas, cucurbitam, eo quòd frigida existit, calorem illum actualem, quem, dum coquitur aspicit, diu servare; ita solet contrarium vnumquodque extraneam qualitatē fortius, diutiusque retinere; quare in stomachum illabens, ibique calida diu permanens, naturam eius caliditatem fouere, ac viuificare poris erit; neque interim potentialis frigiditas poterit eidem aduersari, quoniam cito descendit, & breuem vitam habet, ut loquitur Magister, vnde & alium mouet, ideoque primigeniam suam refrigerandi virtutem exercere nequit.

AN.

ANTIPHONIA IX.

*Sit ocymum; & coriandrum calidum, an
frigidum.*

T H E S I S.

Calidum, siccumque statuitur ocymum à Magistro 2. de
Dieta num. 14. Verba sunt illa: *Ocymum siccum est, &
calidum, & aluum sistit; coriandrum calidum est, & al-
uum sistit.* Porro has qualitates testatur palam odor acutus, qui
vel caput ipsum tentat, grauiusque afficit usque ad dolorem, quod
experiuntur, atis quicunque eius frequentigaudet olfactu.

A N T I T H E S I S.

Interim libro de affectionibus num. 48. dissonantem totis au-
ribus exarauit sententiam; audiatis: *Ocymum, & humidum
est, & frigidum, ac stomacho gratum; ubi Cornarius verbum
græcum cardiacum vertit stomacho accommodatum; quod ta-
men Galenianæ auctoritate conuellitur, siquidem is 2. de alimētis, fa-
cult. 58. ocymum cacochymum, & cacostonacum esse, astitit. De
coriandro verò hæc leguntur: *Coriandrum stomacho gratum est, &
per aluum secedit tum coctum, tum crudum.* Caterum quod hu-
midum sit ocymum, colligitur ex eodem Hippocrate lib. de affe-
ctionibus num. 40. ubi inter emollientia aluum ocymum enume-
rat; inquit enim: *quum aluum debilem à cibis humectare volueris,
mazam dato, & obsonia; & paulò infra; ex oleribus verò apium, &
anethum, ac ocymum.**

S Y N C A T A T H E S I S.

At magnus Medicinæ Toparcha πλάσδοτος, aut mendax
nunquam audijt; verum si vnquam oppositæ sententiæ
apud Hippocratem antilipsi indiguerūt, hæc profectò om-
nium maximè tutela opus habent. Porro sit ne coriandrum frigi-
dum, an calidum, disceptat lib. de simplic. medicam. facult. Galen.
contra

contra Dioscoridem, vbi contendit mordicus, reperiri in coriandro haud simplicem, sed variam, & permixtam qualitatem, vt partim refrigeret, partim calefaciat. Erit ergo fas dicere, recedens coriandrum ob humiditatis cuiusdam interminatæ, incoctæque excessum refrigerare, & aluum solvere, ideoque, vt Dioscorides, ignibus sacris, & vlcibus, quæ serpunt mederi; siccum verò, & maximè torrefactum calidum fieri, & aluum sistere, vnde Simeon Sethi aiebat, *rosum igne ventrem sistit*. Vel insuper dicatis, folia refrigerare, & vberiori, ac malè olida humiditate per aluum secedere, semen verò calefacere, atque exicare. Neque absolum quispiam reputare debeat, aliam temperiem in folijs, aliamque in radicibus, fructibusque reperiri posse, & in his etiam disparem, quando citria, & aurantia mala aliam in cortice, aliam in carne, in succo, & seminibus longè aliam præferunt.

Sed illud ex Galeno 2. de alimentor. facult. cap. 58. reticendum non erit, nempe siccorum herbarum germina, siue asparagos humidiora esse, quàm humidiorum: Audiamus ipsum: *Brassica igitur germen minùs, quàm brassica ipsa siccatur, tamen si aliorum olerum caulis temperatura est vt plurimum, quàm folia siccora, potissimum cum iam prope est, vt semen profundat; Dico autem, alia olera esse hac, lactucam, atriplicem, betam, maluam. Contra verò accidit, vt radícula asparagus, & rape, sinapi, cardamini, pyrethri, & omnium propemodum atrium, & calidorum sit humidior; Bulbus autem, & apium, fion, eruca, ocymum, oxylapathum, & omnis oleracei generis herba antequàm semen effundant, eiusmodi caulem quendam producunt, qui post semen effusum siccatur, fitque ad cibum hominibus inutilis. En ergo, vt eiusdem oleris, fruticisque diuersa in diuersis partibus, ac temporibus temperatura esse potest.*



AN

ANTIPHONIA X.

Potus calidus, an frigidus in febribus conveniat.

T H E S I S.

Libro de locis in homine num. 39. febricitantium potum præscribens, Hippocrates aquam calidam illis offerendam esse, præcipit; sic enim loquitur: *In potu dabis aquam calidam, & aquam mulsam, & acetum cum aqua.*

Probat id in primis ex fine, quem Auctor ipse proponit, nempe ut sudor eliciatur, quo vel remittitur, vel omnino febris ipsa absoluitur: ipsum loquentem audiamus: *Si enim non frigidus ingressus fuerit potus calidus existens, ac manens, ex corpore agroti detrahet, & vel per urinam ejiciet, vel exudabit.*

Rursus frigida potiuncula neutiquam in febribus conducere videntur, ut quæ vel obstruere queant, vel per antiparistatim æstū augere; unde forsitan factum est, ut in primo Aphorismorum Præceptor non frigidam, sed humidam victus rationes proposuerit; aiebat enim: *Omnes victus rationes humida febricitantibus conveniunt; ne si fortè frigidam scripsisset, quis temerè ad gelidorum potuum usum declinaret.*

Præterea frigida aqua nativum ventriculi calorem à febrili quodammodo marcescentem amplius infringere, ac penè extinguere potest; imò stagnans in hypochondrijs multarum calamitatum esse potest origo, ideòque nullum usum in febribus aquam habere asseverauerat idem libro de victus ratione in acutis.

A N T I T H E S I S.

PAlinediam recinit non in vno in loco Hipocrates, & potissimum lib. de vict. ratione in acut. ubi non in canso tantum, sed etiam in angina frigidam exhibet: Confirmat quarto Epidemiorum ijs verbis: *In acutis febribus striculis à Medicis privati potu, aut etiam à se ipsis videntur posse bibere multum; aqua frigida data, ut vomant, prodest, biliosa enim aderunt.* Insuper 2. de morbis in febre à bile frigidam aquam quantum voluerit, ego

ægro permittit; verba sunt illa; *Altera autem die, qua febris detinet, aquam frigidam quantum bibere volet dabis.* Adhuc 3. de morbis in fine refrigeratoriâs, vt vocat, ad ardentem febrem potiunculas præscribit, & ne quis putaret, illas potentia, non actu frigidâs exhibendas fore, in omnibus ferè Hippocrates addit; *ubi ebullierit frigidam exhibeto, sub dio expositam frigidam exhibeto.* Demum ne sim prolixior, & Hippocratis innumeras penè auctoritates registrem, lib. de locis in homine trigésimo octauo, ac trigésimonono habemus: *Ardores verò potionibus, & sorbitionibus, quemadmodum febrem frigefactorio medicamento exoluere oportet.*

Caterùm hanc veritatem validæ suadent rationes; Prima quidem, quòd ardor immoderatus, qualis causo iungitur, nullo potest efficacius auxilio debellari, quàm gelida aqua, vt quæ actuali, simulque potentiali frigore, nec non eximia humiditate vel ipsum extinguere solet ignem, cuius nimirum est aqua supplicium, vt quispiam olim dixerat, vt ideò iure à Galeno nono Methodi cap. 5. assertum fuerit, aquæ frigidæ potum in continentibus febribus sanguinis missionem æmulari.

Præterea febris ardentis inseparabilis caracter est sitis intensissima, linguæ summa siccitas, atque asperitas maxima. At sitis non calida, sed frigida aqua extinguitur; quod vel ex eius definitione liquet, nam frigidi desiderium Philosopho dicitur.

Tertiò ad edomandam, ac deturbandam bilem, quæ acutarum febriū est vnica parēs, nil efficacius est vbere, gelidaque potione; hinc enim fugatur, dispellitur, extinguitur, & susque, deque deturbatur.

Quartò frigida aqua sudorem etiam promouere potest, ac solet, ita in ætate, autopsiâ probante, si corpore æstuante, frigidioris potus quicquam hauriamus, ilicet emanat sudor.

SYNCATATHESIS.

IN febribus ardentibus, vt etiam in atrocibus quibusq; malis à bile oriundis, magis plerunque effectus, quàm causa vrget, symptoma ferocius, quàm ipse morbus agit, excruciatq; Vbi ergo in causo incendium, ac sitis tormentosa ad extremâ calamitatē deduxerint ægotantem, & quasi in ferotem, potiones apprimè frigidâs par est exhiberi, & quidem in ea copia, vt ebulliētes humores temperare, & spirituum feruorem extinguere valeat. Huc ergo Hippocratis mens collinauit, dum pluribus in locis frigidos commēdat latices. At verò lib. de locis in homine, & alibi, morbificæ po-

R
tius

tius causæ satagens calidos admittit haustus, in illum scilicet finem, ut vel vrina, vel sudor promoueat, indeque morbi ipsius causæ detrahatur: Nam statim subiungit: *Si enim non frigidus ingressus fuerit potus, calidus existens, ac manens ex corpore aegroto, & vel per urinam eiiciet, vel exudabit.* Clarius eloquamur. Duum generum febricitantium potatio est, vnum ad alimenti vehiculum suisque mulcebram, quod cum cibo ipso assumitur, & hoc frigidum esse debet, nec multum; alterum ad humorum vel alterationem, vel exclusionem, & hoc potius calidum commendatur, & nimium.

Næ de hoc postremo verba facit Hippocr. in libro de locis in hom. quod sanè vel ex eo deprehendere licet, quòd in magna copia tales haustus propinari laudat; ait enim: *In potu dabis aquam calidam, & aquam mulsam, & acetum cum aqua, hæc autem quamplurima bibat;* Quamplurimam autem haud fas est bibere pro potu alimentitio; improbatur enim in prandio, cœnaque potus nimius, dapi- busque superior; ideòque subiungit statim, futurum inde fore, ut vel vrina, vel sudor proliciatur, vel ratione scilicet copię, vel ratione qualitatıs; siquidem aqua calida laxat, aperit, emollit, attenuat, fundit, & simul deuehit, & abluit.

ANTIPHONIA XI.

Vinum, an aqua in febris conueniat.

T H E S I S.

IN febris, alijsque morbis essentialiter acutis aquam, non vinum exhibendum esse, monitat sexcentis in locis Hippocrates. Ita quarto de victus rat. in acut. 33. aquę potum in angina præscribit, in tertio verò num. 41. aquam exhibendam præcipit. *Cum in morbis acutis sortem capitis grauitatem, vel mentis lesionem suspicatus fueris.* Rursus eodem in libro præscribit eamdem in causo. Secundo de morbis propinat in febre lipyria; ibid. nu. 36. vel in magna copia offert in febre à bile, ait enim: *Altera verò die, qua febris detinet, aquam frigidam, quantum bibere volet, dabis;* & paulò infra: *Reliquo verò tempore aquam frigidissimam bibat.* Nec desunt
apud

apud Hippocratem plurimæ aliæ huius census auctoritates, quas cumulare hic longum, & superuacaneum foret.

Id sanè rationibus, & experimento non ægrè suaderi potest; rationibus quidem, quoniam cum in acutis febribus, alijsque morbis ab inflammatione oriundis scopus primarius, & vnus curationis cardo sit refrigerium, hoc ab aqua præcipuè, & affatim consequi valemus, aqua enim qualitates, & febri, & phlegmoni è diametro oppositas offert, vnde Eschilus aquam vocabat ignis supplicium, cum extinguitur ab illa; febris autem, vt naturam, ita & nomen sortita est ignis apud Hippocratem, qui πῦρ, & πυρὶν ubique illam vocitat; Enimverò inter antiquos Philosophos tamen si disceptatum fuit, quodnam esset primum frigidum, & aerem nonnulli, vt stoici, terram alij, vt Auicennas asseruerint, melior tamen Empedoclis, atq; Stratonis opinio fuit existimantium aqua. Porro *aqua madefacit, frigefacitque corpus*, vt Præceptor libro de humidorum vsu testatur, & vt primo de Dieta num. 5. *Aqua inest frigiditas, & humiditas* (intellige in summo) qui sanè sunt scopi in omnibus febribus, & inflammationibus præcipuè, in quibus propterea vino interdiciamus ægrotantes.

Insuper cum nullum symptoma frequentius in acutis vrgeat, quàm sitis incompscibilis, & faucium arefcentia, quo consilio ab Hippocrate victus humidus duntaxat, & sitis expeis in febribus libro de victus ratione in acutis commendatur, aqua nimirum sitim, quæ est frigidi desiderium, validè extinguere potest, vnde illius desiderio febricitantes maximè peranguntur.

Rem ipsam confirmat adhuc experimentum; siquidem in ardentissima febre non est efficacius vllum præsidium aqua gelida vel ad satietatem hausta, quam vel eadem die febrem iugulare, posse, testatur Galenus; quinimò cum Galenus ipse ante gelidæ huius aquæ exhibitionem multas prærequirat condiciones, & in primis, quòd i pepasini pte apparuerint signa, Auerrhoes gelidæ beneficium extollens, & amplificans, contra Galeni assertum dogma astruit, nullo modo in ea propinanda expectandam esse coctionem, sed statim ab initio æstum, ardoremque infringendum fore, extremum inquam ab exurente calore, atque ebullientibus humoribus imminere periculum, ideòque continuò parandum esse refrigerium; & adducit in medium rationem illam, quòd magnum remedium in magno discrimine vsurpari debeat, at vbi pepasini apparuerint signa, iam ægrifalus in tuto est, dicente Hippocrate,

coctiones iudicij celeritatem, & securam sanitatem ostendere. Quibus addi potest, quod coctio bilis, quæ causi est origo, in sola refrigeratione consistit, ideòque statim refrigerandum, id quod ipsi Galeno non improbat, qui in libro illo cui est Apographon: *Quos, & quando purgare oporteat*, apertis fidibus enunciat, bilem ob sui tenuitatem confestim purgari posse, aliàque non ægere præparatione; & nimirum si in principio febris acutæ potiones refrigerantes præscribimus, cur etiam exhibere nequeamus aquam gelidam, quæ aptius, & efficacius apta est feruorem extinguere? Rursus cum à febre ardente duo alij perniciosissimi imminuant morbi, vtpotè perineumonia, & febris hæctica communicata pulmoni, ac solidis partibus feruidissima intemperie, vt has calamitates effugiamus, aquam, non expectato pepasmo, propinare fas erit. Nec modo ore tenus hausta gelida aqua in causo conuenit, verum etiam ex Præceptoris ipsius dogmate corpori affundi debet extrinsecus in ventre, vbi phlogosi aliqua occupatur: ita quarto de morbis popularibus vir quidam recensetur, cui affusæ sunt desuper corpus frigidæ aquæ triginta circiter amphoræ, & hoc duntaxat auxilium ventris dolori à catapotio accepto prodesset videbatur, vnde postmodum deorsum bilis processit multa, vt Præceptor loquitur; Sic libro de affectionibus vndecimo clysterem ex infuso frigidissimo, vt alibi explanauimus, immitti iubet.

ANTITHESIS.

Sed en manifestum Antitheton ex tertio de ratione victus in acutis, vbi Præceptor aquam damnat, reijcitque prorsus in morbis, & febribus acutis, asseueratque, nullum prorsus esse emolumentum, quod ijs attribuere valeat, & subiungit: *Aliàs autem neque sitim sedat, sed exacerbat; est enim natura biliosa, ac præcordio mala, imò pessima fit, ac biliosissima.*

Prodit verò & hæc sententia suis fulcita rationibus, quippe quod aqua febrilem calorem haud extinguat, sitimque nec sedet, sed exacerbet potius, id est ex natura ipsius; quoniam ad sitim auferendam, ac feruorem infrænandum necesse est, vt humor per vniuersum corpus faciliè diffundatur, seseque in intima penetralia transferat, iam aqua, vt in commentario eiusdem libri de victus

ratione

ratione Galenus addit: & tardi transitus est, & quod frigida est, & cruda, ac incoctilis, & neque per aluum secedit, neque per urinam transit. Quid multa? Quod neque sitim extinguat aqua, probat vulgatum, & vulgare disterium.

Quod plus sunt potes, plus sitiuntur aqua.

Ceterum quomodo aqua in biliosis naturis biliosa euadat, difficultatem, nec leuam redolet, torsitque propterea neotericorum ingenia; hic tamen perfunctorie dicam (nam alibi rem ipsam plenius examinaui) quod aqua per antiparistasin calorem in febribus, & consequenter bilem augere possit; quo consilio detrectarunt non pauci frigidos in febre syruos, & apozemata. Insuper quoniam obstruit, calorem augere potest, & in bilem non aegre conuerti, praesertim cum ad os ventriculi bilis ipsa anadromen habet, vt sentit Heurnius vir omnibus albis doctissimus.

SYNCA T A T H E S I S.

PRotextuū apertè pugnantiū synaulia illud præludā, quod nimirum aqua in febribus sumi potest, vel vt quotidianus, ac penè nutricius potus, vel vt simplex, purumque medicamentum. Porro vbicunque Hippocrates aquam in febribus improbat, de ea vt potu, qui in victu adhiberi solet, intelligit: quo modo procul dubio nullius emolumenti, imò potius magni detrimenti existit: sic enim quoniam moratur in ventre, stagnatque in hypochondrijs, atque adeò emphraxin producit, calorem consequenter exauget, & in bilem euadit: siquidem non est eius energiae, vt febrilem ipsum calorem extinguere queat; actio enim fit ab excessu agentis supra passum, & vnumquodque contrariorum tandem post velitationem, si non vincit, vincitur. His adde, quod frigida in potu sumpta, neque urinam mouet; neque per alias vias bilis, aliorumque humorum serosam colluuiem traducere valet, indeque semper erit infensa. Quare Galenus addebat, quod neque in cute transpirationem facit, eò quod tenuium partium non est: Et hinc seduliores practici puram aquam febricitantibus interdiciunt, & sa. charo, vel acido quodam succo admixto eandem propinant.

Ceterum vt medicamentum, quoniam in magna exhibetur copia, suo pondere descendit, ac diffusa per vniuersum corpus (arida enim, atque feruentia membra auidè rapiunt illam) ipsumque permeans hepar, siue per vas breue lienis

R 3 tran-

transmeans, breuiori circulo æstum temperat, sitimque infrænat, & quia frigidissima est calorem, & inflammationem extinguit. Præterea copia, & frigore fit etiameductiua, vnde insurgit ad expulsionem natura, ac maximè sudorem promouet, quandoquidem, assumpta gelidissima aqua, calor, qui multus in præcordijs æstuat, à suo contrario fugiens internas, corporis partes relinquit, seseque ad superficiem euocat humores, ichoresque secum ducens: Adæuctus autem hoc modo incute calor meatus referat, facitque, vt per insensibilem transpirationem, & per manifesta sudoris fluentia feruidi, falsi, impuri- que icheres, quifebrem acutam, & maximè ardentem efficere solent, educantur; Ità sanè (autopsia docet) in æstate media latrante Syrio, si gelidum potum in meridie hauriat quispiam, statim sudore manat. In libris ergo de morbis aqua, vt medicamentum probat Hippocrates, alibi, verò, vt potum quotidianum reprobatur.

ANTIPHONIA XII.

Vinum in capitis dolore an liceat exhibere.

T H E S I S.

Lib. de victus ratione in acut. num. 25. Aesculapudum Princeps vinum in capitis dolore protinus ablegat; illa sunt verba: *Fuluo verò vino, & nigro austero in his morbis adhuc uti poteris, si capitis grauitas non adfuerit, neque mentis percussio.* Confirmat num. 30. vbi sic: *Vbi tamen in his morbis suspicatus fueris, aut capitis grauitatem vehementem, aut mentis percussionem, pœnitus à vino abstinendum est.* Rursus num. 58. de meraciori, & austeriori vino loquens, aiebat: *palpitationem in corde, & pulsationem in capite inducit.* Sed adhuc luculentius libro de affectionibus numero secundo capitis dolores expendens, hoc præceptum exarauit: *Vinum autem non exhibeatur, donec dolor sedetur; quum autem calidum existens caput vinum attraxerit, dolor fortior euadit.* Subscribunt in hoc Hippocrati Galenus 1. ad Glauc. m 3. & 2. de composit. medicament. secundum loca; Serapio Arabum antiquissimus lib. 1. cap. 9., Aliabas practicę lib. 1. cap. 6.

cap. 6. Auicennas lib. 3. Fen. 1. tract. 2. cap. 9. Quod si ex eodem Galeno 2. de alimentor. facultatib. lora, quam Græci *διυνησία* vocant, hoc est secundariam, quæ ex vinaceis, è quibus mustū expressum iam est, affusa aqua, confici solet, fitq. prima, & secunda, capitis parit dolorem, quantò magis vinū ipsum nulla remixtum aqua id efficiet? Dices, vinum ipsum aqua dilui, & castigari posse, dum bibitur, tamen si dum exprimeretur, nihil fuit aquæ affusum. At non est eadem ratio; nam diuersorum humorum miscela, Galeno arbitro, non fit statim, sed spatium quoddam temporis opportunum exigit; quin fuit opinio Arnaldi, vini spiritus, dum primò affunditur aqua, per antiparistasin augeri, intendique, atque adeò statim, & modicè dilutum si bibatur, magis calefacere, quàm si purum, & merum hauriatur.

Harum assertionum veritas ratione satis elucescit; siquidem vinum ex sui natura caput maximè tentat, vnde Temetum hac ethimo apud antiquos dicebatur Beroaldo in Ciceronem his verbis probante: *Temetum prisce vinum dixere ductum ab eo, quòd mentem labefacit.*

Hoc nomine vocauit in primis Plautus in Aulularia.

Cereri Strobile istas facturi nuptias?

Quia temeti nihil allatum video.

Horatius quoque 2. Epistolar. 2.

... das nummos, accipis vuas

Pullos, oua, cadum temeti

Enim verò nil magis caput vaporibus opplet, quàm vinū sulphureum enim cum sit, ignem actutū concipit, & sublimè euolat, & quia spiritibus affluit, cerebri regionem imperit: testes ebrij sunt, qui vel in furorem, ac deliramenta, vel in altum declinant somnum; quod si caput fortè doleat, fortior ad caput ipsius vini euocatio fit, ipso videlicet alliciente dolore, quem similem cucurbitulæ Medici statuunt. Id ipsum tum euidentius comprobatur patientum experientia, nec non medicorum consuetudo, qui libentiùs in febribus, quàm in cephalalgijis, & hemicranijs, alijsq. capitis paraphoricis, cataphoricis, aut catarrhoicis affectionibus permittunt.

ANTITHESIS.

I Am Antiphona recenseamus. Epidem. 2. sect. 6. Magister in capitis dolore à crapula (quod est adhuc magis mirum) vini meraci heminam præscribit: verba sunt: *Si ex crapula ca-*

R 4

put

put doleat, vini meraci heminam bibat; si verò aliter caput doleat, panem quàm calidissimum cum vino meraco edat. Confirmatur aphorismo 41. sexti libri, vbi sic habet. *Oculorum dolores meri potio soluit*. Nec ipse Galenus dissentire videtur, nam 2. localium, cap. 1. in capitis dolore ab ebrietate aquosum vinum, quale est in Italia, Sabina concedit, & ibidem tum ad capitis dolorem ex bile, cum etiam ex naturalium viscerum sympathia vinum dilutum non detrectat, quemadmodum comprobant Trallianus. vbi de dolore capitis, Paulus Aeginas lib. 3. cap. 4. Acrius lib. 6. cap. 43. & Rhafis primò continentis, ac nono ad Almanforem.

Atqui vnique paradoxon videri potest, quòd si caput à temulentia malè afficiatur, alterius vini haustu curari debeat, cumque crapula sit repletio quædam, morbi verò à repletionem inanitione curentur, illa tamen noua illuue remoueat. Nec interim mentiri Hippocratem, opinari fas est, qui adhuc sexto Epidemiorum inter doloris capitis remedia cyceon proponit, Galeno interprete eo in loco, vt Gorraeus in suo definitionum Medicarum libro obseruat in verbo *Κυκεον*, cyceon autem, siue cinnum, vt latini vocant, est confusa quædam mixtio ex varijs alimentis, vt melle, caseo, polenta, oleo, ac vino, vnde à quinque his rebus pentaplon dicitur, ita tamen, vt vinum primum locum obtineat.

Prodeat ergò, & Antiphonon suis munitum rationibus. Porro cum sit crapula frigidum quoddam pathema, si contrarijs curari debeat, vtrique calidis expugnabitur; ex calidis verò nullum magis opportunum, quàm quod magis analogum, quodque natura sua ad affectam partem, nempe caput conspirat, ipsum videlicet vinum. Nec amabo ridiculum alicui videatur, quòd sit crapula affectio frigida, quandoquidem nihil est aliud *κραναλη*, vnde crapula deriuat, quàm capitis fluctus, & agitatio, seu torpor ex hesterna ebrietate, quemadmodum *μεθυνη* est turbatio ex præsentis: quippe vini largius assumpti humidior, frigidiorque portio, quæ ad caput cum eiusdem feruidis spiritibus ascenderat, resolutis calidioribus atomis, in cerebro ipso remanet superstes. Namque dum vberior meri copia ingurgitatur, dumque feruescentis inde visceribus anathimiasis excitatur, vnà cum ipsius vini sulphure, & spiritibus aquosæ etiam partes eleuantur, non enim totum vinum est vinum, sed maior portio excrementitium quoddam humidum, vt ex aquæ vitæ destillatione palàm fit; Vbi ergo ad cerebrum, vini calidiores partes vnà cum frigidioribus extolluntur, breui temporis spatio à nativo calore illa dissipantur, supersunt autem dan-

taxat

taxat humidiores, quæ statim refrigerantur; siquidem teste Aristotele 3. Problematum sexto, ubi de vini immoderato usu, atque ebrietate loquitur: *Multum humidum cum refrigeratum est in multum frigidum se conuertit, ita ut calorem superet naturalem.* Et hæ vini partes refrigeratæ sunt illæ, quæ caput caribasi aggrauant, vertiginem pariunt, mentis debilitatem inferunt, pallorem in facie pingunt, mentemque ipsam, hoc est organum stupida quadam caligine obducunt, quod Venusinus Vates serm. 2. satyra 29. liquidissimè descripsit his verbis.

. . . vides, ut pallidus omnis
Cæna desurgat dubia? quin corpus onustum
Hesternis vitij animam quoque prægrauat vnâ,
Atque affigit humo diuinæ particulam auræ.

Cæterum, ut auferantur hæ noxæ, frigida illa colluies in cerebro superstes, & ventriculi aepsia expungi debent, has verò *ἀνατομή*, id est meracius vinum faciliè dissoluere potest; hinc enim incalcescit iterum cerebrum cum ventriculo, facultates excitatæ vigescunt; vnde excrementorum colluies dissoluitur faciliè, atque mox eliminatur.

Neque à ratione longè alienum quispiam arbitretur, posse à causa calida frigidas inuri affectiones, quando vel Philosopho teste tertio Problematum alibi nuncupato, certum est, à vini copia frigidiores quoque morbos exoriri, tremorem, paralysem, apoplexiam, catalepsin, lethargum, & sexcentum alios, quos & Anicennas primo Canonis recenset; Enim verò natiuus ipse calor ab extranea caliditate marcore perit, cuius paupertate, ac defectu mox frigidarum passionum illas in promptu est. Aristotelis verba solidiori doctrina prædita, placet hic appingere, lege, perlege, perpende lector, philosophiæ medullam erues; Tertio illo Problem. 25. dum quærit, cur ebriosi tremunt, & eò magis quò largius merum hauerint, ùm vinum calefaciendi vim habeat, sic ille post alia multa: *At nihil prohibet, rem eandem à contrarijs effici, dum modo non agant modo eodem sed diuerso.* Exèpli gratia vritur & à gelu, & à calore, ubi gelu calorem coëgit vniuersum; itaque modo quodam à contrarijs effectus proficitur idem, & modo quodam non nisi idem producit; tremor autem ob inopiam excitatur caloris non cutusque, sed proprii; corrumpitur autem calor aut marcore, aut extinctu; extinctu quidem à contrarijs, hoc est frigido, & humido, marcore autem, vel indigentia nutrimenti, ut lucerna cum fomite, aut oleo caret, vel ab alieno calore, ut ignis in Sole, & lucerna apud ignem; igitur
qui

qui ex frigore rigent, caloris extinctu obtremunt, ex quo etiam fit, ut aqua offusa calida, horror exoriat, frigus enim cum intus includitur, atque circumobfestit, pilos erigit; & in febrium quoque accessione rigor ille eueniens simili de causa venit; in senectute autem calor, alimentum deficiente, emarcescit; humor enim alimentum caloris est, senectus autem sicca est. Ebriosi vero, & si qui ita affecti sunt alij, suo prorsus emarcescente calore, obtremiscunt, sed non modo eodem, quo senes, sed tertio corrumpendi modo, ut proposuimus; Quod enim vino utuntur nimio, calor aduentitius superans aut exstinguit, aut debilitat proprium calorem, quo valeamus.

Adde, quod tamen si vini crapula adhuc seruaret caliditatem, vinum nihilominus iterum iuxta Hippocratis normam exhibitum noxam eximeret; siquidem sæpè clauus clauum pellit, & curatio nonnunquam Hippocrate docente solet etiam per similia obtineri. Non absque summa eloquor auctoritate, namque Præceptor idem vinum, tanquam vnicum auxilium, & antidotum frigidarum non minùs, quàm calidarum passionum hic illic celebrat; ipsum quæso audiamus lib. de affect. nu. 52. sic dicentem: *Quæcunque aut flatum, aut æstum, aut morsum, aut repletionem, aut tormen faciunt, à talibus liberat vinum meracum insuper potatum, corpus enim à vino calefactum per calorem amouet ea, quæ insunt à cibis, ac potibus, & similibus. Apage, si æstum, ac morsum eximit, igitur calidis etiam pathematibus opitulatur.* Rursus 4. de ratione victus in acutis, numero sexagesimo primo in cholera sicca, quæ passio est à feruidissima, ac siccissima bile oriunda, vinum, idque meracius præscribit: illa sunt verba: *Dormire quoque tali conducit, & bibere vinum, tenue, ac vetus, ac meracius; quod in praxi quotidie obseruare est, nam ubi cardiognos, aliudque ex bilisanadrome pathema ventriculi orificium infestat, quamuis insignis adsit febris, vinum tamen & meracum, & generosum exhibemus eo consilio, ut acerrimum succum, atque extuantem sua caliditate dissoluat.* Nec profectò rarum est apud Hippocratem, morbos quamplurimos vino curari, & si placeat obiter præcipuos nonnullos recensere, percipito: 2. Epidemior. hæc inuenies: *Si os ventriculi doleat, panem calidum cum vino meraco exhibeto.* Ibidem sect. 5. *Si hydropicum tussis corripit, si quidem animo linguatur, calidis omnibus utatur; sin minùs inebriato, ac cibo ipsum impleto.* An quia ebrietas urinam affatim promouet, cuius effluuium hydropi valdè conducit? Nimirum ebrietas (πνεῦμα) tametsi vitiosa, suis non caret virtutibus nonnullorum arbitrio quip-

quippe, vel Auicenna primo Canonis comprobante, visum quibusdam est, si in mense bis, aut semel admittatur ebrietas, insignem receptum iri emolumentum, quod somni longioris, altiorisque ratione virtutibus animalibus alleuiamentum, & quies inducatur, sudor proliciatur, & quæ superfluunt, resoluantur; nec omittendum, quod vomitu, qui amplissimus in temulentis accidere solet, ventriculus ab excrementorum colluie, atque omni cruditate repurgatur. Quin Seneca ipse Stoico aliquin supercilio grauis ad animi curas consopandas, ebrietatem admittere videtur; inquit enim: *non nunquam & usque ad ebrietatem veniendum, non ut mergat nos, sed ut deprimat curas.* Cui astipulatus Horatius lib. 1. ode 7. canebat.

nunc vino pellite curas,

ut relinquam, quod etiam Ouidius ad amoris acerrimas curas obruendas, temulentiam commendabat metris illis secundo de remedio amoris:

Cura fugit multo, diluiturque mero,

& quæ sequuntur; Nec prætereundum, quod Homericum illud Nepenthes nihil aliud existimarunt nonnulli, quam vinum; ita censuit Rufus antiquissimus medicus, & apud Oribas. lib. 5. collect. c. 7. legitur sic: *Quippe cum vinum sit mororis medicamentum, atque Helena quidem mihi videtur hoc crateri insudisse, ut mororem sedaret.* Adde postliminio ex Platone 1. de legibus, hominum mores ab ebrietate facilius reteri.

Sed me in gradu recipio iam, & ad Hippocratem redeo vino plerasque affectiones curantem. Sexto eodem de morbis popularibus sect. 6. hæc tradit: *In gutturis dolore aquam calidam super caput fundito, si non frigus fuerit; sin minus, farinam quam calidissimam dato, & vinum meracum.* Adhuc 2. Aphorismor. 21. *fa- mem caninam thorexii soluit;* & 6. Aphorismor. 31. *Dolores oculorum vini potus soluit.* Insuper lib. de victus ratione in acutis n. 55. in tetano. *Tali si non febris, & somnus accesserit, & sequentes urine incoctionem habentes prodierint, & sudores indicatorij, vinum creticum vinosum bibendum dato.* Rursus alibi ad somnum conciliandum cibi modicum, & vini meraci cyathum probat.

SYN-

Sententiarum antiphonisis non agrè conciliatur, si dicamus, Hippocratem lib. de victus ratione in acut vino interdiceret ægros, cum caput per idiopathiam ab intrinsecis, iisque feruidis causis dolet, ut pote vel à bilis anadrome, congestioneque, vel à viscerū feruidiori anathymiasī, nec non cerebri, aut mēbranarum phlegmone: in his namque casibus vinum intemperiem auget, vapores cumulat, humorum addit feruori. At in lib. 2. de morbis popularib. de capitis dolore agit, qui à mera causa procacitica est, nec non à frigidiori vini proluuie, hoc est à crapula, ut super explicatum fuit, quomodo superingestum vinum, haustu tamen longè minori, crapulam dissoluere potest.

Ad id autem, quod obijciebatur, crapulam esse repletionem, atque adeò inanitione, non autem nouo additamento curandam, iuxta decantatam Præceptoris doctrinam, morbos omnes à repletionē inanitione curari, responsum velim cum ipsomet Hippocrate, inanitionem, & ieiunium crapulæ omninò infestare: ita lib. de ratione victus in acutis § 6. legitur expressè: *At verò ieiunium ad capitis dolorem, ac crapulam malum est; Quid amabo clariùs? Et militat quoque ratio, quandoquidem in ieiunio excandescunt viscera, effruescuntque humores, vnde ingens ad cerebrum eleuatur vaporum turbo. Ita & allium, quod natura sua capitis cataphasim, seu grauitatem efficit, ebrietati tanen opitulator ex libro de victus ratione in acutis numero quinquagesimonono; Cōmodè ergo vinum etiam in capitis doloribus propiratur, dummodo mensura, & oportunitas seruetur, iuxta illud Hippocratis lib. de affectionibus in fine: Vinum, & mel optima iudicatu sunt in hominibus, si iuxta naturam & sanis, & debilibus cum temporibus, opportunitate, ac mediocritate exhibeantur.*

Et data non apto tempore vina nocent: canebat Vates. Igitur si in ea portione assumatur, ut caput roboreare valeat, nec vll'um laborem inferat, sed statim coquatur, mirificè prodesse poterit, etiamsi generosum, ac merum fuerit, ita enim vires maiores obtinet.

Si fortè quæras, quid sibi velit Hippocrates altero illius sententiæ membro, videlicet: *Si verò aliter caput doleat, panem quàmca- lidissimum cum vino mērato edat.* Respondeam, ijs verbis indicare voluisse dolorem, qui à ventricul' cruditate, aut crasso flatu oriri solet,

solet, pro quibus fundendis, ac discutiendis opus est, ut vini virtus diutius in ventriculo immoretur, in quem finem calido pani affunditur, qua ratione diutius persistit in ipso, & usque ad exactam panis coctionem permanet, unde cerebrum calidis vaporibus amplius, ac diutius refouet.

Adde his pro corollide, vinum etiam meracum Hippocrati probatum in his doloribus non vinosum, sed oligophoron intelligi debere, hoc enim capiti nihil officit, ut Galenus undecimo de cibis boni, & mali succi his verbis tradidit, de vinis agens: *Quemadmodum fulua, quae potentia calida sunt, caput replent, sic oligophora praeter id, quod nihil unquam noxae afferunt, etiam iuuant, sedatis doloribus paruis quibusdam, quos contenti in ventre humores procreare solent; nam cum caput non solum tunc doleat, quum ipsum affectu proprio laborat, sed etiam ob ventriculum, qui humorum vitiosorum vapores transmittat, huiusmodi dolor vini pauciferi potione sanatur, cui pauca adsit astringendi vis.* Aptè quidem ad nostram syncatathesim.

ANTIPHONIA XIII.

In lethargo an sit exhibendum vinum.

T H E S I S.

Tertio de morbis numero 6. vino interdicit lethargicos magnus Anagnostes ijs verbis: *Attamen hoc curandum est, ut plurimum spuat, & calefiat, & à vino abstinat.*

Est verò praeceptum huiusmodi rationi valde consonum; quandoquidem vinum suapte natura vberem, & caliginosam ad caput anathymiasin excitat, atque adeò catabasin, seu capiplenium auget, ipsosque cerebri ventriculos humida collunie infarctos amplius offundit, unde est, quod illud in omnibus catarrhoicis, cataphoricis, atque cephalgicis omnium Medicorum voto prohibetur.

Præterea vino vis narcotica, nec mediocriter, inest, idque expe-

experimento innotescit, quando hypnoicis vini vaporibus primū sensorium valdè ligari consuevit. Hinc libro de victus ratione in acutis num. 55. Præceptor vinum creticum vinosum in tetano exhiberi, iuber, dummodo tamen somnolentia absit: quarto insuper de morbis popularibus num. 7. adolescentem recenset, qui ex vini meracioris vberiori potu in furorem prius, mox in lethargum funestum incidit. Rursus libro de affectionibus num. 10. in mentis quacunq̃ue percussione vinum longius abesse, monitat. In libro denique de victus ratione in acutis num. 15. ijs, qui noctu dormire nequeunt, præcipit, vt vespere modico vtantur victu, & meracum bibant; verba sunt: *Si verò dormire nequeat, ubi multam lentam deambulationem in stadio oberrauit, nihil cœnet, aut paucum, eaque innoxia, insuperque vinum bibat, & purum, non aquosum.* Huc sanè spectat illud Athenæi ex Parmeno Bylanthio libro quinto de vinolo loquente.

Mutus iacet, in dolioque urinatur, & natat

Somnolentus, tanquam papauer medicamentum biberit.

Neque arguat Oenophilos, lethargo ceu frigida affectioni vinum potius opitulatum iri; siquidem tametsi illud, vt calidum, non læderet, infensaret maximè, vt halituosum. Diximus quoque alibi ex Aristotele in problematibus, tremorem, paralyfin, & apoplexiam, quæ frigidi sunt morbi, à vini copia exoriri. Denique in lethargo febris adest continua, & inseparabilis; igitur ex hoc etiam capite vinum exulare, par est.

A N T I T H E S I S.

AT secundo de morbis Præceptor idem sancitum tradidit vnde quaque contrarium, ac dissonum, vt num. 63. his verbis elucescit: *Huic (idest lethargia correpto) aquam, demacerata in ipsa farina crassa, bibendam dato, & vinum album vinosum postea bibendum, &c.*

Neque est, quòd Petrus Salius in huiusce textus commentario Hippocratem redarguat, vt qui ipsius lethargi neque causas, neque ideam hic percepisse videatur, idèdque subiungat: *cum nec ratione materia, quæ est crassa, & viscida, attenuantia, nec ratione fluxionis deriuantia, aut reuellentia, nec ratione accidentium inhibentia adhibet.* Siquidem eo loci Hippocrates (& parcant viri emeriti manes) haudquaquam victum lethargico præscribit, sed medicamentum proponit, nam farina ex aqua pota frigesacit, si eidem

Hippo-

Hippocrati 2. de Dieta fidem præstemus, aluumque ciendi facultatem aliquam obrinet; Quod si dicas, quomodo si farina refrigerandi virtute prædita est, morbo frigido, qualis est lethargia, conducere poterit? Respondeam primò, adesse in lethargo inseparabilem febrem, eiusdemque magnam habendam esse rationem, eo quod pituitam in capite soluat, atque colliquet, vnde cerebri ventriculi mox amplius irrorantur. Secundò sedulò animaduertas, quod prudentissimus senex, vt farinae frigiditas temperetur, vinum addit vinosum, fortè etiam eo consilio, vt vrinam cieat, quæ in hac affectione magnam salutis spem affert; & rursus, ne à vino ad caput anaphysma, hoc est euaporatio fiat, ptisanæ, & granatorum succum admiscet: summa ergo prouidentia medicamentum, non victum hoc loco Hippocrates instituit.

SYNCATATHESIS.

A Vino abstinendum est semper in lethargi principio, ne maior ad caput excitetur caliginosa anathymiasis, & sic tertio illo de morbis intelligendus erit Hippocrates. In declinatione verò probatur vinum, quod vrinam ciere possit, atque adeò capitis colluuiem faustè repurgare.

Præterea dixerim, in secundo de morbis iccirco vinum Hippocrati probari, quoniam in lethargo, quem inibi proponit, aderat putredo, & corruptio humorum vniuersalis; quod significatur ijs verbis: *Et recrementum malè olens egerit*; vbi verò in corpore succorum insignis putrilago, atque corruptio inest, vinum tanquam alexiterium commendatur.

Cæterum tertio de morbis, vbi vinum improbat, lethargum sine putredine describit; ideòque in eo cum morituri sunt ægri duntaxat, alius liquidâ quidem excrementa, at non graueolentia reddit. Ne verò id à me gratis dictum, quis opinetur, Petrum Salium in vtriusque textus commentario loquentem audiat; Nam in tertio libro, in quo protinus arcetur vinum, hæc exarauit: *De quo lethargo nunc agens Hippocrates eadem ferè ad verbum repetit, quæ de eo dicta sunt in præcedenti libro, hac habita varietate, vt quæ de delirio ibi apponebantur, hoc in loco omittantur, & quæ de excrementis malè olentibus ibi simpliciter dicuntur, hic cum limitatione de morituriis exprimantur. Sed forsân ibi de lethargo cum putredine, hic de eo, qui est sine putredine agit, & ideò in illo excrementa non tantum in morituris, verum etiam in toto morbo possunt esse malè olentia,*

tia, in isto autem non maleolent, nisi cum morbus in perniciem agrotantium, tunc deuicta natura progreditur, &c. At verò in altero textu secundi de morbis hæc annotat: Nam cum excrementa prauolentia corruptionem, ac putredinem attestentur, talia excrementa in his lethargis si perueniunt, qui ex putredine non tantum materiam in capite existentem corrumpente, verum etiam alia corporis excrementa ad malum alterante, qui solent esse letales casus, hominem ad interitum deducunt. Quibus addo, vinum etiam cum farina illa, & granatorum succo permitti in gratiam virium, quæ à putrida diarrhoea fatiscunt ocyus; nec interim capiti offensat, quoniam granatorum succo, atque ptisana corrigitur, ac temperatur.

His demum esto appendix, vinum propinari ab Hippocrate in summo, ac teterrimo lethargo, qualis 2. de morbis describitur; estque ratio, quoniam cerebrum est adeò læsum, ut ulterius affici nequeat, idèdque, & Asclepiades, & Celsus libro tertio, cap. 2. vinum commendant, & addunt: *Vt qui cecus est, non est, cur absterneat à ledentibus visionem*; quin Celsus adhuc addebat: *Vinum cum tempestiuo cibo datum non mediocriter adiuuat*. Quod si Trallianus in phrenitide vinum approbat, quanto magis laudandum erit in lethargo, in quo calefaciendi, & exiccandi sunt scopi, adeò ut vel castoreum exhibeatur?



AN-

ANTIPHONIA XIV.

Dulce, an austerum vinum in morbis pectoris confert.

T H E S I S.

Libro de internis affectionibus in lateris tuberculo, & sup-
puratione vinum dulce in primis commendat, & nume-
ro quarto eiusdem libri de pulmonia verba faciens Præ-
ceptor aiebat: *Et vinum bibat dulce album, aut aquam mussam co-
ctam.* Item libro de victus ratione in acutis numero 25. de vinis
agens: *sputum verò (inquit) magis educit dulce, quàm alterum.*
Rursus libro 3. de morbis numero 22. vbi de pleuritide: *Curare
verò pleuritidem hoc modo oportet ut plurimum velut phrenitidem, &
peripneumoniam; præterquamquòd hic balneis calidis, & vino dul-
ci utendum est.* Adhuc secundo de morbis numero 43. vbi peri-
pneumonia describitur, & curatur: *Huic primis diebus vinum da-
re conuenit dulce, album, aquosum.* Nimirum longum foret locos
omnes, in quibus Hippocrates dulce vinum in morbis pectoris
commendat, registrare.

Auctoritatibus accedit communis practantium pragmatia,
nam in thoracis affectibus nil magis, quàm vinum austerum in-
terdicunt omnes. Nec sanè ratio dissonat: quandoquidem pe-
ctori quàm maximè amica sunt dulcia, quòd leniant, lubricent-
que vias, pulmones expandant, atque anacatharsin, vt mel, &
saccharum promoueat.

A N T I T H E S I S.

Cont à libro de locis in homine in suppuratis, & ijs, quibus
necessaria est anacatharsis, vinum austerum his verbis ap-
probat: *Cùm autem excreationem facere oportet, pluribus ci-
bis, & salis, ac pinguibus utendum est, & vino austero.* Confir-
mat libro de internis affectionibus, vbi pulmonum varios propo-
nit morbos; nam vinum austerum, & quod magis est mirandum,
nigrum etiam commendat; sic enim numero 3. *Et vbi sitis ha-
buerit,*

S

buerit,

bueris, cyceonē in vino nigro austero quam iucundissimo aequali mensura aqua mixtum bibendum dato. Rursus numero 7. ubi de pulmonum inflammatione: Et meracum vinum insuper absorbeat nigrum, aut album austerrum. Præterea numero 11. de tabe loquens: Vinum autem bibat austerrum, nigrum, quam uetustissimum, ac iucundissimum, ærùm modicum. Numero denique 13. Vinum autem bibat album, austerrum. Latinus Hippocrates Celsus & ipse lib. 3. cap. 22. in tabidorum victu austerrum vinum probauit.

Antitheti huius si postules rationes, sit vna, ac præcipua illa, quod vinum austerrum longè magis, quam dulce virium seruat robur, ac fatiscentes penè pulmōnes conseruat. Insuper cū vina austera, & nigra præsertim sicciora sint, aluumque non moueant, vt 2. de Dieta Hippocrates habet, in tabidis, ac suppuratis, in quibus summa est putrilago, aluique motio maximè verenda, utique maximè accedit proficuum.

SYNCATATHESIS.

PArrogen paucis dabo. Vinum dulce antequam sputum prodeat, minùs probatur, quod tussim non excitet, quæ purulenta materia excernitur; conuenit ergo austerrum, quod tussim irritando excreationem efficit; id manifestè colligitur ex verbis Hippocratis de locis in homine, dum ait: Cū autem excreationem facere oportet, pluribus cibis, & salsis, ac pinguibus utendum est, & vino austero. Quamobrem hoc vitur Præceptor ad anacatharsim promouendam excitata tussim, & ab eo abstinet dum iam sputum liberaliùs prodit, quo tempore ad vias lubricandas, pulmonumque alas expandendas dulce vinum commodius existit. Repete hîc, lector, ea omnia, quæ de salsis, ac pinguibus paulò supra in morbis pectoris vsurpandis dictauimus.

AN-

ANTIPHONIA XV.

*Vinum album, an nigrum hydropicis
conferat.*

T H E S I S.

Quinto epidemiorum 67. hydropicorum dietam præscribens Hippocrates aiebat: *Hydropicum oportet defatigari, sudare, panem comedere calidum, in oleo, bibere non multum, lauari & caput tepide; vinum autem album, & tenue.* Confirmat libro de internis affectionibus num. 27. ubi hydropem ab hepate originarium curans, hæc inter cætera proponit: *Vinum autem bibat album, mendum, aut aliud iucundissimum aquosum.*

Id autem rationi valde consonat; quandoquidem illud vinum hydropisi conducere videtur, quod vias aperit, meatus referat, vrinam promouet, ac parum in ventre stagnat; atqui huiusmodi est album, tenue, & aquosum, non nigrum, ac generosum, quod laborem ventriculo infert, ægrè per vrinam transmeat, aluunt sistit, atque obstructions parit. Neque amabo absolum alicui videatur, quod generosum vinum ventriculo negocium faciat, dum vnanime omnium est arbitrium, illud stomachi refouere segnitiam, languorem eximere, coctionem iuuare, caloremque augere; siquidem vinum quanto vinosius, tantò moratur diutius, ægriusque superatur, ideòque senibus, qui effoeti sunt ventriculo, haudquaquam arridet, sed olygophoron potius. Ita in hydrope, in quo viscera torpent, ac frigent, Magister in præcitato libro de internis affectionibus non vinosum, sed aquosum vinum commendat.

ANATITHESES.

AT eodem libro de internis affectionibus num. 24. *ad id-
theras* factus longè aliam exaravit sententiam, nam vi-
num nigrum, austerum, & crassissimum hydropè af-
fecto præscribit: percipite verba: *vinum bibat nigrum, auste-
rum, quàm crassissimum, ac acerbissimum*; quin paulò supra po-
lypos etiam in vino nigro austero elixos offert: inquit enim: *&
polypos edat coctos in vino nigro austero*; & rursus infra: *vinum verò
bibat nigrum, acerbum modicum*. Confirmat adhuc libro de vi-
ctus ratione in acutis numero 62. vbi hoc inter alia hydropico
præceptum tradidit. *Deinde panes calidos ex vino nigro, & oleo
tinctos edat.*


Sed exorica huius sententiæ vestigemus iam fundamenta. Vi-
num nigrum eo consilio fortè Hippocrati probatur, quoniam
naturalem ventriculi, atque hepatis facultatem, quæ fatiscit in
hydropè semper, & refouet, & roborat; aut etiam, quia non
ita in abdomen, vt album penetrat, vbi hydronosam colluientem
augere valeret. Porro ea est in hydropè deploranda calamitas,
vt vnaquæque corporis humiditas, siue intus aggeneretur, si-
ue extrinsecus accedat, tanquam fluenta ad mare in partem il-
lam declinet, ac spontè affluat, vbi morbosa stagnat aqua. Adde
his, quod austera vina, Hippocrate docente libro de affectionibus
numero 50. ad robur, & siccitatem commoda sunt; omnis au-
tem hyderus exiccationem postulat. Quid si dicamus insuper,
probari Hippocrati austerum vinum, quoniam id vrinam validè
ciere potest, vt in præcitato libro de affectionibus ipse enunciat,
nec non Dioscorides 8. libro capite 5. confirmat? vrinæ autem
copia summè salutaris hydropi superuenit.

SYNCATATHESIS.

VTrobique Asclepias noster veritati consonam doctri-
nam edidit, quinto enim epidemion, & libro de in-
ternis affectionibus hydropis curam proponit, qui à vi-
scerū refrigeratione, infarctu, calorisq; strangulatione ortū ducit,
cui, nemine discrepante, album vinum conducit, quod calefacit,
coquit, ac de obstruit. At libro de internis affectionibus, de hy-
dero verba facit, quia febrium colliquatione exoriri solet, cui
summa

summa extenuatio, ac tabescentia sit breui comes. Id ex verbis
 ipsis Hippocratis liquido constat; habet enim. *A pituita maximè
 in aquam inter cutem transitus fit hoc modo. Pinguedo colliquefcit,
 & à calore, qui in pituita est, fit aqua.* Iam corpori, quod à sya-
 thesi extenuatur, ac tabescit, crassius alimentum, nec non vinum
 nigrum, austerum, & crassissimum conuenit; id namque am-
 pliùs nutrit, vberiùsque reficit, vt quod producendo sanguini
 commodius existit, Galeno, & experimento magistris. Enim-
 uerò in huiusmodi hydrope cause magis, nempe colliuationi,
 quæ est à calore, quàm effectui, qui est hydronola congeries, con-
 sulere debemus Hippocratis exemplo, qui (& videri posset absur-
 dum) in hoc hydrope curando carnes præbet leporinam, cani-
 nam, ouinam, & suillam, imò & pisces polypo, gobios, draco-
 nes, callyonimos, cuculos, scorpios, & consimiles etiam insul-
 sos, qui crassum, frigidumque præstant alimentum, quale exigi-
 tur in corporum colliuatione. Et hinc fortè (*παρέρπον*) amice

Lector nonnulli, & inter neotericos Cardanus in pri-
 mis existimant, omnem hyderum ab exceden-
 te, & colliquante calore proficisci; atque
 adeo frigidis curandum fore; verum
 vt ita esse interdum, cum Hippo-
 crate fatemur, ita sic sem-
 per contingere, pa-
 lam detrecta-
 mus.



ANTIPHONIA XVI.

*Vinum dulce an in diarrhoea curanda
conueniat.*

T H E S I S.

Libro de affectionibus numero 28. Praeceptor in cholericâ passione, aut biliosa diarrhoeâ vinum dulce commendat: sunt hæc verba: *quum ex vino, aut conuiuia bilis supernè, ac infernè fluxus, aut diarrhoea corripuerit, diarrhoea quidem conducit ieiunare, & si sitim habeat, vinum dulces dare, aut uarum expressarum dulcium retrimenta.*

Dicta ratio illa fortè erit, quòd vinum dulce, vt est crassarum partium, pote sit aluum compescere, aut saltem ciere minùs. Vel quòd bilis amaror, cuius in his morbis est ampla congeries, dulci vino mitescere, ac dulcificari valeat. Adde insuper, quòd in cholericâ affectione, in qua vitium summum dispendium contingit, vino dulci, quod magis quàm austerum nutrit, vel testè Hippocrate, naturalis facultatis tono. consulere debeamus.

A N T I T H E S I S.

AT libro de victus ratione in morbis acutis, numero 25. dulce vinum per aluum amplius deducere, tradit: ipsum audite: *Vinum dulce minùs caput grauat, quàm vinosum, & minùs mentem ferit, & magis, quàm alterum per aluum, & intestinum subit: Viscera verò magna facit splenem, & hepatis; quare neque his, qui amara bile abundant, commodum est; nam & sticulosum in talibus est &c. Si igitur sticulosum, & his qui amara bile scatent, infernum, quomodo in bilioso fluxu, ac inde emanante, sit conuenire poterit. Confirmat secundo de diæta numero 13, vbi tenuia, ac dulcia vina aluum magis ciero, scribit.*

Ceterum suadet & ratio; cum enim dulcia bilescant facilè, haudquaquam poterunt in morbis à biliosa colluie s. lubrem præstare vinum, & sitim extinguere; libro namque de victus ratione

ne

ne in acutis hum. 26. de mulla loquens Hippocrates dicebat, hanc
dulcivino minùs sirculosam esse.

SYNCA TATHESIS.

V Trapiorem symphoniam, lector, audias, oblectandum
tibi primò erit, quòd Hippocrates libro de affectionibus
non de quacunque cholceica affectione, seu diarrhoea
verba facit; verùm de illis duntaxat, quæ à vini copia, & conui-
uio, hoc est vartorum ciborum ingluvie, originem duxerunt:
valde conspicuus sermo ille est: *quum ex vino, aut conuiuio bilis
superne, ac inferne fluxus, aut diarrhoea corripuerit.* Iam quæ à
vino, & emargia sit cholera, atque diarrhoea, non à bile simpli-
citer pendet, licet illa quoque commota susque, deque erumpat
effrenis, sed potius à ciborum corruptione, viniq; acore.
Si itaque sitis superueniat (non enim in his affectionibus statim ad-
est, nam febris abest) vinum dulce faciet ad rem magis, vt quod
humectat, ac reficit plenius Hippocrate arbitro; Sitis autem,
illa est siccitatis soboles ob ingentem euacuationem iuxta illud
aphorismorum quarto libro 191. *quicumque à medicamento purga-
ti non sitiunt, non purgantur donec sistant;* quamobrem & hume-
scare, & reficere amplius tunc expedit; neque perpetuò verum
est, quòd vinum dulce bile scat, siquidem teste magistro libro eo-
dem de affectionibus, *dulcia vina sunt potius pituitosa:* sic ille
numero 50. *Vinam dulce, & mellis speciem referens ambo & refi-
ciunt, & urinam cient, & pituitosa sunt.* Apage, qui legis, an-
non ex hoc trigemino capite dulce vinum in cholericis, ac diar-
hoecis affectionibus præsentaneum erit? quòd nimirum refi-
ciat; id quod in alui fluxionibus maximè studendum: quòd vri-
nam moueat; id quod in aluino fluxu deriuationis gratia summe
probat: quòd insuper pituitam generet, quæ bili è diametro
aduersatur. Quid si dicamus insuper, dulce vinum in ijs affecti-
bus usurpari ab Hippocrate, vt ciborum corruptela, & vini acor
citius per aluum, & faciliùs deducatur, cum sit verum illud, fluxum
flux curari.

Præterea & vinum dulce, si tenue sit, ac recens (vulgo *raz-
zente*) sitim validè extinguere poterit, & longè magis, quàm au-
sterum, quod nimia acerbitate, vt sæpiùs obseruau, expultricem
interdum irritat, fluxusque aluinos concitat, & sitim, quæ sic-
citatìs est soboles, quia magis quàm dulce exiccat, producit, au-

getque. Et his addo, quòd in cholericis affectibus vinum aliquod ratione virium proculdubio confert; id autem dulce potius eligendum ob eam rationem, quam alibi deduximus, nempe, quòd dulce minùs feruet, minùsque inebriat, atque adeò in diarrhoea ab ebrietate oriunda hoc potius eligendum: audiatur iterù Aristoteles quarto metereologicorum capite secundo: *Vinum autem dulce exhalat, pingue enim: est autem nomine vinum, opere autem non ampliùs; non enim vinosus sapor; quapropter non inebriat.* Eodem sanè consilio probatur Hippocrati vinum secundarium, quòd vuarum dulcium expressarum retrimenta vocat, nos itali dicimus (*Acquetta*) nam hæc, quia valde linguam mordet, sitim explet, aliùs ob aquæ miscelam penetrat, & ratione acinorum vim quandam obtinet subadstringentem, quæ conditio in diarrhoeis optatur. Denique illud retineri non debet, quòd Hippocratis arbitrio non omnibus dulce vinum lubricam, fluxilemque facit aluum, sed pituitosis duntaxat; sic enim secundo de diætâ numero 13. *dulce vinum pituitosis magis aluo secedit;* biliosis ergo id non aciderat à dulci vino; quòd pariter in temperamento, ac natura, non autem euentu biliosis siticulosum esse, Præceptor tradiderat; habet enim: *quare neque his, qui amarabile abundant, commodum est; nam & siticulosum in talibus est.*



ANTIPHONIA XVII.

Vinum dulce num Vrinam ciat.

T H E S I S.

Medicinæ Consultor maximus libro de victus ratione in morbis acutis de vino dulci ita sanxit: *Certe per urinam hoc minus exit, quam vinosum album.*

Thesim hanc suadet cōmunis opinio experimēto fulcita; nemo nāq; ad lotium ciendum dulce propinat vinum, sed album potius, quod si non austerum, saltem dulcedinis sit expers: prædulce, enim secius mingitur, neque ea, qua bibitur proportionē redditur; fortē quia ob crassas, quas obtinet partes diutius moratur, & quadantenus obstruit, atque adeo liberum vrinæ meatum nequaquam præstat. Quamobrem præcitato libro Hippocrates asserbat, dulce vinum lienem, & hepar tumefacere.

Insuper dulce merum, vt naturæ magis amicum, retinetur arctius, ac diutius, dumque eo natura fruatur, renes ocyus perire, non patitur; quod nimirum Plutarchi auctoritate confirmatum volo; is enim 3. symposiacōn quæst. 7. tradit, dulcia vina satietatem inducere; & hinc quoque factum arbitror, quod cū 2. aphorismorum Hippocrates dicat: *Famem caninam vini meri potio soluit*, expositores penē omnes vino dulci potissimum hanc tribuunt facultatem; quare & Galenus de dulcibus vinis 3. de alimentorum facultate cap. 40. verba faciens aiebat: *Constat præterea, quod quemadmodum hæc corpori alendo tenuioribus sunt præstantiora, ita etiam ad urinam ciendam sunt deteriora.*

Dulce denique vinum iccirco ad lotium promouendum ineptius vinoso censeatur, quoniam minus obtinet caloris; & hinc est, quod 4. Meteororum Philosophus illud nequaquam inebriare, statuit: verba sunt: *Vinum autem dulce exhalat, pingue enim; est autem nomine vinum, opere autem non amplius, non enim vinosus sapor, quapropter non inebriat.* Astipulatur Dioscorides lib. 5. cap. 5. vbi de vini natura agit, inquit enim: *Siquidem dulce crassis partibus constat, & difficilius à corpore expirat, &c.* inde subiungit: *sed minus inebriat.* At verò de vino albo vinoso è contrario sic de-

cre-

creuit Auerrhoes septimo collig. c. 16. Et vinum, quod melius reperitur, est aromaticum, cuius caliditas penetrare potest totum corpus.

A N T I T H E S I S.

Libro tamen de affectionibus opposita registratur sententia; audiamus: *Vinum dulce, & mellis speciem referens ambo & reficiunt, & urinam cient.* Quod reficiant, utique nefas est inficiari; ideoque 3. illo de alimentorum facultate Galenus vina describens, quæ magis, minusve nutriunt, post rubra, & crassa, dulcia recenset, quæ eatenus alere apta sunt magis, quatenus crassiores obtinent partes; quare eiusdem Galeni arbitrio vinum summè album dulce esse non potest, quoniam summæ albedini nequit partium crassities iungi; vnde subdebat præcitato loco Galenus: *Vina, quæ admodum dulcia sunt, omnia sanguinem crassum gignunt.*

At verò quod vina dulcia, ea maximè quæ mellis referunt speciem, urinam cient, minorem fidem inuenire possunt; neque tamè hoc ab vno Hippocrate dictum audeat quispiam contendere: quod enim dulcia omnia modo quodam leniant, vias lubricent, renibusque faueant, uti cassia, & saccha usin confuso est apud omnes. Vinum insuper apprimè dulce, ut magis amicum, rapitur, exugiturque ab hepate; quare licet ipsum per se tordè per meet, ab iocinoris tamen auiditate trahitur oculus, oculusque per emulgentes ad vterus transmeat, vnde fortassis Dioscorides lib. 5. cap. 5. dulce vinum examinans dixerat: *renibus, & venis aptissimum.* Quid multa? mustum, quia dulce, eodem Dioscoride teste, urinam mouet.

S Y N C A T A T H E S I S.

VT vbique symphænos audiatur noster Hippocrates, dicamus primò, quod vina omnia, si cum aquis comparentur, urinam ciunt, sua namque insita caliditate meatus dilatant, & expediunt, ac citius, quàm aqua distribuuntur: quapropter detrectari non debet, quin etiam dulcia vina lotium faciant, & fortè magis, quàm ipsa austera, de quibus lib. de affectibus n. 50. Præceptor ita enunciauerat: *Austera verò ad robur, & siccitatem commoda sunt, urinam autem cient etiam austera reposita, quæ alba, ac tenuia existunt,* quod ipse Dioscorides lib. 5. cap. 5.

cap. 5. astipulatus confirmavit, inquit: *austerum celerius per urinam transit, tamen si austeram vim potius constringendi obtinere videantur.*

Secundò dicas, quòd libro illo de victus ratione Magister non absolutè scripsit, dulce vinum urinam non ciere, sed minùs, quàm vinum vinosum album id facere, monet; comparatiuè igitur dum loquitur, necessariò eandem in utroque admittit virtutem, in vno quidè maiorem, minorem in altero.

Tandem respondere licebit, quòd vinum dulce, ut urinam prouocet, mellis debet redolere naturam, ut ex ipsis Hippocratis verbis liquidò innotescit, *mellis speciem referens*. Ac verò mel urinam mouet, quòd præter Dioscoridem, & Galenum idem testatur Hippocrates præcitato libro de affectionibus, ubi de melle agit, inquit: *Et per urinam, & per secessum plus iusto expurgatur*. Quare vinum, ut mel dulce, ac fluuium, atque adedò calore præpotens, & cuiusdam etiam absterfiva virtutis particeps urinam ciet, eò quia vterque leniat lubricosque reddat, nec non asperitates omnes, crassitiesque è vijs abducat.

Auctarium si possas, dabo. An fortè Hippocrates eo loquendi modo, *mellis speciem referens*, vinum melle confectum intelligere voluit? Annueamus; siquidem apud antiquos recepto in usu erat, renibus, & vesicæ apprimè vtile, ut 5. de sanitate tuenda c. 4. his verbis testatum habemus apud Galenum de vinis loquentem: *Non vetera etiam, nec ipsa, qua melle condiuntur, senes vtri, maximè quibus suspicio est calculi in renibus gignendi, aut podagra alicuius, articularisque morbi impetus futuri*. Porro vinum huiusmodi compositioni aptissimum fuerit sabinum, aut simile aliquod, &c. Ceterum vini cum melle miscela probatur Hippocrati lib. de affectionibus in fine, ubi hæc leguntur. *Vini, & mel optima iudicata sunt in hominibus, si iuxta naturam, & sanis, & debilibus cum temporum opportunitate, ac mediocritate exhibeantur: & bona quidem sunt ipsa per se ipsa, bona verò etiam permixta, & tum alia, tum quacunque memorabilem utilitatem habent.*

Sume, si cupis, auctarium alterum: Poculū erat apud antiquos *πρόπρον* dictum, quòd quinque rerum species permixtas contineret, mel, castum, vinum, farinam, & olei momentum victori in cursu dotari solitum, Athenæo teste lib. 11. ad vigorem, ut puto excitandum, & lassitudinem demendam, ad quod cœnomel aptè facit.

ANTIPHONIA XVIII.

*Calculosæ vesicæ quale vinum utile, vinosum,
an aquosum.*

T H E S I S.

Libro de aëre, aquis, & locis num. 24. de pueri calculo sermonem instituens Hippocrates hæc scripserat: *Fit autem pueris etiam ex lacte, si non salubre id fuerit, sed valde calidum, ac biliosum; ventrem enim percalefacit, & vesicam, quare urina dñ aduritur, hæc patitur. Et sanè cenſeo, melius eſſe pueris vinum quàm aquoſiſſimum dare, minùs enim venas adurit, ac reſecat.* Confirmat libro de victus ratione in acutis num. 25. his verbis: *Hoc verò in ſuper intelligere oportet, quòd ſi aquoſum fuerit vinum, ſupernas partes omnes, & eas, quæ circa veſicam ſunt, minùs lædet.*

Eſt in promptu ratio, quoniam haudquaquam diſputatur ampliùs, coaleſcat ne à calido, an à frigore lapis intra hominum corpora; quando cunçtis eſt modò in conſeſſo, à calo e duntaxat calculoſum ſyn:agma coagulari, cùm nequeat in animatis membris is reperiri frigoris gradus, qui lapidis coagmentationi ſat eſſe poſſit; Iam cùm vinum generoſum veſicam præſtet ardentè, fit ex eo, vt feruida intemperies, & lapis conſequenter in veſica aggeneretur, iuxta ex promptam libro de aëre aquis, & locis doctrinà, vbi habentur illi num. 22. *Quorum quidem alius ſatis fluida eſt, ac ſana, & veſica non ardens, neque ſtomachus veſicæ valde cõardeſcit, hi facile urinam eijciunt, & in veſica niſiil ipſi congregatur; quorùm verò alius ardens, ac feruida fuerit, in his neceſſe eſt etià, veſicà idè perpeti; quò enim magis, quàm pro natura fuerit calefacta, ſtomachus ipſus inflàmatur, vbi verò hæc perpetitur, urinà nò dimittit, ſed in ſe ipſa cõcoquit, & adurit, & quod quidè tenuiſſimum in ipſa eſt, excernitur, & quod puriſſimū eſt, tranſit, & emingitur, quod verò craſſiſſimū, ac turbidiſſimū eſt, coagulatur, ac cõcreſcit, parum enim referre putarim, an *βολοſις* τῆς τοῦ, an *χολοſις* τῆς τοῦ legi debeat, id eſt turbidiſſimū, an bilioliſſimū; ſiquidem bilioliſſimum et iam ſuccum in lapideū coaceruari, probant lapides, qui frequentiſſimè in cyſti fellea generantur; & ipſe noui amicū virum, qui ſemper ferè dum mingit,*

po-

postremò dum lotium exijt, meræ bilis, ac flauissimæ portionem emittit; sed hæc fortè *παράτηρον*.

ANTITHESIS.

Immemor tamen huius pragmatix libro de victus ratione in acutis non aquosum, sed vinosum vinum ad vesicam, eiusque lapidem celebrat: en verba: *At verò album vinosum vinum plurimum, ac maxima ex parte iam & laudatum, & vituperatum est in dulcis vini enarratione. Ad vesicam autem magis penetrat, quàm alterum, & quum urinam cieat, ac semper perrumpat multum in his morbis profuerit. Nam & si ad alia incommodius sit altero, attamen, quæ in vesica sit ab ipso purgatio liberat si quale oportet, propellatur.*

Et hæc ipsa rationi consona propositio videtur, nam quantò vinum generosius existit, tantò exanguibus, ac neruosis partibus arridet amplius; & ubi coctione, dissolutione, atque expulsionem est opus, nullum efficacius inuenitur, ut quod calore, ac spiritu ceteris prelolet; quare libro de affectionibus Senex basilicè aiebat: *Quæcunque aut flatum, aut æstum, aut morsum, aut repletionem, aut tormen faciunt, à talibus liberat vinum meracum insuper potatum; corpus enim à vino calefactum per calorem amouet ea, quæ insunt à cibis, & potibus ac similibus.* Adde quòd aquosa vina deuehunt ad renes potius, quàm ab illis deferant; idòque inter causas, quæ adduntur, cur in Vrbe nostro hoc seculo sit adeò frequentes calculi, illi plausibilis recensetur, quòd vina, ut olim generosa, & ripalia dicta minùs adhibeantur, sed quæ aquis parata deferuntur ab Oppidis, quæ procul lubio mistui nihil fauent. Hippocrate monente lib. de victus ratione in acutis num. 58. ubi sic: *quod verò ad potus attinet, qui quidem aquosi sunt, tardioris transitus sunt, & intus obuoluntur, & circa præcordia redundant, & ad mictionem non decurrunt.*

SYNCATANTHESIS.

Discite Tyrones Philatri, iisdem morbis non semper idem opportunum esse remedium. Aetas & semper, & plurimum præsidia immutat; hinc fuit operæ pretium distingere de puerorum, virorum, ac senum morbis tractatus edere. Senium, ac maximè silicernium, & pueritia, theriacam aloem, atque elateria pharmaca plerunque non admittunt: tenuif-

nuissimum victum detrectant pueri, alacriores maximè, senes facillimè ieiunium ferunt: adolescentulis interdicitur vinum: raucedines, & grauedines in valde senibus non curantur: nephriticæ passionès post quadragesimam quintum annum insanabiles; quid multa? iuuentuti omnia gratiosa, senectuti infausta omnia: Non igitur mirum, si summus Medicorum Antistes in calculo vinum, aquosum præscribit pueris, vt qui caliditate præcellunt, quique ob feruorè à nutricis lacte in vesica contractum lapidè coagulant, vt apertis fidibus libro de aëre, aquis, & locis Præceptor edisserit. At verò in alijs ætatibus laborante vesica, vinum vinosum est longè magis præsentaneum, vt quod lotium prouocat, vesicam roborat, calfacitque, nec non ab excrementorum colluue expiat.

Rursus id, sodes, animo perlustra, quòd in calculi generationem duo necessario conspirant, efficiens, & materia: Efficiens calor est præter naturam acutior; materia crassissimum, ac turbidissimum excrementum, vt libro de aëre aquis, & locis num. 23. legitur. Porro si efficienti, nempe calori præter naturam adaucto præstò esse velimus, vinum proculdubio aquosissimum conuenit,

ne ignis igni adijciatur, neue causæ addamus. At si materiæ

consulere velimus, & robustam vesicæ expultricem

efficere, vinosum reuera conuenit, quod attenuare,

diffoluere, & expellere valeat, nec non

vegetam reddere vesicæ facultatem

quancunque. Atqui in pue-

ris alioquin calidissimis

causæ magis,

quàm

materiæ studendum erat, ideòque

in illis Hippocrates aquo-

sisimum vinum

præscri-

psit.

AN.

ANTIPHONIA XIX.

Vinum vinosum, & meracum reficiat, an debilitet eos, qui à morbo conualescunt.

T H E S I S.

Libro de affectionibus num. 44. Magnus Præceptor ijs, qui à morbo conualescunt, refectionis temperatissimam præscribens aiebat: *Post sorbitiones cibum debilibus dato, & vinum vinosum insuper bibendum.* Tumultuosa profectò fuit Neoterico: ù olim quaestio, an vinum nutriat, nec ne. Atqui non est amplius sub iudice, quando omni albo sancitum extat, vinum seu per se, seu per accidens alere, & quidem magis, minusvè pro vinorum multiplici conditione, & natura, adeò vt nemo hodie, nisi cauillosus, id inficias eat.

Atqui vinosum, ac minùs dilutum vberius alere, est vtique rationi magis consonum; quò enim est generosius vinum, eò calidius, quò meracius eò crassius, ideòque magis ad nutrimentum idoneum; dilutum namque ad aquæ ipsius naturam propius accedit.

Id ipsum quotidiano probatur vñ, siquidem dum robore quempiam, & viribus munire consilium est, vinum & merum, & vinosum, dummodo febris absit, præscribimus; quos Venus viribus reddidit effoetos, Baccho recreamus alacrius, & clinopalen habituri lacertum plerumque mutantur à mero; nam vt Vates:

Et Venus in vino, ignis in igne furit.

Imò diuo teste Hieronymo in Epistolis: *Venter mero aestuans spumat in libidinem:* vnde fit, quòd salaciores mulierculæ abtemios oderunt. Atqui hæc abundè lector nostra te docuit Geneathropeia; progrediamur ultra. Athletæ, Gladiatores, Pancratiastæ, & quotquot olim ludos in gymnasio strenuè obituri erant, se ipsos intus, forisque meraciori loricabant vino. Bellè nimirum isthuc illud secundaphorismorum collimat: *Famem torexis soluit:* Nam torexis politicum quoddam est nomen, quòd armaturam significat, atqui generosum vinum perinde est, ac lorica impenetrabilis; hinc ab eo famem solui, tradit Hippocrates, & meritò, quoniam benè, ac celeriter nutrit, caliditate insuper eximia coquit,

atque

attenuat, dissoluitque cruditates illas, acidosque succos, aut melancholicos, & austeros, qui in ventriculo stabulantes bulimiam excitabant. Quid multa? titubantes à morbo vires, evanescentes à syncope spiritus, cor merore languens reficimus, exhilaramus vino aptius, & citius, quàm quouis alio medico præsidio. *Dante scieram morientibus, & vinum ijs, qui amaro sunt corde.* Salomon.

A N T I T H E S I S.

SI vera sunt hæc, cur libro de veteri Medicina num. 37. lius à se ipso aliter sentijt Hippocrates? ait enim: *Vinum inracum multum potum hominem aliquo modo debilem reddit.* Sententiæ astipulatur palam Aristoteles 3. sectione problem. 22. ubi quærens: *quamobrem, qui ante extenuatus merum inde multum hauserit, morte occumbat?* post multa rem ita definit. *Et quomodo ab igne nimio, aut Sole exiguis ignis exstinguitur, sic intus corporis calor à vini calore, si minus est, superatur, atque exstinguitur.*

Neque hercle caret suis rationibus hoc antitheorema, quarum præcipuas affe. emus in medium. Et quidem primò vinum generosum, ac meracius, amplis præsertim crateribus haustum, ventriculi calorem segnem, qualis in convalescentibus reperitur, fatigat, rarefacit, dissipatque ampliùs; omne enim agens in agendo repatitur, vnde fit etiam, quòd alimentorum sarcina infirmatur, non recreatur stomachus. An ignoras lector, alimentum modo quidam nativum calorem refrigerare? Paradoxon id forte reris, at Galenum audias libro de utilitate respirationis: Aristoteles quoque in quodam loco affirmat, quòd omne nutrimentum influens refrigerat id, quod nutrit, & addit etiam, quòd deficiente nutrimento fiat caloris augmentatio ratione vacuitatis, & hoc ostendit per simile eius, quod accidit in ventre, & matrice, quæ postquam sunt vacua, calidiora fiunt, quàm quando plena fuerint; huius autem causam determinavimus in libro, quem de spermatè edidimus. Sed eò, vnde digressi sumus, redeamus. Facit huc appositè obscurum illud Hippocratis enigmæ ex libro de Dieta: *Alimentum non alimentum;* hoc est alimentum, si ventris nativum calorem superet, nequaquam alit, quoniam aut in cruditatem, aut in corruptelum abit. Nempe quicquid nature aptum est, nisi eius, qui nutrirī debet, virutia quiparetur, sed longè prævaleat, nihil roboris affert, sed, ut ait Hippocrates in Aphorismis de cib. loquens, *ut sanoribus, ita egris est morbus.* Et Galenus basilicè ait, bat, quòd si quæ autiunt

nutriunt absque illo, qui nutritur, nutrire possent, seu si alimentum se ipsum coqueret, caro suilla, aprugna, bubulina, & alia quaecunque fortis, & robusta indifferenter debilibus omnibus offerri posset; sed quoniam opus est, ut ab eius, qui nutriri debet, calore liquetur, & coquatur, propterea eius, qui alendus est vi, & calori analogum esse debet epulū; placet ipsa Galeni verba ex 7. methodi c. 6. ad vnguem registrare, ut quæ in ratione victus præscribenda sint maxime faciēda, imò tum Medico, tum egroto semper præ oculis habenda: *Et ut paucis alimenti summam complectar, sic coctum facile, & nutriens, minimèque glutinosum, atque excrementosum; Porro omnium, quos nouimus, ciborum maxime nutriens suilla caro est; verum non aequè, ac prædicta concoctum facilis est, præterea glutinosi succum, crassumque generat; alioqui nec alio esse habitum potest, quod in summo sit nutriens; quippe adherere id debet, & firmiter affigi, non autem præ tenuitate diffluere. Non tamen ad propositum affectum uti hac conuenit; si enim nutrimentum ipsum se ipsum conquoqueret; ac in partes digereret, præterea alendis partibus assimilaret, & quibus alimēto plurimum est opus, adhaeresceret, proculdubio maxime nutriente cibo esset opus: Verum quoniam non aliud est, quod nutrimentum desiderat, aliud, quod ipsū conficit, sed quod nutriendū est, ipsū sibi & nutrimentū attrahit, & mutat, & conquoquit, & adiungit, & assimilāt, ad duo nimirū nobis in opportuno cibo eligēdo spectandū esse dicitur, unum ipsius cibi naturam, alterum vires suas proprias, insitasque; itaque ex his illud patet, nec planè, quod maxime nutriat, optimum esse iis corporibus, quæ refici magis egent, ut potè quibus concoquēdi facilitas nō est, nec etiā quod facillimū concoctum est, cum scilicet ipsum nequeat maxime esse nutriens.*

Præterea vinum meracum largius haustum natium calorem dissipat, & rarefacit, imò & marcescere facit. Hi c Philosophus 3. sect. problemate illo supra relato querens: *quamobrem qui ante extenuatus merum inde multum hauserit, morte occumbat?* quod Hippocratis relatæ sententiæ consonat, hæc habet nimis ad rem: *Quarendū enim hoc est, quandoquidē vinum calidum suapte natura est, & ut viua calore cōtineri apparet, sic mors refrigeratione accidere. An ut excicuta, sic ex mero intereūdū est?* videlicet dū proprius calor paulatim extinguitur, modo tamē diuerso. Cicuta enim calorem frigiditate sua extinguit, humoremque indurat; Vinū autē sua caliditate calorem macerat naturalē. Et quomodo ab igne nimio, aut sole exiguus ignis extinguitur, sic intimus corporis calor à ini calore, si est nimius superatur, atque extinguitur.

Rei eiusdē veritatem probant euentus, quādo videre est, omnes quot quot meraco indulgent nimium vino, frigidis, & veteriosis af-

T fe-

fectionibus obnoxios reddi; Hinc Aristoteles eodē 3. Problematū quæritat; *cur ebriofis tremore afficiatur, cur Solis gaudeat calore, hydro-pici fiant, & lingua oberrent.* vbi præclaras ex Philosophiæ ditioni pēnu doctrinas adducit, ad quas lectorem remitto.

Adhuc merum afiluentius hauftum poros referat, ac diapneustiam auget, quod certē virium addit imbecillitati; patet id quidē liquidō, quoniam vinum gracilitatē, vt aqua pinguedinem efficit; quare saginari qui cupiunt, si nimia diffusant caliditate, aquā si hauriant, & vino vale dicant, breui pinguescunt, imō & aruinam consequuntur, non solū, quia inde alimentum haudquaquam tamocyus dissipatur, verū quia caussa est aqua, vt largius comedatur; quō spectat illud Hippocratis in Epidem: *Aqua vorax, vigilia vorax*; quōd sanē illucescit euentu; nam abstemij quotquot sunt, sunt penē helluones. Ceterum quōd vinum afiluentē sumptum, meatus referet, atque insensibilem transpirationē augeat, colligas ex Præceptore 3. de Diætā nu. 2. vbi ijs, qui ex gymnasijs horrēt, & cū se exuunt, & vsque ad ebrietatem bibunt, præceptum hoc tradit: *Et confert his calida lauare, ac molliter cubare, & semel, atque iterum inebriari*; hinc enim humorum ad corporis peripheriam translatorum, referatis poris, fit resolutio, ac dissipatio.

SYNCA T A T H E S I S.

NVlla prorsus in relatis textibus erit antilogia, si vtriusque verba altius perpendantur. Nam libro de affectionibus, vbi debilibus vinum vinosum concedit, id non merum, largiusque potatum intelligit, verū generosum quidem, spirituumq; locuples, at in æqua mensura, & quod aqua sit congruē dilutum: Cur verō vinosum potius vinum viribus imbecillis offerri debeat, illa est ratio, quōd nimirū viuaciori spiritu, & calore ventriculum morbo, inedia, & aquæ potu fatiscentem, ac penē languentem refoueat, & vires effoetas restauret. Rursus quia diutius hoc vini genus immoratur, quā pauciferum, & oligophoron, hinc est, quōd pepsi validius opitulatur, atque adeo nutritioni opulentiū conducit.

Ceterū in libro de veteri Medicina de vino & meraco, & multo verba facit, quomodo, vt probauimus, naturæ negocium facessit, vires deijcit, marcore calorem perimit, plurimasque frigidās passiones parit. Ita Mnesitheus ille.

Dono Deum

Obuenit vinum nobis, ingens his donum,

Qui

*Qui recte utuntur, alijs pestis pessima;
Alimentum namque præstat recte utentibus,
Additque vires pariter animo, & corpori;*

mox infra:

*Quotidianis hominum autem in conuietiis
His, qui bene temperatum, nec nimium bibunt,
Dat hilaritatem, uberius insolentiam,
Si par aqua bibatur, etiam insaniam,
Si purum, siderationem corporum.*

ANTIPHONIA XX.

Vinum, & lac simul assumere num expediat.

T H E S I S.

Septimo epidemiorum 81. Dictator noster cholericae passionis productrices epulas describens, vinum cum lacte mixtum recenset his verbis: *Cholerica ex carnis esu maxime verò porcellorum crudiorum, & ex cicere, & ebrietate vini odorati veteris, &c. & paulò infra, & à fructibus horarijs, & cucumere, pepone, & vino, & lacte permixtis.*

Huius autem euentus causam acceptam referunt auctores acori, quem facile à vino lac excipit, vnde mox in corruptelam abiens; ventrem erethismo soluit, stomacho, atque intestinis infensat. Hinc Auicenna secundo Canonis 444. hæc de lacte sanxerat: *Oportet, vt non super ipsum dormiat, neque suscipiat super ipsum cibum alium, donec descendat, nec etiam post ipsum bibatur vinum, quoniam alterat ipsum, & coagulat, & penetrare facit indigestum.* Quod adeò certa, vulgarique opinione cunctis persuasum videretur, vt plerique à lacte vino renuncient, & aquam puram hauriant, ouium custodes imitantes, qui lac esitant quotidie, nec læduntur vnquam, quoniam à vino abstinere.

A N T I T H E S I S.

Si modò ita est, cur eodem 7. epidem. textu 4. in Eratolai filio diuturna dysenteria detento lactis bubuli mensuram cum vino nigro, & austero propinat? Historiam registre

T 2 mus

mus circa finem ubi hæc: *Post hæc bubuli lactis crudi quatuor cotylas Atticas bibis, singulis diebus duos cyathos, primum aquæ sextam partem miscens, & vini nigri, & austeri parum: semel autem in die cibum capiebat ad vespæram, & paulò infra: Potus autem lactis post dies decem usque ad quadraginta sine aqua cū vini nigri modica parte.*

Rursus & secundo epidemiorum ad quædam vlcera sananda laudabat Hippocrates lac, & vinum cū pari aquæ mensura, additque in commentarijs Vallesius, fuisse apud veteres in frequenti usu lac non solum meracum, sed vino, & aqua dilutum. Adhuc eodem 2. epidemion sectione 3. num. 9. in ossis capitis fractura, ad partis regenerationem lac, & vinum meraca præscribit: Sunt verba: *Si capitis os fractum sit, dare potulac, & vinum aequale æquali.* Da veniam lector, si addam sacra profanis, quid illud canonicorum: *Bibi vinum meum cum lacte meo?*

Neque hercle video, cur debeat isthæc miscela protinus improbari, cū à vino austero, & nigro corrigi in primis valeat lactis non modo flatulentia, verum eiusdem vis dei retoria, quæ in rebelli dysenteria haudquaquam exposcitur: & insuper lac natura crassum, & ægrè meabile, ocyùs ad ventrem, & ad partes deferatur, easque diuturna fluxione tabefactus amplius nutriet, reficiatque. Quid ultra? Si acetum lacte remixtum, quodd *ἰζυγάλα* vocant, non modicum in re medica usum habet, haud profectò minorem habebit lac idem vino permixtum, aut simul adhibitum, quod *ἰννογάλα* vocari licebit.

SYNCATATHESIS.

Diximus alibi, aliud esse lac exhibere vt simplex alimentum, aliud verò vt medicamentum. Vt alimentum vinum respuit ob rationes in thesi adductas: vt medicamentum verò admittit, vt lactis copiam corrigatur frigiditas, inhibeaturque flatuum generatio, cū etiam, vt ad maximè distantes partes deferatur promptius, illasque affatim alat. His adde, quòd eo consilio in dysentericis vinirubri, vel nigri portio admiscetur, vt nimirum lubrica intestina roborentur; perinde ac in eorundem purgationculis myrobalanos admiscere consueuimus, vt intestinorum seruetur tonus, ac virtus roboretur. Pari ratione, quoinam ossa difficilem habent regenerationem, nil mirum, si in eorum fractura 2. illo epidemiorum Hippocrates lac, & vinum propinat, vt quæ potimum præstare queant alimentum.

AN.

ANTIPHONIA XXI.

Somnus calefaciat, an refrigeret.

T H E S I S.

A Somno corpora incallescere, tanquam sub enigmate significavit Hippocrates 6. epidem. sect. 5. verbi sunt illa: *Labor articulis, cibis, & somnus visceribus*, quem admittit enim gymnasium, & labor quicunque externis membrorum caliditatem adauget, spiritibus ad corporis peripheriam euocat; & a somnus ad meatus internos, ac viscerum penetralia eandem reuocat; Id quod apertis verbis magnus idem Asclepias eodem 6. epidemion textu 5. sic enunciat: *palam vigilans calidior externis partibus, frigidior autem internis; dormiens vice versa.* Suadetur autem præsens diuina non vna, sed multiplex ratio: & prima quidem à priori; quandoquidem eatenus in animalibus excitatur somnus (naturalem non morbosum intellege) quatenus refluxo ad viscera calore, suavis anathymiasis excitatur; Nec profecto somnus demulgeret vnquam, nisi caloris huiusce ad centrum *συναρμύων*, & reductio fieret, vnde apud ipsū Præceptorem in ipsis epidemicis legitur: *Sanguis in somno intro magis repit.* Inde fortassis definitio illa somni apud Plinium lib. 10. *Estque somnus nihil aliud, quam animi in medium sese recessus.* Et id sane vel ex eo confirmari posset, quod in somnum facilius à cibo declinare solemus, quo tempore, ut aimentorum coctio celebretur, totus ferè calor nature quadam sagacitate penes ventrem congregatur, vnde accidit, ut aliquantisper frigemus à mensis. At è contrario, qui dormiturum vadit incensatus, ni humidiori sanguine scateat, aut nullo, aut exili valde, interruptoque sopore perfunditur; quod Physionat. s. Lucretius lib. 4. de natura sic decantauit.

*Hæc eadem cibis in venas dum deditur omnis.**Efficit, & multo sopor ille grauissimus extat**Quem satur, aut lassus capiat, &c.*

Et Persius Satyra 5.

Qui satur irriguè mauult turgescere somno

Secunda ratio esto illa, quod somnus ab extremis partibus in-

T 3

fuen-

fluentem calorem auocat; is igitur intimo iunctus maior euadit; quod autem verum hoc sit, liquet ex eo, quod externæ omnes potentix dormienti in ipso somno silent, ac feriantur, nec certè vacarent, si functionem omnium haberet, ac minister calor præsens adesset. Huc nimirum spectat Hippocraticum illud enigma lib. de diæta: *Lux orco, tenebra Ioui. Lux Ioui, tenebra orco*, quod est, quantum ad rem præsentem facit, dum caloris flammula in sublimi corpore explendescit, obscuratur in centro, nempe in visceribus. In silice ignis est in orco, at cum percutitur chalybe, redditur Ioui. Seminis decus, atque energia antequam intra vteri sinum susciatur, lux est in orco; dum fortificatur, redditur Ioui; quid multa? nulla virtus vno, eodemque tempore potest intus, ac foris emicare.

Tertia ratio ab ipsa desumitur autopsia, qua experimur, internas quascunque partes, si fortè æstuent, ac phlogosi aliqua detineantur, à somno amplius excandescere; quò consilio solemus in internis omnibus inflammationibus pleuritide, phrenitide, peripneumonia, & congeneris ægros diuturno somno interdicere; nam licet à aphorismorum legatur: *ubi somnus delirium sedauerit bonum*, id nequaquam de primigenio delirio, siue de phrenitide per idio-pathiam intelligi debet, verum de paraphrenitide per sympathiam à subiectis partibus, alienisque humoribus, à quibus acres fuligines, halitusque perperi dum eleuantur, mens percellitur: quippe in illo somnus feruorem acuens calamitatem adauget; in hoc verò, succis à somno mitigatis, & ad nativam benignitatem redactis, cedit exitum.

Euentus tandem id ipsum confirmat, quandoquidem in somno coctiones omnes plenius celebrantur, quod neutiquam contingeret, nisi calor pepteos cuiusque promus cumularetur, & in visceribus fortior redderetur. Vnde accidit, quod anima ia, quæ plurimum dormiunt, plurimum quoque pinguescunt; hinc illud apud Martialem distichon.

Tota mihi dormitur hyems, & pinguior illo

Tempore sum, quo me nil nisi somnus alit.

Roboratur, & clauditur hæc eadem sententia aphorismo illo primi libri: *Ventres hyeme, & vere calidissimi sunt, & somni longissimi*; quasi idèò sint longissimi, quia ventres calidissimi.

A N T I T H E S I S.

ANtithesim iam postulas lector? en afferam ex libro de flatibus num. 20. ubi hæc exarantur: *Quum enim corpus inuaserit somnus, sanguis frigescit; à natura enim somno frigefaciendi vis inest, in frigidato autem sanguine, & reliqua.* Hippocrati subscript Aristoteles, ut apud Plutarchum 5. de Placitis Philosophorum legere est his verbis: *Aristoteles somnum corpori cum anima facit communem, esse enim euaporationem humidi in caput, & refrigerationem caloris in corde ab elemento subiecto.*

Porro & hoc etiam sua non caret suadela; nam in somno palam conspicimus, pallescere vultum, frigescere cutem, torpescere membra, atque viuuerum corpus adeò stupere, ut verum sit illud Platonis 7. de legibus: *Nemo quidem dum dormit, alicuius est prætij non magis, quam si non viueret;* quò illud vaticollimat.

Stulte quidem somnus, gelida nisi mortis imago?

Age! si mortis imago, ergo frigiditatis symbolum; nam ut vita caloris, ita mors frigoris est alumna, ut omittam, à Marone vocari eundem mortis consanguineum 6. Aeneidos:

Tum consanguineus leti sopor,

et à Seneca in Hercule furente mortis fratrem:

frater dura languide mortis.

Sed quid moror auctoritates cumulans? Haud potest illius rei effectus esse calidus, cuius causa existit frigida. Iam somnus à frigidis plerumque superuenit, lactucis, violis, solano, mandragora, & similibus. An non insuper liquidò constat, omnes quotquot nimium indulgent somno, floridum vultus calorem corrumpere, curis venustatem defœdare, artuum effeminare lacertum, segnesque, & imbecilles ad omnes functiones reddi? Mecum hic lector ad rem expende Hippocratis verba in libro de dicta: *Diuturnus somnus viscera excoquit;* Vox illa, excoquit, plurimi pollet; quemadmodum enim nimium excoctæ carnes nullius existit roboris, & saporis, solumque ad secessum conferunt, ut libro de affectionibus num. 44. & 45. legitur; ita viscera à somno diuturno excocta robur, atque omnem virtutem amittunt. An ex hoc, erudite lector (& sit parergon) decocti nuncupantur, quæ rem propriam dissiparunt, ac propterea cum re nominis etiam, & virtutis amiserunt existimationem?

Ceterum has rationes si ingenio affecutus fuisset Vale: iol

T 4

vir

vir alioquin doctissimus, nequaquam adeò peruicax librum de flatibus vt falsum, & mendacijs plenum repudiasset. 1. libro suarum enarrationum, vbi hanc de sanguine frigescente in somno sententiam damnans, vel in ea præcipitat verba: *Quid enim ineptius dici, excogitarique unquam potest, quàm ex somno sanguinem refrigerari?* Et paulò infra vel insanum appellat, qui fidem his dicis præstaret; quàm bene libro de alimento Hippocrates: *Consonans dissonans est, dissonans consonans est.*

SYNCATATHESIS.

VT ad symphoniam disphonia redeat, erit hoc primò distinguendum tibi, amice philiatre, quòd aliud est, somnum augere visceribus calorem; aliud verò augere sanguini. Primum, non secundum astruit in epidemicis Hippocrates. Porro sanguis nequaquam est natura sua calidus, sed influente spiritu, quod apertis finibus libro de corde num. 10. Musa cetera noster testatur est his verbis: *Sanguis enim non est natura calidus, sed calefcit;* id quod alibi proprio capite examinauimus. Cum itaq; spiritus in somno ad sua principia reuocentur, naturales ad hepar, vitales ad cor, ad cerebrum animales, sequitur inde, vt sanguis calore depauperetur, atque adeò frigescat; quod sanè palàm fit ex pallore dormientis eiusdemque torpore, atque etiam frigidis, & catarrhoicis affectionibus, quibus qui plurimum dormiunt, inauetorantur.

Secundò dicas, quòd somnus vel brevis est, & moderatus, vel diuturnus, & ad multum diem protensus. Brevis ob spirituum ad centrum recursum calorem visceribus addit; diuturnus, quòd excoquat, humectetque valde, refrigerat, nec insuper finit perfectam fieri anadosin, qua præpedita, membra succi alibilis vbertate defraudantur, vt de mox algent.

Rursus, & erit fortè diæsis melior, somnus considerari potest vel vt ieiunum, vel vt satium detinet; si pleno stomacho quis dormiat, incalefcit profectò, quoniam congregato calore, auctoque alimento, corporis refouentur partes. Si verò ieiuno ventriculo sese quispiam somno committat, refrigeratur utique corpus quoniam ad auctus calor, cum quod depascatur alimentum, non inueniat, proprium humidum depopulatur, ex cuius deperditione euanesceat & calor, vnde cita refrigeratio; inde vulgatum illud enigma: *qui mecum viuit, mecum moritur.* Sententia est Hippocratis

tis 2. de Diæta num. 28. is prolata verbis: Somni ieiunum attenuant, ac frigesaciunt; si non longi fuerint præsentem humiditatem euacuantes; qui verò magis calefaciunt, colliquant carnem, & corpus diffundentes exoluunt, ac debiles reddunt: A cibo verò sumpto calefacientes humectant, alimentum in corpus diffundentes. Profectò, si hæc animaduertisset Valleriola, præfatam libri de flatibus sententiam, ut ab omni veritatis albo alienā, & Hippocrate indignam nequaquā repudiasset. Nimirum, ut probauimus, quantum a somno viscera incallescunt, tantum ab eodem refrigerat sanguis, quinimò & sanguis, & viscera calore destitui possunt, si somnus immoderatus fuerit, sique ieiuno corpore ad altam diem protrahatur. Et ex his quomodo hinc inde solui debeant argumenta pro vtraque sententia desuper allata, vnusquisque addiscere poterit.

ANTIPHONIA XXII

Somnus visceribus, an carnibus calorem

augeat.

THESES.

Sexto epidemiorum sectione 5. hæc apud Senem nostrum leguntur: Labor articulis, & carnibus, cibus, & somnus visceribus; quod est, articulis, & carnibus calorem, vigoremque à labore, visceribus autem à somno, ac cibo augeri.

Sententiæ vna illa est ratio, quod cum in somno, ac cibo ad intima viscerum penetralia natiuus calor sese reducem faciat, ut sæpius ab Hippocrate dicitur, in his effectus, viresque suas producere debet. Sed quinam caloris effectus? Profectò refouendi, nutriendi, ac restaurandi. Probat quoque vnusquisque autopsia, quando vegeto corpore, validisque viribus à somno resurgit; nec contrà robori quicquam detrahit magis, quàm vigilia intempestiua, vnde virtutum languescit energia.

AN-

A N T I T H E S I S.

Tertio tamen de diatanaum. 9. longè diffonâ registrari videretur opinio; sunt illa verba: *Somnus contingit carni, & sanguis funditur, & spiritus diffusus tranquilluss fit.*

Comprobat & ratio; quandoquidem carnes in somno maximè reficiuntur, augentur, nec quicquam magis, quàm somnus diurnus obesum reddit corpus, ut paulò supra pluribus demonstrauimus; igitur carnibus magis, quàm visceribus præstè est somnus.

S Y N C A T A T H E S I S

Prodeat primò in theatrum Marinellus, & conciliatorem agat; in tertio igitur commentario in Hippocratem hæc scripta leguntur: *At quando dicit, somnus contingit carni, intelligendum est, quoddum homo dormiat, tunc carnes nutriuntur, augentur, atque roborantur, & non quod carnes à somno deprehendantur; imò in somno vis naturalis viget, & animalis quiescit.*

Cæterum si græca expendantur verba, nullâ in his antilogiam contineri, inuenimus; siquidem quod legunt alij: *Somnus contingit carni*, Fœsius legit: *Fit autem somnus humectata carne; & sanè ita ex Græco legi debet*, habetur enim: *ὅ δὲ ὕπνος γίνεται τῆς σαρκὸς ὑγρασίμῃ*. Sic ergo dum in somno calor ad viscera refanditur, carnes humectantur; sicut enim ubi plus caloris, ibi plus siccitatis reperitur; ita ubi minus caloris, ibi plus humiditatis extuberat; quare nulla intercidit contradictio. Nec silentio prætereundum, sententiam illam ex Epidemiorum vario modo apud antiquos Auctores translatam reperiri; & apud Vallesium in primis sic legitur: *Labor articulis, & carnibus cibis, somnus visceribus; anima deambulatio, cogitatio hominibus*: quorum verborum inter varia antiquorum hypomnemata, quæ sicergermana interpretatio, videas apud Vallesium ipsum in commentario, ubi & sana doctrina, ut moris est, atque eruditione frueris plurimâ.

AN-

ANTIPHONIA XXIII

Salita an aluum moueant.

T H E S I S.

IN libro de affection. num. 49. hæc ab Hippocrate dictata leguntur: *Salsa secedunt, & urinam eient.* Confirmat a. de Dieta num. 8. ubi sic: *Per urinam verò eijcitur dulce, per aluum autem secedit salsuginosum.* Et rursus num. 16. *At verò sale seruata* (idest carnes) *minùs quidem alunt humiditate per salem priuata, attenuant autem, & siccant, ac sufficienter aluum mouent.*

Libro insuper de locis in hom. rem uolentius definit his verbis: *Aliut autem subducentia talia sunt, quæcunque lubrica, & incisua sunt, & quæcunque in calidis attenuantur; venter enim calidus est, & reliqua, quæ salsuginosa sunt, & quæcunque ex talibus plurimū participat.* Neque hæc rationibus, & experim. entis probare arduum fuerit.

Rationibus quidem, quoniam cum sal vim obtineat abstergendis, excrementa ipsa detergit, atque deorsum pellit per ductus intestinales, eodē prorsus modo, quo mel absteruiat, qua pollet, facultate per urinam non minùs, quàm per secessum, auctore Dioscoride, expurgat.

Præterea tam alimenta, quàm medicamenta quæcunque aluum mouent, id ex eo præstunt, quòd v. labitergunt, vel comprimunt, vel irritant, vel humectant. Atquæ hæc omnia præstat vnum sal, nam vt supra diximus, validè in primis abstergit, constringit etiam, comprimitque eximia siccitate; Idem efficit, irritando, nam expultricem vim nil fortius exedit, atque erethismo incitat, vnde salis in clysmis, & balanis frequentissimus vsus; quin salis vnum granulum est validum suppositorum. Humectando etiam quodammodo, licet per acidens, aluum lubricam efficit, nam soluit, liquatque ventriculi humiditates, intestinorumque mucosafæces. Ita dum suille carnes, aliæque sale condiumuntur, multum ab initio humoris effundunt, expressa, nimirum à vi salisillarum humiditate, vnde mox à putredine redduntur prorsus immunes.

His rationibus experimenta consonant; quippe aqua illa tam celebris

celebris apud nos Italos Testucij nuncupata, quia falsa, miros producit in eluendis intestinis effectus. Valleriola post cataracticas potiones non infusum iusculum, ut antiquata fert confectudo, sed salitum exhibendum autumat, quod sic medicamenti vim roboret, ac mens abluat, abstergatque. Apud Aegyptios, Prospero Alpino teste, à purgantibus pharmacis Nili aqua plenum exhibent cyathum, et salmicida, seu nitrosa qualitate purgationem adiuvat. Quid multa? Aetius quoque sermone 14. cap. 15. de dysentericis verba faciens, putealem aquam subsalsam esse, scribit, ideoque ventrem perturbare. & Galenus libro de attenuante victus ratione cap. 3. aiebat: *Incidunt præterea & que saporem quandam habent nitrosum, aut salsum, quorum etiam plurima alium deijciunt*. His adde corollarium. Georgius Agricola 3. fossilium, salfossile sarmaticum ad drachmæ pondus cum vino potum a liuum deijcere, scribit.

AN T I T U H E S I S.

INterim libro de Aere, aquis, & locis dictorum immemor Hippocrates toto distant in cælo exarauit sententiam, vti num. 16. his verbis apparet præam: *At enim mentiumtur homines de falsis aquis propter imperitiam in eo, quod per alium secedere eamque solvere putantur; maxime enim contraria sunt ad alui egestionem, ac secessum: sunt enim cruda, & coqui non possunt, quare venter magis ab ipsis astringitur, quam eliquatur*. Quid clarius?

Confirmatur ex ipso met Magistro 3. de Dieta num. 17. vbi de lubrica, & quasi lienterica duo verba faciens, carnes valde salidas, & pisces muria incoctos proponit, verbi sunt: *Et coctos quidem pisces in muria edere oportet, videndum etiam carnibus sale, & aceto inueteratis*. Et num. 20. vjs, qui scripticis omnino a uo sunt præditi, cum alimenta proponit, nihil salitum recenset. In d. lib. illo de affect. num. 38. aiebat: *Quæcunque ex his dederis ad secessum tenuia dato, & magis percocta, & dulciora potius, quam saliora, & calidiora*.

Hippocrati in primis astipulatur Galenus 4. de simplic. medicam. facultate cap. 20. vbi sic: *Omni enim soli obscura quadam adstringendi vis inest, quæ eas, quæ condiuntur, carnes constringit, densatque; & luculentius lib. 9. cap. de sale huc vim calefaciendi, & exiccandi insignem tribuit*.

At ipsa insuper fauet ratio, nam cum sal excellenti caliditatis gradu

gradu, & siccitatis adhuc maiori præpolleat, aluum calefaciendo, fecesque exiccando difficilem præstabit excretionem; exugit enim, aut potius exprimit, depopulaturque humidum illud, quod intestinorum lubricitatem efficere valet, imò intestina ipsa corugat potius, astringitque, omnem demens laxitatem eò modo, quo vetriculum etiam corrugare, atque adeò ad appetentiam excitare consuevit; quo consilio in primis mensis vel salsamenta, vel salitæ carnes apponi solent.

Denique confirmet experimentum, quo fit palàm, dissentericas aluos, & quæ diuturnis diarrhæis valde nimium detinentur, nullo salubriori præsidio curari, quàm testucij, aut congeneis quibusdam aquis, quibus salitum sapor, tum virtus inest. Nimirum terrestres cum sint salitæ omnes aquæ, atque adeò non facile permeent, cunctando astrictionem moliuntur; quod ad suam roborandam sententiam apertis fidibus astruit Hippocrates, dum ait: *Sunt enim cruda, & coqui non possunt.*

SYNCA T A T H E S I S.

Non est mehercle levis momenti hæc Antiphonia, neque ita conciliatu facilis; non mirum ergo, si multorum torfit ingenium. Hinc Rhases inter Mauritanos celeberrimus dixerat, salsas aquas laxare quidem aluum ijs, qui illas haurire consueverunt, eo quod intestina purgant, sed mox temporis progressu stipticam reddere, quod ijsdem robur, ac siccitatem inducant. Porro isthæc responsio plausibilis quodammodo accederet, si ad falsa omnia collimaret, & non de aquis duntaxat difficultatem enodaret. Atqui Hippocratis dictatum non magis in aquas, quàm in salitas alias substantias incumbit.

Rorarius, qui Antithesin hanc agit, expenditque, dum Proxenetam agit, ait, salsas aquas, vel tales impensè esse, vel modicum salitas, illas, quia aluum exiccant, astringere etiam, has verò, quia exicare non possunt, aluum irritare duntaxat, atque adeò laxam, & lubricam reddere, idèdque diuersè de his, atque de illis Hippocratem sentijse. At meritò redarguitur Rorarius à Ludouico Septalio in commentario libri de aère, aquis, & locis in ipso contextu, eo quod libro eodem n. 23. Hippocrates, dum aquarum vsum ijs proponit, qui molles nimium, & humidas continent aluos, subsalsas aquas, non autem apprimè salitas commendat, quare subsalsa etiam astringunt, siccantque intestina,

in

in Græco namque textu ὑφαλκὰ habetur, quæ vox subsalsum denotat, vt luce clarius est, & ab eodem Septalio egregiè notatur.

Andreas Baccius 5. de Thermis cap. 3. vbi Rhafen, & Rorarium impugnauit, suam adducit sententiam his verbis. *Sed hi errant, ac Rhafes, ac standum cum Hippocrate est, simpliciter salsam siccare aluum, nimirum in potibus, & cum cibis sumptam; laxare potius, vel astringere potius iure balnei, ac plenis mensuris, ieiuno corpore exhibitas.* At neque videtur Baccij sententia antiphoniam conciliare, siquidem Hippocrates non de aquis tantum verba fecit, verum etiam de falsamentis, cunctisque falsis edulij, quæ in escam adhibentur; ipse verò contradictionem quantum ad aquas attinet componit, & quidem satis congruè.

Septalius runcupato loco suam & ipse proxeniam exarauit, inueniens: *Omnes has apparentes contradictiones posse conciliari, si dixerimus, salsa, quacunque ea fuerint, siue absolute salsa, siue subsalsa, omnia, quæ talia, & secundum se aluum astringere, & exiccare, vt hoc loco Hippocrates testatur.* Per accidens tamen aliquando possunt aluum deicere, id est si in multa quantitate assumantur, potissimum ieiuno ventriculo; nec mirum, nam acri sua qualitate, vbi multa, aut in cibis salsa assumuntur, vel in potione, potissimum si ieiuno stomacho, ventrem, & intestina abstergunt, & incitant expultricem ad munus suum obeundum. Porro hæc Septalij synaulia, vt quæ rationi, & experimento consonat, non parum arridet: Post ipsum tamen, totque alios eximios viros fas esto meam tanquam corollidem adiungere.

Dixerat Præceptor alibi, quod sunt omnia ad aliquid bona, & ad aliquid mala, quæ sententia si in eodem viuentis pro partium eiusdem diuersa ratione, ac temperie veritatem habet, multò erit æquior in diuersis tum indiuiduis tum speciebus, vt scilicet quæ vni conferunt, officiant alteri, quæ Socratem turbant, Aristippum nutriant. Neque hic de arcanis loquor idiosyncrasijs; verum de singulari vniuscuiusque temperamento, cuius gratia eiusdem agentis immutatur effectus. Ita ergo pro complexionum varietate salsa vel mouent, vel astringunt aluum; quotquot enim ventres calida temperie sunt præditi, à dulcibus, & limpidis aquis, non verò à falsis ciuntur, ac laxantur; quotquot verò pituitosi, ac molles, à falsis turbantur, non autem à dulcibus tum aquis, tum escis. Et ne quis putet, id à me gratis dictari, Præceptorem adeat libro ipso de aëre, aquis, & locis numero præ-

præcedente alteri supra enunciatae sententiae, ubi de aquis lo-
quens, apertis verbis rem ita determinat: *Quorum quidem ventres
duri sunt, & ad hoc ut exurantur idonei, ijs quidem dulcissima prosunt,
& leuissima, & splendidissima, quorum verò molles ventres, & humi-
di, & pituosi sunt, ijs durissima, crudissima, & subsalsa conue-
niunt; sic enim resiccare maxime possunt.* Sed statim, lector, te
obstupentem audio, quòd Hippocrates dicat, humiditas, mol-
les, & pituitosas aluos ab aquarum salarum usu resiccare, non
autem laxari. Ita profectò est: Post nimirum longum ipsarum
vsum, abstergis humidioribus excrementis, mucosa colluie
expiata, & exiccatis, roboratisque intestinis. At verò
quo tempore quis illis vitur, & venter pituita
scater, semper aluus deijcitur, quod addu-
cto Tectucianae aquae exemplo liquidò
constat; illa namque quamdiu
hauritur, tandiu citatur al-
uus, mox verò
exicca-
tur,
fluentesque compescuntur ven-
tres, ut ipse Rhases ex
Ioannitio dicebat,
& nos retuli-
mus.



ANTIPHONIA XXIV.

Frigefacientia num subducant aluum.

T H E S I S.

Libro de locis in homine num. 37. hæc ab Hippocrate exaratur à sententia: *Omnia verò, quæ frigesciunt ea, quæ in ventre sunt, talia aluum subducunt; Item quæ frigida sunt, & quæ humida; quum autem non aluum subducantia fuerint, calefaciunt, &c.*

Probari autem thesis non ægrè potest, si dicatur primò, frigida eo quòd exprimant, aut comprimant aluum citare: sic aqua gelida, ieiuno præsertim ventriculo hausta, ventrem deiecit, unde apud nonnullos id in frequenti est usu, ut singulo mane gelidæ aquæ breue poculum hauriant, indeque laxatur feliciter aluus. An huc fortè collimauit Iatroscoporum sancitum illud, quo Regi Medorum, ut inculcata frueretur valetudine, præscribere, ut singulo mane frigidæ poculum sumeret?

Secundò quæ ventrem, ac finitima intestina refrigerant, cruditatem pariunt; cruda verò, & minùs adequata cum fuerint alimenta humescunt, indeque per aluum deturbata lubricitatem efficiunt; sæpè namque apepsiæ, vel bradipepsiæ soboles est aluina *ναυστός* hoc est turbatio.

Confirmatur experimento, quo videmus, à frigidioribus poculis, vinisque niue præcipuè impensè refrigeratis fluxus omnigenos concitari; imò & ab intensiori frigore pedum, quibus cum aluo magna inest communio, scimus tormina, atque ecrrises excitari; Ita Dux ille Ferrariæ apud Marcellum Donatum cum neque clysmis acerbis, neque catapotijs validis secedere valeret, Brasauolæ consilio nudis pedibus super marmoreum pavementum ambulauit, unde continuò aluo turbata excrementa reddidit. Quid multa? Argentes horarij frigus, læticia, olera quæque frigidiora aluum subducunt, ut quisque autopsia probat.

AN-

ANTITHESIS.

Verum 6. Epidem. sect. 5. textus valde celebris registratur tota dissonans aure, ille est. *Refrigeratio ea, quæ in ventresunt, indurat.* Suffulcit lib. de affectionibus num. 30. vbi non frigida, sed calida aluum citare, statuit his penè verbis: *Quæ per aluum secedunt, succosa sunt, & natura calida.* Quin 2. de Diæta num. 25. luculentius adhuc rem explicat; audiamus: *Spiritus, cibis, & potus humiditatem in corpore congelant, si excellenter frigida sunt, & per congelationem, atque humiditatem aluos sistunt, nam anima humiditatem superant.* Præterea 3. Aphorismorum 17. Aquilonaris frigoris cōditiones percurrens aiebat: *Aquilonia quidem solida reddunt corpora, tum etiam firma, & ad motum expedita, & bene colorata, auditum acuumt, sed tamen aluos desiccant.*

Porro suadetur facillè Antitheton ex ipsa natura rei, quippe frigidi est condensare; ergo si & aluum frigus occupauerit, consipare debet; non secus ac externos cutis meatus adstringere, & occludere consuevit, imò ipsa vis frigoris præcipuo quodam modo musculum sphincterem cōstringere potis est, ut palam fit in ijs, qui in marmore sedent in mensibus minùs feruidis, vnde illud vulgare, & vulgatum.

Mensibus erratis super lapidem ne sedatis

Demum videre est, haud rarò à flatibus aluum obstringi; flatibus autem, ut in frigido continentur, sic dissipantur à calido, dissipati verò aluum, & hypochoremata nequaquam præcludunt.

SYNCATATHESIS.

NVlla erit inter sententias hæc *διάστασις*, si dicamus primò, Hippocratem 6. illo Epidemior. de extremo frigore Galeni arbitrio loquutum esse, ut patet de ambientis, aut rerum aliarum ventri appositarum frigiditate, qua scilicet veluti per antiparistasin ad auctus calor, & ad interiora profugus pepsin, atque anadosin rite peragit; ex meliori verò tum cōditione, tum distributione faeces in primis minori copia comulantur, diutius retinentur, & ampliùs arescunt, ex quibus omnibus stiprica resultat aluus. An non idem boreali constitutione experiri etiam quotidie, quando tam ægrè hypochondriaci præsertim recrementa

V

depo-

deponunt, quod nimium exiccari contingat tum ab Aquilone per
se, tum etiam ab exaucta viscerum caliditate à contrario actione
antiparistia.

Dicito secundò, quod in textu illo de Dieta, ubi asseritur, spi-
ritum, cibum, & potum in excellenti gradu frigida aluum per co-
gelationem sistere, haud esse huiusmodi voce congelationem ve-
ram, & simpliciter intelligendam, sed quandam potius incras-
sationem, seu concretionem, quæ humiditatis sequitur expres-
sionem ipsis in excrementis à frigore factam, non quidem intenso,
quia scimus, hoc intra viuens corpus reperiri non posse, sed mo-
derato, & ipsi aluo minùs congruo, quod sanè ex subsequen-
tibus Hippocratis patet verbis, ubi apertè tradit, à nimia quoque cali-
ditate congelari humiditatem; absurdum autem videri posset
quod caliditas congelet: Verba sunt: *Rursus etiam caliditatis ex-
cessus eandem congelant, & intantum, ut diffundi nequeat.* Vti-
ergo caliditatis excessus nequit propriè congelare, sed modo quo-
dam incrasare, & concretum reddere excrementum, absumptis
videlicet humidioribus secum partibus; ita & frigus nequaquam
propriè viuents corporis humiditatem ongelat, sed expri-
mendo exiccat. Hæc si Galenus animaduertisset, Hip-
pocratem nequaquam vellicasset. Sed interim Le-
ctor, te non lateat dictionem illam *congelant*
aptius à Fœsio transferri, cogit; nam græ-
cum verbum *πυγνύουσι*, significat

conglutinant, & coagulant;

ideòque Cicero, *τα πν-
γνύουσι* vertit: *quæ
vim habent con-
cretionis.*



AN-

ANTIPHONIA XXV.

Lens moueat, an sistant aluum.

T H E S I S.

Libro 2. de Dieta num. 8. lentem neque sistere, neque ciedere aluum, Hippocrates dixerat; sunt hæc verba: *Lentes astuosa sunt, & turbatiua, & neque per aluum secedunt, neque sistunt.*

A N T I T H E S I S.

At eodem 2. de Dieta (quod maiore facit admiratione) prædictorum immemor hæc scribit: *Aluum autem mouent, & purgant cicér, lenticula, hordeum, beta, brassica.* Confirmatur sexcentis in locis apud eundem Hippocratem, in quibus videre est, lentem vim deiectionem, & simul emeticam obtinere: Ita 2. de morbis in pulmonis fistulæ affectione aphra nuncupata: *Curare porro oportet, ut lenticule decoctopuro vomat,* & eodem 2. de morbis in curatione quartanæ: *Deinde lenticule decoctum bibat melle, & aceto mixtis.* Idem habetur 5. Epidem. num. 4. in historia viri illius Atheniensis, qui lenticulæ succo vomuit; & lib. de affectionibus cap. de Diarrhæa, ubi pariter vomitum excitat lenticulæ succo. Et omnino passim apud Hippocratem huiusmodi decoctum ad purgandum vsurpatur.

S Y N C A T A T H E S I S.

Lens vel cum cortice, vel sine cortice assumi potest; sine cortice quidem astringit, cum cortice soluit. Audiamus Hippocratem ipsum lib. de vict. ratione 59. ubi litem dirimit se ipsum explicans. *Lens adstringit, & turbationem inducit, si cum cortice sumatur.*

Rursus vel dum coquitur lenticula, primum effunditur, & abijcitur iusculum, vel retinetur: Cum sua prima decoctione lenit aluum, sine illa astringit potius. Dioscoridem adeamus cap. de lente lib. 2. ubi sic: *Vim habet adstringendi, qua ex causa aluum cohibet, si detracto antea cortice, discoquatur accuratè, primaque aqua*

V 2 inter

inter coquendum effundatur; quippe primum id decoctum ventrem resoluit. At si hoc est, cur, dices, primo relato loco lentes neque per aluum secedere, neque sistere, asserit? Respondeam, id Hippocratem affirmasse, quoniam lentes simpliciter neque mouent, neque sistunt aluum; id enim, quod indifferenter ad vtrunque se habet, vtrunque modo quodam negat; Aqua tepida exempli gratia neque frigida, neque calida dici potest, cum tamen frigiditatem, atque caliditatem producere valeat, siquidem frigida calefacit, & calida refrigerat.

ANTIPHONIA XXVI.

Vomitus an sistat, an moueat aluum.

T H E S I S.

Alui purgationem vomitu compesci, 6. Aphorismorum 15. enunciauit Ipse his verbis: *In longa diarrhoea vomitus ultro obortus diarrhoeam sistit.* Sententiam firmat historia ex 5. epidemiorum num. 4. viri illius Atheniensis, cui cholera correpto cum neque vomitus, neque secessus sisti posset, assumpto veratro, & vomitu assatim excitato, & vomitus, & alui turbatio siluere: *Hic veratrum in lentium succo bibit, & alterum lentium succum in super bibit, quantum potuit, & postea vomuit, & coacta sunt, ac adscripta ipsi ambo.* Ita pariter lib. de locis in homine textu 45. fanciuerat: *Cum euacuatum, & vomentem curandum susceperis, vomitum ne sedato, vomitus siquidem euacuationem sedat: de ebrio loquitur.* Rursus lib. de affectionibus de diarrhoea precepta scribens, aiebat: *Si vero non cesset velis autem sedare, vomitum a cibo, aut lenticula decocto facito, & confestim sursum reuelletur infernus secessus.*

Ceterum dictata suadet ratio, quia nimirum humores, qui prius erant catarrhopi, sunt vomitu anarrhopi; & naturæ vis, quæ prius deorsum inclinabat, facta antispasi, reuocatur sursum; unde ventris turbatio sillet. Quod si surditas biliosis excretionibus superueniens ex metastasi excretionem sedat, nulla facta euacuatione, ut est in aphorismis, quanto magis vomitus, in quo insignis fit excretio, liberabit ab aluino effluvio.

AN-

ANTITHESIS.

CUr ergo secundo de Diæta num. 22. vomitum & sistere & soluere aluum docet: sunt hæc verba: *Ventrem autem compactum vomitus soluit, & egerentem magis, quam oportet, sistit.* Perro antirrheſis difficilem habet fidem, si vera sunt Philosophorum dogmata statuentium, idem, vt idem contrariorum non posse esse causam.

Sed quod compactum ventrem soluat, illa fortè esse potest ratio, quod illo impulsu, atque conatu, qui in vomitu accidit, venter inferior agitur, quatiatur, & vis intestinorum segnis, ac torpida excitetur ad hypochoremata exturbanda. Neque id rarò contingit; siquidem compatiuntur facîle ob officij societatem ventriculus, & intestina; quare in diarrhæa vomitus, in vomitu diarrhæa sæpè superuenit. Sympathiam huiusmodi ostendit maximè cholericæ passio, in qua vno, eodemque tempore susque, deque propellitur humor.

SYNCATATHESIS

NUnquid laus biformis Hippocrates? Absit ab ingenuo Sene tantum crimen. Sit ergo symphonismus. Vomitus quod humores reuellt, frequentius aluum compescit fluentem. Atqui potest eandem compactam soluere, cum videlicet viscidæ pituitæ colluies vëtriculum ipsum, & intestina adeò obducit, vt excrementa etiam contineat, ac veluti glutine compingat; quare educta per vomitum hac pituita, exitum per inferna liberiores obtinent excrementa, vnde soluitur aluus.

Vel dicas, vomitum aut magnum esse, & repetitum, aut paruum, & semel tantum excitatum: priori modo, quia plurimum reuellt, & integrè euacuat, ventrem exiccat, & compescit: quo consilio monēbat Hippocrates, vt vomitus vno, & altero die successiuè fieret, vt scilicet ventriculus, & intestina susque, deque expiarentur; præceptum habemus libello de salubri diæta num. 7. his verbis traditur: *quicumque bis in mense vomitum consuevit, huic melius est, vt consequenter in duobus diebus vomat, quam per quintum, & decimum;* Secundo verò modo aluum compactam soluit, quod humores, cruditates, & recrementa vomitu agitata, nec vndique per os educta, à natura, & expultrice inde irritata deorsum detrudantur.

V 3 Sed

Sed quid ingenio expiscor aliunde rationes? Ipsemet Hippocrates secundo illo de diæta mysterium reuelat, & quomodo fiat, quoue modo ventrem lubricet vomitus, edocet. Ait enim, quod vomitus propter repletionem, & carnis colliquationem, humectat. si postridie opportunè nutriatur, atque inde ventrem compactum soluit, quia humiditas illa per aluum dispersa fluidam reddit: exiccat autem, dum facto vomitu cibus non offertur, unde calor, cum in quod agat, non habeat, circa humiditatem, seu colliquamentum à vomitu factum occupatur, indeque aluum arescere, contingit. audiamus ipsum eodem textu secundi de Diæta: *Vomitus attenuant propter cibi euacuationem, non tamen siccant, si quis postridie rectè curet, sed humectant propter repletionem, & colliquationem carnis præ labore. Si verò quis sinat, hæc postridie consumi in alimentum caliditatis, & diætā sensim adhibeat, siccant: mox paulò infra. Cum igitur aluum quis sistere volet, si autem deueratum cibum euacare oportet priusquam humescat, & infra detrahatur, & magis acerbis, & austeris edulijs uti; Vbi verò soluere aluum quis velit, plurimo tempore cibus immorari consert, & acribus, ac salsis, & pinguibus, ac dulcibus tum cibus, tum potionibus uti.*

Denique fas quoque erit asserere, quòd, cum à magno frequentique vomitu laxetur ventriculus, atque imbecillior fiat, contingit inde, non bene coquendi munere fungi, atque aded cruditate oboita, lubricati reddi aluum, quæ prius ob fœcū ariditatem torpescere bat.



ANTIPHONIA XXVII.

*An in febribus liceat cibis, ac sorbitionibus
aluum ducentibus vii.*

T H E S I S.

ARechiet Cous lib. de locis in homine num. 39. febricitantibus aluum subducentes sorbitiones interdicit; hæc sunt verba: *febrienti cibum ne offeras, neque sorbitionibus subtus aluum ducas.*

Duas partes hæc Thesis continet: Primam non est, cur probare nitamur, alibi enim de febricitantium diæta abundè satis dictatum. Quoad verò secundam eo fortè consilio Hippocrates sorbitiones aluum ducentes reprobatur, ut eos Medicos redarguat, qui in febribus intempestivè sorbitiones aluum ducentes propinant, quibus proculdubio natura perturbatur, atque à pepsii auertitur. Id verò intelligas, lector, in augmento, & statu morbi, non autem in principio; Siquidem Præceptor alibi statuerat: *Siquid tibi mouendum videtur, in principio moue.* An non etiam natura hypellatis medicamentis à crisi, ad quam sese accingit, distrahipoterit? Etenim si ad sudorem illa proclivis foret, ecco-proticis ad ventrem auocaretur proculdubio non sine ægri detrimento: quippe natura, quæ sine doctore magistra est, melius nouit, per quas vias peccantes humores effundere debeat; unde factum est, ut cordati Medici in diebus criticis ab omni pharmaco plerunque abstinereant.

AT si sic est, cur antiphoniam recinit lib. de affectionibus num. 18. ubi apertis verbis aluum subducentes forbitiones commendat; hic est sermo: *Et in apprehensione quidem sorbitione, & potu nutrito; interposito verò tempore cibis per aluum secedentibus.*

Neque hoc sanè à ratione alienum est; siquidem in omnibus morbis aluum ab excrementorum colluue expiari, summopere expedit; fecum namque retentorum halitus, & iniqua mephitis caput infestat; dolorem auget, anorexiæ addit, febremque ipsam, excandescere facit. Rursus sorbitiones, quæ aluum subducunt, sunt plerunque, quæ ex hordeo, & oleribus humidioribus parantur; hæ autem sunt prorsus illæ, quæ febribus opiculantur iuxta, vniuersale illud: *Omnes vietus rationes humide febricitantibus conueniunt.*

S Y N C A T A T H E S I S.

Libro de locis in homine de continenti febre Magister sermonem habet, in qua proculdubio, vt Perla sentit, purgatiunculis haud est natura turbanda, atque à pepasmo distrahenda; fortè enim redarguit his verbis Hippocrates illorum consuetudinem, qui frequenter in acutis febribus catarticas portiones propinant. Atqui in libro de affectionibus de simplici tertiana loquitur, in qua sis est in intercalari die blandis alimentis aluum subducere; nam medicamentum in alimento optimum, vt Hippocratis est dictatum. Colligi id potest ex verbis illis: *Et in apprehensione quidem (idest in die accessionis) sorbitione, & potu nutrito; interposito verò tempore (idest in die quietis) cibis per aluum secedentibus*, solidioribus puta alimentis, quæ tamen per aluum deducendi facultatem obtineant. Par est ergo in simplici tertiana biliosum succû ad ventriculû in die paroxylmi refluxum cibis per aluum deturbare, quod nō est opus in continuis febribus, in quibus cum intra venas biliosus, aliūq; exardeat humor, nullaque fiat ad ventrè illorû anadrome, non est cur huiusmodi eccoproticis utamur.

Hæc tamen nō ita intelligenda erunt, vt putemus, nō in omnibus morbis expedire, vt aluus lubrica seruetur; id namque pro viribus semper curare debent Medici, cum dicat Præceptor: *Ventris segnities, vasorum impuritas, cerebri consumptio, omnium confusio.*

F I N I S Q V A R T I L I B R I.

HIP-



HIPPOCRATIS COI
MEDICORVM PRINCIPIS
ANTIPHONON.
LIBER QVINTVS.

Qui promiscuas quasdam sententias complectitur.

Præbet postremus hic liber antiphona miscellanea, quorum alia ad rem medicam spectant quidem, verum typographi incuria omissa suis locis defraudata fuerunt; alia verò ad Medicum potius, eiusque virtutes, quàm ad medicinam attinent. Laobris metam aspicio, lector: vela breui contraham.

ANTIPHONIA PRIMA.

Anni tempora quot sint.

T H E S I S.

Libro 3. de dieta num. 2. in quatuor tempora annus ab Hippocrate diuiditur; illa sunt verba: *Annum equidem in quatuor partes diuidunt, quas plerique omnes nouerunt, hyemem, ver, æstatem, autumnum; & hyemem quidem à pleiadum occasu vsque ad æquinoctium vernum; ver autem ab æquinoctio vsque ad pleiadum exortum; autumnum ab arcturi ortu vsque ad pleiadum occasum.* Quinimò libro de humoribus annum ipsum in septem partes partitur, inquit enim: *Quæ cum ita sint, in eam curam in-*
cum-

cumbere debet Medicus, ut intelligat, qualiter affecta corpora anni septem partes, earumque septem tempestates excipiant. Hæc autem postrema sententia à prima non discrepat; nam singulorum quatuor temporum principium, & finis consideratur, principium, quod præcedenti tempori qualitatibus magis est compar, finis, qui sequenti: Principium veris exempli gratia hyemis naturam adhuc redolet, finis verò æstatis: æstatis initium præcedentis veris tempestatis refert, finis autumnno proximè accedit; & sic in alijs ratiocinandum.

A N T I T H E S I S.

AT si sic est, quomodo libro de salubri diætâ hybernum, tempus sex mensium constituitur ijs verbis: *Sex menses hybernos vovendum est*. Nimirum quibusdam in locis, ubi immoderata sunt tempora, neque ver, neque autumnus agnoscitur, sed ab extremo ad extremum fit transitus, quare hyems duntaxat, & æstas percipitur.

S Y N C A T A T H E S I S.

DIcas quòd in 3. de diætâ locutus est Præceptor iuxta communem, ac vulgarem divisionem; quòd sanè ex ipso sermone elucescit palàm, dum inquit: *Annum equidem in quatuor partes dividunt, quas plerique omnes noverunt, &c.* At in libro de salubri diætâ consideravit extrema temporum, quæ sola sunt manifesta; media enim non sunt adeò perspicua, & fit interdum ab æstate ad hyemem immediatus transitus. Quòd si anni tempora metiri velimus à Solis progressu per Zodiaci duodecim signa, non solum erunt quatuor tempora, verum septem prout scilicet in vnoquoque tempore consideratur principium, & finis, quorum gratia vel maiores, vel minores qualitates iudicantur. Ita Duretus in commentario in librum Hippocratis de humoribus, parte tertia in principio hæc exarata reliquit: *Ceteram septem anni partes sic definiuntur: ver simplex ab æquinoctio verno ad ortum vergiliarum: æstatis tres partes, quarum prima ab ortu vergiliarum ad solstitium æstivale, altera à solstitio æstivale ad ortum caniculae, tertia ab ortu caniculae ad occasum pleiadum: autumnus simplex ab occasu pleiadum ad æquinoctium autumnale: hyemis partes duas, quarum prior ab æquinoctio autumnali ad solstitium hybernum, altera ab hyberno solstitio ad æquinoctium vernum.*

AN.

ANTIPHONIA II.

Sicca anni constitutio an sit salubrior.


T H E S I S.

Tertio Aphorismorum septimo ita Dictator scripserat: *Per squalores febres acuta incidunt, & si maxima pars annitatis fuerit, qualem fecit constitutionem, morbos quoque tales magna ex parte expectare oportet.*

Suadet ratio; nam cum Cælum diu conflagrat incendio absque imbrum vicissitudine, excandescit bilis, suoque sero destituuntur omnes humores, unde illorum ferocia maior. Ita quoque Vates de syrioloquens:

*Ille sitim, morbosque ferens mortalibus agris
Nascitur, & seuo contristat lumine cælum.*

Rursus resiccatae venulae in siccitatibus serum trahunt, & ardentem excitant Praeceptoris arbitrio libro de victus ratione in acutis, & alibi; sobolescunt ergo in squaloribus immanes febres. Hinc 3. eodē Aphorismorum libro siccitatum describens incommoda Praeceptor dixerat aphorismo quinto. *At si aquilonia fuerit, tussis, faucium asperitates, alui duræ, difficultates urinae, horrores, costarum dolores, & pectoris;* & aphorismo 16. *In siccitatibus autem tabitudines, lippitudines, articulorum morbi, stillicidia urinae, & difficultates intestinorum.* His adde ex eodem tertio aphorismorum 9. quod iccirco in autumno acutissimi, & exitiosissimi morbi accidunt, quoniam à præcedente estate siccitas autumnii initio in auxesi reperitur; ipsa verò æstate siccitas est in fieri, ideòque in illa acutæ, acutissimæ in autumno fiunt ægritudines. Quid moror? Consistit vitæ in humido; semper ergo vitæ insidiabitur siccitas, quoniam humidum destruit, & arefacit.



AN-

A N T I T H E S I S .

Eodem tertio Aphorismorum 15. in *διαίρεσι* oppositam exaravit sententiam, dum scripsit: *Inter anni status omnino societates imbribus assiduis sunt salubriores, minusque funesta.*

Nec sanè difficile suadetur antithesis; Quippe in assiduis imbribus corpus oppletur superuacaneo humore, qui putredinis est fomes, nam putredo corruptio dicitur nativi caloris in humido; putredinis autem soboles sunt perniciosæ febres, imò & pestilentes, vnde Præceptor decimosexto eiusdem libri aphorismo aiebat: *Morbi in pluviarum multitudine magna ex parte fiunt, febres longæ, alui pro fluuia, putredines, morbi comitiales, apoplexiæ, & angina, &c.* & rursus aphorismo quinto austrinæ catastasis describens incommoda dixerat: *Austri auditum hebetantes, caliginosæ, caput grauantes, pigri, dissoluentes.* Hinc Galenus in commentario superioris Aphorismi scripserat: *Nam in siccitatibus superflue humiditates dissoluntur, per imbres autem intra corpus collectæ putrescunt, nisi quis singulis diebus collectas exercitijs expurget.*

S I N C A T A T H E S I S .

Per squalores febres excitantur intensiores, & acutiores, atque adeò sicciore, vnde Galenus habet in Commentario, non multas, sed acutas fieri; In humidis verò constitutionibus morbi fiunt vberiores, sed minus vehementes, habentur enim semper ab humore caliditas, vnde ægritudines diutius perseuerant: laconicè: in siccis temporibus vehementiores, & breuiores febres, in humidis minores, sed diuturnæ: Quamobrem non erit *αντίλογος* Hippocrates, si illic asserit, febres fieri acutas, hinc verò frequentiores, ac magis chronicas, quæ enim à bile pendunt, breui temporis curriculo absoluuntur, ideoque acutè audiunt; ad morbi namque acutiem motus celeritas in primis, & vitæ periculum requiruntur: Quid multa? perpendantur amabo Hippocratis verba: *siccitates imbribus salubriores, hoc est pauciores in siccitatibus contingunt morbi, quamuis suo genio acutiores.*

A N-

ANTIPHONIA III.

Peripneumonia à quanam causa excitetur.

T H E S I S.

Libro de affectionibus, ubi de peripneumonia verba facit, illam à pituita fieri, Magister statuit. Verba sunt; *Fit autem hic morbus, cum pituita acervatim ex capite ad pulmonem fluxerit.* Rursus lib. de locis in hom. numero 24. de pleuritide, ac peripneumonia verba faciēs, sic habet: *Quum igitur in pulmonē fluxerit ex capite per guttur, & aortas appellatas appendentes partes pulmonis, pulmo tanquam natura rarus, & siccus trahit in se humorem quantum eius capere potest, & ubi influxerit, maior fit, &c.* Iam à capite pituita, cuius ipsum est metropolis, destillat. Subscribit & Galenus, qui quarto de locis affectis peripneumoniam frequentissimè à pituita fieri, tradit.

A N T I T H E S I S.

Contra libro de internis affectionibus pulmonis inflammationem à sanguine potissimum oriri, tradit, sic enim numero quarto: *Pneumonia, siue pulmonia ab his maxime fit, cum pulmo sanguinem in se ipsum traxerit, aut pituitam salisam, & non rursus dimiserit, sed in ipso coacta, ac compacta fuerint, &c.* vnde pulmonibus erysipelas accidere, scribit eodem libro ijs verbis: *Si pulmo ab erysipelate intumuerit; hic autem tumor maxime à sanguine fit, cum pulmo in se ipsum sanguinem attraxerit, & susceptum tenuerit; & hæc eadem repetit lib. 1. de morbis num. 13.* Rursus primo eodem de morbis à commota humescente pituita, ac bile originem ducere, scripsit; Quin etiam Galenus peripneumoniam phlegmonem *ἐρυσιπλάτωδα* vocat.

S Y N C A T A T H E S I S.

Peripneumonia tanquam à causa antecedente à pituita fit, quæ dum pulmones distendit, ad motum seigniores reddit, ijque distenti deinde dolent, dolor sanguinem attrahit, qui inflammationem tanquam coniuncta causa parit. Doctrinam hanc paragogicam colligere est ex ipsomet Hippocrate nuncupato lib. de interna affect. num. 7. ubi sic legitur: *Si inflammatio in pulmo-*

fiat. fit autem maximè à violentiis, & gulofitate pifcium capitonum, & anguillarum; hi enim pinguedinem habent naturæ hominis infeftiffimam. Iam verò etiam factus est morbus à pituita, ubi fanguini mixta in pulmonem influxerit; quare non à pituita fimplici, verùm fanguini remixta peripneumoniam fieri, Præceptor fentit. Adde his quòd peripneumonia per congefionem fit pierunque à fanguine biliofo, quæ verò per affluxum contingit, à pituita tanquam ab origine emanat.

ANTIPHONIA IV.

*An ad calculum educendum liceat Medico
fectionem moliri.*

T H E S I S.

Magnus Hippocrates in iure iurando Medicos à calculi fectione prorfus alienos effe, iubet: fic ille: *Nec verò calculo laborantes fecabo, fed viris Chirurgiæ operarijs eius rei faciendæ locum dabo.* Et quidem tanti fecit hoc monitum, Auenzoar, vt dixerit, nec debere Medicum ad effe fpectatorem, dum ifthæc operatio patrat.

Præcepti illa fortè eft vna ratio, quòd cùm truculenta valde fit huiufmodi operatio, Medicum, quem summè pium effe decet, dedecet prorfus; & fanè vfque adeò crudelis audit huiufmodi fectionis, vt licet patientes perpetuo cruciatu torqueantur, & mortem oppetant, crudelifsimæ tamen curationi fefe obijcere non audeant, horreant potius. Eminentiffimus quidam Cardinalis, qui multos per annos lapidis atrocem tyrannidem perpeffus fuerat, fectioni tandem fubmiffit fe, & foeliciter ceflit: atqui mox frequentiffimè profitebatur, quòd fi iterum ijsdem doloribus à lapide vexatus fuiffet, nunquam ampliùs impiam illam fuftinuiffet fectionis immanitatem. Semel ipfe præfens fui, dum lapis è veflica nobili viro euelleretur, fed vfq; adeò fectionis, & lacerationis veflicæ diuturna fæuitie exhorruì, patientisq; eiufatū perculfus fui, vt animo meo ftatuerim, nunquam ampliùs huiufmodi atrociam intueri.

A N-

A N T I T H E S I S.

CUm hæc vera sint, cui Dictator idem libro de internis affectionibus num. 15. iubet, Medicos dissecare calculosos, & purulentos renes? audiamus ipsum, placet prolixiorem textum registrare: *Quatuor morbi à renibus fiunt: A primo hæc patitur: Dolor acutus incidit in renem, & in lumbos, & in testem secundum renem situm. Et frequenter mingit; & adstringit paulatim, ac supprimitur urina, & cum urinaprocedit arena. Et ubi per urinæ meatum exit arena, dolorem fortem in meatu exhibet. Quum autem ipsam per urinam eiecerit, dolor remittit. Postea verò rursus in iisdem doloribus iacet. Quum autem mingit, etiam colem præ dolore fricat. Vulgus autem Medicorum, quod non intelligit morbum, ubi videt arenam, putat vesicam è calculo laborare. At non vesica, sed ren lapide laborat. Hic morbus fit à pituita; quum ren susceptam in se ipsum pituitam non rursus dimiserit, sed in ipso in totum concalluerit, & fiunt ex ea tenues lapilli, velut arena. Huic quum sic habuerit, cū scammonia succo, aut ipsa radice, fomento prius adhibito, totum corpus purgato. Postera verò die duobus congijs succi ciceris albi subpurgato, quem sale iniecto bibendum dabis: Post hæc potibus, & cibis, & balneis curato, & eadem, quæ in urinæ stillicidio exhibentur pharmaca dato. Quum autem dolor presserit, multa calida lauato, & tepesfactoria quaparte maximè dolet, adhibeto. Quum autem intumuerit, & eleuatus fuerit, sub id tempus iuxta renem secato, & extracto pure, arenam per urinam cientia sanato; senim sectus fuerit, fugæ spes est; sin minùs, morbus homini commoritur.*

Profectò cum in calculo temeraria sit omnis medicina, vt Duretus aiebat, qui addere solebat: cui profuerit vidi adhuc neminem, permultos autem, quibus exitio illa fuit, cumque in vnica sectione reponatur salus, non mirum, si vel in renum calculoso synagmate audeat Hippocrates ad incisionem tanquam ad sacram anchoram, & vnicum spei asylum confugere. Vtinam sæculi huius Chirurgi ignoram hanc operationem rediuiam facerët; & mirum sanè, quòd cum post Hippocratem Chirurgia plurimum aucta, & examussim absoluta sit, in hac sectione tamen vsque adeò necessaria defecerit; vsque adeò, inquam, necessaria; quandoquidem frustra sunt alia quæcunque præsidia, imò & perniciosa; quicquid agyrtæ blaterent, ac triscurria iactent inania: Valida quippe diuretica, quorum frequens vsus in his morbis quàm sint exitiosa, præ-

ter

ter quotidiana experimenta Theophorbi filij historia apud Hippocratem 5. Epidemior. declarat abundè: ne graueris lector illam hic registratam excipere: *In Larissa Theophorbi filius vesicam scabiosam habebat, & viscosam urinam mingebat, & dolebat, cum & inciperet mingere, & cum desineret, & confricabat partem anteriorem. Hic cum bibisset diureticum uehemens, in vesicam quidem nihil processit. Vomuit autem confertim puri simile, & bilem. Et infernè alia huiusmodi egerebat, & dolebat ventrem, & urebatur interius. Reliquum verò corpus frigidum fiebat. Et dissoluebatur totus, & accipere nihil volebat. Huic exulcerata est aluus fortiter à magna pharmaci uehementia. Mortuus est autem tertia die post potionem.*

Vos itaque Galli eximij in Arte Viri, vos Larghè, ac Trulle Urbis Coryphæi conteneite, brutorum periculo sectionem experimini, tanto beneficio humanum genus ne defraudetis, dum compertum est, Hippocratem, qui nec falli, nec fallere didicit, nobis fallia, seu temeraria dogmata non proposuisse.

SYNCATATHESIS.

Nulla est, Phylatre, antilogia, si Præceptoris perpendantur intimè verba: In iure iurando haud negat, improbatue Hippocrates, calculosæ vesicæ sectionem, quæ sola ut diximus, est salutis asyllum, sed negat eam Medici manu efficiendam; habet enim: *Nec unquam ex calculo laborantes ipse secabo, sed viris Chirurgia operarijs eius rei faciendæ locum dabo:* Aliena igitur audaciori quidem, sed minùs ingenua manu sectio celebranda erit. Hic tacitè ab Hippocrate redarguuntur triobolares illi Medici, qui diuinæ cuiusdam existimationis immemores (nam Medici Philosophicum Dijs concedunt, Hippocrate ipso arbitro) vilia quæque circa egrotantes munia obeunt. Irascor acriter illis, qui ut in Arte sapientiores, siue accuratiores videantur, sanguinem detrahunt, cucurbitulas affigunt, utinam & clysteres etiam (proh nefas) non iniiciant: Absint hi à nobilium Medicorum cohorte, exulent abiecta artis retrimenta; hi sunt qui diuinæ scientiæ detrahunt gloriæ, qui minùs honestam, imò & contemptam facultatem Medicam reddunt. Verùm digressi aliquantulum sumus.

Atqui in libro de affectionibus dum Hippocrates habet: *sub id tempus iuxta renem secato*, intelligas, *secare facito*: Est enim hic consuetus Hippocrati dicendi mos, ut sexcenties in eius libris obserua-

seruare licet, in quibus resonat semper, *purgato*, siue, *pharmacæ exhibeto*, & similia, cum tamen Medici intersit purgationem, & pharmacum præscribere, non verò medicamentum aut componere, aut propinare. Et hic silentio præterire non debeo, quòd Plato primo, ac nono de legibus scripto tradit, nempe Medicinæ quasdam functiones seruis (intellige artis non ignaris) destinatas fuisse, & inter has crudeliores quædam recenserentur debent humani corporis sectiones, inter quas, ea, quæ fit ad calculi educationem primas utique obtinet.

ANTIPHONIA V.

An liceat Medico ad efficiendum abortum mulieri medicamentum offerre.

T H E S I S.

Plè non minùs, quàm religiosè ethnicus licet, & falsorum Numinum cultus caligine obumbratus Hippocrates in iure iurandò, quòd suis omnibus discipulis solemneriter celebrandum proponebat, Medicos abortum nulla ratione pattare, rigorosè vetat ijs verbis: *Similiter autem neque mulieri pessum corruptorium dabo*. Huiusmodi præceptum, ut quòd nititur aequitati, probo viro nullo labore suadebitur; si quis tamen rationes aliquas exposcat, hoc audiat ratiocinium.

Quemadmodum generationis opus naturalissimum, ut Aërius & diuinum, ut aiebat Plato, existit; ita conceptionis destructio, contra naturam, atq; inhumanum quid censeretur debet. Medicus ergo, qui naturæ minister, ac vitæ sospitator audit, generationis & femina, & germina totis viribus conseruare, & ab omnibus aduersis tutari debet; quò consilio Senex prudens ad conceptionem efficiendam, ad sterilitatem remouendam, ad abortus præcauendos tot, tantaque præscripsit in varijs libris remedia. Nempe si vitæ, quamuis rudis, & incipientis corruptor Medicus euadat, Medici iam nomen amittit; si conceptum interimat, naturæ munere defungitur; homicida potius dicatur, qui generationi insi-

X dia-

diatur, expullulantis homunculi germen intercipit, ipsoque in-
 simine vitæ stamen omni crudelior Parca recidit; Neque ex eo, quod
 qui perimitur, in lucem non dum prodierit, minus criminofum,
 facinus existimari debet; imò fortè crudelius, quod scilicet ante-
 quam lucis vsura fruatur, iniquo consilio, ac malis artibus surri-
 piatur. Quod si homicidij genus quoddam reputatur Canonista-
 rum arbitrio mulieri, vt non concipiat, medicamentum exhibe-
 re, quantò maius dici debebit, si iam foetæ ad foetum perimendū
 pharmacum præscribatur? Aegrè nimirum fert Natura, suos par-
 tus, & in primis animalia, atque inter hæc hominem casu, & fato
 heu satis nimium perire; at longè dolebit magis, si vi, & iniqui.
 Medici cacotechnis ad internecionem sic acerbis demandetur:
 vi iure iecicò leges, & canones capitali pœna huiusmodi corrupto-
 res multari, iubeant. Rite ergo Senex Magnus, & Medicorum
 Legislator iureiurando abortibus euitandis consulit.

A N T I T H E S I S.

ERrat quidem quisquis ore, & verbis sibi ipsi contradicit; at
 longè grauius peccat, qui re ipsa, & opere à se discordat.
 Quomodo ergo Hippocratem à turpitudine, & honori vindica-
 bimus, si ipse libro de natura pueri abortum se patrasse in psalteria
 quadam muliere, palam prohtetur? Audiamus ipsum: *mulieris*
nobis familiaris famula cantrix magna existimationis ex virorum
consuetudine erat, quam in ventre concipere non conueniebat, ne mi-
noris existimationis redderetur: audierat autem cantrix ipsa, qualia
mulieres inter se dicunt, quod quando mulier conceptura est in ventre,
genitura non egreditur, sed intus manet. Auditis autem ijs, atque
intellectis, hoc semper obseruauit, & cum quandoque sentiret genitu-
ram non exeuntem, Domina exposuit, & sermo statim ad me perue-
nit. Ego verò quum adissem, iussi ipsam ad terram saltare, & post
quam septies exilisset, genitura in terram profluxit, & strepitus fa-
ctus est, atque illa conspecta, ipsa admirata est.

Quid clarius? Ergo bonus iste Senex abortus minister fuit?
 qui poterit à tanto crimine purgari? O' quam bene in Hippocra-
 tem Lacidis illius Philosophi dictum collumat: *Nos aliter in scho-*
lis disputamus, aliter domi viuimus. Hippocrates aliud monuit, &
 vel iure iurando pacisci voluit, aliud ipse clam in domo illius Dy-
 nastæ operatus est: Quin etiam propria sententia Causidem dā-
 natur, illa scilicet, quam primo de diata num. 19. tulerat ijs ver-
 bis:

bis: *Inest autem homini alia dicere, alia facere, & eundem non esse eundem, & nunc aliam habere mentem, nunc rursus aliam.* Vnde periuri etiam nomine insimulari potest apud suosmet discipulos, quos exemplo magis, quàm sermone instrui, certum est: inde illud Varronis: *Evidentissimum docenti genus est per exempla.*

SYNCATATHESIS.

ANte omnia animaduerte, lector, & meditare, quòd Hippocrates mulieris precibus id facinoris præstitit. Proh Deum immortalem; quanta vis in hoc fragili sexu ad frangendas incorruptas mentes; Plena sunt vndique monimenta, quæ fidem faciunt, mulierum illecebras vel rigidos flexisse animos, vel inexpugnabiles debellasse cordium arces, & integerri mos quoque viros præuacari fuisse: *Mulier* (inquit Salomon) *apostatare facit sapientem.* Tacitus esto testis dum Medicus. Eudemum refert, qui Liuiæ, cui specie artis frequens erat lectus, precibus ductus, Druso coniungi venenum propinauit. Hemi! quis valeat muliebris illecebris obfistere? quis illæsus cupidinis ab igne euadat? quis infractus à pulchritudinis philtro recedat? aut quis tandem a veneris poppismate sudus ear? An non ergo & Hippocrates, ut mortalis homo excusari debet? Interim perpende verbum; *Mulieris nobis familiaris famula*: quænam isthæc familiaritas, amicitia, an consuetudinis? Vir erat Hippocrates & ipse, & vir Græcus (percipe petulantiam) agebat in humanis, colebatur tanquam Numen, domus vel Magnatum cum ingenti gloria frequentabat: mulierum arcana quotidie audiebat, illisque intimè communicabat: quid plura? Famula Heroinæ erat psalteria. Vah! quantum ad irretiendos animos virtutis obtruncant cantus, nemo est, quem lateat: Nil magis effoeminat animum, & vel ferreas emollit mentes, quàm cantus erotici, & puellarum harmonice voces, ut plenius in Geneathropeia diximus. Si veri Numinis cultores David, & Salomon Propheta, & Reges voluptatum illi- cijs paruerunt, quid mirum, si gentilitatis tenebris obrutus Hippocrates aliquanto ab æquitatis tramite descierit, & in gratiam mulieris animum tantisper flexerit, licet alioquin quantum naturæ conditio, & eiusdem legis lumen, atque philosophiæ studium dedere, vitam transigeret irreprehensibilem, soloque rationis dictato à vitijs abhorreret, & innatam nequitiam virtute edomaret; innatam dixi nequitiam, quoniam Hippocrates ad libidinē pronus genialiter

erat, quam tamen continentię robore infrænabat; quare cū is aliquando à Philemone ex obtutu libidinosus iudicaretur, ceteris omnibus, qui eius nouerant pudicitiam reclamantibus, ingenuē professus est Hippocrates, se stimulis quidem petulantię agi, rationis tamen lumine cupidinum extinguere flammās, naturęque impetus virtute coercere. Sed moraliter hæc, excusantque potius, quàm defendant reum. Tanti viri defensione est opus.

Dicatur ergo, & omnis culpę expers statim absoluetur Hippocrates, librum de Natura pueri illius genuinum non esse, quod & Galenus testatur. Id si verum est, falso crimine, & iniuria senex compellitur.

An dicet quis, iureiurando pollicitum fuisse Hippocratem, se mulieri pessum corruptorium non daturum, non ergo periturum esse, quia verè nullum dedit pessarium, sed exilire duntaxat psaltricem septies iussit, vnde conceptum affluxit semen.

Rursus fieri potest, vt id consilij pretibus, non pretio coactus daret antequàm Areopagum suum aperiret, vltosque sub disciplina discipulos exciperet, ac docere inciperet. Ita studiorum Almę Urbis Professores, & quotquot candidati scientiarum lauream sunt adepturi, ante omnia fidei professionem faciunt, eaque omnia, solemniter pollicentur, quę à Præceptoribus postulantur, atque in commune beneficium à maioribus sancita fuerunt.

Denique vt non solum crimine, sed omnis criminis suspicione carea Hippocrates, asseratis, illum in iure iurando verum, & legitimum abortum damnare (*ἰκτεσμός* Græcis dicitur) qui scilicet foetus est iam figurati, suisque omnibus lineamentis perfecti, atque animati corruptio; quo modo abortus naturalis, ac diuinę legi repugnat, ideòque letalis culpa. In libro verò de natura pueri sex tantummodo dierum genituram excludi curauit, quo tempore, & embryo non modo carebat vita, & anima, sed nullis adhuc distinguatur organis, nec nisi foedam sanguinis guttam redolebat; quo modo propriè abortus dici nequit, sed potius seminis effluxio (*ἰκτεσις* Græcis dicitur) qualis à concubitu sponte sua solet frequentissimè accidere; differunt enim *ἰκτεσμός*, & *ἰκτεσις*, est namque *ἰκτεσμός* abortio illa, quę intra diem septimū contingit, *ἰκτεσμός* autem est ille abortus, qui ad diem vsque quadagesimum fit; & propterea *ἰκτεσμός* est vera abortio, *ἰκτεσις* potius effluxio dici debet; quam sanè doctrinam 7. de histor. animal. cap. 3. ex Aristotele his verbis exaratam habemus; *Effluxiones vocantur, quę ip̄tra septimum diem corruptiones incidunt, abortiones autem, quę intra*

intra quadragesimum. sed quid Aristotelem refero, si apud nostrum Hippocratem luculentius id ipsum legitur lib. de septimestri partu, ubi hæc habet? Dies quidem igitur maximè insignes in plurimis sunt primi, & septimi multum potentes in morbis, & multum in fectibus, nam plurimi abortus in his diebus fiunt, nominantur autem tales effluxus, non abortus. Sed hæc alibi plenius.

ANTIPHONIA VI.

Vulneratis summa inedia an sit præscribenda.

T H E S I S.

Libro de Affectionibus num. 37. apertis verbis legere est, *Vulneratos fame affligito*; Et id sanè rationi consonat, quippe ab inedia sanguinis inhibetur affluxus, qui calamitosas hæmorrhagias non rarò parit, & quod magis est, vulnus ab inflammatione, quæ nimium curationi officit, vindicatur.

A N T I T H E S I S.

Atqui 6. epidemiorum sectione 5. oppositum his verbis exaratur: *In vulneribus sanguis concurrit, opitulandum igitur, ut vacuum impleatur*. Porro vacuum non nisi vberiori alimento repleti poterit; haud ergo vulneratos, fas erit affligere fame; Adde, quòd cum in vulneribus sanguinis, spirituumque dispersio fiat, unde corpus refrigerari contingit, par est, calorem refoueri cibo dapili, alioquin ægrius illa sanescent.

S Y N C A T A T H E S I S.

Fame vulneratos affligere, & vacuum in tromate implere, tantum abest, ut opponantur, ut conueniant potius, & simul consocientur; quandoquidem vacuum in vulnere etiam ab inedia repleti potest, quod ita ex Martiano, ne tantum virum suo defraudem honore, proprijs verbis expressum velim: *quia igitur ad partem tromate lesam sanguis concurrit, ut hic fluxus inhibeatur, opitulandum esse, ait Hippocrates, ut vacuum impleatur. Quo quidem dicendi modo omnia ea præsidia comprehendit, quibus humorum fluxus à vulnerata parte prohibetur, hæc autè duplicis sunt generis. Alia enim partem ipsam affectam respiciunt, & hæc sunt delig-*

X 3 *tionēs,*

tiones, medicamenta que astringentia, quæ vulneribus circumponuntur, quæ eâ ratione sanguinis fluxum prohibent, quatenus constringendo partem ipsam, vacuum omne in ea existens quodammodo expleat, ita ut humor eo ferri non possit. Alia totum corpus respiciunt, comprehenduntque eâ euacuationum genera, quæ fluxionem à læsa parte prohibere possunt siue sit sanguinis missio, siue purgatio, siue inedia, quæ pariter eâ ratione id præstant, quia toto corpore euacuato, aut partibus affecta particule proximioribus, ut vacuum illud expleatur, humores eo conflunt; unde ad partem affectam non feruntur.

ANTIPHONIA VII.

Vlcera an sint humectanda vino.

T H E S I S.

Libro de Vlceribus textu primo hæc Magister habet: *Vlcera vniuersa nisi vino humectare non oportet, si non in articulo fuerit vlcus.* Confirmat clarius libro de humidorum usu num. 9. ubi sic. *Vinum dulce ad diuturna vulnera commodum est assidue utenti.*

Ratio est in promptu, nam cum in omnibus vlceribus primarius scopus sit exiccandi, humectantia reijciuntur merito: vinum tamen, ut quod calefaciendi, & exiccandi potentiam obtinet, haud prorsus reijcitur. Excipit autem Hippocrates articulum, quoniam cum frigidissimus ille sit, atque humidissimus, vinum impar erit præsidium ad eam partem calefaciendam, & exiccandam, ut quæ validiorem exigat virtutem.

ANTI THESIS.

At libro de capitis vlceribus textu 18. sic sibi opponitur: *Vlcus in capite nullo humore humectare conuenit, ac ne vino quidem, neque cataplasmate integere, neque linimento curationem facere.*

Probari autem, & suaderi ex eo id potest, quod capitis vlceribus,

ribus, ut quæ maiorem, quam alia exiccationem postulent, vinum plenè satisfacere nequeat, idèdque tanquam inutile, aut inefficax reijci debeat.

SYNCATATHESIS.

N VIIa est in his sententijs contradictio, ac dissonantia. Libro enim de vlceribus generica quadam pragmatia docet, vlcera vniuersa, nisi vino, humectanda non esse, dum autem vniuersa dicit, non omnia prorsus intelligit, sed pleraque; Nam verè in plerisque corporis partibus vlcera si contingant, vino irrorare fas erit. At quoniam non leuis indicatio est illa, quæ in morbis ab affecta parte desumitur, & nulla est adèd firma, & catholica regula, quæ exceptionem non patiarur aliquam, idcirco Hippocrates libro de capitis vuneribus ad ipsius capitis temperamentum apprimè frigidum, humidumque respiciens, & animaduertens insuper, vinum laudquaquam posse & calorem fouere, & humiditatem eiusdem absumere, vinum quoque refellit, ut quod actuali frigiditate, & humiditate amplius ledere possit.

ANTIPHONIA VIII.

Vesicæ discissio, ac vulneratio an sit letalis.

T H E S I S.

Sexto aphorismorum 18. vesicæ discissionem letalem esse, Magister enunciauit: sunt hæc verba: *Vesicam dissectam habenti, aut cerebrum, aut cor, aut septum transversum, aut tenue aliquod intestinum, aut ventriculum, aut hepar letale est.* Confirmat primo de morbisnum. 7. vbi sic: *Nervus præcisus, ac dissectus non coalescit, neque vesica, neque aliquod ex tenuibus intestinis, &c.* Et in eodem hoc libro numero tertio luculentius adhuc rem his verbis definit: *Moritur autem, si quis cerebro sauciatus fuerit, aut spinali medulla, aut hepate, aut præcordijs, siue septo transverso, aut vesica.*

Sententiæ ratio illa vna esse potest, quòd nimirum discissus, dissectusque neruus coalescere non possit, vesica autem neruosi generis existat; quod & Aristoteles 3. de histor. animalium cap. 8. ab Hippocrate edoctus edixerat. Adde his, quòd letalis audit vesicæ dissectio, aut vulneratio, quoniam conuulsionem infert.

A N T I T H E S I S.

Secundo Prædictionum oppositum his verbis registratur, *vulnera magis letalia sunt, quæ in venas crassas in collo, ac inguinibus insiguntur: deinde quæ in cerebrum, & in hepar: postea quæ in intestinum, & vesicam: sunt autem hæc omnia pernicio- sa valde, non tamen ita, ut nemo ex his euadat, velut putatur, &c.*

Huius quoque dictationem statim appingens Hippocrates subit hæc: *Nam & loci, qui hæc nomina habent, multum inter se differunt, & iidem morbi: multum etiam differunt corporis ipsius hominis structura; aliquando enim neque febricitat, neque inflammatur sauiatus; aliquando etiam citra causam febricitat, & aliqua corporis pars omnino inflammatur.* Quibus nimirum verbis Præceptor annuit, haud semper letalia earum partium vulnera contingere, vel ob vegetam ipsarum facultatem, vel ob ipsius vulneris meliorem conditionem, aut etiam ob totius corporis præclaram temperiem, cuius gratia procul arceantur praua symptomata, ut pote febris, inflammatio, corruptio. Experimentum in dies rationem subfulcit; siquidem non rarò partium earundem vulnera sanata esse conspiciamus, ut plenam quoque fidem faciunt nostri polyhistorum Medici Forestus, Sennertus, Guillelmus Fabricius, & alij.

S Y N C A T A T H E S I S.

IN aphorismis, & libro de morbis id quod frequentius; in Prædictionibus id quod rariùs contingit, Præceptor decernit, quod palam colligere est ex verbis illis: *Sunt autem hæc omnia pernicio- sa valde, non tamen ita, ut nemo ex his euadat.* Porro & ipse Aristoteles præcitato libro fatetur, vulneratam vesicam eo insolidatam aliquando fuisse. Rursus vesicæ vulnus vel in collo, vel in eius substantia inflic- tum erit: in collo nequaquam letale; in substantia plerun- que, ac ferè semper erit. Quòd in vesicæ collo discissio non sit funesta, ex sectione, ac discissione, quam ad lapidem euellendum lithotomi quotidie agunt, mani- festè

festè liquet. Adde his quòd discissionis nomine apud Hippocratem in aphorismis, ac primo de morbis intelligitur summa dilaceratio, quam sequitur necessario convulsio, & inflammatio; vulnerationis verò nomine in Prædictionibus minor offensa indigitatur. Demum corollidis loco appingam, quod alias declarauimus, nempe vocem hanc, *letale*, apud Hippocratem non desperatam salutem, sed graue periculum plerunque indicare; ita 2. aphorism. *Si sonnus laborem fecerit, letale*: hoc est periculosum.

ANTIPHONIA IX.

An liceat Medico suæ Artis ostentationem facere.

T H E S I S.

Medicorum Legislator nihil usquam præterijt, quod ad eorum instructionem, & maiestatem pertinere posset; vnde post iusiurandum, & leges, honestum etiam, ac decentem ornatum ascribere voluit: libello ergo de decenti ornatu numero septimo, ubi indumentorum rationem proposuit, addit hæc: *Neque cum imperitis multa fabuletur, sed necessaria.*

Enim verò officij, & personæ maiestatem dedecet more agyrtarum suam venditare scientiam: sesquipedalia, & ampullosa iactare verba cum mulierculis, & ignatis disceptationes inire alieno idiomate: per compita, ac plateas tumidè ambulare, ac propria enarrare opera, seu miracula. Vel fortè monet hoc præceptum, ne Medicus omnibus fiat obuiam, cunctis etiam è vili plebecula viris associetur, cum quibus inanes habeat sermones, vnde contemptus, ac nulla professoris existimatio ex nimia consuetudine oriri solet. Porro Hippocratis etiam sæculo extitere, ut arbitror, triobolares huiusmodi Medici loquaces, ampsi, amethodi, magis murmure, quàm opera efficaces, auro magis, quàm gloriæ inhiantes.

An fortè hic etiam insimulantur omniscij quidam sciolij, qui ad ægrotos cum perueniunt quæcunque libentius obstrepunt, quàm

ea quæ ad ægotantem pertinent, & inter hos politici nonnulli videri cupiunt; vnde statim de bello Gallico, de Cæsareorum victoria, de Turcarum classibus, Romanaque aula arcanis sermonem inuenit, Taciti sententiam aliquam effutientes: Alij quidam ut sapientiæ decus ostendant, illico philacterias dilatant, latinè vel cum mulierculis obloquentes: Fuit quidam non omnino *αὐστος*, qui integros græcos textus mulieribus recitabat. Alij cum primum ægotantem adiuverint, statim proprias laudes accinunt, suasque curationes, ac veluti miracula decantant, inflatisque buccis prædicant, se hos, & illos à cunctis alijs deploratos salutem, ac vitæ restituisse, alios diuturnis morbis afflictos ope sua breui conualuisse: hujus dolores atrocissimos, epilepticos insultus alteri curasse, & hoc modo miseros ægotantes, ac domesticos affidentes fallunt, & vana spe decipiunt. Necessaria tantum oblectui Medicus debet, ut Hippocrates, & brachilogia potius, quam battologia uti. An non huc belle fit illud Hippocratis primo de Dieta num. 19. *Ὀψιλὲν ἔστιν ἡ φωνὴ τῶν πολλῶν, καὶ τῶν πολλῶν ἡ φωνὴ τῶν πολλῶν*, ac vulgi est; & subiungit: *πολλοὶ θαυμάζουσιν, ὀλίγοι γινώσκουσιν*. Cæterum id verò verius est, quod quando Medici cum imperitis fabulantur, deque rebus externis verba faciunt, rerum, quæ ad ægotantes attinent, obliuiscuntur, & morbi ideam, curationisque sepos, ut mens nostra facile distrahitur, amittunt.

A N T I T H E S I S

IN libro verò de Præceptionibus *πρὸς τὸν μαθητὴν*, hoc est amoris gloriæ non contemnens aliter sentit, aliterque monet his verbis: *Σὺ γὰρ ἐπὶ τῇ ἐνδοξῇ τῆς ἰατρικῆς ἐστὶς, καὶ οὐκ ἐπὶ τῇ ἀρετῇ*. Confirmat 6. Epidem. sect. 8. his verbis ex Vallesio: *Verbis, silentio ducere, quæ vult, verbis, quibus dicit sue magni, sue multi, veri, aut conficti*. Annuat ergo, Medicum *δοξολογῶν* fieri, ut vulgi caperet opinionem, quod non nisi ex *αὐτῷ*, id est sermonis venustate scientiam aucupari solet. Nimirum non omnes sapientiæ fulgorem diiudicare valent. Plerique ex externis, & manifestis oduntat intima, & occulta comprehendunt. *Ὁ γὰρ ἄνθρωπος, ὡς τὸ νεῦρον, οὕτως ἔστιν*, dixerat. Philosophus ille magnus, quippe seimo est imago animi, id autem tunc maximè agendum erit, cum *βαρὺ λόγος* aliquis, quamvis *ἀπὸ σοφίας*, & *ἀμύδης* fimbrias dilatat; tunc enim turpe est silere, & aliū pati loqui, ut Archifophos ille aiebat.

Porro

Porro necessariū videtur, vt vulgi gratia Medici aliquando sciē-
tiam ostentent, seque ipsos magnificent; siquidem qui curari
debent, nō omnes sunt aut Sapientes, aut Principes; sed omnis sa-
rinę homines medicos accersunt, quibus imperiti, & plebei si sint
breuiloqui, minus fidei præstant, & cum nequeant Medici cum his,
eo quod non intelligant, appositè ratiocinari, debent saltem pro-
priam virtutem extollere, atque suorum facinorum encomia fa-
cere: Hinc enim docilior, & obtemperatior redditur æger. Vulgus
haud quaquam diligit, veneraturque Medicos, qui nihil loquū-
tur; sed libenter alloquentem audit, & ex loquela interdum, di-
serto quoque sermone illorum præstantiam aucupatur. An non videtis
in plateis agyras, & circumforaneos, qui longis diplomatibus
expansis, suis miraculis decantatis, credulum decipiunt vulgus,
eiusque crumenas emungunt? Qui altiùs, ac facundiùs obloquū-
tur, illi malus lucrum referunt; In medicis quoque consultationi-
bus illi doctiores censerisolent, qui prolixiùs, & altiori voce ob-
strepunt.

SYNCATATHESIS.

Facilè pugnant textus conciliantur, si dicamus, Hippo-
cratem libro de decore ornatu damnare in Medico suo
procacitatē, & confabulationes (obseruanda enim vox
illa, *fabuletur*) quasi mimum plebis, & scurrā agat; dede-
cet namque virum penè diuinum cum vulgo insano ludicra ha-
bere, & vel comessatiunculas exercere; Vtinam & nostro sæcu-
lo id genus lurcones non essent, aliorum aucupantes mentes.
Non omnino tamen Senex damnat, si quis ad scientiam suam
propalandam, absque iactantia tamen, & fastu, dissertatio-
nes palam ineat, & sui notitiam præbeat: Quin operæpre-
tium existimat, vt non modò cum sapientioribus, verum vul-
garibus quoque viris propriæ dignitatis gratia ratiocinetur. Nec
erit ab re, si Medicus cum Principibus præsertim viris extra medi-
cinæ limites sermones habeat, & se eruditum ostendat: gregali
namque medico, & oppidano sat est, si tantum de vrina, & excre-
mentis loqui sciatur; politiores, aulicique Medici oportune vltra
medicinæ dogmata aliarū quoque scientiarum specimen exhibere
debent, & Magnates graui, ac iucundo acroamata subleuare, &
animos pascere. Quin ægrotantibus omnibus medicus gratificari
debet verbis, silentio, mendacio, & veritate, vt Vallesius in-

con-

commentario relatæ superiùs sententiæ octauæ sectionis sexti Epidemiorum basilicè exarauit, cuius verba hìc registrare non grauiabor: *Iubet Hippocrates, medicum loqui, & tacere ad gratiam agrotantis, & dicere, qua ille vult, & eis verbis, quibus ille dici velit, siue opus sit magna, siue submissa voce uti, siue multis dicere, siue narrare vera, siue aliquid fingere. Quid ergo? Num hac scurrilitas est? Non certè. Non enim in assentationem, sed in utilitatem debet hac tendere. Neque enim dicendum est, quod agroto obfit, & si placeat, sed quod ita placeat, ut etiam prosit, aut non obfit. Pertinet hac sententia ad illam sectionis quartæ, qua dicebatur: Laborantibus gratia, introitus, sermones, & ad illam, quam nuper citauimus ex secunda sectione, qua dicitur, circa agrotantem administratio, & de morbo interrogationes, quæ narrat, qualia, ut accipiendi sermones.*

ANTIPHONIA X.

Lepra, & impetigines fiant ne à pituita, an ab atra bile.

THESES.

IN libro de affectionibus num. 35. Præceptor statuerat, lepram, impetiginem, ceterosque huius census cutaneos affectus ab humore pituitoso ortum ducere: Verba sunt illa: *Lepra, & pruritus, & scabies, & impetigines, & vitiligo, & alopecia à pituita fiunt.*

Suaderi autem posse videtur dictatum ex eo, quod squammosa illa phymata, quæ in lepra, & scabie apparent, non nisi à crassiori humore, qualis est pituita, excitari valeant, à pituita inquam, non simplici, & pura, sed salsa, vel corrupta, quomodo carnes corrumpit, exulcerat, & crustis inquinat.

AN-

AN T I T H E S I S.

Contrà ad calcem secundi libri Prædictionum Dictator idē lepram, & impetiginem ab atra bile oriundas constituit; habet enim sic; *Fiunt leuca quidem ex letalissimis morbis, qualis est & morbus tabidus appellatus; Lepra verò, & impetigines ex morbis ab atra bile factis.* Subscripsit præter Galenum & Auicennas, qui 3. 4. tract. 3. cap. primo sic loquitur: *Lepra est morbus ortum habens ex bile atra per totum corpus sparsa.*

Consonat hic & ratio: Quippe cū lepra, & impetigo (qui duo affectus idem sunt apud Celsum) non nisi secundum intensiōē, & quandam squamositatem à scabie differant, ideòque Paulus Aeginas vno, eodemque capite de vtraque agat; quis ignorat, scabiei efficientem causam non aliam esse, nisi melancholicum, adustum, atque atrabilem succum, adeò ut licet Auicennas septima quarti tract. 3. cap. 6. causam psoræ sanguinem bili admixtum statuerit, eam tamen bilis portionem in melancholiam conuersam fuisse, coactus fuerit asserere.

S Y N C A T A T H E S I S.

Nicolaus Rorarius hanc expendens contradictionem lepram, dixit, & impetiginem à pituita primariò, eiusque falsedine ortum, ducere, cū autem salmacida huiusmodi qualitas ad eum intensiōis gradum deuenire valeat, ut prorsus exiccet, aduratque humorem, atque adeò in atram bilem degeneret, putat ideò, lepram secundariò ab atra bile excitari posse, quòd idem est, ac dicere à pituita exiccata, & adusta. Verum enim uerò isthæc paragoge multis, & Auicennæ in primis non probatur, qui atram bilem à pituita immediatè produci posse, palàm inficiatur.

Dicamus ergo, à pituita quatenus atrabilis noxias vires, & qualitates æmulatur lepram, & impetiginem oriri posse: vsque adeò enim falsedo, & mordacitas in pituita ab insigni corruptione excitari potest, ut nihil à qualitatibus atræ bilis, quæ vel terræ acredine fermentat, differat; qua ratione dictum putes ab Hippocrate libro eodem de affectionibus, furunculum, & carbunculum à pituita fieri, quod absurdum, ne dum paradoxon prima facie alicui videri posset. Adde, quòd Hippocrates non ait, leprā, & im-

& impetiginem ab atra bile exoriri, sed *ex morbis ab atra bile factis*, quod non parum differt. Nempe in morbis melancholia, & atrabile oriundis magna pituitosi, serosiq; humoris colluies aggeneratur, qui acredinem nactus eutem inficit, labefactat, atque excedit: sic videre est, post quartanam in primis rebellem, scabiem; & quasi impetiginem plerumque superuenire.

Dicas demum, nullibi *πασχόντων* fuisse Hippocratem, quando affectus huiusmodi æquè ab atra bile, atque à pituita manare possunt, immo & ab omnibus alijs humoribus, ita tamen, ut crassioris pituitæ dominium aliquod adsit; Id nimirum ex eodem Hippocrate libro illo de affectionibus præcitato aucupari fides erit, qui postquam dixerat, lepram, & impetiginem à pituita fieri, hosce affectus curaturus hæc subiungit: *Quò verò hæc depurges, pharmacis sic videndum est. Quicumque biliosi sunt, his dato ea, à quibus bilis purgatur; pituitosis verò ea, à quibus pituita: atrabilarijs autem ea, à quibus atrabilis: hydropicis ea, per quæ aqua.* Quibus verbis manifeste annuit, humores omnes, etiam aquam hydropicorum, ubi summam acredinem, ac mordacitatem adepti fuerint, lepram, scabiem, impetiginem, & congenecos affectus inurere posse; quò collimat aphorismus ille insignis: *Ulcerà hydropicorum vix, imò ne vix curantur.*

ANTI PHONIA XI.

An Medicus cum ægotantibus de mercede conuenire debeat.

T H E S I S.

Libro de decenti ornatu num. 34. Princeps noster inter alias dotes, quibus medicus insigniri debeat, auri contemptum recenset: sic ille: *Nam omnia, quæ ad sapientiam requiruntur, insunt in medicina; argenti contemptus, reuerentia, &c.*

Præclarum hoc lancium; ne verbis facta dissonarent, operibus confirmavit ipse primus, quando ingenti auri cumulo oblato ab Artaxerxe accersitus opes renuit, argentumque despoxit; audia-

diamus ipsum in Laconica illa epistola ad Demetrium: *Persarum Rex nos accersuit ignarus, quod apud me maior est sapientia ratio, quam auri.* Sic & in iure iurando auariciam abiurans, se ab omni corruptione alienum fore, testatur.

Et sanè nullum in Medicos turpius crimen incidere potest, quam lucri cupiditas, & sordida auaritia, ob quam curationes negligunt, ægrotos, si minus diuites, aut liberales fuerint, floccipendunt, & omnino pietatem Medicinæ vnâ clamidem exuunt. Nempe, vt Numina vitam, salutemque gratis impertiuntur; ita & medici Dijs compares, teste Hippocrate, nullo pretio ægrotis medicinam facere deberent: tametsi illorum partes postea essent, ne ingrati audirêt, liberali manu labores, & salutem rependere. Et hic erubescant medici, seu mendici potius illi expilatores, qui semper ab ægrotantibus aliquid petere, imo carpere student, quique domos cum ingrediuntur (minor cura ægroti salus) statim oculos in sup. lectilem dirigunt, aut è intuentur, & admirantur, laudant que enixius hoc, & illud, vt fortè oblatum excipiant: quin & sordidi adeò reperiuntur (nou ego, nonnullos) vt non vereantur brassicas, lentes placentas, castaneas, allia, & adhuc viliora postulare, vel vt melius dicam, harpagare. Medicus fuit, qui ægrè ab ægri domo absque munusculo aliquo discedebat, quin postrema verba vulgaris illius dictari: *Oportet, medicum esse fortunatum; & natura prudentem, vertebat, natura petentem.* Abeant in malam crucem Artis huiusmodi retributa sordida: Medici nomine, nedum dignitate priuentur, digni, qui è domibus, Castris, ac Ciuitatibus baculo dispellantur: En quanta in ægrotis calamitas ab auri sacra fame, quantum dedecus in Medico, ideoque iure in eo Hippocrates argenti contemptum tanquam virtutum summam, deside:at.

ANTITHESIS.

AUdiamus eundem libro de Præceptionibus apertis fidebus admonentem Medicos, vt curationis inîtia à mercede exordiantur; en verba numero 4. *Si enim à mercede inceperis, conducit enim hoc vniuerso negotio, ægroti quidem huiusmodi cogitationem inducis, quod non ipso relicto abibis. Si verò non pacisceris, quod ipsum negliges, & de quibusdam in rem præsentem non admonebis. Curare igitur oportet de constituenda mercede, &c.*

Rationes autem huius dictari non aliæ ferè esse possunt, quam quæ

quæ ab Hippocrate ipso adductæ fuerunt. Neque propterea aua-
ritiæ insinuari Medicus debet, quandoquidem si omnis labor
pæmium optat, maximum expetit, ac meretur ille, qui humanæ sa-
luti reparandæ, ac vitæ propagandæ impenditur; ut enim Soranus
Ephesius in isagoge ad artem medicam aiebat: *Mercedes si qui-
dem dentur, accipiantur, & non recusentur; si autem non dentur, non
exigantur, quia quantum quisque dederit non potest ulla exæquare
mercede beneficium Medicina.* Et sane sanctam, tutamque valetudi-
nem, vitalemque auram reparatam nullum vel magnificum do-
num, nulla argenti, aurique copia compensare valet: etenim pe-
reunt cuncta fortunæ bona occidunt, nullumque vsum, aut iu-
cunditatem præstare amplius possunt; aded ut Reges in extremo
vitæ periculo constituti vitam pollicenti dimidium Regni, nedum
opes immensas dono darent. Sic Philippus ille Macedo Magni
Alexandri Pater, cum ob clauiculæ luxationem malè haberet, &
subinde Medicus mercedis aliquid postularer, respondit illico; *ac-
cipe omnia, quæ voles, quandoquidem clarum habes.* Sic Persarum
ille opulentissimus Rex Artaxerxes Hellesponti Præfecto scripserat,
ut quocumque prætio Hippocratem ad se mitteret. hæc sunt epi-
stolæ verba: *Hippocratis Medici Coi ab Aesculapio originem ducentis
gloria artis etiam ad me peruenit: dato igitur ipsi aurum quantum vo-
lueris, & reliqua abundè quibus opus habet, & ipsum ad nos mitti to-
tam optimatibus Persarum æqualis erit: Longum foret amplissimas
Medicorum mercedes, atque summa stipendia hic referre. Erasti-
stratus, Antiocho Rege sanato, à Ptolomeo eius filio sexaginta mil-
le aureorū dono habuit. Ludouicus Vndecimus Galliarum Rex Iaco-
bo Cocterio Medico decem aureorum millia singulis mensibus
stipendium dabat. Magnus Mogorus Medico suo præter amplissi-
mos honores centum millia coronatorum annuatim assignauit. Si
placeat, Rodericum à Castro 3. libro sui Medici Politici videas.*
Quinimò & ipsi valetudinario nullā prorsus voluptatem afferre
queunt opulentia, thesauri, fortunæ quecunque commoda; si-
quidem ut ille de Igia canebat:

Absente te cuncta sunt dura, & aspera,

Nec grata prorsus cetera est felicitas.

Non malè

ergo à mercede curationem exordietur Medicus.

SYN-

SYNCATATHESIS.

Rodericus à Castro solidioris, ac simul politioris doctrinæ Vir in suo Medico Politico cap. 21. monitum illud in præceptionibus exaratum, à mercede incipias, sic explicat; nempe Hippocratem Medicos illos de constituenda mercede admonere, qui à Principe aliquo, seu Republica ad conditionem aliquam aduocantur, aut eos, qui in alienam Urbem, ut ibi Medicinam exercent (condukti vulgò dicuntur) proficiscuntur. Quod sanè ex verbis illis, palàm colligi videtur: *Cognitionem induces, quòd non ipso relicto abibis*. Etenim cum ij extra patriam in alieno solo degere debeant, utique de honorario convenire debent, ac pacisci mercedem, quæ si fuerit ampla, onus libenter excipiunt, ac medèdi provinciâ subeunt. Placet nimirû Roderici conciliatio.

Addam ego, nullam prorsus esse in his sententijs antilogiam, siquidem potest Medicus mercedem pacisci, absque avaritia tamen, ita ut aurum accipiat quidem, animo tamen contemnat potius. Nempe celebriores Medici eatenus honorarium conspicuum; & magnificum optant, quatenus ad eorum existimationem auget, & venerationi addit; flocci penduntur enim Medici illi, qui minori precio operam impendunt. Quid multa? Fas est postulare mercedem, ita tamen, ut non sit illa Medici finis, qui vnica ægrotantis salus esse debet, in quam velis, remisque contendant.



ANTIPHONIA XII.

Fœtus intra uterum quem situm habeat.

T H E S I S.

Libro de natura pueri numero 35. decernit Hippocrates, ita situm esse puellum in utero, ut pedibus finitimum caput habeat: verba sunt: *Ceterum puer in utero existens manus apud genas habet* (legunt alij ad genua, & utraque lectio probatur Andree Laurentio) *caput autem prope pedes, & non datur probè, ac rectè cognoscere, etiam si puerum in utero videas, utrum caput sursum habeat, an deorsum.*

Dictatum pro ratione evidentiam habet, quandoquidem non rarò secto utero fœtus in eo situ conspectus fuit.

A N T I T H E S I S.

At qui libello de octimestri partu numero 2. aliter sentiens statuit, fœtus omnes caput sursum habere: sic ille: *Gignuntur enim omnes sursum habentes caput.* quid clarius? Et videtur quoque rationi consonum, ut etiam intra uterum membra suum situm, & locum obtineant, cum ergo caput in sublimi locari debuisset, iuxta illud Vatis:

Fronaque cum spectent animalia cætera terram,

Os homini sublime dedit, cælumque tueri;

sublime etiam vel intra uterum gestari debet.

S Y N C A T A T H E S I S.

Sententiarum è diametro pugnatum vnum Aristotelem conciliatorem afferam; sic ergo ille 7. de historia animalium capite 8. *Omnibus animalibus caput primis mensibus superius est, sed cum creuerint, exitumque appetuerint, deorsum deducitur.* Quare Hippocrates libro de natura pueri hunc descripsit iam perfectum, & absolutum, necnon ad exitum paratum; quo tempore caput eo modo ad pedes declivè refert; ita tamen, ut non sit planum

num distinguere, ut ipse ait, *utrum caput sursum habeat, an deorsum*; quamobrem res versatur in ancipiti, atque adeo sermo non potest dici contradictorius: libro verò de oñimestri partu eiusdem generationem, ac primæquam situationem respexit; quod manifestè liquet ex verbis illis: *gignuntur omnes caput sursum habentes*: Nempe in generationis liturgia cōsonum est, ut natura preposterò non utatur ordine, sed singulis partibus suos locos, suosque situs ascribat; capiti supremam regionem, cordi medioximam, pedibus infimam.

Doctrinam hanc Iacobi Rueffi chirurgi olim egregij auctoritate firmatam volo: sic ergo primo libro de conceptu, & generatione hominis: *Sub partus autem tempore facie versus genua propendet, utraque crura attrahit, ambas supra genua manus abiicit, naribus in medio positis, in globi modum conuolutus anteriori parte tergum matris respiciens, posteriorem verò ventris matris obuertens.*

ANTIPHONIA XIII.

Sine melius

APPENDIX.

In qua Hippocratis quedam symbola potius, quam antiphona recensentur.

Libello de alimento, qui totus videtur enigmaicus, quædam leguntur apud Hippocratem, quæ symbola potius, quam antiphona censerì debent, cum eiusmodi sententiæ statim ἀντίθετον, seu contrapositionem habeant, quarum præcipuæ sunt illæ: *Potentia alimenti melior, quam moles: Moles alimenti melior, quam potentia. Humidum alimentum magis faciliè transmutatur, quam siccum: Siccum alimentum faciliùs transmutatur, quam humidum; sic numero vndecimo. Rursus antea numero nono. Sanguis alienus utilis: Sanguis proprius utilis. Sanguis alienus nocivus: Sanguis proprius nocivus. Humores proprii nocivi: Humores alieni nocivi. Humores alieni conducibiles: Humores proprii conducibiles. Consonans dissimilans est: Dissimilans consonans est. Lac alienum*

Y 2 num

num bonum: Lac proprium nocium. Lac alienum nocium, lac proprium commodum. Symbolorum huiusmodi elucidationem qui cupit, Stephanum Rodericum Castrensem adeat in Cōmentario ad Hippocratis libellum de alimento: nos enim alio silentio præterimus, quod extra nostrum institutum arbitramur. Et hîc totius libri finis esto.





INDEX RERVM MEMORABILIVM,

Quæ in toto Opere continentur.

P. Paginam.

A

V. Versiculum notat.

- A** *Bortus improprie dicitur ille, qui ante septimam diem fit.* pag. 322. v. 32.
Abortus verus, & legitimus naturali, ac diuina legi repugnat. p. 322. v. 27.
Abortus verus, & legitimus ab Hippocrate damnatur. p. 322. v. 24.
Abortus plurimi intra dies septem fiunt. pag. 6. v. 37.
Abortus minister aliquando fuit Hippocrates. p. 320. v. 29.
Abortus sex dierum, si in aqua immergatur, omnia membra habere, inuenietur. pag. 4. v. 52.
Abortus ut fiat, an liceat Medico mulieri medicamentum offerre. p. 319. v. 11.
Abortioni studere crudelius est facinus, quam hominem in lucem editum occidere. pag. 320. v. 4.
Abortioni studens Medicus homicida est. pag. 319. v. 32.
Abortum medicamento patrare non licet. p. 319. v. 18.
Absentios muliercule salaciores oderunt. pag. 285. v. 22.
Acidum eructantes an pectoris morbis fiant obnoxij. pag. 104. v. 1.
Acidum a calido, & a frigido quomodo fiat. pag. 105. v. 14.
Acidus succus non modo frigore, sed etiam crassitie est ineptus ad pleuritidem excitandam. pag. 104. v. 15.
Acutis in morbis cur in quarta die sit exhibendum pharmacum. p. 162. v. 22.

Y 3

Aes

I N D E X.

<i>Aer proprium qui dissipantur, cur decocti dicantur.</i>	p. 293. v. 35.
<i>Aer intra uterum non datur.</i>	pag. 18. v. 9.
<i>Aer, seu ventus nutritioni nil valet.</i>	p. 231. v. 6.
<i>Aer alimentitius est, & adducuntur exempla.</i>	p. 230. v. 17.
<i>Aer, seu ventus, & aqua num nutrire valeant.</i>	p. 227. v. 16.
<i>Aer, seu ventus nutritioni non est aptus.</i>	p. 227. v. 18.
<i>Aetas & semper, & plurimum remedia mutat.</i>	p. 283. v. 32.
<i>Affectuum cognitio est materia remediorum.</i>	p. 51. v. 1.
<i>Alimentum, ut robur afferat, virtuti assumentis equi- parari debet.</i>	p. 286. v. 35.
<i>Alimentum quodammodo natium calorem refrigerat.</i>	p. 286. v. 23.
<i>Alimentum non alimentum, Hippocratis enigma explica- tur.</i>	p. 286. v. 32.
<i>Alui turbatio in causo an bona.</i>	p. 136. v. 10.
<i>Alui excrementa non reddidit mulier quadam à primo con- ceptionis die usque ad quadragesimum quintum.</i>	p. 178. v. 26.
<i>Aluum saepe turbat aepessa.</i>	p. 392. v. 20.
<i>Amor quid.</i>	p. 25. v. 35.
<i>Anima quid sit.</i>	pag. 4. v. 3.
<i>Anima non requirit organa perfecte elaborata.</i>	pag. 8. v. 13.
<i>Anima in corde radicaliter inest.</i>	pag. 21. v. 3.
<i>Animam in corde posuit D. Hieronymus.</i>	p. 21. v. 36.
<i>Animalia plurimum dormientia cur valde pinguescant.</i>	p. 292. v. 30.
<i>Anni tempori plus, quam temperamento tribuendum.</i>	p. 157. v. 4.
<i>Anni septem partes definiuntur ex Dureto.</i>	p. 312. v. 30.
<i>Annum diuidit Hipp. in quatuor vulgatas partes, à qua diuisione non discrepat, cum eundem in septem partes di- uidit.</i>	p. 311. v. 14.
<i>Aphrodisij immoderati mala.</i>	p. 80. v. 24.
<i>Apostasis quid sit.</i>	p. 97. v. 12.
<i>Aqua cur vorax.</i>	p. 288. v. 12.
<i>Aqua, & ventus, vel aer num nutrire valeant.</i>	p. 227. v. 16.
<i>Aqua nutrire nequit.</i>	p. 228. v. 19.
<i>Aqua cur pinguefaciat.</i>	p. 288. v. 9.
<i>Aqua putealis cur ventrem turbet ex Aetio.</i>	p. 298. v. 9.
<i>Aqua Tectucij, quia salsa, mire intestina eluit.</i>	p. 298. v. 1.
<i>Aqua per Hippocratem nutrire potest.</i>	p. 229. v. 95.
<i>Aqua ut purum alimentum nequaquam nutrit.</i>	p. 230. v. 29.
<i>Aqua cocta cur nutritioni inepta praeclara explicatio.</i>	p. 228. v. 38.
<i>Aqua quomodo nutrire possit.</i>	p. 232. v. 8.
<i>Aqua</i>	

RERVM MEMORABILIVM.

<i>Aqua nomine quid Hippocrates primo de dieta intelligat.</i>	
pag.	231. v. 35
<i>Aqua gelida affuso rigores parit.</i>	p. 178. v. 9
<i>Arenæ in urinis vesicæ, an renum calculum significant.</i>	p. 127. v. 1
<i>Arenæ renum soboles.</i>	p. 127. v. 21
<i>Arenula quando à venis reddantur signum.</i>	p. 129. v. 9
<i>Articuli partes sunt frigidissima, & humidissima.</i>	p. 324. v. 22
<i>Articulorum doloribus pharmacum præcipiendum, & cur.</i>	
pag.	216. v. 5
<i>Articulorum doloribus quando pharmacum conveniat,</i>	
<i>& quando non, explicatur.</i>	p. 217. v. 7
<i>Articulorum doloribus quid præscribendum loco phar-</i>	
<i>maci.</i>	p. 215. v. 12
<i>Articulorum dolore infestante pharmacum non convenit.</i>	
pag.	p. 215. v. 6
<i>Articulorum doloribus quando purgans sit propinan-</i>	
<i>dum.</i>	p. 215. v. 2
<i>Aurium dolori cur aliquando vomitus, & aliquan-</i>	
<i>do purgatio conveniat.</i>	p. 182. v. 18
<i>Aurium dolori purgatio ex Hippocrate convenit.</i>	p. 181. v. 29
<i>Aurium dolor ut curetur, vomitus adhibendus est ex Hip-</i>	
<i>pocrate.</i>	p. 181. v. 17
<i>Aurium dolori emetica, an deiectionia conferant.</i>	p. 181. v. 9
<i>Aurium dolori vomitus prodest.</i>	p. 181. v. 11
<i>Autumno ac utissimi, & exitiosissimi morbi cur acci-</i>	
<i>dant.</i>	p. 313. v. 23

B

B ilis calidior est sanguine caliditate ascititia.	p. 33. v. 9
Bilis omnium humorum calidissima.	p. 31. v. 5
Bilis, & pituita quomodo morborum omnium cause.	p. 78. v. 8
Bilis aliquantò frigidior sanguine.	p. 32. v. 1
Bilis omnium febrium est causa.	p. 31. v. 22
Bilis acutarum affectionum causa.	p. 80. v. 8
Bilis coctione non eget.	p. 137. v. 14
Bilis tempore æstivo augetur.	p. 31. v. 32

M V I T I N D E X

C

- C** Alculo confert vinum aquosum, si causa occurrendum: vinosum, si materia. pag. 284. v. 17
- Calculosos, & purulentos renes secare Medicos, iubet Hippocrates. p. 317. v. 2
- Calculosos à Medico non secari, iubet Hippocrates. p. 316. v. 13
- Calculosorum sectionem non improbat Hipp. sed negat, Medici manu faciendam. p. 318. v. 19
- Calculosorum renum sectio nobis ignota, aliqui necessaria. p. 317. v. 31
- Calculus non semper se arenulis prodis. p. 128. v. 34
- Calculus ab uretere in renem refluit. p. 65. v. 17
- Calculo in pueris confert vinum aquosum, in alijs etatibus vinosum. p. 284. v. 6
- Calculi cur sint adeò Roma frequentes nostro saculo. p. 283. v. 22
- Caluitium quomodo à pituita, & à bile fiat. p. 66. v. 20
- Caluitium caliditatis soboles. p. 66. v. 15
- Caluitium fiat ne à pituita, an à bile. pag. 66. v. 1
- Calui libidinosi. p. 66. v. 18
- Calui sunt pituitosi. p. 66. v. 2
- Calore nimio humiditatem congelari, quomodo intelligendum. p. 304. v. 15
- Caloris ingentis quæ sint indicia. p. 34. v. 13
- Caloris munus. p. 40. v. 12
- Cantus magnam vim obtinet ad irretiendos animos. p. 321. v. 27
- Capitis dolori à pituita purgatio. p. 171. v. 11
- Capitis dolori purgatio, an sanguinis missio conueniat. p. 170. v. 21
- Capitis dolori in febre phlebotomia medetur. p. 173. v. 18
- Capitis dolor ab utero odore subdito mitescit. p. 172. v. 22
- Capitis vulnus hyeme, an æstate deterius. pag. 87. v. 1
- Cathartica calidis corporibus insensu. p. 156. v. 15
- Catharticis omnibus vis inest elateria. p. 171. v. 36
- Causus legitimus æstate magis, illegitimus hyeme exoritur. p. 74. v. 16
- Causus æstate magis fieri, quomodo intelligendum. p. 75. v. 5
- Causo Scoti cur plurimum pereant. p. 75. v. 22
- Cerebro obleso omnes functiones obleduntur. pag. 20. v. 5
- Cholera laborantis viri præclara historia. p. 201. v. 27
- Cho-

RERV M MEMORABILIVM.

<i>Cholera ex vino cum lacte mixto cur fiat.</i>	p. 289. v. 19
<i>Cholera naturali facultati consulendum pascit.</i>	p. 276. v. 15
<i>Cholera à vino & lemargia fit præcipuè à ciborum corruptione, viniq; acore.</i>	p. 277. v. 11
<i>Cibo assumpto cur aliquantisper frigeamus.</i>	p. 291. v. 25
<i>Cibum si per septem dies non capiat homo, necessariò perit.</i>	pag. 5. v. 13
<i>Cibum nulla ratione capiens ad sextum usque diem quidam ager vixit.</i>	pag. 5. v. 21
<i>Cibis, & potibus potentia insunt humores.</i>	pag. 84. v. 4
<i>Cochiones omnes in somno plenius celebrantur.</i>	p. 292. v. 27
<i>Cochionis nota ante septimam non explendescunt.</i>	pag. 109. v. 4
<i>Cochionis signa ante quartam non tuta.</i>	p. 140. v. 28
<i>Cochionis expers humor efferus.</i>	pag. 162. v. 19
<i>Conceptio ut fiat, quid requiratur.</i>	pag. 7. v. 1
<i>Conceptionis spatium ad septem horas extenditur.</i>	pag. 8. v. 34
<i>Conceptus septem dierum spatio quam vitam recipiat.</i>	pag. 9. v. 3
<i>Conceptuum corruptiones intra diem septimum effluxiones dicuntur Aristoteli, & Hippocrati; intra diem vero quadragesimum abortiones.</i>	p. 322. v. 39
<i>Conceptionis destructio contra naturam, atque inhumana censetur.</i>	p. 319. v. 24
<i>Conceptus ne fiat medicamentum exhibere homicidij genus est Canonistarum arbitrio.</i>	p. 320. v. 6
<i>Conceptuum corruptores capite damnantur legum, & canonum decreto.</i>	p. 320. v. 13
<i>Congelare aptius vertitur, cogere, apud Hipp. ex Fæso.</i>	p. 304. v. 22
<i>Contraria eundem effectum, diuerso modo agendo, possunt producere.</i>	p. 180. v. 19
<i>Conuulsio multis malis remedium.</i>	p. 92. v. 26
<i>Conuulsioni conferant, an officiant frigida, Auctorum controuersia.</i>	p. 179. v. 20
<i>Conuulsioni quemodo sit intelligendum, frigida conferre posse.</i>	p. 180. v. 37
<i>Conuulsiones febribus superuenientes quæ magis, minusue periculose.</i>	p. 99. v. 23
<i>Conuulsioni febris, an febre conuulsio superueniens salutaris.</i>	pag. 90. v. 1
<i>Conuulsio ut curetur, febrem excitari, iubet Hippocrates.</i>	p. 179. v. 28
	Con-

Conuulsioni an frigida conferant.	p. 177. v. 7
Conuulsio non solum à plenitudine potest ortum ducere, verum etiam ab obiecto mordicante.	p. 177. v. 14
Conuulsioni cur frigida possint prodesse, adducuntur ra- tiones.	p. 180. v. 4
Conuulsioni frigida inimica ex Hippocrate.	p. 177. v. 2. & 7
Conuulsioni quando frigida conferant.	p. 179. v. 15
Conuulsio in puerulis raro funesta.	p. 92. v. 7
Cor igni resistit.	p. 24. v. 37
Cor omnium membrorum calidissimum.	p. 25. v. 10
Cor fatuum unde fiat.	p. 20. v. 34
Cor frigidum est.	p. 24. v. 10
Cor ut pars similis frigidum, ut organica calidissi- mum.	p. 26. v. 28
Corpus astate frigidius.	p. 89. v. 17
Crisis signa per alui fluxum.	p. 108. v. 26
Crisis morbo responder.	p. 138. v. 2
Crisis signa per vomitum.	p. 108. v. 29
Crisis legitima solius cause coniuncte expulsio.	p. 99. v. 6
Crisis per hemorrhagiam signa.	p. 108. v. 23
Crisis prænuncium in pleuritide argumentum.	p. 141. v. 13
Crisis per sternutamenta.	p. 57. v. 2
Criticum nil paucum.	p. 138. v. 14
Criticis tantum diebus potest aliquid ad salutem appa- rere.	p. 108. v. 12
Criticè natura operans per unam viam excernit.	p. 159. v. 18
Cruditates maximè morbos pariunt.	p. 52. v. 33
Curatio ad præseruandum unde auspicanda.	p. 161. v. 9
Cura tentatiua frequentissima apud Hippocratem.	p. 54. v. 3
Curationem in morbis, qui non dant inducias, à leui- oribus auxilijs auspicari nefas.	p. 155. v. 33
Cutanei quinam morbi à pituita fiant.	p. 330. v. 20
Cydij filij historia.	p. 182. v. 3

D

D Auid voluptatum illicitis paruit.	p. 321. v. 31
Deiectiones nigrae bonae, an male.	p. 117. v. 16
Deiectiones nigrae cur perniciose.	p. 118. v. 1
Delineatio, & completa formatio quid differant.	p. 7. v. 17
Diapneustia intercepta febres facit rigoriferas.	p. 178. v. 11
Diap-	

RERVM MEMORABILIVM.

<i>Diapneustia intercepta magis, quàm quavis corporis in-</i> <i>termissa euacuatio, febres excitat.</i>	p. 178. v. 16
<i>Diarrhoea à vina, & lemargia, fit præcipue à ciborum</i> <i>corruptione, viniq; acore.</i>	p. 277. v. 11
<i>Dissectio in quibus partibus, sit letalis.</i>	p. 325. v. 23
<i>Diuinum quid in morbis quid significet.</i>	p. 85. v. 33
<i>Diureticorum validorum frequens vsus exitiosus.</i>	p. 317. v. 37
<i>Dolor humores exagitat.</i>	p. 125. v. 12
<i>Dolor vel vitio, vel copia humorum excitatur.</i>	p. 171. v. 8
<i>Dolori etiam ab humore frigido imminet inflammatio.</i>	p. 171. v. 30
<i>Dulcia cur pectori amica.</i>	pag. 271. 22
<i>Dulcia quæ putrescant.</i>	pag. 11. v. 6
<i>Dysenteria à cruris amputatione cur fiat.</i>	p. 135. v. 17
<i>Dysenteria quando salubris.</i>	p. 122. v. 6
<i>Dysenteria vomitum conuenire, affertur.</i>	p. 201. v. 4
<i>Dysenteria cui vomitus utilis, & cui perniciosus.</i>	p. 202. v. 2
<i>Dysenteria nomine cuiusque sanguinis exitus, ex podice</i> <i>intelligitur.</i>	p. 122. v. 28
<i>Dysenteria mala.</i>	p. 122. v. 17
<i>Dysenteria vomitum perniciosum esse, declaratur.</i>	p. 200. v. 11
<i>Dysenteria an vomitus utilis.</i>	p. 200. v. 9
<i>Dysenteria legitima signa.</i>	p. 122. v. 25
<i>Dysenteriam lienosis salutarem esse, multis probatur.</i>	p. 121. v. 1

E

E <i>Briorum incommoda.</i>	p. 287. v. 40
<i>Encephalis quid.</i>	p. 322. v. 32
<i>Encephalis quid sit.</i>	p. 322. v. 25
<i>Encephalis, & Enteritis quid differant.</i>	p. 322. v. 34
<i>Epidemici, & sporadici morbi quæ sit causa.</i>	pag. 84. v. 4
<i>Epilepsia quomodo dicatur, fieri à flatu.</i>	p. 69. v. 11
<i>Epilepsia unde fiat.</i>	pag. 67. v. 3
<i>Epilepsia capræ laborant.</i>	pag. 68. v. 8
<i>Epilepsie causa ex Paracelso.</i>	pag. 68. v. 4
<i>Epilepsie non raro præcedit sensibilis flatuum ad cere-</i> <i>brum ascensus.</i>	p. 70. v. 14
<i>Erysistrati merces ob Antiochum Regem sanatum.</i>	p. 334. v. 24
<i>Erysipelatis nomine plura intelliguntur.</i>	p. 113. v. 31
<i>Euacuatio per proximam, an per remotam partem facienda.</i>	p. 159. v. 23
Eua-	

I N D E X

Euacuatio primarum viarum in omnibus affectibus utilis. p. 53. v. 23
Eudemus Medicus Druso Liuiæ coniugi venenum propinavit. p. 321. v. 14
Exacerbatio ad iram intestinum sursum reuocat. p. 59. v. 10
Excelsa factio nimia corporis in hyeme mala. pag. 89. v. 9
Excrementorum mutationes in dysenterijs an meliores. p. 123. v. 1
Excretionis symptomatica non prorsus mala. p. 113. v. 34
Excretionis spontanea, & artificiosa discrimen. p. 119. v. 9. & 140. v. 2
Excretionis cruenta, & nigra terminus. pag. 122. v. 9
Excretionum colores varij non simpliciter mali. pag. 124. v. 5
Excretionum varietate varia exonerari viscera, contin- git. p. 123. v. 14

F *Accum retentorum noxa.* pag. 310. v. 9
Febricitanti, capiteque dolenti purgatio insaniã cur faciat. p. 173. v. 22
Febres omnes à bile fiunt. pag. 31. v. 22
Febricenti aluum non esse sorbitionibus subducendam, cur dicat Hippocrates. pag. 309. v. 5
Febricenti sorbitiones subducentes laudat Hippocrates, & cur. pag. 310. v. 3
Febrilis calor pepasmi coadiutor. p. 103. v. 30
Febrilem calorem ex natua caliditatis intensione metimur. pag. 73. v. 29
Febris symptomatica ex dolore hypochondrij mala. p. 107. v. 31
Febris castoreo potissimum excitatur. pag. 90. v. 16
Febris continens à bile meracissima. pag. 77. v. 7
Febris non quacunque conuulsionem sanat. p. 91. v. 10
Febris superueniens dolori hypochondriorum an bona. pag. 106. v. 1
Febris quomodo conuulsioni medeatur. pag. 91. v. 27
Fætum in utero alimentum sugere, quomodo sciatur. pag. 10. v. 30
Fætus intra uterum quem situm habeat. pag. 336. v. 2
Fætus in primis mensibus caput sursum habet, prope exitum verò deorsum. p. 336. v. 26
Fætus in utero propria vita fruitur. pag. 18. v. 17
Fætus intra uterum caput sursum, an deorsum sit, ambiguum est. pag. 336. v. 8

Fætus

RERVM MEMORABILIVM.

<i>Fœtus per os nutritur.</i>	pag. 10. v. 25
<i>Fœtus à natura edocetur.</i>	pag. 13. v. 7.
<i>Fœtus intra uterum sursum habere caput, probatur.</i>	pag. 336. v. 16
<i>Fœtus ut efformetur, quot dies requirantur.</i>	pag. 2. v. 24
<i>Flatus producit ab usu rerum etiam calidarum.</i>	pag. 61. v. 23
<i>Flatus tum à forti, tum debili calore quomodo fiant.</i>	pag. 91. v. 19
<i>Flatus sæpè aluum obstringunt.</i>	pag. 303. v. 23
<i>Fluxio alui quamam mala in causo.</i>	pag. 138. v. 28
<i>Fluxio alui in causo quando mala.</i>	pag. 139. v. 3
<i>Frigescentia aluum citare, experimentis probatur.</i>	pag. 302. v. 22
<i>Frigescentia aluum siccant ex Hippocrate, & cur.</i>	pag. 303. v. 3
<i>Frigescentia aluum citant, & cur.</i>	pag. 302. v. 5
<i>Frigida externa per antiparistasin aluum siccant.</i>	pag. 303. v. 19
<i>Frigida aqua ieiuno ventriculo hausta aluum ciet.</i>	pag. 302. v. 10
<i>Frigida quibus partibus inimica.</i>	pag. 220. v. 2
<i>Frigida sedi, pudendo, utero, vesicæ inimica.</i>	pag. 220. v. 4
<i>Frigide poculum cur singulo manè quidam hauriant.</i>	pag. 302. v. 12
<i>Frigidissimos clysteres in ardente Hippocrates inbet.</i>	pag. 221. v. 25
<i>Frigidis per congelationem aluum siccari, quomodo intelligendum.</i>	pag. 304. v. 5
<i>Frigiditatis quæ sint indicia.</i>	pag. 34. v. 7
<i>Frigidum quando sit nervosis partibus inimicum.</i>	pag. 223. v. 4
<i>Frigidum fixum partium calorem extinguir, unde conuulso, & necrosis in illis inducitur.</i>	pag. 177. v. 19

G

G enerationis opus naturalissimum appellatur Aëtius.	pag. 319. v. 22
<i>Generationis opus diuinum dicitur Platoni.</i>	pag. 319. v. 23
<i>Gemitura sex dierum conspicua configuratione habuit.</i>	pag. 6. v. 4
<i>Gurgulio articulata vocis est instrumentum.</i>	pag. 224. v. 3
<i>Gurgulio cuidam adeo intumuit, ut ad anteriores usque dentes protenderetur.</i>	pag. 224. v. 26
<i>Gurgulionem tumentem, seu inflammatum an secare liceat.</i>	pag. 223. v. 22
<i>Gurgulionem secare licet, & cur.</i>	pag. 224. v. 19
<i>Gurgulionem quando secare liceat, & quando non.</i>	pag. 225. v. 3
<i>Gurguliones rubicundos, & magnos secare, & scarificare periculosum est, & cur.</i>	pag. 223. v. 26

Gur-

I N D E X.

Gurgulionis sectionem Galenus admittit, cum cauda muris instar elongatus ille fuerit. pag. 224. v. 29

H

- H** *Aemorrhoides an tuto sanari possint.* pag. 129. v. 18
Hæmorrhoides fistulosas haud tutum omnino compefcere. pag. 131. v. 31
Hæmorrhoides quibus morbis medeantur. pag. 130. v. 11
Hæmorrhoides quando sanande. pag. 132. v. 9
Hæmorrhoides cacochimie notæ. pag. 129. v. 26
Hæmorrhoides omnes tuto sanari quomodo possint. pag. 131. v. 17
Hippocrates ab Artaxerfe accersitus opes renuit oblatas. pag. 332. v. 31
Hippocrates corruptorium possum mulieri non dedit. pag. 322. v. 14
Hippocrates abortioni studuit antequam iusurandum efficeret. pag. 322. v. 17
Hippocrates excusatur. pag. 321. v. 19
Hippocrates sex tantum dierum genituram excludi, curauit. pag. 322. v. 29
Hippocrates se stimulis petulantia agi, sed rationis lumine cupidinum flammæ extinguere passus est. pag. 322. v. 4
Hippocrates non genio, sed solo rationis dictato à vitijs abhorrebat. pag. 321. v. 36
Hippocrates libidinem, ad quam genialiter pronus erat, continentia infranabat. pag. 321. v. 38
Hippocratis non est genuinus liber de natura pueri. pag. 322. v. 9
Hippocratis locus diuerso à cõmuni lectione modo apud Vallesum lectus. pag. 296. v. 26
Hippocratis locus de somno emendatur ex Fæso. pag. 296. v. 19
Hippostrati uxoris quartana laborantis historia. pag. 192. v. 8
Hominis inest alia dicere, alia facere ex Hippocrate. pag. 321. v. 1
Horror à sanguine frigefacto procedit. pag. 85. v. 29
Hybernum tempus sex mensum constituit Hippocrates. pag. 312. v. 11
Hydropis quod vinum conducatur. pag. 273. v. 12
Hydropi à colligatione alimentum crassum confert: itemq; vinum nigrum, austerum, & crassissimum. pag. 275. v. 1
Hydropi an conducatur, ventrem impleri aqua. pag. 115. v. 1
Hydropis deploranda calamitas. pag. 274. v. 18
Hydro-

RERV M MEMORABILIVM.

<i>Hydropico quid faciendum ex Hippocrate.</i>	pag. 273. v. 6
<i>Hydrops à colliquatione calori colliquanti magis con-</i> <i>fulendum poscit, quàm hydronosa congeriei.</i>	pag. 275. v. 9
<i>Hydrops tam artis, quàm natura opera facit irrita.</i>	pag. 116. v. 27
<i>Hyeme cibus tenuior assumendus.</i>	pag. 235. v. 6
<i>Hyeme cibus maior assumi debet.</i>	pag. 236. v. 8
<i>Hyeme, an æstate plenior cibus assumi debeat.</i>	pag. 235. v. 2
<i>Hyems quomodo capiti, & ventri utilis.</i>	pag. 88. v. 25
<i>Hypochondriaci borea spirante, cur tam agrè deiciant.</i>	pag. 303. v. 35
<i>Hypochondrij optimi signa.</i>	pag. 106. v. 23
<i>Hypochondriorum phlogosis semper calamitosa.</i>	pag. 106. v. 16
<i>Hypochondriorum tactus in febribus acutis necessa-</i> <i>rius.</i>	pag. 107. v. 6
<i>Hypochondriorum dolor ab inflammatione, & phlogosi</i> <i>malus.</i>	pag. 107. v. 17
<i>Hypostasis rubra albam cur precedat.</i>	pag. 140. v. 26
<i>Hypostasis rubra, an alba in urina crissim prænunciet</i> <i>in febre.</i>	pag. 140. v. 11
<i>Hypostasis rubra quomodo laudabilis.</i>	pag. 141. v. 17
<i>Hypostasis alba securior, meliorque rubra.</i>	pag. 141. v. 19

I

I <i>Acobi Costerij stipendium à Ludouico XI. Gallie</i> <i>Rege acceptum.</i>	pag. 334. v. 26
<i>Ictericus sunt melancholici.</i>	pag. 61. v. 8
<i>Ictericus non sunt purgandi.</i>	pag. 198. v. 4
<i>Ictericus stiptica aluo cur sint.</i>	pag. 61. v. 12
<i>Ictericus quando purgari debeant, & quando non præ-</i> <i>scribitur.</i>	pag. 199. v. 12
<i>Ictericus an sint flatuosi.</i>	pag. 60. v. 1
<i>Ictericus plerunque hypochondriaci.</i>	pag. 61. v. 6
<i>Ictericus purgari debent.</i>	pag. 197. v. 4
<i>Ictericus cur non debeant purgari.</i>	pag. 198. v. 10
<i>Ictericus num purgatio conueniat.</i>	pag. 197. v. 1
<i>Icterus ante septimam cum alui excretionem bonus.</i>	pag. 112. v. 25
<i>Icterus ante septimam quando salubris.</i>	pag. 109. v. 32
<i>Icterus ante septimam an semper perniciosus.</i>	pag. 108. v. 3
<i>Icterus criticus ante septimam non potest apparere.</i>	p. 113. v. 25
<i>Icterus, præuio rigore, bonus.</i>	pag. 113. v. 3
	Icte.

I N D E X

<i>Icterus legitimus fit citra viscerum obstructionem .</i>	pag. 63. v. 29
<i>Icterus in septima absolute , ante septimam quodam modo bonus .</i>	pag. 114. v. 2
<i>Ignis nomine quid intelligat Hippocrates .</i>	pag. 90. v. 24
<i>Imbrium assiduorum noxa .</i>	pag. 314. v. 6
<i>Inedia vacuum replere potest .</i>	pag. 323. v. 25
<i>Inedia inhibet sanguinis affluxum ad partem vulneratam .</i>	p. 323. v. 12
<i>Inflammata pars nunquam vrenda , incidenda , aut secanda .</i>	pag. 224. v. 1
<i>Intellectus operatio à sensibus pendet .</i>	pag. 19. v. 34
<i>Interpres , & internuncius quid differant .</i>	pag. 23. v. 19
<i>Ira quid .</i>	pag. 25. v. 35
<i>Iracundia duplex est .</i>	pag. 38. v. 16
<i>Iracundia quæ sit causa .</i>	pag. 38. v. 5
<i>Iuvenes eo ducuntur , quò animus rapit .</i>	pag. 80. v. 19

L

L <i>Ac à mammis perficitur .</i>	pag. 17. v. 32
<i>Lac assumentis quid faciendum ex Auicenna .</i>	pag. 289. v. 23
<i>Lac quando biliosis excretionibus , & flatulentis visceribus conueniat , & quando non .</i>	pag. 204. v. 27
<i>Lac in cholera iubetur .</i>	pag. 204. v. 5
<i>Lac ob nullam sui substantiam febribus conuenire , præclaræ rationes .</i>	pag. 205. v. 20
<i>Lac inutile esse febricitantibus , dicitur .</i>	pag. 205. v. 20
<i>Lac à mammis ad uterum per quas vias demandetur .</i>	pag. 16. v. 20
<i>Lac biliosis excretionibus , & flatulentis visceribus , minime prodest .</i>	pag. 203. v. 4
<i>Lac fœtus per umbilicum subministratur .</i>	pag. 17. v. 9
<i>Lac quomodo in febribus sit exhibendum , Hippocrates docet .</i>	pag. 207. v. 34
<i>Lac ut alimentum vinum respuit , ut medicamentum admittit , & cur .</i>	pag. 290. v. 27
<i>Lac quando in febribus est dandum , coctum propinari debet .</i>	pag. 209. v. 3
<i>Lac biliosis excretionibus , & flatulentis visceribus an conueniat .</i>	pag. 203. v. 1
<i>Lac</i>	

RERVM MEMORABILIVM.

Lac vino, praesertim nigro, & austero permixtum Hip- pocrates offert.	pag. 290. v. 1
Lac à vino acorem accipit.	pag. 289. v. 20
Lac in pueris, & non in puellabus cur lapidosum.	pag. 72. v. 13
Lac ab utero ad mammas, & e contra.	pag. 15. v. 7
Lac dupliciter generationem habet.	pag. 17. v. 22
Lac cur in mulieribus conficiatur, non autem in viris.	pag. 15. v. 11
Lac febricitantibus an conferat.	pag. 205. v. 8
Lac febribus conuenire, Hippocrates dicit.	pag. 206. v. 24
Lac quomodo in mulieribus producat.	pag. 14. v. 15
Lac ex necessitate.	pag. 15. v. 16
Lac in quo causo conueniat.	pag. 208. v. 38
Lacidis Philosophi dictum.	pag. 320. v. 34
Lacte ad uterum delato foetus nutritur.	pag. 16. v. 30
Lacte assumpto plerique vino renunciant.	pag. 289. v. 27
Lactis dysentericis offerendo cur vinum rubrum, vel ni- grum remisceatur.	pag. 290. v. 32
Lactis vino permixti usus apud veteres frequens.	pag. 290. v. 8
Lactis asina uberrimus haustus colliquationem, qua fit in febribus, soluere potest.	pag. 207. v. 10
Lactis observatio Auctoris affertur.	pag. 195. v. 11
Lactis nomine quid intelligatur.	pag. 15. v. 30
Lactis cum vino miscela cur non omnino improbanda.	pag. 290. v. 15
Lapis ex bile etiam coaceruatur.	pag. 282. v. 32
Lapis intra hominem à calore coalescit.	pag. 282. v. 15
Lapis in vesica qua in aetate facilius generetur.	pag. 70. v. 15
Lapis pueris in vesica semper generatur.	pag. 4. v. 19
Lapis in pueris unde generetur.	pag. 40. v. 4
Lapis in pueris generatur ob lactis, & nutricis vitium.	pag. 71. v. 12
Lens neq; aluum sistit, neq; ciet ex Hippocrate.	pag. 305. v. 4
Lens aluum astringit, & mouet, sed diuerso modo sumpta.	pag. 305. v. 10
Lente neq; aluum sisti, neque moueri, cur dicat Hip- pocrates.	pag. 306. v. 3
Lenti vim deiectionis, & emeticam tribuit Hipp.	pag. 305. v. 10
Lepra cur à pituita fiat.	pag. 330. v. 23
Lepra, & impetigines à pituita fiunt.	pag. 330. v. 20
Lepra apud Celsum impetigo dicitur.	pag. 331. v. 9
Lepra cur ab atrabile fieri dicatur.	pag. 331. v. 9
Lepra à quo humore producat, Nicolai Rorarij expli- catio confutatur.	pag. 331. v. 25

Z

Le-

I N D E X

<i>Lepra à pituita oriri potest, quatenus atrabilis qualitates emulsi potest.</i>	pag. 331. v. 29
<i>Lepra, & impetigo aequè à pituita, atrabile, & alijs humoribus manare possunt.</i>	pag. 332. v. 8
<i>Lepra non nisi secundum intensiorem, & squammositatem differt à scabie.</i>	pag. 331. v. 10
<i>Lepra, & impetigines fiant ne à pituita, an à bile.</i>	pag. 330. v. 15
<i>Lepra, & impetigines fiunt ex morbis ab atrabile factis</i>	pag. 331. v. 5
<i>Lepram ab atrabile ortum ducere, Auicennae auctoritas.</i>	pag. 331. v. 7
<i>Lepram fieri ab atrabile, & ex morbis ab atrabile factis, non est idem.</i>	pag. 332. v. 2
<i>Lepram etiam ab aqua hydropicorum produci posse, ostenditur.</i>	pag. 332. v. 17
<i>Letale apud Hippocratem non desperatam salutem, sed graue tantummodo periculum significat.</i>	pag. 327. v. 6
<i>Leuca fiunt ex letalissimis morbis.</i>	pag. 331. v. 4
<i>Lien morbosissimus natura.</i>	pag. 121. v. 17
<i>Lienem sublimem, & decliuem dignoscendi signa afferuntur, & horum cui vomitus, & cui purgatio conueniat adscribitur.</i>	pag. 196. v. 9
<i>Lienosis purgari debent per inferiora.</i>	pag. 194. v. 22
<i>Lienosis cur vomitus proficit.</i>	pag. 194. v. 8
<i>Lienosis quibus lac conueniat, & quibus non.</i>	pag. 194. v. 13
<i>Lienosis an vomitus utilis.</i>	pag. 194. v. 1
<i>Lienosis vomitus praescribitur.</i>	pag. 194. v. 3
<i>Lienosos purgandi ratio</i>	pag. 121. v. 20
<i>Lienosos duplici modo intelligit Hippocrate.</i>	pag. 194. v. 56
<i>Lienosos purgandos esse per inferna, Vallesii auctoritas.</i>	pag. 195. v. 8
<i>Lotij cum merae bilis portione emissi historia.</i>	pag. 283. v. 1
<i>Luna lucem mutuatur à sole.</i>	pag. 23. v. 34
<i>Lux orco, tenebrae Ioui. Lux Ioui, tenebrae orco, Hippocratis aenigma explicatur.</i>	pag. 292. v. 6

M

M <i>Econium quid.</i>	pag. 13. v. 10
<i>Medici aulici ultra medicinae dogmata aliarum quoque scientiarum specimen exhibere debent.</i>	pag. 329. v. 34
<i>Medici de alienis rebus fabulantes proprii muneris obliuiscuntur.</i>	pag. 328. v. 19

Me.

RERVM MEMORABILIVM.

<i>Medici agrotis gratificari debent verbis, silentio, mendacio, & veritate.</i>	pag. 329. v. 37
<i>Medici auaritia curaciones negligere facit.</i>	pag. 333. v. 6
<i>Medici error in nephritide.</i>	pag. 65. v. 13
<i>Medici officium est medicamenta prescribere, non componere, aut propinare.</i>	pag. 319. v. 2
<i>Medici doctiores censentur, qui facundiores, & prolixiores sunt in consultationibus.</i>	pag. 329. v. 15
<i>Medici insalutis est morbum morbo curare.</i>	pag. 90. v. 19
<i>Medici vilia circa agros munia obeuntes arguuntur.</i>	pag. 318. v. 25
<i>Medici finis est unica agrotantis salus.</i>	pag. 335. v. 24
<i>Medicinae immatura nil in morbis perniciosus.</i>	pag. 53. v. 16
<i>Medicinae beneficium nulla potest exaequari mercede.</i>	pag. 334. v. 7
<i>Medicina quaedam functiones seruis destinate fuerunt ex Platone.</i>	pag. 319. v. 5
<i>Medicinam cognoscere non potest, qui non nouit, quid sit homo.</i>	pag. 46. v. 10
<i>Medicis breuiloquis minus fidei praestant imperiti.</i>	pag. 329. v. 5
<i>Medico bene curanti, quae scitu sunt necessaria.</i>	pag. 144. v. 1
<i>Medico licet vulgi gratia dissertationem facere.</i>	pag. 328. v. 26
<i>Medico an liceat suae artis ostentationem facere.</i>	pag. 327. v. 10
<i>Medico quando sint immutanda remedia.</i>	pag. 144. v. 26
<i>Medicos dedecet confabulationes rerum inutilium, non verò dissertationes eorum, quae ad scientiam propagandam attinent.</i>	pag. 329. v. 21
<i>Medicum quae scire oporteat.</i>	pag. 143. v. 17
<i>Medicus Magni Megari quod Stipendium annuatim acceperit.</i>	pag. 334. v. 28
<i>Medicus plus quiete, quam opere interdum proficit.</i>	pag. 53. v. 14
<i>Medicus argenti contemptor esse debet.</i>	pag. 332. v. 29
<i>Medicus facile curat eum, quem saepius curauit.</i>	pag. 46. v. 19
<i>Medicus plurimum alloquens dociliorem, & obtemperatorem reddit agrotum.</i>	pag. 329. v. 8
<i>Medicus loqui plurimum debet, cum alterum quempiam plurimum loquentem, ac discurrentem audit.</i>	pag. 328. v. 36
<i>Medicus cum hominibus plebeis associari non debet.</i>	pag. 327. v. 24
<i>Medicus non debet cum imperitis multa fabulari.</i>	pag. 327. v. 18
<i>Medicus an cum aegrotante de mercede pacisci debeat.</i>	pag. 332. v. 23
<i>Medicus à mercede debet incipere, & cur.</i>	pag. 333. v. 33

I N D E X

<i>Medicus debet aurum manibus accipere, sed animo con-</i> <i>temnere.</i>	pag. 335. v. 15
<i>Medicus Natura minister, ac vite sospitator existit.</i>	pag. 319. v. 25
<i>Medicus eatenus magnificum honorarium exoptare de-</i> <i>bet, quatenus suam auget existimationem.</i>	pag. 335. v. 17
<i>Melancholia signa.</i>	pag. 76. v. 23
<i>Melancholici semper statulenti.</i>	pag. 61. v. 9
<i>Melancholici difficile vomunt, & cur.</i>	pag. 191. v. 11
<i>Melancholici cur aliquando sint per superiora, & cur</i> <i>aliquando per inferiora purgandi.</i>	pag. 192. v. 12
<i>Melancholici per vomitum, an per secessum purgari</i> <i>debeant.</i>	pag. 191. v. 1
<i>Melancholicorum in curatione cotrouersa redditur plana.</i>	pag. 192. v. 15
<i>Melancholicorum curationi occurrens difficultas expla-</i> <i>natur.</i>	pag. 192. v. 15
<i>Melancholicos per inferna purgandos esse, adducitur.</i>	pag. 191. v. 3
<i>Melancholicos, & atrabiles morbos magna pituita</i> <i>colluies comitatur.</i>	pag. 332. v. 2
<i>Mens improprie precordium dicitur.</i>	pag. 20. v. 9
<i>Mens existit in cerebro tanquam in speculo.</i>	pag. 22. v. 14
<i>Mens in corde radicaliter inest.</i>	pag. 22. v. 23
<i>Mens humana in cerebro residet.</i>	pag. 18. v. 34
<i>Mens in sinistro cordis ventriculo.</i>	pag. 20. v. 26
<i>Menses post sex menses suppressi ut plurimum curan-</i> <i>tur.</i>	pag. 134. v. 10
<i>Mensum suppressio post sex menses quando curabilis.</i>	pag. 134. v. 27
<i>Menstrua purgatio intercepta post sex menses an sit</i> <i>curabilis.</i>	pag. 132. v. 14
<i>Menstrua purgatio cur post sex menses incurabilis.</i>	p. 132. v. 23
<i>Mercedem quando debeat petere Medicus.</i>	pag. 335. v. 2
<i>Mercurialis error de mensum suppressione.</i>	pag. 135. v. 10
<i>Metopium quid sit.</i>	pag. 147. v. 14
<i>Morbi facti magis, quam fientis in inflammationibus</i> <i>ratio habenda.</i>	pag. 161. v. 18
<i>Morbi ab influxu pendentes reuellendo fluxionem cu-</i> <i>rantur.</i>	pag. 160. v. 30
<i>Morbi omnes ab aere.</i>	pag. 85. v. 2
<i>Morbi quomodo a dieta fieri dicantur.</i>	pag. 86. v. 24
<i>Morbi cognitio an sit ad curationem necessaria.</i>	pag. 50. v. 13
<i>Morbi omnes suis temporibus efflorescunt.</i>	pag. 76. v. 14
<i>Morbi</i>	

RERVM MEMORABILIVM.

Morbi causa precipua aer, & victus ratio.	pag. 84. v. 7
Morbi diuturni solutio quomodo potissimum fiat.	pag. 92. v. 16
Morbi diuturni signa.	pag. 92. v. 14
Morbis extremis an extrema remedia conueniant.	pag. 148. v. 1
Morbis isdem non semper idem remedium confert.	pag. 283. v. 31
Morbis obnoxij reddimur cum naturali dyscrasia, tum vitiosa diata.	pag. 71. v. 31
Morbo ignoto pharmacum catholicum prescribendum.	pag. 54. v. 30
Morbo debili, aut forti debilia, an fortia medicamenta conueniant.	pag. 150. v. 19
Morbo debili medicamentum forte, & forti morbo debile medicamentum quando adhibendum.	pag. 152. v. 9
Morbo ignorato, quid agendum.	pag. 52. v. 23
Morborum omnium causa saltem mediata est aer.	pag. 86. v. 30
Morborum obscurorum incerta remedia.	pag. 147. v. 9
Morborum principio nihil ad salutem apparet.	pag. 139. v. 7
Morbus quid sit.	pag. 46. v. 15
Morbus, quod medicamento non cedat, natura fit imbecillitate.	pag. 145. v. 15
Morbus maxime iugulat, quibus est preter naturam.	pag. 75. v. 26
Motu corpora turbari, nauigatio indicat.	pag. 169. v. 26
Mulier magis calida, quam vir.	pag. 34. v. 35
Mulier calidior est, quam vir caliditate ascititia.	pag. 36. v. 22
Mulier magis sanguine abundat, quam vir.	pag. 35. v. 2
Mulier ambidextra non producitur.	pag. 34. v. 3
Mulier frigida est, & humida.	pag. 33. v. 35
Mulieres unde imberbes.	pag. 35. v. 6
Mulieribus magna vis inest ad frangendas incorruptas mentes.	pag. 321. v. 9
Mustum urinam cur moueat ex Dioscoride.	pag. 280. v. 25

N

Natura apud Hippocratem quid significet.	pag. 30. v. 3
Natura sine doctore magistra.	pag. 12. v. 31.
Natura aegre fert, suos partus ad interuentionem deduci.	pag. 320. v. 9
Natura in mediocribus posita.	pag. 14. v. 8
Natura omnibus subuenit.	pag. 13. v. 5

Z 3

Na-

I N D E X

Natura procliuitas, & inclinatio unde.	pag. 157. v. 21
Natura cognitio ad bene curandū necessariū requiritur.	pag. 45. v. 35
Natura humana cognitio non est Medico necessaria generice loquendo.	pag. 47. v. 34
Nephriticus dolor quando grauis.	pag. 65. v. 1
Nephritidi an utilis vomitus aruginosus.	pag. 125. v. 1
Nervus dissectus coalescere non potest.	pag. 326. v. 1
Numeri imparis vis maxima in morbis.	pag. 109. v. 13
Nutritio precipua in fœtu à sanguine fit per umbilicum.	pag. 14. v. 5
Nutritio fit ex ijs, ex quibus fit compositio.	pag. 28. v. 2

O

O bstetrices statim quā exit infans, umbilicū ligant.	pag. 11. v. 37
Oculi audacia delirium portendit.	pag. 185. v. 20
Oculum serocem, & clausum qui habent, medicamentis purgare non oportet.	pag. 185. v. 2
Oculus clausus quid sit.	pag. 185. v. 4
Oculorum affectionibus cur potius phlebotomia, quàm purgatio conueniat.	pag. 185. v. 31
Oculorum affectionibus purgatio potius, quàm phlebotomia est prescribenda.	pag. 185. v. 29
Ophtalmia laborantem alui fluxu corripere, bonum.	pag. 184. v. 10
Ophtalmie an pharmacum conueniat,	pag. 184. v. 2
Ophtalmie quando purgatio, & quando phlebotomia conueniat.	pag. 186. v. 24
Ophtalmie cur purgatio conueniat, & quā	pag. 184. v. 21
Ophtalmie quid conueniat, prescribitur.	pag. 184. v. 4
Oxiregmia unde fiat.	pag. 104. v. 9

P

P artes, & viscera in fœtu simul, & semel coalescunt.	pag. 10. v. 3
Peripneumonia fit à pituita ex Hippocrate.	pag. 315. v. 4
Peripneumonia à pleuritide tutior ut intelligatur.	pag. 95. v. 6
Peripneumonia per congestionem fit plerumquā sanguine bilioso, per affluxum à pituita.	pag. 316. v. 6
Peripneumonia fit potissimum à sanguine ex Hippocrate; ex pituita, ac bile.	pag. 315. v. 16

Pe-

RERVM MEMORABILIVM.

<i>Peripneumonia causa antecedens est pituita, coniuncta sanguis.</i>	pag. 315. v. 29
<i>Peripneumonia causa.</i>	pag. 102. v. 9
<i>Peripneumonia sputum tenue sit, an crassum.</i>	pag. 102. v. 1
<i>Peripneumonia sputum primis diebus fluentis materia est soboles.</i>	pag. 102. v. 21
<i>Pleuritidis damna à medicamento potione.</i>	pag. 96. v. 26
<i>Pleuritis sanguinis missionem prohibet.</i>	pag. 224. v. 5
<i>Pleuritis cum conuulsione non grauis.</i>	pag. 99. v. 6
<i>Pocula pulmones mades faciunt.</i>	pag. 43. v. 15
<i>Poculum πνικτῆρος apud antiquos quibus rebus constaret.</i>	pag. 281. v. 4
<i>Potus ad pulmonem non destillat.</i>	pag. 42. v. 10
<i>Pueri amplas, & patentes habent venas.</i>	pag. 40. v. 7
<i>Pueri cur calidissimi.</i>	pag. 88. v. 7
<i>Pueri angustas, & exiles habent venas.</i>	pag. 39. v. 9
<i>Puerpera quadam dimidium cyathum lactis eminxit.</i>	pag. 15. v. 38
<i>Pulmones propter quid à natura producti.</i>	pag. 25. v. 31
<i>Purgandi ratio à corporis constitutione.</i>	pag. 157. v. 8
<i>Purgantibus à phar macis cur Nili aquam exhibeant Aegyptij.</i>	pag. 298. v. 6
<i>Purgare an liceat vsque ad animi deliquium.</i>	pag. 154. v. 1
<i>Purgatio per superiora quibus conueniat.</i>	pag. 167. v. 6
<i>Purgatio quando conueniat.</i>	pag. 166. v. 15
<i>Purgatio in hyeme per vomitum, an per secessum celebranda.</i>	pag. 167. v. 2
<i>Purgatio cur plurimum per inferiora celebretur.</i>	pag. 157. v. 21
<i>Purgatio per loca, ad quae tendit natura, an facienda.</i>	pag. 157. v. 1
<i>Purgatio totius materiae peccantis periculosa.</i>	pag. 53. v. 17
<i>Purgationis, & phlebotomia aqua existente necessitate, à phlebotomia auspicandum.</i>	pag. 164. v. 6
<i>Purgationis tempus opportunum quodnam sit, in morbis praesertim acutis.</i>	pag. 161. v. 19
<i>Purgatiunculis turbanda non est natura in febre continenti.</i>	pag. 310. v. 17
<i>Pus quibus vijs deferatur è pectore ad vias vrinae.</i>	pag. 100. v. 32

Q

- Q**uartana ut curetur, qua die purgandum. pag. 211. v. 14
 Quartana à quo producatur humore. pag. 76. v. 4
 Quartana in bimestri etiam puero aliquan-
 do exoritur. pag. 79. v. 4
 Quartana saltem partialiter à pituita. pag. 79. v. 8
 Quartana defunctis solet sepe scabies superuenire. pag. 332. v. 5
 Quartana laborantes per superiora sunt purgandi ex
 Hippocrate. pag. 191. v. 20
 Quartana in accessionibus purgans non conuenit. pag. 211. v. 16
 Quartana in accessionibus purgans pharmacum per su-
 perna est praescribendum. pag. 212. v. 13
 Quartana quando purgans conueniat. pag. 211. v. 14
 Quartana in accessionibus cur vomitus praescribendus. pag. 213. v. 10
 Quartana à quinque, & viginti annis usque ad qua-
 draginta maxime fiunt. pag. 76. v. 5
 Quartana ptyelismus comes inseparabilis. pag. 79. v. 10

R

- R**aritas corporis utilis ad sanitatem: contra den-
 sitas. pag. 82. v. 10
 Raritas caloris soboles. pag. 35. v. 16
 Remedia, quod non prosint, morbi vitio accidunt. pag. 144. v. 35
 Remedia extrema, & extrema curatio non idem. pag. 149. v. 25
 Remedia cur insuauia. pag. 145. v. 10
 Remedia cur immutanda. pag. 145. v. 31
 Remedia extrema non ad vires, sed ad morbum refe-
 renda. pag. 149. v. 7
 Remedij pertinacia pertinax & morbus debellatur. pag. 143. v. 4
 Remedij temerarij morbos graues interdum curatos,
 complures historiae referuntur. pag. 146. v. 2
 Remediorum immutatio in morbis an conueniat. pag. 142. v. 17
 Remediorum immutatio in morbis obscuris. pag. 145. v. 20
 Remedium ni aequualeat morbo, in morbum degene-
 rat. pag. 155. v. 23
 Remedium in morbis longis non statim damnandum,
 si non statim proficit. pag. 143. v. 7
 Renum

RERVM MEMORABILIVM.

<i>Renum dolor grauis fit , an acutus.</i>	<i>pag.64. v. 8</i>
<i>Repentina mutationes male sunt.</i>	<i>pag.17. v.13</i>
<i>Reuulso per locos maxime distantes facienda .</i>	<i>pag.174.v.25</i>
<i>Rigor unde fiat.</i>	<i>pag.92. v.21</i>
<i>Rigores aestate cur infestent magis.</i>	<i>pag.74. v. 5</i>
<i>Rigores in sexta die mali.</i>	<i>pag.113.v.15</i>
<i>Ructus non semper à cruditate .</i>	<i>pag.62. v.20</i>

S

S <i>Abulum in urina manifestum lapidis vesicae argu- mentum.</i>	<i>pag.128.v.24</i>
<i>Sal abstergit , comprimit , irriat, & humectat.</i>	<i>pag.197.v.20</i>
<i>Sal fossile sarmaticum aluum deiecit.</i>	<i>pag.298.v.14</i>
<i>Sal liquat ventriculi , & intestinorum humiditates.</i>	<i>pag.297.v.29</i>
<i>Sal cur putredinem arceat à carnibus.</i>	<i>pag.297.v.30</i>
<i>Salis unum granum est validum suppositorium.</i>	<i>pag.297.v.27</i>
<i>Salis in chymis , & balanis cur frequens usus.</i>	<i>pag.297.v.26</i>
<i>Salita aluum astringunt ex Hipp. & cur.</i>	<i>pag.298.v.18</i>
<i>Salita aluum mouere, experimentis probatur.</i>	<i>pag.298.v. 1</i>
<i>Salita aluum mouent ex Hipp. & cur.</i>	<i>pag.297.v. 4</i>
<i>Salitum iusculum post catharticas poriones exhibet Val- leriola contra receptum usum.</i>	<i>pag.298.v. 2</i>
<i>Salomon voluptatibus fuit deditus.</i>	<i>pag.321. v.31</i>
<i>Salomonis dictam</i>	<i>pag.321.v.13</i>
<i>Salsa post longum usum pituitosos etiam ventres siccant.</i>	<i>pag.301.v. 9</i>
<i>Salsa ventres calidos siccant; pituitosos, ac molles la- xant.</i>	<i>pag.300.v.36</i>
<i>Salsa per se aluum siccant , per accidens aliquando laxant ex Septalo.</i>	<i>pag.300.v.14</i>
<i>Salsæ aquæ quando siccant , & quando laxent aluum ex Baccio.</i>	<i>pag.300.v. 3</i>
<i>Salsæ aquæ aluum laxant , at longo usu astringunt ex Rhase.</i>	<i>pag.299.v.20</i>
<i>Salsæ nimis aquæ astringunt aluum; subsalsæ laxant ex Rorario, qui tamen impugnatur.</i>	<i>pag.299.v.28</i>
<i>Salsæ aquæ (ut Tectucij) dysenterijs, & diarrhæis diuturnis cur mirè prosint.</i>	<i>pag.299.v. 9</i>
<i>Salsamenta cur in prima mensa apponantur.</i>	<i>pag.299.v. 7</i>
<i>Sana corpora cur non purganda .</i>	<i>pag.153.v.16</i>
	<i>San-</i>

I N D E X

<i>Sanguine nutriuntur partes carnosæ.</i>	p.27. u.39
<i>Sanguine præ ira efferuescente cor contrahitur.</i>	p.59. u.18
<i>Sanguinis nomine quid intelligat Hippocrates.</i>	p.3. u. 5
<i>Sanguinis circulatio propter quid fuerit a natura insti- tuta.</i>	p.29. u.22
<i>Sanguinis missio corpus summopere refrigerat.</i>	p.27. u.31
<i>Sanguinis missio cur ante purgationem celebranda.</i>	p.163. u.25
<i>Sanguinis missio maximè præsentaneum est auxilium in internis omnibus affectionibus.</i>	p.225. u.25
<i>Sanguinis missio usque ad animi deliquium quibus in morbis adhibenda.</i>	p.155. u. 8
<i>Sanguinis vomitus sine febre quomodo salubris.</i>	p.119. u.33
<i>Sanguis eò perfectior quò pluribus abundat fibris.</i>	p.28. u.37
<i>Sanguis è venis missus cur statim densetur.</i>	p.28. u.40
<i>Sanguis ex natura calidus.</i>	p.27. u.20
<i>Sanguis calidior bile caliditate nativa.</i>	p.33. u. 9
<i>Sanguis sinistri cordis ventriculo animalis mactati urit velut ignis.</i>	p.28. u.10
<i>Sanguis per se calidus non est.</i>	p.30. u.13
<i>Sanguis non est natura calidus.</i>	p.28. u.22. & 294.16
<i>Sanguis hæmorrhoidalis in quibus bonus.</i>	p.119. u.20
<i>Sanguis menstruus interceptus aliquando è mammis efflu- xit.</i>	p.14. u.25
<i>Scabiei causam sanguinem bili admixtum statuit Auicen- nas.</i>	p.331. u.14
<i>Scamandri historia dolore coxæ laborantis enarratur.</i>	p.219. u.23
<i>Settio, quæ fit ad calculi educationem, est omnium sectionũ crudelissima.</i>	p.319. u. 8
<i>Semen intrinsecè calidum non est.</i>	p.29. u.17
<i>Semen anima caret.</i>	p.8. u.25
<i>Senes vini avidissimi.</i>	p.81. u.13
<i>Senes cur castharosf.</i>	p.82. u. 1
<i>Senes, an iuvenes magis agrotent.</i>	p.80. u. 1
<i>Senes quomodo pueris minus agrotent.</i>	p.88. u.29
<i>Senes diuturnis morbis correpti cur moriantur.</i>	p.81. u.16
<i>Senibus congeni morbi.</i>	p.82. u. 3
<i>Senum multi cur morbofi.</i>	p.81. u.11
<i>Septima dies magnam vim in rebus omnibus habet.</i>	p.6. u.13
<i>Septimestris partus natus pro ratione natus est, & viuit.</i>	p.5. u.28
<i>Sicca in constitutione morbi fiunt pauciores, sed acutio-</i>	

res:

RERV MEMORABILIVM.

<i>res: in humida verò vice versa.</i>	p.314.u.21
<i>Sicca anni constitutionis noxa.</i>	p.313.u. 4
<i>Siccitates cur imbris assiduis salubriores.</i>	p.314.u. 3
<i>Signa quæ consideranda ad præsagium de alui fluxu.</i>	p.138.v.10
<i>Sitis in cholera, & diarrhœa à vino & conuiuio pendet à siccitate.</i>	p.277.v.17
<i>Somni definitio Pliniana.</i>	p.291.v.21
<i>Somni naturalis causa.</i>	p.291.v.14
<i>Somni longioris noxa.</i>	p.293.25. & 294.u.21
<i>Somno spiritus ad sua principia reuocantur.</i>	p.294.u.18
<i>Somno frigefaciendi vis inest.</i>	p.293.u. 3
<i>Somno cur viscera incalescant.</i>	p.291.5. & 295.18
<i>Somno carnes humectantur.</i>	p.296.u.19
<i>Somno sanguis frigitur, viscera incalescunt.</i>	p.294.u.12
<i>Somno carnes reficiuntur, & augentur.</i>	p.296.u. 5
<i>Somno detentis cur externa potentia ferientur.</i>	p.292.u. 2
<i>Somnum carnibus contingere, quomodo intelligendum ex Marinello.</i>	p.296.u.11
<i>Somnum incæniati cur difficile capiant.</i>	p.291.u.26
<i>Somnus saturum calefacit, ieiunum refrigerat.</i>	p.294.u.30
<i>Somnus à frigidis plerumq; excitatur.</i>	p.293.u.23
<i>Somnus cur facilius à cibo inuadat.</i>	p.291.u.22
<i>Somnus moderatus viscera calefacit, longior refrigerat.</i>	p.294.u.24
<i>Somnus quod delirium sedare possit.</i>	p.292.u.20
<i>Somnus longus in interna qualibet phlogosi cur prohibeatur.</i>	p.292.u.17
<i>Somnus longior cur viscera excoquat.</i>	p.293.u.30
<i>Somnus cur demulceat.</i>	p.291.u.17
<i>Somnus ab extremis partibus calorem influentem reuocat.</i>	p.291.u.35
<i>Somnus cur mortis imago.</i>	p.293.u.11
<i>Spiritus vitales in sinistro cordis ventriculo elaborantur.</i>	p.23. u. 6
<i>Spiritus animales unde habeant primam originem.</i>	p.22. u. 5
<i>Spiritus animales halitu crasso perturbantur.</i>	p.67. u. 3
<i>Splenicis an conducat lac, et serum.</i>	p.193.u. 1
<i>Splenicis lac, & serum conuenire, Hippocratis auctoritas.</i>	p.193.u.28
<i>Splenicis lac cum melle Hippocrates commendat.</i>	p.193.u.22
<i>Splenico à sanguine lac præcipitur.</i>	p.194.u.25
<i>Splenicorum in curatione quomodo intelligenda Hippocratis opinio.</i>	p.195.u.14
<i>Splenicis neq; lacte neq; sero purgandos esse, probatur.</i>	p.193.u. 4
<i>Splenis morbus à sanguine quid sit.</i>	p.194.u.28
	Spu-

I N D E X

<i>Sputum crassum non semper à coctione procedit :</i>	p.103.u.22
<i>Sternutamenti, uti etiam tussis eadem est energia :</i>	p.56. u.19
<i>Sternutamentum est parua epilepsia .</i>	p.58. u.24
<i>Sternutamentum singultui utile .</i>	p.56. u.12
<i>Sternutamentum in morbis pectoris malum .</i>	p.56. u.30
<i>Sternutamentum deorsum truat, an sursum trahat .</i>	p.53. u.24
<i>Sternutamentum intercipit oculorum fricatio .</i>	p.57. u.28
<i>Sternutamentum utrum efficacius, naturale, an artificiosum .</i>	p.56. u.22
<i>Sternutamentum criticum .</i>	p.57. u. 2
<i>Symbola quadam ex Hippocrate referuntur .</i>	p.337.u.24
<i>Symbola Hippocratis Stephanus Rodericus Castrensis explicat .</i>	p.338.u. 1
<i>Symptomata ex dorso, lumborumque dolore pessima .</i>	p.126.u. 8

T

T <i>Abes multiplicis est speciei .</i>	p.190.u.16
<i>Tabes chronica quæ sit .</i>	p.190.u.20
<i>Tabes quomodo à sanatis hamorrhoidibus contingat .</i>	p.130.u. 8
<i>Tabidi per inferiora, an per superiora sint purgandi .</i>	p.188.u. 1
<i>Tabidis purgatio per inferiora conuenit ex Hippocrate .</i>	p.188.u.18
<i>Tabidis purgatio per superiora non conuenit .</i>	p.188.u. 4
<i>Tabidis quando purgatio per inferiora, & quando per superiora conueniat, explicatur .</i>	p.189.u.31
<i>Temperamentum ab humoribus non determinatur .</i>	p.37. u. 3
<i>Tertiana in febre fas est alimentis blandis aluum subducere intercalari die .</i>	p.310.u.23
<i>Tertiana ut curetur, qua die sit exhibendum pharmacum .</i>	p.209.u.10
<i>Tertiana ut curetur, quarta die pharmacum est exhibendum .</i>	p.209.u.13
<i>Tertiana ut curetur, nona die pharmacum est prescribendum .</i>	p.210.u. 4
<i>Tertiana ut curetur, quodnam pharmacum sit proponendum quarta die, & quodnam nona .</i>	p.211.u. 3
<i>Thoracis ex vulnere non raro serum effluxit .</i>	p.44. u.17
<i>Tremor quomodo excutitur .</i>	p.92. u.22

RERVM MEMORABILIVM.

V

V Acuum quot modis possit impleri.	p.323.u.30
Valetudinarijs fortuna commoda nihil prosunt.	p.334.u.31
Valleriola reprehenditur.	p.294 u.1. & 295.u.6
Valleriole error in Hippocratem.	p.86. u. 8
Vallesij opinio de ictero ante septimam.	p.112.u. 7
Varronis dictum.	p.321.u. 5
Vena ample sunt in pueris.	p.40. u. 7
Vena puerorum prater naturam sunt ample.	p.41. u. 2
Vena angusta, & exiles sunt in pueris.	p.39. u. 9
Vena puerorum ex genuina constitutione amplitudinem non exigunt.	p.40. u.35
Vena sectio in quibus morbis principale remedium sit.	p.164.u.15
Vena sectio morbis à statu opitulatur.	p.69. u.16
Venarum ad intestina desinentium duplex ordo.	p.13. u.11
Venarum maior, quam carniū facultas attractiua.	p.117.u.13
Venas hemorrhoidales quæ exiccent.	p.131.u.14
Venter aqua plenus in hydropse cur malus.	p.115.u. 7
Ventres calidos aquæ dulces, limpidaeque ciunt.	p.300.u.36
Ventriculus quas vias habeat ad vesicam tendentes.	p.41. u.19
Ventris nomine quid intelligat Hippocrates.	p.116.u.18
Ventus, aqua, & aer num nutrire valeant.	p.227.u.16
Vermes in Embryone unde.	p.16. u.32
Vertiginosi quando per superna, vel inferna purgandi.	p.176.u. 3
Vertiginosos an conueniat purgare.	p.174.u. 1
Vertigo est parua epilepsia.	p.67. u.29
Vertigo unde fiat.	p.67. u.30
Vertigo in febre acuta unde fiat.	p.175.u.23
Vertigo à nuda, seu maligna intemperie.	p.176.u.17
Vertigo à capitis debilitate.	p.175.u.13
Vertigo immediatè à spiritu flatulento.	p.176 u.10
Vertigo pituita, & melancholie plerumque soboles.	p.175.u.22
Vertigo etiam à bile.	p.175 u. 2
Vesica discissio, ac vulneratio an sit letalis.	p.325.u.19
Vesica dissectio letalis est.	p.325.u.22
Vesica vulnus quando sit letale, & quando non.	p.326.u.30
Vesica dissectio conuulsionem insert.	p.326.u. 5
Vesica vulnera non necessario interimunt, & cur.	p.326.u.10

Vitus

<i>Victus rationē præscribens Medicus quid maximè debeat attendere ex Galeno.</i>	p.287.u. 9
<i>Vigilia nimia multum robori detrabit.</i>	p.295.u.28
<i>Vina dulcia aluum ciunt ex Hippocrate.</i>	p.276.u.19
<i>Vina omnia, aquis comparata, urinam ciunt.</i>	p.280.u.29
<i>Vina dulcia bilioſa ſticuloſa, & inſenſa.</i>	p.276.u.23. & 278.u.19
<i>Vina aſtera ad robur, & ſiccitatem commoda.</i>	p.274.u.22
<i>Vina aſtera urinam ciunt.</i>	p.280.u.35
<i>Vina melle condita quibus noxia.</i>	p.281.u.24
<i>Vina dulcia in bilioſo fluxu incommoda videntur.</i>	p.276.u.26
<i>Vini ſecundarij (acquetta nuncupati) commoda.</i>	p.278.u.11
<i>Vini generoſi utilitas.</i>	p.273.u.19
<i>Vini aquoſi incommoda.</i>	p.283.u.21
<i>Vini generoſi utilitates.</i>	p.283.u.13. & 286.u. 1
<i>Vini albi, tenuis, & aquoſi utilitas.</i>	p.273.u.13
<i>Vini nigri, ac generoſi noxia.</i>	p.273.u.16
<i>Vinum quodque nutrit; magis autem quò vinoſius, & meracius.</i>	p.285.u. 9
<i>Vinum dulce in cholera, & diarrhœa à vino, & conuiſio, ſi adſit ſiſis, conducit.</i>	p.277.u.14
<i>Vinum generoſum cur in veſſica lapidem efficiat.</i>	p.282.u.19
<i>Vinum merum largè potum hominem debilitat.</i>	p.286.u. 9
<i>Vinum merum veneri promptiores reddit homines.</i>	p.285.u.18
<i>Vinum aſterum tum album, tum nigrum in morbis peſtoris laudatum, & cur.</i>	p.271.u.26
<i>Vinum vinoſum conualeſcentibus laudat Hippocrates.</i>	p.285.u. 5
<i>Vinum nigrum, aſterum, & craſſiſſimum in hydrope laudat Hippocrates, & cur.</i>	p.274.u. 4
<i>Vinum vinoſum cur ſenibus non arrideat.</i>	p.273.u.22
<i>Vinum vinoſum, merumque viribus muniendis optimum, ſi febris abſit.</i>	p.285.u.15
<i>Vinum quò vinoſius, eò ægrius à ventriculo ſuperatur.</i>	p.273.u.21
<i>Vinum vinoſum, ſed nec multum, nec merum, imbecillis offert Hippocrates, & cur.</i>	p.288.u.24
<i>Vinum aſterum cur interdicator in thoracis morbis.</i>	p.271.u.19
<i>Vinum dulce, & mellis ſpeciem referens urinam ciet.</i>	p.280.u.15
<i>Vinum, quod vulgò razzente dicitur, ſtim validè ſedat.</i>	p.277.u.33
<i>Vinum dulce renibus, & venis aptum ex Dioſcoride.</i>	p.280.u.23
<i>Vinum dulce minùs ſeruet, ac inebriat.</i>	p.278.u.4. & 279.u.27
<i>Vinum dulce ſatietatem inducit.</i>	p.279.u.18
<i>Vinum</i>	

RERVM MEMORABILIVM.

<i>Vinum mellis speciem referens num apud Hipp. sit melle confectum.</i>	p. 281. u. 20
<i>Vinum dulce cur in cholera, & diarrhœa proffit.</i>	p. 277. u. 23
<i>Vinum dulce sputum educit ex Hippocrate.</i>	p. 271. u. 10
<i>Vinum rectè utentibus optimum, abutentibus pessimum ex Mnesitheo.</i>	p. 289. u. 1
<i>Vinum merum largè potum diapneustiam auget.</i>	p. 288. u. 14
<i>Vinum austerum ante quàm sputum liberalius prodeat, conuenit, dulce è contrà.</i>	p. 272. u. 17
<i>Vinum dulce non semper bilefcit: imò potius est pituitosũ.</i>	p. 277. u. 21
<i>Vinum aquosum ad calculosam vesicam laudat Hipp.</i>	p. 282. u. 6
<i>Vinũ merũ, qui ante extenuatus largè bibit, perit ex Arist.</i>	p. 286. u. 12
<i>Vinum austerum sæpè alui fluxus, sitimq; excitat.</i>	p. 277. u. 35
<i>Vinum generosum cur torexim Hipp. vocet, dicatq; eo famem solui.</i>	p. 285. u. 27
<i>Vinum dulce in morbis pectoris laudat Hipp.</i>	p. 271. u. 5
<i>Vinum vinosum ad calculosam vesicam laudat Hipp.</i>	p. 283. u. 5
<i>Vinum calefacit, & exiccat.</i>	p. 324. u. 19
<i>Vinũ dulce in cholera, aut biliosa diarrhœa laudat Hipp. & cur.</i>	p. 276. u. 5
<i>Vinũ dulce quomodo per urinã minùs exeat, quã albũ</i>	p. 279. 6. & 281. 4
<i>Vinum summe album cur dulce esse nequit.</i>	p. 280. u. 11
<i>Vinum austerum tabidis, ac suppuratis cur utile.</i>	p. 272. u. 12
<i>Vinum dulce, ut urinam ciat, mellis naturã referre debet.</i>	p. 281. u. 9
<i>Vinum album cuiusdam hydropi conueniat, & cui nigrum.</i>	p. 274. u. 36
<i>Vinum dulce vinoso minus calidum.</i>	p. 279. u. 27
<i>Vinum dulce magis, quàm austerum nutrit.</i>	p. 276. u. 16. & 280. 6
<i>Vinum dulce solis pituitosis aluum lubricat.</i>	p. 278. u. 14
<i>Vinum generosum, merumque, largè præsertim haustum, conualefcientibus noxium.</i>	p. 286. u. 18
<i>Vinum gracilitatem, ut aqua pinguedinem facit.</i>	p. 288. u. 7
<i>Vinum austerum magis, quàm dulce, vires, & fatiscen- tes pulmones conseruat.</i>	p. 272. u. 10
<i>Vinum merum largè potum natium calorem dissipat, & marcescere facit.</i>	p. 287. u. 27
<i>Vir calidus, & fœcus.</i>	p. 33. u. 35
<i>Vinum robur in internis inflammationibus unica salus.</i>	p. 97. u. 24
<i>Vita apud Hippocratem in qu. sensu accipitur.</i>	p. 8. u. 20
<i>Vita hominis septem dierum est.</i>	p. 4. u. 20
<i>Ulcera an sint humectanda vino.</i>	p. 324. u. 11
<i>Ulcera exiccationem non humectationem indicant.</i>	p. 324. u. 18

Vlt-

I N D E X

<i>Vlcera non nisi vino humectare oportet.</i>	p.324.u.13
<i>Vlcera hydropicorum vix, imò ne vix curantur ex Hipp.</i>	p.332.u.20
<i>Vlcera uniuersa apud Hippocrate pleraque intelligi debet.</i>	p.325.u. 8
<i>Vlcus in capite cur non debeat humectari vino, vt cetera vlcera.</i>	p.325.u.15
<i>Vlcus in capite neque vino humectari debet.</i>	p.324.u.27
<i>Vmbilicus propter quid à natura fuerit productus.</i>	p.12. u. 9
<i>Vmbilicus est via per quam alimentum fœtui fertur.</i>	p.11. u.30
<i>Voluptates, & merores à cerebro.</i>	p.19. u. 6
<i>Vomendi ratio in obesis aliam, alia in gracilibus.</i>	p.170.u. 1
<i>Vomere sapius quibus utile.</i>	p.167.u.15
<i>Vomitu ex vensriculo pituita feliciter reijcitur.</i>	p.168.u. 1
<i>Vomitum que ciant.</i>	p.169.u.15
<i>Vomitum ex elleboro inedia, & motus, an potius cibus, & quies anteire debeat.</i>	p.169.u. 2
<i>Vomitus cum alui fluxu malus.</i>	p.125.u.21
<i>Vomitus sincerus, & paucus semper malus.</i>	p.126.u.14
<i>Vomitus in nephritide cur bonus.</i>	p.125.u. 8
<i>Vomitus alui fluxum sistit ex Hippocrate, & cur.</i>	p.306.u.13
<i>Vomitus ventrem compactum soluit ex Hippocrate, & cur.</i>	p.307.u. 2
<i>Vomitus cur interdum ventrem astringat, interdū soluat.</i>	p.307.u.19
<i>Vrina, cum præ bullis conspici nequit, quid agendum.</i>	p.60. u.11
<i>Vrina arenose aptitudinem ad calculi generationē indicat.</i>	p.129.u. 2
<i>Vrina in hypochondriacis copioso tartaro refertur.</i>	p.129.u.13
<i>Vrinam non reddidit mulier quedam viginti septem die- rum spatio.</i>	p.175.u.34
<i>Vteri os distortum post sex menses non reducitur.</i>	p.134.u.27
<i>Vulnera in quibus partibus magis, aut minus letalia exi- stant.</i>	p.326.u. 8
<i>Vulnera non sunt sapius detergenda.</i>	p.87. u.18
<i>Vulnera cur calido gaudeant.</i>	p.87. u.10
<i>Vulnerari fame sunt affligendi.</i>	p.323.u.11
<i>Vulnerati vt curentur, implendum est vacuum.</i>	p.323.u.17
<i>Vulneratis summa inedia an sit præscribenda.</i>	p.323.u. 8
<i>Vulneratis febris superuenit in æstate post septimam, in hysme ante decimam quartam diem.</i>	p.88. u. 7
<i>Vulneratos fame affligere, & vacuū implere nō opponuntur.</i>	p.323.u.23
<i>Vulneribus commodum est vinum dulce.</i>	p.324.u.16
<i>Vulneris indicatio primaria que nam sit.</i>	p.89. u. 2

F I N I S.

A V-

A V C T O R

Lectori Beneuolo.

Quisquis nostra hæc Antiphona legis, compertum id habeas, quod nemo potest, lynceis licet oculis vtatur, summamque diligentiam, atque industriam adhibeat, typographorum errores euitare. Porro fortunatus ille censeri poterit, qui non quidem nulla, sed pauciora, atque minus graua in suis operibus errata referet à prælo. Quare nostrorum quoque menda librorum, quæ correctione signantur, vt æquè feras, iterum, atque iterum rogamus: sunt autem hæc præcipua, quæ sequenti pagina delineantur.

Aa

ER

ERRATA.

Errata.	Correctio.	Errata.	Correctio.
pag. 26. v. 23. culpi	culpis	pag. 222. v. 39. est	&
pag. 28. v. 11. cordis	cordis	pag. 223. v. 9. diem	dies
pag. 29. v. 5. ques	quis	pag. 225. v. 18. rubicundior	rubicundior.
pag. 32. v. 7. calidissimi	calidissimi	pag. 227. v. 4. ipiatus	initiatum.
pag. 35. v. 4. caliditate	caliditate	pag. 230. v. 31. nullum	nullam
pag. 39. v. 4. mulieribus	mulieribus	pag. 230. v. 33. tereis	terreis
pag. 67. v. 1. immediate	immediate	pag. 232. v. 9. potest	potest
pag. 69. v. 9. πλῦμα	πένυμα	pag. 237. v. 15. bradiplia	bradipeplia
pag. 69. v. 32. veuz	venæ	pag. 240. v. 11. xistit	existit
pag. 81. v. 1. egimus	egimus	pag. 240. v. 11. tenurs	tenues
pag. 81. v. 27. pusti	pueri	pag. 251. v. 20. reficere nihil	adde est
pag. 84. v. 26. alijs	alijs	pag. 252. v. 12. cacoftomacum.	cacoftomachum.
pag. 93. v. 11. ex	ex	pag. 254. v. 22. non in vno	non vno
pag. 93. v. 13. conuulfionem	conuulfionem	pag. 253. v. 24. antitheton	antitheton
pag. 94. v. 53. paraxiam	patremiam	pag. 262. v. 6. Sabina	fabinum
pag. 94. v. 54. celo	celo	pag. 269. v. 11. anaphysma	anaphysma.
pag. 97. v. 11. cathartico	cathartico	pag. 277. v. 5. cholceica	cholceica.
pag. 97. v. 11. delirauerit	delirauerit	pag. 277. v. 32. flux	fluxu
pag. 99. v. 7. diarrham	diarrham	pag. 278. v. 5. Aristoteles.	Aristoteles
pag. 99. v. 19. nam;	nam	pag. 278. v. 16. sic	sic
pag. 100. v. 34. vritus	vrinis	pag. 278. v. 18. acidet	acidet
pag. 101. v. 14. diarrhaa	diarrhaa	pag. 281. v. 29. iudicatu	iudicata
pag. 101. v. 8. febrilus	febrilus	pag. 287. v. 16. conquoqueret.	concoqueret
pag. 108. v. 12. obdurat	obdurat	pag. 287. v. 21. conquoquit	concoquit
pag. 109. v. 21. diarrhaa, perit-	diarrhaa, perit-	pag. 290. v. 17. deiretoria	deiretoria
hza	hza	pag. 293. v. 34. æreni	æres
pag. 112. v. 15. septimus.	septimus.	pag. 295. v. 1. is	his
pag. 113. v. 37. ætue	ætu	pag. 295. v. 17. abre	labore
pag. 114. v. 28. postillam	post illam	pag. 296. v. 19. effunditur.	effunditur.
pag. 115. v. 22. Nec	Nec	pag. 297. v. 28. conduntur.	conduntur.
pag. 116. v. 2. nuq	quæ	pag. 298. v. 2. catarticas.	catharticas
pag. 116. v. 3. veqas	venas	pag. 299. v. 9. diftentericas.	dysentericas
pag. 120. v. 31. Pleiadem	Pleladum	pag. 304. v. 19. ongelat	congelat
pag. 122. v. 19. effœctum	effœctum	pag. 307. v. 2. calium	alium
pag. 125. v. 5. biliis	bilis	pag. 307. v. 17. tantum	tantum
pag. 133. v. 24. superfectauit	superfectauit	pag. 307. v. 30. vomitum	vomere
pag. 134. v. 19. ἐμλῶια	ἐμλῶια	pag. 307. v. 26. exicat	exiccat
pag. 134. v. 20. contrè	contrà	pag. 310. v. 19. catarticas.	catharticas.
pag. 135. v. 32. quatuor, præter	quatuor, præter	pag. 311. v. 5. laobris	laboris
pag. 141. v. 4. iuxta rationum	iuxta rationem	pag. 311. v. 12. autumnum	autumnus
pag. 149. v. 21. velis	velit.	pag. 313. v. 20. autumnno	autumno.
pag. 154. v. 9. autem.	autem.	pag. 314. v. 3. focietates.	focitates
pag. 155. v. 16. refituti	refituti.	pag. 322. v. 15. affluxit	effluxit
pag. 157. v. 29. nclinent	inclinent	pag. 328. v. 29. λογὸς ἐδάλο	λογὸς ἐδάλον
pag. 158. v. 7. ἀνάρροπι	ἀνάρροποι	pag. 334. v. 8. eutamque.	etamque
pag. 159. v. 30. effe;	effe;	pag. 334. v. 17. clarum.	clauem.
pag. 176. v. 11. & hallucinatio	adde indicant	pag. 37. Antiphonia XI. inuenitur bis notata.	
pag. 178. v. 19. coriphæus	coryphæus	pag. 129. Antiphonia lege Antiphonia.	
pag. 218. v. 22. mulieri ac re-	mulieri ac re-	pag. 132. Antiphonia XXVIII. lege XXVII.	
moueri	moueri	pag. 223. Antiphonia XXVII. lege XXVII.	
pag. 220. v. 24. exculentis.	exculentis.	pag. 225. Antiphonia XXVII. lege XXVIII.	


RE-

REGESTVM.

a A B C D E F G H I K L M N O P Q
R S T V X Y Z.

Aa.

Omnes sunt duerniones, præter Aa, quæ
est dimidium folium.



R O M Æ,
Ex Typographia Ludouici Grignani.
Anno Iubilei MDCL.

Superiorum permissu.

REGISTER

A B C D E F G H I K L M N O P Q R S T U V W X Y Z

A B C D E F G H I K L M N O P Q R S T U V W X Y Z

A B C D E F G H I K L M N O P Q R S T U V W X Y Z


Omnes sunt distributiones, quae in hoc libro
et in distributionibus





Omnes sunt distributiones, quae in hoc libro
et in distributionibus

R O M A
Ex Typographia Ludovici Grymanii
Anno MDCCLXII

In typographia Grymanii







005644 728

